

Julia
ARTURI JONSTONI
PSALMI DAVIDICI,

CUM

ARGUMENTIS ET NOTIS,

JUXTA EDITIONEM

IN USUM

SERENISSIMI PRINCIPIS

EDITIO ALTERA.



LONDINI:

Apud W. INNYS, D. BROWNE, et PAUL. VAILLANT
BIBLIOP.

Typis *Gal. Bowyer.*

M. DCC. XLII.

1742



ARTURI JOHNSTONI
PSALMI
DAVIDICI.

I.
FELIX, consiliis qui nec seductus iniquis
Per scelus impuro cum grege carpit iter :
Nec, quibus Impietas insistit, passibus hæret ;
Nec postica tuum Sanna sedile premit !

2. Mente

ANNOTATIONES.

Hic Psalmus est generis *didactici*, quo nempe de felicitate piorum, malorum autem infelicitate docemur; et constat ex duabus partibus; *Propositione* scilicet, et *Confirmatione*. *Propositio* prioribus quinque versibus continetur, et *Confirmatio* versu ultimo.

1. *Felix*] Vox Hebraïca *Aschre*, cui respondet *felix*, tantam vim habet, ut nequeat Latine satis exprimi, nisi per circuitum; quasi dixeris, *illius sunt felicitates*, Anglicè, *His are happinesses*.

Grege] De hominibus non minus quam animalibus adhibe-

tur hoc vocabulum. Sic, *Oratorum grex*, Cic. i. *Verr.* 49. *Unum hoc vos oro, ut me in vestrum gregem recipiatis*, Ter. Eun. v. ix. 54. *Epicuri de grege porcum*, Hor. i. Ep. iv. 16.

Carpit iter] *Carpere iter* est idem quod *ambulare*. Ita Hor. 2. *Carm.* xvii. 12.

Utcunque præcedes, supremum
Carpere iter comites parati.

In hoc loco est *Metaphora* sumpta a viatoribus, et idem significat ac *degere vitam*.

Impietas] *Impietas* hîc personam induit, pro *Impius*, ex usurato Poetarum more, apud quos crebro invenire licet virtu-

2. Mente sed ætherei meditatur iussa Parentis,

Seu nox est, roseo seu micat axe dies.

3. Arboris in morem surget, felicibus auris

Quæ viret ad ripam lenè fluentis aquæ;

Cui

ANNOTATIONES.

tes, vitia, affectiones animi, et multa alia ejusmodi, hoc modo exhibita. Ita Virgilius sub personæ formâ *Famam* depingit, in loco notiore quàm ut recitatione egeat; et *Pudicitium* etiam ut personam effingit, *Ante, Pudor! quàm te violò*, *Æn.* iv. 27.

Postica Sanna] *Sanna* significat, *Derisum aliquem, gestu mimico expressum*. Quicquid post nos est, *Posticum* dicitur; cui opponitur *Anticum*, quod ante nos est. *Postica sanna* igitur est *gestus ridentis aliquem a tergo*; ut apud Persium, *Sat.* i. 62.

— *Posticæ occurrere sannæ*. Idem etiam notandum de *Sanna*, quod in priore Nota diximus de *Impietate*, quod scilicet *Sanna* personam induat, et sumenda sit pro *Sannio*. Sed insuper hîc observare est Figuram, quam vocant *Apostropben*, per quam Poeta, ad stylum suum variandum et magis animandum, *Santram* ut personam coram alloquitur. Eâdem Figurâ utitur Virgilius, *Geor.* ii. 96. Postquam plures species vitium recensuerit, unam nominatim, per *Apostropben*, hoc modo affatur:

— *Sed quo te carmine dicam,*

Rhætica!

2. *Seu nox est, roseo seu micat axe dies*] Elegans hæc est *Antithesis* et *Amplificatio* pro *assiduo*, ut apud Maronem:

Noctes atque dies patet atri
janua Ditis.

Dies hîc ponitur pro *Sole*, effectus scilicet pro causa. *Axis* sumitur pro *cursu*, pars nempe pro toto per *Synecdochen*; quod etiam observandum est de *ætbereo Parente* linea præcedente, ubi *ætber* ponitur pro toto cælo, quamvis propriè purissimi aëris in cælis regio sit; sic apud Maronem *æthere summo* et *vertice cæli*, synonyma sunt, *Æn.* i. 227, 229.

Roseo idem est ac *splendenti*, nam *rosei* et *purpurei* colores, utpote rutilantissimi, ponuntur apud veteres pro clarissimo quovis colore. Ita Virgilius, de *Venere* loquens, ait, *Rosâ ceruice refulsit*, *Æn.* i. 406. Et mare purpureum vocat, *Georg.* iv. 373. ut etiam Horatius, *Olores purpureos*, 4. *Carm.* i. 10.

3. *Arboris*, etc.] Physici observant arbores, quas vocant *aquaticas*, omnium maxime esse luxuriosas; et, inter omnes *aquaticas*, palmam excellere; quæ arbor abundabat in Judæâ: unde verisimile est palmam hîc intelligi, ad exemplum *Psal.* xcii. 12. *Gens pia florebit, victricibus æmula palmis*. Huc accedat, quod arbor, de qua hîc agitur, non perdere folia dicitur; quæ quidem qualitas optime convenit palmæ, cui decerpto fructu, folia non decidunt.

Felicibus auris] *Aura*, inter alia, ponitur pro *aere*, sive cælo aperto,

PSALMUS 6

Cui tempestivis curvantur brachia pomis,

Nullaque vernantes decutit aura comas.

Illius aspirans votis clementia Cœli

Omnia propitio fidere cœpta reget.

4. Non ita gens exlex, palææ sed solibus usæ
Instar erit, volucris quam rotat orbe Notus.
5. Judicis hæc solum fugiet, cœtumque piorum,
Ultima cum dirimet fasque nefa que Dies.
6. Nam probat astrorum Rector vestigia Justæ,
Diraque cum domino Fraus peritura suo est.

ANNOTATIONES.

aperto, ex auctoritate Virgillii, *Æn.* i. 59.

Quippe ferant rapidi secum,
verrantque per auras.

Per felicibus auris igitur intel-
lige in placido aere, vel in sere-
no climate.

Lend] *Lens* vel est adverbium,
vel potius adjectivum adverbiali-
ter sumptum; Græcorum more,
quem sæpius imitatur Virgilius.
Ut, *Æn.* vii. 394. *Torvum* cla-
mat, pro *torvè*; et *Æn.* ix. 794.
Acerba tuens, pro *acerbè*.

Cui tempestivis] *Cui* est dic-
tio elegans et poetica pro *cujus*.
Ita Virgilius de Tityo loquens,
Æn. vi. 596, ait,

— Per tota novem cui jugera
corpus

Porrigitur.

Brachia — *comas*] *Arboris*
brachia sunt rami, et *comæ* folia;
per *Metaphoram* sumptam a
corpore humano. Utriusque ex-
emplum sume ex Virg. *Geor.* ii.
368. Ubi loquitur de vitè,

— Tum *stringe* comas, tum
brachia *tende*.

Aspirans] *Aspirare* idem est
quod *assare*, et proprie dicitur
de vento secundo, quo aspirante,
navis ad portum optatum felici-
ter tendit. Quo sensu utitur
Virg. *Aspirant auræ in noctem*,
Æn. vii. 8. Inde *Metaphorice*

sumitur pro *favere*, sive *auxili-
um præbere*.

— *Adspirat primo fortuna labori*,
Æn. ii. 385.

Propitio fidece]

Propitiosque Deos in sua fata
vocat. *Claud.*

4. *Solibus usæ*] *Solibus* in
plurali numero utitur, ut maxi-
mum temporis æstivi ardorem
exprimat. Virg. *Geor.* i. 65.

— *maturis solibus æstas*.

Notus] *Notus* hic per *Synec-
dochen* ponitur pro quovis vento,
exemplo optimorum Poetarum.

— *Tendant vela Noti*, *Æn.* iii.
268.

Nam tulit iratos mobilis unda

Notos, Prop. iv. vi. 28.

6. *Astrorum Rector*] *Cœli* mo-
derator; per *Synecdochen*, ut su-
pra; nam *astra* hic ponitur pro
toto cœlo.

Vestigia] *Metaphora* hic, ut
supra in primo versu; nam *ves-
tigium* propriè significat *notam*
vel *impressionem a pede factam*,
hic autem *vite institutum*.

Fraus] *Fraus* hic nequitiam
vel scelus in genere significat.
Quo sensu occurrit etiam apud
Cicer. pro Rabir. *Capitalem*
fraudem admittere. Et contra,
fides, *justitia*, *integritas* pro
virtute in genere sumuntur.

PSALMUS II.

II.

CUR populus sine lege fremit? cur mente volutat
Non profecturas turba nefanda minas?

2. In Dominum, Regemque, caput cui tinxit olivo
Dextra Patris, bellum gens trabeata parat.

3. Eja! alacres aiunt, nodos rumpamus ahenos,
Nos quibus hi stringunt, impediuntque pedes.

4. Hac Pater æthereus superâ ridebit ab aulâ:
Accedet fannis ira, furorque comes.

5. Fræ-

ANNOTATIONES.

Hic Psalmus, ut superior, est generis didactici, cujus partes sunt tres; *Propositio* sive *Exordium*, ad versum quartum; *Narratio*, a versu quinto usque ad decimum; et *Conclusio*, inde ad finem Psalmi.

1. *Volutat*] Vox Virgilio usitatissima — *Secumque ita corde volutat*, *Æn.* iv. 533. Vid. *Æn.* vi. 185. *Æn.* x. 159. et xii. 843. Significat rem sæpius animo versare, iterum iterumque volvere, et sollicitè de ea cogitare.

2. *Cui*] Vid. Psal. i. 3. de hac loquendi formula.

Tinxit olivo] Mos erat antiquitus non minus res quam personas oleo imbuere; unde legimus Jacobum oleo perfudisse saxum, super quo dormiverat memorabili illa nocte, qua Deum per somnum viderat, *Gen.* xxviii. 18. Sed præcipuè invaluit consuetudo Reges oleo consecrandi; unde Samuel, ex ipsius Dei mandato, Davidem inunxit oleo, in symbolum inaugurationis, 1 *Sam.* xvi. 13. Qui mos ad alias gentes serpsit, et in hunc usque diem perdurat.

Gens trabeata] Elegans periphrasis pro principibus et magnatibus terræ. Servius in *Æn.* vii. tria *Trabearum* genera fuisse ostendit: unum e sola purpura, Diis consecratum; alterum e purpura non sine albo, quo Reges usi fuerunt; tertium Augurale, e purpura et cocco. *Trabea* sic dicta, quia multis fasciis, instar trabium transversis ac discurrentibus, ornaretur.

3. *Eja!*] *Eja* est exclamatio hortandi et festinandi. *Eja age! rumpe moras*, *Æn.* iv. 569. *Ferte citi ferrum, date tela, scandite muros: Hostis adest eja!* *Æn.* ix. 37.

4. *Accedet*] *Accedere* pro insuper addi, adjungi, vel augeri, duntaxat in tertiis personis usurpatur. *Illud quoque nobis accedit incommodum*. Cic. pro Quinct. iii. De *sanna* vide Notam in Psal. i. 1.

Ira, furorque comes.] Hujusmodi repetitiones verborum ejusdem fere sensûs magnam quandam vim habent in sacris his carminibus.

5. *Fræ-*

5. Frænaque dans iræ trepidos Deus obruet hostes;

His et corripiet pectora cæca modis :

6. Sacra meo Regi succo viridantis olivæ

Tempora perfundens, sceptrâ ferenda dedi :

Sceptrâ dedi Regnique decus, sanctæque Sioni

Imposui, sacris præposuique jugis.

7. Eloquar Edictum : Tu Filius es mihi, luce

Hâc ego te genui ; munera posce Patrem.

8. Hæredi tibi Regna dabo, Gente quæ subibunt.

Imperium tellus ultima quotquot habet.

ANNOTATIONES.

5. *Frænaque dans*] *Dare* fræna, dare lora, vel immittere *habenâs*, proprie de equis, quibus liber impetus et cursus permittitur. Inde *Metaphorice* transferuntur a Virgilio, (1.) Ad ignem : *Furit immissis Vulcanus habenis*, *Æn.* v. 662. (2.) Ad navem : *Classique immittit habenas*, *Æn.* vii. 1. (3.) Ad luxuriantes arborum ramos — *Palmes* — *laxis per purum immissus habenis*, *Geor.* ii. 364. Quem imitatus Poeta noster transfudit ad iram Dei contra impios.

6. *Meo Regi*] *Mæo Regi* vel regitur a verbo *dedi* (dedi meo Regi sceptrâ) vel, quod magis poeticum est, conjungitur cum *perfundens*, ad exemplum *Psal.* i.

3. *Cui tempestivis.*

Succo viridantis olivæ] *Succo viridantis olivæ* est Periphrasis pro oleo. *Olivæ* optime convenit epitheton *viridantis*, quia hæc arbor semper viret.

Sceptrâ ferenda dedi : Sceptrâ] Hæc Figura *Anaphora*, vel *Repetitio* dicitur : orationi magis animandæ inserviens, et rei in mente penitus insigendæ. Ita *Virgilius*, *Æn.* i. 3.

— Multum ille et terris —

Multa quæque et bello passus —

Sceptrâ] Pluralis pro singulari ; quo modo *Virgilius*, *Æn.* i. 60.

— *Celsâ sedet Æolus arca* —

Sceptrâ tenens —

Sioni] Urbs Hierosolyma dicta visa fuit in duas partes principales ; *Superiorem* scilicet, et *Inferiorem* ; quibus nomina indita sunt *Sion* et *Acra*, a duobus montibus, super quibus urbs sita fuit. In Monte *Sione* David extruxerat Castellum munitum et superbum, regiam quoque aulam, posterorum Regum domicilium : Inde *Sion urbs Davidis* dicta. Vid. 2 *Sam.* v. 7. Quo autem clarius pateat Lectoribus de hoc, et multis aliis locis, de quibus fit mentio in hoc opere, ad finem subjuncta est lineatio urbis Hierosolymæ.

Sanctæ] *Sionem sanctam* vocat, quia illuc a Davide translata fuerat arca, unde se præsentem exhibuit Deus *sanctissimus*. Vid. 3 *Paral.* xvi.

7. *Edictum*] *Edictum* proprie significat *Magistratus jussum*, vel *Principis decretum*.

9. Has tua vis olim sceptro ferroque potenti
 Franget, ut e vili vascula ficta luto.
10. Eja agedum ! quæ Regna tenes, quæ Jura ministras,
 Natio ! quam fas est carpere, discere viam.
11. Jussa faceffe Dei ; mens hoc lætetur honore ;
 Temperet obsequium lætitiæque timor.
12. Oscula da Nato, subitam ne colligat iram,
 Quæ tibi perniciem quantulacunque feret :

ANNOTATIONES.

9. *Sceptro ferroque*] Pro *sceptro ferreo*, per Figuram quam vocant *Hendiadyoin*, i. e. *unum per duo* : qua Figura utitur Virgilius, *Georg.* ii. 193. — Pateris libamus et auro, pro pateris aureis. *Georg.* iii. 56. Maculis insignis et albo, pro maculis albis.

10. *Eja*] Vid. Not. in ver.

3. *Eja !* alacres —

Agedum] Est hortantis Adverbium, et significat *age modo* : sumptum ex Græcis, qui *αἶψα* & *αἶψα* eodem modo utuntur.

Quæ Regna tenes, etc.] Est *Periphrasis* pro *Reges et Judices*.

Fas est] *Fas est* hîc accipi videtur eodem sensu quo apud Virgiliom, — Mihi jussa capessere *fas est*, *Æn.* i. 81. Ubi Servius ait commutationem esse negativi sensûs in affirmativum : *Fas est capessere*, pro *nefas est non capessere*. Ita hîc, *fas est carpere viam*, i. e. *debetis carpere, nefas est non carpere*.

Carpere viam] Vid. Not. in *Psal.* i. 1. *carpit iter*.

11. *Jussa faceffe*] Ita Virgilius, *Æn.* iv. 295.

Imperio læti parent, ac jussa faceffunt.

12. *Oscula da Nato*] *Oscula*

dare est *venerari* vel *solenni bonore amplecti* ; nam *osculum* erat symbolum vel signum honoris, quo subditi erga suum Regem defungi solebant. Inde legitur, 1 *Sam.* x. i. Samuel, ubi Regem Saulem oleo consecraverat, *osculo* eum salutavit. Erat etiam *signum adorationis*, ut videre est, 1 *Reg.* xix. 18. Ubi curvare genu coram Baale, eumque *osculari* conjunguntur. Jobus etiam, in celebri illo loco, ubi vindicat se a crimine idololatriæ, ad hunc ritum religiosi cultûs alludit, *Job* xxxi. 26, 27. Si, inquit, aspiciendo Solem cum splenderet, aut Lunam in fulgore suo incedentem, pellectus est in occulto animus meus, aut os meum est manus *osculatum*. Unde, *Oscula da Nato* significabit, *amplectere Natum pro tuo Rege, eumque colendum tibi proponito*.

Felicem] Supple Interjectionem *O*, quæ sæpius per *Ellipsin*, reticetur. Ut Ter. *Scitum berce hominem ! Eun.* ii. ii. 23. Stricte tamen loquendo, in ejusmodi locutionibus subauditur *prædico, sentio*, aut simile verbum.

Felicem

PSALMUS III.

Felicem nimium, quisquis securus in illo
Spem locat, et solam Numinis ambit opem!

ANNOTATIONES.

Nimium] Adverbium *nimium* non semper in malam partem fumitur, sed nonnunquam idem valet quod *magnopere* vel *supra modum*, quale exemplum habes apud Virgilium, *Georg.* ii. 458.

— *O fortunatos nimium*

— *agricolas.*

Securus] *Securus* hic ponitur, per *Enallagen*, pro *securâ*. Si-

millia occurrunt exempla apud Virg. *Æn.* viii. 465.

Nec minus Æneas se matutinus agebat,

pro manè. Juv. Sat. x. 18.

— *Rarus venit in cœnacula miles,*

pro raro. Sal. Bel. Cat. cap.

xlv. Illi baud timidi resistunt,

pro timidè.

III.

AH, Deus! hostiles quantum crevere phalanges

Agmina me contra quam numerosa ruunt!

2. Quem colis, infelix! aiunt, tibi Conditor orbis

Non feret optatam, cum premet hostis, opem.

3. Tu tamen Umbo mihi es, Deus! et largiris honorem;

Tu caput erectum ferre sub astra jubes.

4. Te

ANNOTATIONES.

Hic Psalmus e tribus partibus constat *Expositione*; scilicet, versu primo et secundo; *Narratione*, versu tertio; et *Petitione*, versu septimo.

1. *Pbalanges*] *Pbalanx* est vox Græca, et significat speciem illam agminis militaris, qua Macedones utebantur: continebat octo armatorum millia; nec ullum genus aciei validius erat. *Pbalangem* ita describit Q. Curtius, lib. iii. c. 11, 13. Vocant peditum stabile agmen; vir viro, armis arma conferta sunt; ad nutum monentis intenti sequi signa, ordines servare didicerunt. Per *Pbalanges* igitur hic indicat tum numerum, tum vires hostium.

2. *Conditor orbis*] Est Dei attributum pro ipso Deo dictum, quo modo dixit Virgilius, *Divum Pater atque hominum Rex, Æn.* i. 69. et *Hominum Sator atque Deorum, Æn.* i. 258. pro *Jove*.

Premet] *Premere*, inter alia, significat *agitari*, vel *insectari*. Ut apud Virgilium, *Æn.* i. 471.

Hæc fugerent Graii, premeret Trojana juvenus.

3. *Umbo*] *Umbo* proprie est media pars clypei in rotundum instar umbilici eminentior, ferro vel ære munita, qua cominus pugnantes hostem impellebant: ponitur hic pro ipso scuto, per *Synecdochen*, pars scilicet pro toto; quo modo etiam apud Virgilium,

PSALMUS III.

4. Te petii supplex : auditæ rebus in arcibus.
Supplicis è sacrâ rupe fuere preces.
5. Sunt mihi securo sub noctem membra quieti
Tradita, securo manè soluta quies.
6. Tu, Deus ! aditabas : non, te Custode, timebõ,
Me licet invadant tela quot Orbis habet.
7. Surge, Parens ! Dextrâque juva, quæ cæde madentium
Innocuâ malas fregit et ora Ducum.

8. Tu

ANNOTATIONES.

gillum.—*Nec sufficit umbo liti-*
buz, *Æn.* ix. 810. — *Sed sufficit*
aureus umbo, *Æn.* x. 384.

Caput arcuum ferre sub astra]
Est *lo.* Hyperbolica, pro eo
quod *ad bonores evehere.* Ita
Hor. i. *Carm.* i. 35. *Sublimi fi-*
riam sidera vertice.

Sub astra] Est idem quod *ad*
astra, ut apud Virgilium, *Æn.*
ii. 460.

Turrim in præcipiti stantem,
summisque sub astra
Eductam testis— V.d. etiam
Æn. iii. 243.

4. *Petii]* *Petii* hîc ponitur,
per *Syncope*, pro *petivi.*

Te petii supplex—*supplices]*
Est *Anaphora,* ut supra *Psalm.* ii.
6. *Sceptra ferenda dedi*—*sceptra.*

5. *Sunt mihi securo]* Duplex
in hoc versiculo occurrit *Ana-*
phora, (1.) in voce *securo,* (2.)
in voce *quies.*

Sub noctem] i. e. adveniente
nocte, ut apud Virgilium, *Sub*
lucem, pro adveniente luce.

Sub lucem exportans calatbis
adit oppida pastor. *Geor.*
iii. 402.

6. *Tela]* *Tela* vulgo a *τῆλα*
procul, unde propriè significat
missilia, quæcunque arma pro-
cul et eminus jaciuntur. Ali-
quando verò sumitur pro armis,
quibus cominus pugnatur. Ut

pro ense, *Æn.* ix. 747.

At non hoc telum mea quod vis
dextera versat, Effugies.

Pro cæstibus, *Æn.* v. 438.

Corpore tela modo atque oculis
vigilantibus exit.

7. *Dextraque]* *Dextra* per *Syn-*
copen dixit pro *dextera,* *Fulmi-*
na molitur dextrâ, *Virg. Georg.*
i. 329. eodem more *madentium*
pro *madentium* ponitur.

Innocuâ cæde] *Innocuâ cæde*
hîc dicitur, per *Hypallagen,* pro
cæde innocuorum. Similia quæ-
dam apud Virgilium occurrunt
exempla, ut *Æn.* ii. 168.

Virginas ausi Divæ contin-
gere vittas,

pro vittas Divæ virginis. *Ibid.*
ver. 575.

— *Subit ira, cadentem*

Ulfici patriam, et sceleratas
funere penas.

pro sumere penas de sceleratâ,
nempe *Helonâ,*

8. *Indulges]* *Indulgere,* inquit
Valla, est concedere, et, ut sic
dicam, obsequenter delicateque
tribuere. Nullum igitur voca-
bulum huic loco magis proprium.

Lato] *Latus* est epitheton
non modo personæ, sed rebus
etiam inanimatis poetice attri-
butum ; iis nimirum quæ as-
pectu suo et effectu exhilarant et
latum reddunt animum. Inde a

Vice

PSALMUS IV.

9

3. Tu gregis es Tutela sacri, semperque benignus
Indulges populo tempora læta tuo.

ANNOTATIONES.

Virgilio tribuitur (1.) *Palmiti*, (6.) *Arvis*, ib. 169. *Læta*
Eccl. vii. 48. (2.) *Imbri*, ib. *tempora* igitur *Metaphorice* dici-
ver. 60. (3.) *Gramini*, Georg. i. tur pro *tempora felicia*, quia,
ii. 525. (4.) *Agro*, Georg. i. homines lætitiâ afficiunt.
102. (5.) *Frugibus* denique et

IV.

LUCE tuâ qui pura facis, qui candida cernis
Pectora, quæ fundo, suscipe vota, Deus !

Quamque mihi duris in rebus sæpe tulisti,
Nunc, prece susceptâ, mitte benignus opem.

2. Gens hominum ! quid te pascis mendacibus umbris ?
Opprobrio nostrum quò decus usque petes ?
3. Elegit fulcitque pios Pater ætheris alti ;
Ne dubita, questus audiet ille meos.
4. Hunc metuens, desiste malis ; et, nocte silenti,
In mentem tacitus facta diurna refer.
5. Victima sit pectus sine fuco, teque, malorum
Fluctibus in mediis, et tua crede Deo.

6. Quas.

ANNOTATIONES.

Hic Psalmus est ex tribus par-
tibus ; *Petitione*, nimirum, quæ
versu primo continetur ; *Di-*
gressione didactica, a versu se-
cundo ad nonum usque ; et *Con-*
clusionem, inde ad finem Psalmi.

1. *Candida*] *Candidus* pro-
priè est *albus* cum splendore quo-
dam : unde tribuitur cyenis,
Virg. Ecl. vii. 38. Et nivi,
Hor. 1. Carm. ix. 1. Hinc trans-
fertur ad animum : et significat
purum, sincerum, nullaque in-
vidiæ aut malevolentiae maculâ
labefactatum. Quo sensu apud
Ciceronem, 9. ad Att. occurrit
vita candida, h. e. irreprehen-
sibilis.

2. *Pascis mendacibus umbris*]

Verbum *pasco* propriè significat
alere, comedere, sed per Trans-
lationem ponitur pro *delectare*.
Ita Virgilius :

Sic ait : atque animum picturâ
pascit inani, Æn. 1. 468.

4. *Tacitus*] *Tacitus* hic poni-
tur per *Enallagen* pro *tacitè*, Ad-
jectivum nempe pro Adverbio.
Vid. *Psal. ii. 12. Securus.*

5. *Victima sit pectus sine fu-*
co] *Victimâ*, a *Victoria* dicta,
quia post victoriam manu victri-
ci immolabatur. Proprie signi-
ficat sacrificium majus, i. e. de
majoribus animalibus, ut apud
Virgilium :

Hinc albi, Clitumne, greges, et
maxima taurus

Vide.

6. Quas sitit, optet opes vulgus; tu, lumine Cæli,
Ore tuo, nobis da, Pater Alme! frui.
7. His ego plus lætor, quàm gens addicta saginæ,
Cui pentus est locuples, dolia plena mero.
8. Ergò, toro recubans, placido dabo lumina somno;
Et secura tuo Numine testà colam.

ANNOTATIONES.

Victima——Geor. ii. 146.
Hic verò sumitur metaphorico
sensu pro eo quod erit Deo gra-
tissimum.

Fuco] Fucus est unguentum
aut pigmentum, quo mulieres
tingi solebant, ut vitia corporis
emendarent vel occultarent.
Plaut. Most. i. iii. 118. *Vetu-
la, edentula, quæ vitia corporis
fuco occultant.* Hinc fraudem
aliquando significas, et insidias,
sub quibus occultatur veritas. Ita
Cic. i. Att. i. *Sine fuco, i. e.
simpliciter et aperte.*

6. Sitit] Sitis propriè est bi-

bendi appetitus; et, per Trans-
lationem, nimia aviditas cujus-
cunque rei dicitur sitis: Eòdem
modo sitire Metaphorice ponitur
pro vehementer cupere, Cic. 3.
2. Frat. iv. *Nec sitio bonos, nec desidero gloriam.*

7. Penus] Penus, hujus panni,
vel hujus penus, masculini vel
fæminini generis: vel penus, pe-
noris, neutrius: sunt res ad vic-
tum necessariæ. Inde penitus,
et penetro, et Penates Dii, qui
in intima domus parte coleban-
tur.

V.

MAGNE Parens! tellus Dominum quem suspicit,
andi

Quæque premo tacitus, quæque sub astra fero.

2. Annue quæsitis, Deus, et Rex! perpete voto
Tu mihi præ cunctis sollicitandus eris.
3. Mane novo supplex oculos ad fidera tollam;
Mane novo facili quæ loquar aure trahes.
4. Tu noxam refugis, quâ delectantur iniqui;
Gentis et impuræ crimina ferre nequis.

ANNOTATIONES.

Hic Psalmus constat Exordio,
versu primo et secundo; Propo-
sitione, a versu tertio ad nonum;
Petitione, a versu nono ad deci-
mum secundum; et Conclusionem,
inde ad finem Psalmi.

1. Tacitus] Vide Notam in
Psal. ii. 12. *Securus.*

Sub astra] Vide Psal. iii. 3.

3. Mane novo—mane nova]
Anaplasta, ut Psal. ii. 6. *Scep-
tra ferenda dedi—sceptra.*

5. Grande supercilium, te coram, Fastus inanis
Exuet; odisti tu, Deus! omne nefas.
6. Ibit in exitum mendax; invisaque turpis
Fraus erit, et socii tincta cruore manus.
7. Sed Patre te fretus, sacras ego volvar ad aras
Cernuus; Illustres sternar et ante pedes.
8. Hostibus expositum, Fons omnis et Arbiter æqui!
Dirige, suspectæ Duxque Comesque viæ!
9. His pariunt mellita dolos labra; putre sepulchrum
Guttur olet; pectus carnificina mali est.
10. Perde reos; pereatque suis gens impia technis,
Quæ furit et præceps in scelus omne ruit.

ANNOTATIONES.

5. *Grande supercilium*] *Supercilium* est ultima pars frontis, pilis vestita, quæ ciliis prominet. *Supercilia* maxime indicant fastum, qui hîc sedem habet; unde pro *Superbia* aliquando ponitur:

— Si cum magnis virtutibus affers Grande Supercilium,

Juv. Sat. vi. 167.

Fastus inanis] *Fastus* ponitur pro Fastuoso, per *Enallagen*: vide Notam in Psal. i. 1. *Impietas*.

6. *Fraus*] *Fraus* eodem modo ponitur pro *Fraudulento*.

7. *Cernuus*] *Cernuus* is dicitur, qui procumbit in faciem; eam scilicet partem, quâ *cernimus*, seu videmus: hinc *cernuere* in pronom ire.

Illustres sternar et ante pedes] Alludit ad antiquum morem procumbendi ad genua, ad pedes; quo ritu Supplicantium fiebat adoratio, non minus apud gentes quàm Judæos. Docet *Plinius* *Nist. lib. xi. cap. 45.* creditum

veteribus pietatem quandam inesse genibus, et propterea supplicantes solitos procumbere ad pedes, genua amplecti et osculari, hæc attingere, ad hæc manus tendere, hæc ut aras adorare.

9. *His pariunt*] *His* est *Antiprosis* dativi casus pro genitivo. Vide Notam in Psal. i. 3. *Cui tempestivis*, etc.

10. *Technis*] *Techna* est vix origine Græca, *τεχνη*, Latine *Ars*. Aliquando significat *Dolum*, *astutiam*, *fraudem artificiosam*: ut *Ter. Heaut. iii. i. 62.* *Falli te finas technis per servulum?*

Præceps] *Ex præ* et *capitulum* compositum, significat proprium, qui sine consideratione aliqua, aut modo, quid agit, et quasi rem et tempus præoccupat. *Virg. Æn. iii. 598.*

— *Mox sese ad littora præceps* Cum fletu precibusque tulit: h. e. *Sine respectu salutis*, inquit *Servius*.

11. Gessiat interea te qui securus in uno
 Spem locat, et numeris mulceat astra novis
 Gaudia concipiat, cœlesti Numine tutus,
 Vir pius, et quisquis flagrat amore tui.
12. Tu, Deus! objecto clypeo tutabere justos;
 Hostis et à furiis, insidiisque teges,

ANNOTATIONES.

11. *Securus*] Hic pro *Securè*, ut Psal. ii. 12.

Mulceat astra] Imitatur Virgilium, *Æn.* vii. 34.

Æthera mulcebant cantu, lucoque volabant.

Numeris] Numerus proprie est ex unitatibus composita multi-

tudo; sed ponitur etiam, ut hic, pro ratione harmonica, quam Græco vocabulo *Rythmum* appellamus, quod omnis harmonia et omnis concentus numeris constet. *Virg. Ecl.* ix. 45.

Numeros memini, si verba tenerem.

VI.

NE, rerum, Deus, Alme Sator! me corripe, fræno
 Dum furor excusso sævit, et ira fremit.

2. Parce laboranti, Dextramque salutifer agro
 Porrige, dum mentem lassat et ossa dolor.
3. Quo trahis usque moram? Lethum pulsurus, amoris
 Si memor es Patrii, te mihi redde, Pater!
5. Sensus abest tumulis; nec te cantare silentes,
 Dicere nec laudes flebilis Umbra potest.

ANNOTATIONES.

Hic Psalmus constat è tribus partibus: *Petitione*, ad versum quintum; *Confirmatione*, a versu quinto ad nonum; et *Conclusione*, inde ad finem Psalmi.

1. *Fræno excusso*] Vide Notam in Psal. ii. 5. *Frænaque dans iræ*, &c.

3. *Lethum pulsurus*] *Lethum*, mors, secundum Priscianum, a *Leo* fit, quo veteres usi sunt pro *Deo*, quoniam mors omnia delet: Quæ opinio, si vera est, aspirationem non recipit *Letum*. Varro autem, et Festus a *λέθη*

i. e. *oblivione*, fieri putant, unde et per *sb* absque diphthongo scribunt.

5. *Tumulis*] *Tumulus* est tumor ex aggestione terræ vel lapidum unum in locum: unde tam pro sepulchro quàm pro colle usurpatur. Pro colle, *Æn.* v. 44. --- *Socios in cœtum littore ab omni Advocat Æneas*, tumulique ex aggere fatur.

Pro sepulchro, *Æn.* v. 760.

— Tumuloque sacerdos
 Et lucus latè sacer additur Archifæo.

6. Flens ego defeci toties ; noctemque fatigans
Implevi lachrymis triste cubile meis.
7. Ex oculis fugitivam aciem, cava lumina, risus,
Prò dolor ! hostiles inter et arma vides.
8. I procul, Impietas ! me, Qui regit ætheris axes,
Audiit ; et porro spes jubet esse ratas.
10. Hostica gens perculsa metu, suffusa rubore,
Versa dabit subitæ terga pudenda fugæ.

ANNOTATIONES.

6. *Noctemque fatigans*] i. e. *Noctem lacrymando traducens.* Hanc dictionem *Fatigare noctem* Virgilio acceptam refert :

Olli remigio noctemque diemque fatigant, Æn. viii. 94. i. e. dies et nox deficiunt, priusquam illi remigio finem imponunt.

8. *Impietas*] *Impietas* pro impiis hominibus ; vide Notam in Psal. i. 1. *Nec quibus Impietas insistit.*

Ætheris axis] *Axis cæli* vel

ætheris, proprie est linea ipsa sive obelus, circa quem cælum volvi concipitur : sed *axes* hîc, per *Synecdochē*, sumi videntur pro *globis cælestibus*.

Audiit] Vide Psal. iii. 4. *Te petii supplex.*

Porro] *Porro* aliquando, ut hîc, significat *deinceps*, vel *in posterum* : ita *Ter. Hec. iii. i. 20.*

— *Quid restat, nisi porro ut fiam miser ?*

10. *Suffusa rubore*] *Rubore* pro *Pudore*, effectus scilicet pro causa.

VII.

SPES mihi tu vitæ, vitam, Deus ! eripe letho ;
Impia de jugulo tela repelle meo.

2. Adfer opem, ne me lanient impunè Tyranni ;
Sanguineus miseram ceu leo frangit ovem.

3. Si

ANNOTATIONES.

Hic Psalmus est *mixtus*, continens *Exordium*, versu primo et secundo ; *Narrationem*, versu tertio, quarto, et quinto ; *Petitionem*, ad versum undecimum ; *Confirmationem*, ad versum decimum septimum ; et *Conclusionem*, versu ultimo.

1. *Eripe letho*] De *letho* vide Psal. vi. 3. *Lethum pulsurus.*

Tela] Vid. Not. in Psal. iii.

6. *Tela quot*, etc.

Jugulo]. *Jugulus*, i. m. et *Jugulum*, i. n. dicitur anterior pars colli ; a *jungo*, quòd per eam pectori caput jungatur.

2. *Impunè Tyranni*] *Tyrannus* apud veteres dicebatur dominus omnem habens in subditos potestatem ; quum verò superbi re-

3. Si clandestini deprêndar criminis autor,
Vel mihi, te vitæ Judice, dextra rea est;
4. Si malè multavi socios mihi fœdere junctos;
Et nisi sensit opem gens inimica meam:
5. Me premat hæc, captoque ferox stratoque triumphet;
Et calcet pedibus, turpet et ora luto.
6. Ultor ades, tandemque suos Furor exerat ignes;
Hostica frange vigil spicula, frange dolos.
7. Tum tua majestas populis cingetur, et alto
Aureus è folio jura tremenda dabis.
8. Me tibi jam sisto; famulum, Deus! adspice, causa
Si bona, si nullo fulta querela dolo est.
9. Pectora qui penetras, et lynceus abdita cernis,
Juste Deus! justos erige, perde malos.
10. Es mihi tu Clypeus; vacuas tu crimine mentes
Protegis; odisti tu sine fine nefas:
11. Inque reluctantes acuis, quo cingeris, ensem;
Lævaque fert arcum, missile dextra tenet.
13. Tela necem stragemque dabunt; his turba peribit
Impia, quæ fastu me petulante premit.

ANNOTATIONES.

ges regnare cœpissent, nomen tyranni, ad illos tantum translatum est, qui non jure et æquis legibus, sed vi, et quadam animi libidine dominabantur.

3. *Deprêndar*] Dicitur per Syncopen pro *deprehendar*.

5. *Premat*] Vid. Not. ad Psal. iii. 2. *Cum premet hostis.*

Ferox] *Ferox* pro *ferociter*, ut Psal. ii. 12. *securus* in illo.

Ora] *Ora* pro *vultus* sæpius occurrit apud optimos auctores. Vide *Virg. Æn. i. 358.* de Sichæi imagine inquit,

—*Ipsa*—ora modis attollens
pallida miris.

7. *Aureus*] *Aureus* hîc significare videtur *splendidus* et *præ-*

clarus, quo modo Virgilius solem *aureum* appellat:

Per duodena regit mundi sol aureus astra, Georg. i. 232.

9. *Lynceus*] *Lynceus*, i. e. *Perspicax*, Epitheton sumptum a *Lynce*, animali acutissimi visus.

Justos erige, perde malos] Hîc copula reticetur, per Figuram quam vocant *Afyndeton*.

11. *Dextra*] Vid. Not. ad Psal. iii. 7. *Dextraque jûva.*

13. *Petulante*] *Petulans* is dicitur, qui per contumeliam alios petit, vel laceffit.

Premet] Vide Psal. ii. 2. *Cum premet hostis.*

14. Parturit hæc noxam ; sterili sed credidit arvo
Semina, nec præter somnia vana metet.
15. In foveam, molita dolum, se condidit audax ;
Ultra sed est subito facta ruina nefas.
17. Ergò canam justumque Deum, Dominumque po-
tentem :
Carminis hæc semper summa futura mei est.

ANNOTATIONES.

14. *Parturit*] *Parturio* pro-
priè dicitur de mulieribus in pa-
riendo laborantibus ; sed, per
Translationem, ad alia etiam
adhibetur, (1.) *Ager almus* par-
turit, Geor. ii. 330. (2.) *Arbor*
omnis nunc parturit, Ec. iii. 36.
Utinam aliquando dolor populi
Romani pariat, quod jamdiu par-
turit, Cic. xi. *Philip.* cxix.

15. *Molita*] *Molior* derivari
videtur a *molis* egre, et signifi-
cat rem cum labore machinari :

optime igitur designat assiduita-
tem, quam improbus exercet in
pravis institutis.

17. *Justumque Deum, Domi-*
numque potentem] Conjunctio
que hîc redundat, per Figuram
quam vocant *Polysyndeton* : qua-
lia multa apud Virgilium occur-
runt exempla, ut,

Unâ Eurûsque Notusque ruunt,
creberque procellis

Africus ——— *Æn.* i. 85.

VIII.

QUAM tua, Cœlicolûm Rex, implet gloria terras !
Æthereas quantum transvolat illadomos !

2. Ipsa tuum passim lactens infantia robur,
Hostis ut obstupeat, quo licet ore, canit.
3. Dum digitis cœlata tuis laquearia cœli
Conspicor, et lunam, fidereasque faces ;

ANNOTATIONES.

Hic Psalmus est *laudativus*,
constans ex *Propositione*, versu
primo ; *Narratione*, a versu se-
cundo ad sextum ; *Confirmatio-*
ne, inde ad decimum ; et *Con-*
clusionelaudativa, versu ultimo.

3. *Laquearia*] *Laquear*, et
Laqueare, is, n. diminutivum
a *lacus*, l. e. trabs in ædificiis
plana : a quo fit diminutivum
lacunar, a quo *lacunarium* et per
Antistæcon *laquear* et *laqueari-*

um, quod proprie significat *tec-*
tum concameratum : et, ob figu-
ræ similitudinem, ad cælum
transfertur.

Sidereasque faces] Per *fide-*
reas faces hîc intellige *sidera*,
quæ instar lampadum micant in
tenebris. Videtur ob oculos ha-
buisse illud Lucretii :

Noctivagæque faces cœli,
Flammæque volantes, Lib.
v. 1190.

4. Quantula gens hominum res est, quam mente recondas?
 Quantula, quam visas, gens oriunda luto?
 5. Hanc tua cœligenis æquavit penè ministris
 Dextera, et illustri cinxit honore comas.
 6. Illius, Omnipotens quidquid manus intulit orbi,
 Jussisti nutus imperiumque sequi.
 7. Accepere jugum pecudes, armentaque passim
 Bucera, quæque colunt invia lustra feræ:
 8. Quæque viam suprâ carpit per inane volucris;
 Quique sub hâc gaudet findere piscis aquas.

ANNOTATIONES.

4. *Quantula gens hominum,* etc.] Subita et abrupta hujus versus Transitio et *Apostrophe* hæc a divinis operibus, ad suspiciendam Dei ipsius benevolentiam, haud temere fit, nec sine judicio; nam Poeta, dum negligit connectionem, imitatur impetum, et vividam vim animi vehementer agitati, qua ad suum objectum raptim impellitur, et in ejus obtutu fixus inhæret. Si interposuisset hîc, *sic reputo*, vel *sic mecum revolvo*, quàm frigans et languida fuisset sententia, quæ nunc et viget et ardet! Simile habes exemplum apud Virgilium, in hymno ad Herculem, *Æn.* viii. 294. ubi subita est et incohærens Transitio a tertia persona ad *Apostrophem*, quâ chorus juvenum et senum Herculem coram affatur:

—*Tu nubigenas, invicte! bimembres,*

Hylæumque, Pholiumque manu;
tu Cressia mactas

Prodigia —

Ad utrumque respexisse videtur Miltonus:

—*Thou also mad'st the Night,*

Maker Omnipotent! and thou the Day.

Parad. amiss. lib. iv. 724.

5. *Comas*] *Comæ* hîc ponuntur per *Synecdochem*, pro capite.

7. *Bucera*] *Bucerus* est vox Græcæ originis, a βῦ valde, et κέρας cornu; per *armenta bucerâ* igitur intellige greges cornutorum pecudum.

Lustra] *Lustra* sunt ferarum cubilia, a *Luto*, quod sit lutosa lacuna. *Invia lustra* imitatio Virgillii:

Postquam altos ventum in montes, atque invia lustra,

Æn. iv. 151.

8. *Carpit viam*] De hac dictione vide Not. ad Psal. i. 1. *Carpit iter.*

Per inane] Supple *spatium*: Philosophi *inane* vocabant spatium undiquaque diffusum, carens corporibus; ut apud Virgilium:

Namque canebat uti magnum per inane coacta

Semina—*fuisse*, *Ecl.* vi. 31.

Hîc vero sumitur pro aëre, et cœlo aperto, quod ad *inane* proxime accedit.

9. Quam tua, Coelicolum Rex, implet Gloria terras !
Æthereas quantum transvolat illa domos !

IX.

PECTORE te toto recolam ; te voce canorâ,
Factaque per populos suspicienda feram.

2. Gaudia, te spectans, carpam sine fine modoque :
Exultans cythara, te, Pater Alme ! canam.
3. Territa, te coram, verso gens hostica tergo
Corruit, et gelidam cæsa momordit humum.
4. Te coram lis acta mihi est ; te Judice, vici :
Sunt comites folii Jusque Fidesque tui.
5. Increpuit gentesque furor tuus obruit, ipsa
Jussit et æterna Nomina nocte premi.
6. Nunc eat, et populi clades gens hostica, versa
Mœnia, de fastis oppida rasa canat.

7. At

ANNOTATIONES.

Hic Psalmus est *Laudativus*, duabus partibus constans ; prima est *Laudatio* singularis Prophetæ, ad versum decimum secundum ; secunda *Theſis* ad omnes fideles pertinens, inde ad finem Psalmi.

1. *Suspicienda*] *Suspicio* proprie est *sursum aspicere*, cui opponitur, *despicio*, *deorsum aspicere* : quo modo proprie accipitur, Psal. xi. 7. inde, per Translationem, hoc significat *contemneret*, et illud *mirari*.

In hoc versu et sequentibus, præcipua est Emphasis et magna elegantia in crebra repetitione vocis *te* : ubi Autor sequitur Virgilium suum præclarum magistrum et exemplar :

Te nemus *Angitiæ*, vitrea Te
Fucinus unda,
Te liquidi flere lacus, -- Æn.

vii. 759.

Te dulcis conjux, Te solo in
littore secum,

Te *veniente die*, Te *decedente*
canebat, Georg. iv. 465.

2. *Citbara te, Pater alme*] *Citbara* vulgo *Harpa* dicta, instrumentum musicum cum decem chordis, ad similitudinem fidium minorum.

6. *Mœnia*] *Mœnia* et *muros* ita distinguunt nonnulli, ut *muros* velint esse lapideum ambitum, quo urbs cingitur ; *mœnia* munitiones, turres, et id genus cætera, quibus muri defenduntur : cui distinctioni favere videtur illud Virgilii :

Dividimus muros, et mœnia
pandimus urbis, Æn. xi.

234.

De fastis — *raso*] Allusio est ad *fastorum* libros, in quibus res populi Romani scriptæ continebantur : plus valet *ex fastis radere*, quam ex memoria eximere ; secundum illud Cicero nianum, pro *Sext. 33. Consules non modo ex memoria, sed etiam*

7. At solium sine fine Deo est, qui legibus æquis,
Semper et augusto Numine cuncta regit.
9. Rebus in afflictis Hic murus aheneus, Arcis
Hic inopi, noxam cum timet, instar erit.
10. Ergo, Deus! te qui noscit, te fidet amico;
Qui renuis nulli, quam prece poscit, opem.
11. Pangite, quos meruit Solymam Qui protegit, hym-
nos;
Gestaque per populos Fama loquatur anus.
12. Ille memor fuso repetit pro sanguine poenas;
Nec miseri surdâ respuit aure preces.
13. Tu, Deus! adfer opem; quibus implicor, adspice
fluctus;
Mors prius est, memini, te Duce, victa mihi.
14. Sic ego te, laudesque tuas, partamque salutem,
Sublimi Solymæ lætus ab arce canam.
15. Scilicet ipsa suis gens subdola cassibus hæsit;
Et scrobe quam fodit contumulata jacet.

ANNOTATIONES.

ex fastis evellendi. Nam ex hominum memoria res facilè et cito excidunt; sed in fastis conservatæ in omne ævum perdurare possunt: ex *fastis* vero erasæ nunquam sunt in memoriam revocandæ.

9. *Hic murus aheneus*] Imitatus, ut videtur, Horatium:

— *Hic murus aheneus esto,
Nil conscire sibi, nulla pallescere culpâ.* 1 Ep. i. 60.

Proverbialis dictio, cujus sensus est, bonos homines circummunire divina providentia, ut muro quolibet aheneo.

11. *Pangite*] *Pangere* proprie significat *figere*: unde plantæ *pangi* dicuntur, cum in terram defiguntur; et versus *pangi*, id est, figi in cereis tabulis. Ita Horatius:

*Ego mira poemata pango,
De art. Poet. 416.*

Solymam] *Solyma*, æ, vel *Solymæ*, arum, Urbs nobilis, Judææ metropolis.

Fama loquatur anus] *Anus* hic adjective sumitur, ad exemplum Catulli:

— *Nam te omnia secla
Noscent, et, qui sis, Fama
loquetur anus,*

Carm. lxxvii. 10.

13. *Adspice fluctus*] *Fluctus* proprie aquæ discurrentis moles atque impetus, quæ et unda dicitur; inde Metaphoricè, *fluctus fortunæ, curarum, irarum*, pro impetu et perturbatione. Et, *fluctus civilis, Nepes in Attico*, vi. 1. Ita comparantur civiles turbæ, quibus, sicut procellis et tempestate, omnia jactantur.

14. *Solymæ*] De *Solyma* vide Not. in ver. 11. *Solymam*, etc.

16. Hæc recolenda Deus raræ monumenta reliquit
Justitiæ, prændi dum jubet arte dolum.
17. Numinis immemores populos, scelerumque ministros
Præcipites tellus sub pede rupta trahet.
18. Nulla sed afflictos mergent oblivia : nunquam
Successu miserum spes caritura suo est.
19. Surge, Deus! victor ne tollat homuncio cristas ;
Imperii populos sub juga coge tui.
20. Incute terrorem, Vindex ! cœloque rebellis
Progenies fictam se sciat esse luto.

ANNOTATIONES.

16. *Prendi dum jubet*] *Prendi* dixit, per *Crasin* vel *Synæresin*, pro *prebendi* ; quo modo Virgilius :

*Quo res summa loco, Pantheu ?
quam prendimus arcem ?*

Æn. xi. 322.

17. *Præcipites*] *Præceps* a *præ* et *capio* componitur ; significatque proprie eum, qui sine consideratione aliqua, aut modo, quid agit, et quasi rem et tempus præoccupat.

18. *Mergent oblivia*] *Oblivium* est vox Poetica pro *oblivione*. Reperitur, ut hîc, in plurali numero (1) apud Virgilium :

Securos latices, et longa oblivia ponunt, Æn. vi. 715.

(2) apud Horatium, *Jucunda obliviam sollicitæ vitæ*, 2 *Serm. vi. 62.*

19. *Tollat Cristas*] *Cristas* tollere est *Metaphora* translata ab avibus cristatis, in quibus *cristæ* erectiores, alacritatis atque animorum indicia sunt : inde significat, *ferocire, animo efferri, vel sibi placere*. Ut apud Juvenalem, de Domitiano superbiente :

— Quid apertius ? et tamen illi

Surgebant cristæ, Sat. iv. 69.

X.

QUO, Deus ! abscedis ? rerum Tutela mearum !
Cur, Pater ! in mediis subtrahis Ora malis ?
2. Impius, ah ! tenuem fastu premit usque nefando ;
Consiliis pereat qui, precor, ipse fuis.

ANNOTATIONES.

Hic Psalmus est generis *Preparatorii*, ex tribus partibus constans : *Exordio*, versu primo et secundo ; *Narratione*, inde ad versum decimum primum ; et

Petitione, ad finem usque.

2. *Tenuem*] *Tenuis* proprie significat *parvum* et *exiguum* : forsitan a *teneo*, quia quæ *tenuia* sunt, facillè teneantur. Sumitur ut hîc

3. Quod cupit, hoc jactat scelus; et dum palpat avarum,

Hunc in deliciis, quem Deus odit, habet.

4. Dumque supercilio cœlestia despicit alto,
Nec quærit tumidus, nec putat esse Deum.

5. Ex voto dum cuncta fluunt, et criminis Ultor
Stat procul, hostiles non timet ille manus.

6. Quas, ait, incurrunt alii, ridebo ruinas
Incolumis, rerum despiciamque vices.

7. Os dolus et fraudes armant, convicia linguam;
Mille sub hac pestes, mille venena latent.

8. Sueta latrocinio, passim per opaca viarum
Sævit, et innocuo sanguine dextra rubet.

9. Quemque voret fixis oculis designat egenum;
Inque suos casses, infidiasque trahit.

Sic leo, quam torvo conspexit lumine, prædam
Involat, et laceram sævus in antra rapit.

10. Sæpe

ANNOTATIONES.

hic pro paupere apud Ciceronem: *Nam locupletissimi cujusque census extenuarant, tenuissime auxerant*, In Verr. iv. 138.

3. *Jactat*] *Jactō* proprie *emittere inania verba*, Anglice *to throw out*: quo modo hac voce utitur Virgilius:

— *Ibi hæc incondita solus*

Montibus, et sylvis studio jactabat inani, Ecl. xi. 5. inde pro *gloriarī* sumitur.

Palpat] *Palpo*, et *Palpor* depon. proprie significat *leniter, blande, et quasi tentando tangere*. Unde pro *adulari* ponitur apud Plautum: *Observatote quam blande mulieri palpabitur*, *Amphib.* i. iii. 9.

4. *Supercilio*] Vide Not. in Psal. v. 5. *Grande supercilium*.

Despicit] De hac voce supra, in Psal. ix. 1. *Suspiciendo feram*.

8. *Opaca viarum*] *Opaca viarum* idem valet quod *opacas vias*; et est forma loquendi Hi-

storiciis quibusdam, sed Poetis præcipuè, haud infrequens. Ita Virgilius:

Miratur portas strepitumque et strata viarum, *Æn.* i. 426.

Consule etiam, *Æn.* ii. 332. et vi. 633. Eodem modo dixit Horatius: *Amaraque curarum eluere, efficax*, 4. *Carm.* Od. xii. 19.

Innocuo sanguine] Vide Notam in Psal. iii. 7.

Dextra] Vide Not. ad Psal. iii. 7. *Dextraque juva*.

9. *Quemque voret*, etc.] Hic Poeta alludit ad morem araneæ, suæ prædæ insidiantis. Nam ut animal illud dolum, e latebris suis, improvidam muscam *fixis* observat *oculis*; eamque, occasione oblata, invadit, et in suas *casses vorandam attrahit*; ita impius egenum.

Antra] Pluralis pro singulari, ut supra, Psal. ii. 6. *Scorpia dedi*.

10. Sæpe necem clademque parans blanditur, et atram
Ingluviem, miseros dum vorat, arte tegit.
11. Te, Deus! immemorem gens hæc et lumine cas-
sum,
Et vacuum cura pectus habere putat.
12. Exorere, et validâ miseros, Pater! afferte Dextrâ;
Eluat hos animo nulla senectâ tuo.
13. Impietas impunè tuas cur provocet Iras?
Numinis Ultrices cur neget esse manus?
14. Quæ patimur tu damna vides, et mente recondis;
Aptaque vindictæ Dextera tela gerit.
Præsidio tenuem, tutela protegis orbem;
Sentit Uterque tuam, dum furit hostis, opem.
15. Perde truces, scelerum cæsis autoribus ipsum
Perde Nefas, sceleri ne sit in orbe locus.
16. Tu sceptrum sine fine geris; gens impia pessum
Ibit, et ex ima stirpe recisa ruet.

ANNOTATIONES.

10. *Atram ingluviem*] Imi-
tatus Virgilium, *Georg.* iii. 431.
ubi describit anguem, — bis
piscibus atram — ingluviem
— *explet.* *Ingluvies* sinus est
gutturis; sive pellis cava, qua
piscibus primo ingestus, et adhuc
indigestus, continetur. Inde,
per *Metonymiam*, sumitur pro
voracitate.

12. *Dextra*] Vid. supra, Psal.
iii. 7. *Dextraque juva.*

13. *Impietas*] Per *Metony-
miam* pro *Impius*, ut supra, Psal.
i. 1. *Nec quibus Impietas.*

Iras] *Iras* pro *iram*: pluralis
numerus pro singulari, more
Virgiliano:

*Namque dabunt veniam votis,
irasque remittent,*

Georg. iv. 536.

14. *Tenuem*] Vide Notam in
versum secundum hujus Psalmi,
Tenuem.

16. *Pessumibit*] *Pessum* est Ad-
verbium, et idem valet quod de-
orsum. *Ire pessum*, igitur, pro-
prie dicitur, de iis quæ ad imum
usque aquæ fundum subsidunt.
Columel. lib. xii. c. 6. *Nam ubi
dulcem caseum demiseris in eam,
si pessum ibit, scies esse adhuc
crudum.* Ita Lucret.

— *Multæ per mare pessum*

Subsidere suis pariter cum civi-
bus urbes, Lib. vi. 581.
Inde, per Translationem, idem
significat quod *perdi*. Ut apud
Plautum: *Neque, nisi quia mi-
ser non eo pessum, mihi ulla ab-
est perditio perniciæ,* Cist. ii. l.

12.

17. Supplicis exaudis gemitus, et pectora firmas ;
Et prona miseri fuscipis aure preces.
18. Tu, Deus ! afflicto, patribus tu protegis orbos ;
Hostica nec quisquam, te Duce, tela timet.

ANNOTATIONES.

17. *Pectora*] Pro *pectus*, pluralis pro singulari ; ut apud Virgilium :

Crudeles aras, trajectaque pectora ferro

Nudavit — *Æn.* i. 359.

18. *Tela*] De hac voce supra, ad Psal. iii. 6. *Tela*, etc.

XI.

NUMINE cur fretus jubeor jura linquere nota,
Ut volucris, trepido cum fugit icta metu ?

2. Impius, en ! arcum sinuat ; sociataque nervo,
Per scelus, infontem caeca sagitta petit.
3. Legibus extinctis, quo se mens candida vertet ?
Heu ! Pietas quid se quo tueatur habet ?
4. At Pater Omnipotens, folio sublimis ab alto,
Adamidum vigili lumine facta notat.
5. Dum probat infontes, odio sectatur iniquos,
Quosque juvant fraudes, bella, rapina, neces.
6. Sulphur in hos et turbo ruent, vibratus et ignis
Desuper ; hæc merces impietatis erit.
7. Nam Pater æthereus, Fons jugis et Arbiter æqui,
Jus amat, et placido despicit ore pios.

ANNOTATIONES.

Hoc Canticum est generis *didactici* ; continens primum *Constitutionem* adversus improbos, versu primo ; deinde *Narrationem propheticam*, ad versum septimum ; postremo *Confirmationem*, versu ultimo.

1. *Trepido metu*] Vox *trepidus* est ambiguae significationis, interdum enim idem valet quod *festinus* : ut,

— *Dum trepidi crudelia lumina linquunt*, *Æn.* iii. 616.

alias significat *pavidus*. Hic priore sensu accipienda videtur.

3. *Candida*] Vide Notam in Psal. iv. 1. *Qui candida cernis*.

4. *Adamidum*] Per *Syncopes* dicitur pro *Adamidarum*, nomen patronymicum, ab *Adamo* communi humani generis parente.

5. *Fraudes, bella, rapina, neces*] Hic etiam copula reticetur per Figuram *Asyndeton*, ut supra Psal. vi. 9. *Iustos erige, perdes malos*.

XII. FER

XII.

FER, Deus! auxilium; Pietas, en adspice! terras
Sanctaque Simplicitas liquit, et alma Fides.

2. Quisque per insidias socium fallacibus umbris
Lactat, et indignis mancipat ora dolis.
Candor abest omnis, nec menti consona vox est;
Hæc ubi blanditur, concipit illa nefas.
3. At Deus excindet dulci lita labra veneno,
Quæ fera jucundo toxica melle tegunt;
Eruet et linguam vano quæ grandia typho
Efflat, et ampullis ambitiosa tumet.

ANNOTATIONES.

Psalmus hic est generis *Pre-*
tatorii, constans *Propositione*,
versu primo et secundo; *Narra-*
tione, inde ad versum sextum;
Confirmatione, versu sexto; et
Conclusionem petitoria, versu sep-
timo et octavo.

1. *Pietas, Simplicitas, Fi-*
des] Hæc virtutes sumuntur hic
personaliter, ut supra adnotavi-
mus in Psal. i. 1. in voce *Im-*
pietas.

Alma] *Almus* derivatur ab
alo, Ang. *to nourish*; inde e-
pithetum hoc tribuitur (1) agro:
Parit almus *ager*, Georg.
i. 330. (2) Cereri et terræ,
quæ sunt hominum nutrices,
Georg. i. 7. et *Æn.* vii. 644.
(3) Sed sumitur sæpius eodem
sensu, quo *pulcher, clarus, in-*
lytus: ut *Æn.* i. 310. *alma* dies,
i. e. *clara*, ib. 622. *Alma* *Ve-*
rus, i. e. *pulchra*. (4) Interdum
etiam pro *puro*, vel *casto* adhibe-
tur; ut *Æn.* vi. 74. Sibylla
Alma vocatur, i. e. *casta*, quia
virgo.

2. *Mancipat*] Emphatice di-
xit *Mancipat ora*; nam *manci-*
cipare, est in alterius dominium
tradere, sive vendere: quo modo
mancia in jus dominorum ali-
enantur.

Ora] *Ora* est pluralis nume-
rus pro singulari, ut supra in
Psal. ii. 6. *Sceptra*, etc.

Candor abest] De Etymologia
vocis *Candor* vide Psal. iv. 1.
Candida.

3. *Typbo*] *Typbos* vox Græcæ
originis τυφος: Latine, *fastus*,
elatio.

Ampullis] *Ampulla* vas est vi-
treum, ventre amplo, et quasi
inflato. Inde per Translationem,
significat, *Inflata et superba*
verba.

Projicit ampullas et sesquipe-
dalia verba.

Hor. Art. Poet. 96.

Ambitiosa] Hic dicitur pro
ambitiose: ut supra adnotavimus
ad Psal. ii. 12. in voce *Seru-*
rus.

4. Obruet artificem sceleris, qui fræna pudoris
Excutiens, Linguas nunc acuamus, ait ;
Nos penes imperium est linguæ, vocisque potestas ;
Libera quis duros mittat in ora lupos ?
5. At Deus excitus miserûm clamoribus, Ultor
His ego suppetias, inquit, opemque feram :
Quamque, dolis armata, premit violenta Tyrannis,
Auxilio Pietas tuta futura meo est.
6. Pura Dei vox est, argenti fusilis instar,
Igne quod admoto septima testa probat.
7. Hostis ab insultu, rerum Pater ! affere justos ;
Excubiasque sacro pro grege semper age.
8. Impia progenies nos obsidet undique, viles
Dum finis et sæcem plebis honore frui.

ANNOTATIONES.

- | | |
|---|----------------------------------|
| 4. <i>Fræna pudoris excutiens</i>] | a speculatoribus, ad exprimen- |
| De hac <i>Metaphora</i> consule Psal. | dam assiduam, et intentam co- |
| ii. 5. <i>Frænæque dans</i> , etc. | ram, qua providens Deus suis is- |
| 7. <i>Excubiasque — age</i>] <i>Ex-</i> | vigilat. |
| <i>cubias age</i> est <i>Metaphora</i> sumpta | |

XIII.

- Q U O, Deus ! usque mei capient te oblivia ? vultum
Durus et averfus quò, Pater ! usque teges ?
2. Quò miser usque ferar dubius ? luceſque fatigans
Quò dolor, hostilis quò premet usque furor ?
 3. Adspice res lapsas, facilem da planctibus aurem ;
Luce retrospectans da propiore frui.
Optatum mox redde jubar ; mihi lumina somno
Perpetuo ne Mors invidiosa premat.

4. N

ANNOTATIONES.

Hic Psalmus est generis *Preca-*
torii, constans *Propositione* que-
relæ, ad versum tertium ; *Peti-*
tione, versu tertio et quarto ; et
Conclusionem, versu ultimo.

1. *Oblivia*] Vide Notam ad
Psalmum ix. 18. *Mergent obli-*
via.

- | | |
|---|------------|
| 2. <i>Luceſque fatigans</i>] | De hac |
| poetica dictione vide Notam | |
| Psalm. vi. 6. <i>Noctemque fatigans</i> | |
| 3. <i>Retrospectans</i>] | Facile ap- |
| parebit quàm aptè et eleganti | |
| Poeta usus sit hac voce. <i>retro-</i> | |
| <i>spectans</i> , si animadvertas Deum | |
| in primo versu, <i>averſum</i> dici | |

Cu

4. Ne sine fine meis insultet cladibus hostis,
Et, me prostrato, gens fera cantet Io.
5. Es mihi tu vitæ spes, et tutela salutis;
Et tuus afflicti pectora lenit Amor.
6. Ergo tuas laudes referam cœlestibus hymnis;
Et mihi te facilem propitiumque canam.

ANNOTATIONES.

Cùm verò *Deus aversus* significat alienationem divini favoris: *retrospectans* rite exprimet istius favoris restitutionem.

Mors] *Mors* hîc more poetico personaliter depingitur, ut etiam a Virgilio:

*Et cum frigida Mors animâ
seduxerit artus,*

Æn. iv. 385.

4. *Insultet*] *Insultare* a *salio*, est Verbum, quod vocant, Frequentativum; quasi sæpius et cum impetu insilire:

— *Equitem docuere sub armis
Insultare solo, et gressus glome-*

rare superbos,

Virg. Georg. iii. 116.

Inde alicui insultare pro irridere, et contumeliosius in aliquem aut dicere aliquid, aut facere; et modò dativo, modò accusativo jungitur:

— *Mexentius unquam*

Huic capiti insultans,

Virg. Æn. viii. 570.

Multos a pueritia bonos insultaverat. Sall.

Io] *Io* vox est omnes fere affectus exprimens, sed præcipuè gaudium, a particula Græca *Io*.

XIV.

NUMINIS extincto sensu, gens stulta virorum
In cœlo nullum somniat esse Deum:
In scelus omne ruens confundit fasque nefasque,
Perdita; nec justum quem vocet Orbis habet.

2. De-

ANNOTATIONES.

Hic Psalmus est generis didactici, constans ex Propositione, ad versum quartum; Confessione adversus improbos, ad versum septimum; et Conclusionem prophetica, versu ultimo.

1. *Extincto*] *Extinctus* dicitur de iis quæ erant accensa. Hoc igitur epithetum aptissime convenit iis, qui aberrarunt a sensu Numinis. Quod enim lumen Deus, per sua opera, accen-

dit in mente humana, ipsi, quantum possunt, extinxerunt.

Fasque nefasque] Hîc geminatur copula *que*, per Figuram quam vocant *Poly syndeton*, de qua supra ad Psal. vii. 17. *Iustumque Deum*, etc.

Perdita] *Perditus* is dicitur, qui ita vitiis addictus est, ut inde se eximere non possit, nec de eo ulla amplius spes habenda sit. *Perditum* enim id dicere

D

solemus,

2. Desuper æthereo prospexit lumine terras
Rerum Opifex, famulam qui pede calcat humum :
Lustravitque genus mortale, ut disceret ecquis
Sensus in Orbe foret Numinis, ecquis amor.
3. Sed simul in præceps omnes lymphaticus error
Egerat, et scelerum perniciofa sitis :
Fugerat hinc Pietas, nec, qui sine crimine vitam
Transfigeret, de tot millibus unus erat.
4. Plebis an ignorant Proceres se sanguine pasci,
Ceu dape, nec superum solvere vota Patri ?
5. At Deus, infantes clypeo qui protegit, olim
His quatiet subito corda profana metu.
6. Hei mihi! consilium ridet gens impia iusti ;
Nempe quod in Domino spem locat ille suo.

ANNOTATIONES.

solemus, quod interiit, ac recuperari non potest.

2. *Lustravitque genus mortale*] *Lustrare* proprie significat *expiare*, a *luo* idem ; per Translationem vero *circuire* et *perspicere* : forsan quia expiationes agrorum et urbium per *circuitiones* fiebant. Eodem sensu reperitur apud Virgilium :

— *Vestigia retro*
Observata sequor per noctem,
et lumine lustrō,

Æn. ii. 574.

3. *Lymphaticus*] *Lymphaticus*, *insanus*, *furiosus*, a *Nymphis*, *lympharum* præsidibus, quæ eos, a quibus erant conspectæ, in furorem agebant : vel, quod in rabiem acti, *lympbam*, id est, *aquam* timeant. Eodem sensu Virgilius describens *Amatam* in furorem actam dicit :

Immensam sine more furit lymphata per urbem,

Æn. vii. 377.

Sitis] De Metaphorica hujus vocis significatione supra dictum ad *Psal. iv. 6. Quas sitit.*

Pietas] Hic iterum occurrit *Pietas* pro *Piis hominibus* : cujus Figuræ usus mire animat orationem.

4. *Superum*] Per *Syncope* dixit pro *Superorum*.

5. *Olim*] *Olim* est omnium horarum adverbium : Quodlibet enim tempus significat (1) De præterito omnibus notum. (2) De præsentī, Virg.

Vestra meos olim si fistula dicat amores.

Ecl. x. 34.

(3) De futuro.

Hunc tu olim cælo spoliis orientis onustum

Accipies — *Æn. i. 293.*

7. O Precor ! auxilium sacra de rupe Sionis
Fulgeat, et prisco sordere pacta salus.
Vincla Deus reduci populo cum dempserit, hymnos
Tollet in astra Sion, Abramidûmque domus.

ANNOTATIONES.

7. Sionis] Vide Notam in captivitate *reducitur* in patriam.
Psal. ii. 6. *Sanctæque* Sioni. Virg.
Vincla] Dicitur per *Syncopen* Namque tibi reduces *socios*
pro *vincla*: ut Georg. iv. 412. *classẽque relatam*
Tanto, nate, magis contende Nuntio—Æn. i. 394.
tenacia vincla. Abramidûm] Per *Syncopen*
Reduci] *Redux* is dicitur qui a pro *Abramidarum*.
periculis in tutum, ab exilio five

XV.

- TELLURIS, Coelique Sator! tentoria tecum
Quis tua, quis montis culmina sacra colet?
2. Cui mens labe vacans; legi cui consona vita;
Pectora perfidiæ nescia, lingua doli.
3. Felle caret, nec obest socio; nec dulcis amici
Nomen in opprobrium ludibriumque trahit:
4. Deprimit osorem, cultorem Numinis effert;
Nec sua sollicitant fallere damna fidem:

ANNOTATIONES.

- Hic Psalmus est *didacticus*,
constans ex *Quæstione*, in versu
primo; et *Responsõ*, in versibus
subsequentibus.
3. Felle caret] *Fel* humor in
corpore, qui, quod flavus est, a
medicis bilis flava appellatur.
Per Translationem pro *mordaci-*
tate et *cavillatione* ponitur: et
pro ipso veneno a Virgilio:
——— *Sagittam*
Armatam——— felle *veneni*,
Æn. xii. 857.
4. Sollicitant] *Solicitare* est
instare, et velut allicere, vel
spem ostendendo, vel metum.
Unde reperies, (1) *Solicitare*
pretio, Cic. 4. in *Catil.* xvii. (2)
Solicitare votis, Tib. l. ii. iv. 53.
(3) Voluptas *felicitat*, Virg.
Georg. iii. 131. Si autem Ety-
mologiam vocis quæras, *solici-*
tare est *solo citare*, id est, ex suo
loco *movere*.

5. Nec premit usurâ tenuem, nec prodere cõgit
Innocuos auri perniciofa fames.
Hæc quicunque potest, stat nullo mobilis ævo;
Et colet æternum Tempa sacrata Deo.

ANNOTATIONES.

5. *Tenuem*] Vide supra Not. | nuem.
in Psal. x. 2. *Impius ab! te-*

XVI.

- P**RÆSIDIO Dextrâque tuâ me protege, rerum
Conditor! in te spes certa repõsta mihi est.
2. Te, Deus! agnosco Dominum, nullius egenum;
Quem nequeo cultu demeruisse meo.
3. Siqua tamen studiosa tui gens luminis aurâ
Vescitur, hanc studio prosequor usque pio.
Altiùs humanis siquis caput extulit, illum
Dulce mihi est famulâ sustinuisse manu.
4. At spreto quicunque Deo simulachra Deorum
Muta colunt, pœnas, quas meruêre, luent.
Abfit! ut his sociem cœptis immanibus aras,
Nostra vel infando dextra cruore litet.

Abfit!

ANNOTATIONES.

Hoc Canticum est generis
mixti; partim *Procatærii*, par-
tim *Eucharistici*. Ejus partes
sunt tres: *Propositio*, versu pri-
mo: *Enarratio*, versibus quin-
que sequentibus; et *Sponsio Eu-*
eucharistica, inde ad finem Psalmi.

1. *Dextraque*] *Dextra* dixit
pro *dextera*, ut supra Psal. iii.

7. *Dextraque*.

Repõsta] *Repõsta* pro *reposita*,
dictio trisyllaba, sed sæpius a-
pud Poetas, per *Syncopen*, fit
dissyllaba, ut hîc. Sic Virgili-
us,

— *Manet altâ monterepõstum*,
Æn. i. 30.

Tereti cervice repõsta, *Lucret.*
lib. i. 35.

Quando repõstum Cæcubum ad
festas dapes, *Hor. Epod.* ix. 1.

3. *Aura Vescitur*] Imitatus
Virgilium,

— *Si vescitur aura ætherea*,
Æn. i. 550.

Vesci aura autem significat, uti
vel *frui aëre*, ex interpretatione
Nonii ad *Lucret.*

Quove modo genus humanum
variante loquela

Cæperit inter se vesci per no-
mina rerum, *lib.* v. 72.

4. *Cæptis immanibus*] Ita
Virgilius,

— *Cæptis immanibus effera*
Dido, *Æn.* iv. 642.

Dextra] Vide supra in Psal.
iii. 7. *Dextraque*.

Litet]

Abfit! ut hæc memorans os se contamine; aures,

Abfit! ut offendant nomina læva meas.

5. Summa meæ fortis Deus est, Custosque fidelis;
Sufficit Hic largâ præmia læta manu.
6. Hæredi mihi signat agrum, qui, mille renidens
Lautitiis, domino gaudia mille parit.
7. Tolleitur, me vate, Deus super ætheris orbes:
Hujus ego nutu, consilioque regor;
Hujus et afflatu sacras præcordia flammæ
Concipiunt, pulsâ nox ubi luce redit.
8. Hunc oculis, hunc mente fero sine fine; ruina,
Hic modò sit dexter, nulla timenda mihi est.
9. Gestiet ergò mihi mens, et cum pectore lingua;
Nec deerit tumulto spes animosa meo.

ANNOTATIONES.

Liter] Inter *Litare* et *Sacrificare* hoc interest; *Sacrificare* est veniam petere; *litare* vero est propitiare et veniam impetrare. Exemplo sit Virgilius:

Tu modo posce Deos veniam, sacrisque litatis, Æn. iv. 50.
Litare est quasi *lutare*, id est, luere et solvere.

Nomina læva] *Lævus* quum de humanis rebus loquimur, significat *stultus, contrarius, noxius*; ut apud Virgilium:

(1) *Et, si fata Deum, si mens non læva fuisset, Æn. ii. 54.*

(2) *—Lævo contristat lumine cælum, Æn. x. 275.*

Quum verò sermo est de cœlestibus, *lævus* significat *prosper, secundus*, ut

(1) *Intonuit lævum — Æn. xi. 693.*

(2) *—Siquem Nûmina læva sinunt, auditque vocatus Apollo, Georg. ii. 7.*

Ratio est vel quia sinistra numi-

nura, intuentibus dextra sunt; vel potius, quia Romani, in captandis auspiciis, spectabant meridiem; et sic ad sinistram habebant partes mundi exorientes, ad dextram occidentes: ut constat ex *Varrone Epist. Quas. l. 5.* qui inde factum arbitratur, ut sinistra meliora auspicia, quàm dextera, esse existimentur. Græci, contra, ad septentrionem se converterunt in servando cælo: ut patet ex *Homero Iliad. xii. 239.* Unde quæ Romani sinistra, Græci dextera habuerunt; sed utriusque orientalium auspicia visa sunt meliora, quia lucis et motus principium ab ea parte est.

5. *Læta*] Vide Notam in Psal. iii. 8. *Tempora læta.*

9. *Tumulo*] De hujus vocis propria significatione supra dictum ad Psal. vi. 5. *Sensus abest tumultis.*

10. Nam neque permittes animam, Pater Alme! tenebras
Inter in infernâ ducere valle moras;
Nec tibi dilectum, tumuli sub fornice, putres
Pulveris in sordes durus abire fines.
11. Ad tua securum me duces atria; passus
Tu face cœlesti per loca fenta reges.
Mille tuos vultus comitantur gaudia; vitæ
Delicias omnes Dextra perennis habet.

ANNOTATIONES.

11. *Loca fenta*] *Sentis est* tum, *squalidum, agrum, annis*
spina: sic dictus, quia quam- *pannisque obfitum*, Eun. ii. ii. 5.
primum a tangentibus *sentitur*:
hinc senticosus, et sentus, asper, *Tuos vultus*] Plurali numero
horridus, ut apud Virgilium: *hîc utitur pro singulari, ut eti-*
Sed me iussa Deum, quæ nunc am Virgilius:
bas ire per umbras, — *Notos pueri, puer, indue*
Per loca fenta situ cogunt, vultus, *Æn. i. 688.*
Æn. vi. 461. *Dextra*] Vide supra Not. in
Ita etiam Terentius: *Video sen-* *Pfal. iii. 7. Dextraque.*

XVII.

- S**ANCTE-Parens! aurem justis adverte querelis;
Votaque suspecti suscipe pura doli.
2. Quod jus fasque jubent tandem decerne; sereno
Æquus et è folio desuper æqua vide.
3. Tu Deus! egisti censuram, noctis in umbrâ
Pectoris et iudex interioris eras.
Nil tamen hîc acies tua noxæ repperit; ori
Scilicet injeci stricta lupata meo.

4. Legis

ANNOTATIONES.

- Hujus Psalmi partes sunt tres: *Sunt alii, quos ipse viâ sibi*
Exordium sive *Propositio*, versu repperit, *usus*, Georg. ii. 22.
primus et secundo; *Enarratio*, *Satago*] *Satagere*, quasi sat
inde ad versum decimum quar- habere quod agas, significat, in
tum; et *Conclusio*, versu ultimo. re agenda anxium esse, diligen-
tem esse, festinare. *Nam hic*
3. *Repperit*] Dixit *repperit* *Clinia, etsi is suarum rerum sa-*
pro *reperit*, per Figuram vulgo tagit, *Ter. Heaut. ii. i. 13.*
dictam *Epenthesin*; quo modo *Nunc satagit: adducit domum e-*
ipse Virgilius; *tiam*

4. Legis ad obsequium satago dum flectere mores ;
Quas teneant, didici, Visque Dolusque vias.
5. Ne mihi quam monstras linquatur semita vitæ,
Ne pede vacillem, tu Deus ! usque præi.
6. Te, Deus ! oravi : te tangent vota precantis :
Aufcultans famuli fac rata vota tui.
7. Da mihi te facilem, famulos qui Vindice Dextrâ
Protegis, hostiles cùm cecinere tubæ.
8. Me tege pupillam veluti, me conde sub alis,
Præsidii tutum præstet ut umbra tui.
9. Undique me cingit crudelis et ingruit hostis :
Hic gazas, jugulum per scelus ille petit.
10. Omnibus ora nitent, turgent abdomine ventres ;
Ipseque, dum spirant funera, verba tument.
11. Quæ feror, observant gressus ; instantque premuntque :
Utque vorent, sævo lumine facta notant.
12. Sic cervum vestigat, hians immanè, læna ;
Sic oculo passus insidiante legit.

Non

ANNOTATIONES.

tiam ultro, et scribit nummos,
Plaut. Asin. ii. iv. 34.

Visque Dolusque] *Visque Dolus-*
que hic, more poetico, ponuntur
pro *Violento*, et *Doloso*.

6. *Tangent*] *Tangere* hic su-
mitur eodem sensu, quo apud
optimos auctores ; nimirum pro
movere. Ita Lucret.

Nec bene pro meritis capitur,
nec tangitur ira, lib. i. 62.

Hæc modice me tangunt, i. e. me-
diocriter me commovent, *Cic.*
Att. ii. 19. et *Virg.*

— *Miseri te si qua parentis*
Tangere cura potest,
Æn. xii. 933.

9. *Ingruit*] *Emphatice* dixit
Ingruit, nam *ingruere* est simul,
et confertim, veluti *gruum* more
invadere. Qua voce utitur Vir-
gilius :

Ingruit Æneas Italis, et præ-

lia miscet, *Æn.* xii. 628.

Hic subauditur præpositio *in* ;
dicimus enim *ingruit mihi*, vel
ingruit in me.

10. *Omnibus ora nitent*] Po-
etice dixit *omnibus* pro *omnium*,
ut *Psal.* i. 3. *Cui tempestivis.*

Abdomini] *Abdomen* significat
in homine pinguedinem illam in
ventre inferiori sursum versus ad
præcordia intumescentem, au-
ctore Celso iv. 1. Aliquoties su-
mitur Metaphoricè pro studio
gulæ. Unde apud Ciceronem :
Ille gurgès atque belluo natus ab-
domini suo, non laudi atque glo-
ria, In *Pison.* 31. *Abdomini*
natus, i. e. *ventri et gulæ*.

11. *Instantque premuntque*] In-
geminatur *que*, ut supra *Psal.* viii.

17. *Iustumque Deum*, etc.

12. *Hians immane*] Simili
com-

Non aliter capream de rupe leunculus altâ
Signat, et observat, quâ fugit illa, viam.

13. Surge, Deus! præverte nefas, quod parturit hostis
Impius! hunc, missio fulmine, dede neci.

14. Eripe me dextris, quas castigare nocentes,
Aptaque vindictæ spicula ferre jubes.

Da, precor, imbellem me ne premat improba mundi
Colluvies, nimias quæ natat inter opes.

Das illi tellure frui, dapibusque saginas,
Quas tibi de cornu divite fundit humus.

Succedit loculis proles numerosa paternis,
Arvaque discinctus sulcat avita nepos.

15. Ast

ANNOTATIONES.

Comparatione utitur Virgilius:

*Impastus stabula alta leo ceu
sepe peragrans*

(*Suadet enim vesana fames*) si
forte fugacem

*Conspexit capream, aut surgen-
tem in cornua cervum;*

*Gaudet hians immane, comas-
que arrexit, et hæret*

Visceribus super accumbens,

Æn. x. 723.

Immane hic non est adverbium,
sed adjectivum adverbialiter
sumptum, ut supra, Psal. i. 3.
Lene fluentis.

Legit passus] *Legere vestigia*
vel *passus*, est aliquem ita sequi,
ut premas eadem vestigia quibus
ille institerat:

— *Simul et vestigia retro*

Observata legit,

Virg. Æn. ix. 392.

13. *Nefas parturit*] De Me-
taphorico sensu verbi *parturit*,
supra adnotatum ad Psal. vii. 14.
Parturit hæc noxam.

14. *Dextris*] Vide supra Psal.
iii. 7. *Dextraque*

Jubes] *Jubere* nonnunquam
pro *velle*, ut hic. Ita (1) Te-

rentius: *Qui scis an quæ jubeam,
sine vi faciat?* Eun. iv. vii. 20.

et (2) Plautus: *Jubeo te salu-
re*, Afin. ii. ii. 33.

Colluvies mundi] *Colluvies*
propriè est labes aut immunditia,
quæ ex concursu alicujus rei con-
trahitur. *Medetur et suis bac*
— *addita in colluviem poturis*,
Plin. lib. xxiv. 19. Per Trans-
lationem pro *impuro hominum*
grege, ut apud Ciceronem: *Et*
te in certamine vinci cum illo fa-
cilius patiaris, quàm cum hoc in
ea, quæ perspicitur, futura col-
lue regnare, h. e. sceleratorum
turba, Att. ix. 12.

Saginas] *Saginare*, a *Sagina*,
cibus quo quis pinguis efficitur,
est pingue facere. *Ordeo sagi-*
nandus equus, Col. c. 27. Inde
pro *saturare*: *Saginare sanguine*
civium, Cic. pro Sext. 78.

Tibi—fundit] *Tibi*, i. e. te
jubente.

Cornu divite] Quo modo dixit
Horatius *cornu benigno*:

— *Hinc tibi copia*
Manabit ad plenum benigno

15. Ast ego, cùm surgam rediviſus, facce ſepulcri
Depoſitâ, vultu perfruar uſque tuo.
Hâc lucem de luce traham, radiosque perennes :
Hic fructus, merces hæc pietatis erit.

ANNOTATIONES.

Ruris bonorum opulenta cornu,
1 Carm. xvii. 16.
Cornu hîc pro *copia*, *abundantia* ; ex alluſione ad cornu Fortu-
næ, quo divitiæ ligari dice-
bantur.

Succedit loculis] *Loculus*, ſac-
culus in quo pecuniâ ſervatur,
frequentius in plurali legitur, ut
— *Gemmaque princeps*

— *Loculis quæ custoditur eburnis,*
Juv. Sat. xiii. 39.

Gessit enim nummum in loculos
demittere, Hor. ii. Ep. i. 175.
Inde ponitur per *Metonymiam*
pro *nummis*.

Discinctus nepos] *Discinctus*
proprie non *cinctus*, et de vesti-
mento laxo et soluto dicitur.
Inde per Translationem *mollis*,

luxuriosus. Apud Romanos e-
nim *discinctum* seu non *cinctum*
prodire in publicum hominis dis-
soluti et luxuriâ perditî nota e-
rat. Contra *cinctus* vel *accinc-*
tus vocatur gnavus ac fortis.
Translatio ab iis qui gnaviter a-
liquid facturi vestem altius cin-
gebant, ne lacinii defluentibus
impedirentur.

Nepos] *Nepos* vocatur luxu-
riosus, quod ei non major cura
sit rei suæ familiaris, quàm so-
let esse juveni, cujus pater et
avus adhuc vivunt, quos sibi no-
vit opes congerere et opimam
hæreditatem comparare. Unde
Horatius,

Discinctus, aut perdam, ut
nepos, Epod. i. 34.

XVIII.

- T**U mihi delictum es, Rex ô cœlique, solique!
Me tua cœlesti Dextera fulcit ope.
2. Tu, Deus! et vindex, et plusquam adamantina rupes,
Tu columen vitæ præsidiumque meæ es.

Spes

ANNOTATIONES.

Hic Psalmus est *triumphalis*
ac *laudativus*, constans ex *Pro-*
positione, ad versum quartum ;
Narratione, ad versum quadra-
gesimum septimum ; et *Conclu-*
sione, inde ad finem Psalmi.

2. *Adamantina rupes*] *Ada-*
mantinum, proprie dicitur quod
est ex *adamante* factum, vel ad
adamantem pertinet. *Adaman-*

tinum vero per *Metaphoram* vo-
camus quicquid invictum atque
inexpugnabile indicare volumus,
propterea quod incredibilis est
ipsius *adamantis* durities. Inde
Horatius :

— *Si figit adamantinos*
Summis verticibus dira necessi-
tas

Clavos — 3 Carm. xxiv. 5.

Allylo]

Spes mea te clypeo, te solo fudit asylo;
Durabitque tuo robore fulta salus.

3. Te precibus votisque colam, cui debita laus est:
Hostis ab insidiis sic ego tutus ero.
4. Me dolor obsedit Lethi: me terruit ingens
Gurges, et infandis Lerna referta malis.
5. Undique terrificus tumuli circumstetit horror;
Et laqueis hæsi, Mors truculenta! tuis.
6. Fluctibus è mediis et lethi faucibus atris,
Ad Dominum supplex vota Deumque tuli.
Ille preces humiles superâ suscepit ab aulâ;
Et facili planctum supplicis aure bibit.
7. Mota fuit tellus, nutârunt vertice montes;
Imaque cum summis plena tremoris erant.

8. Nari-

ANNOTATIONES.

[*Asylo*] *Asylum* vox originis Græcæ ἀσυλος, locus a violento tutus; inde locus refugii.

4. [*Lethi*] De hac voce vide supra Psal. vi. 3. *Lethum pulsurus*.

[*Lerna*] Fuit *Lerna* palus in *Paloponnesi* agro Argivo, ubi fuit *Hydra*, serpens septem, vel, juxta alios, quinquaginta capitibus terribilem; quorum quoties unum abscissum erat, toties alia duplicato numero pullulabant. *Hercules* tandem eam interfecit, igni ad singula vulnera admoto. De quo *Virgilius*:

— Non te rationis egentem

Lernæus turba caput circumstatit anguis,

Æn. viii. 299.

Lerna igitur Metaphorice significat numerosum agmen malorum, vel plurima mala in unum congesta.

5. *Hæsi, mors truculenta!*] Duo hic notanda occurrunt, primo, subita Mutatio personæ; a tertia scilicet ad primam.

Secunda *Apostrophe* ad Mortem personaliter sumptam. De hoc parco et prudenti usu Figurarum ita *Quintilianus*: “Una tamen in re maxime utilis, ut quotidiani et semper eodem modo formati sermonis fastidium levet, et nos a vulgari genere dicendi defendat. Quo si quis parce, et cum res poscet, utetur, velut asperso quodam condimento, jucundior erit.” Huc accedat, quod *Apostrophe*, et *Figura* quam vocat *Prosopopæiam*, dictionem mire intendit, animat et nervosam reddit.

6. [*Lethi faucibus*] De Etymologia vocis *Lethi*, vide supra Psal. vi. 3. *Lethum pulsurus*.

Aure bibit] i. e. Promptè audit. *Horatium* secutus est:

Densum bumeris bibit aure vulgus, lib. ii. od. xiii. 32.

et *Propertium*:

Incipe, suspensis auribus ista bibam, lib. iii. *Eleg.* iv. 8.

7. *Nutârunt vertice*] Imitatus

tus

8. Naribus efflavit nebulas Deus excitus irâ,
Cunctaque flammantes volvit ab ore faces.
9. Æthere depresso, folio descendit ab alto:
Nubila fidereos implicuere pedes.
10. Ventorum volucres humeris circumdedit alas,
Scandit et ætherei flammea terga chori.
11. Quaque volat, nubes glomerans se condidit umbris;
Et circumfusus undique textit aquis.
12. Ut jubar admovit, cœperunt hiscere nubes,
Igne micare polus, grandine terra quati.
13. Ore Deus sacro tonuit; mox, grandine mixta,
Fulmina cœlesti defiliere domo.
14. His jaculis pavidos disjecit et obruit hostes,
Ultrici geminans ignea tela manu.

ANNOTATIONES.

tus est Virgilium:

— *Quercus*

*Attollunt capita — et sublimi
vertice notant, Æn. ix. 682.*

8. *Cunctaque flammantes*] *Flam-*
mo hîc activè sumitur pro in-
flamme: quo modo occurrit apud
Tacitum: *His inter se vocibus
insistentes, flammavere insuper
allata in Vespasiano literæ, Hist.*
iv. 24.

9. *Sidereos pedes*] *Sidereos,*
i. e. *fulgens instar siderum, ut*
apud Virgilium:

Nam neque erant astrorum ig-
nes, nec lucidus æthrâ

Sidereâ polus, Æn. iii. 586.

10. *Terga chori*] *Cchorus* pro-
priè est Cœvorum cantus atque
saltatio: estque vox origine
Græcâ Χορός. Sed sæpius usur-
patur ab autoribus pro quovis
cœtu sive conventu, in genere.

11. *Nubes glomerans*] *Glome-*
rare, propriè est *implicare*, et
in globi, hoc est Sphæræ figuram,
filum inducere. Per Transla-
tionem, *congregare* et accumu-

lare; in quo sensu sæpius occur-
rit apud Virgilium: (1)

— *Aves glomerantur, Æn.*
vi. 311.

(2) — *Agmina cervi*

Pulverulenta fugâ glomerant,
Æn. iv. 155.

12. *Micare polus*] *Polus* qua-
si cœli cardo, quo cœlum ver-
titur: a *πολῖα*, *verto*: *Polus*
vero interdum, ut hîc, pro cœ-
lo ipso sumitur: ut,

Humentemque Aurora polo di-
moverat umbram,

Virg. *Æn. iii. 589.*

Micare est subinde, et per in-
tervalla, ut *micæ* faciunt, re-
splendere. Exemplo sit illud Vir-
gilii:

— *Crebris micat ignibus*
æther, Æn. i. 94.

Huic igitur loco optime congruit
hoc verbum.

14. *Tela*] De hujus vocis E-
tymologiâ et primariâ significar-
tione supra dictum in Psal. iii. 6.
Tela.

36 PSALMUS XVIII.

15. Ut Deus increpuit, pelagi se pandit abyssus ;
Aruit et refugas alveus inter aquas.
Ut rutilos patulis efflavit naribus ignes,
Icta metu latebras ima reclusit humus.
16. Desuper auxilium tulit ; et me, mille sepultum
Fluctibus, exerta sustulit ille manu.
17. Cùmque calens irâ premeret me fortior hostis,
Hic mihi de cœli vertice misit opem.
18. Straverat incautum gens impia rebus in arctis :
Hic baculo nixum surgere iussit humo.
19. Carceris obseptum tenebris eduxit in auras
Ætheris ; hoc patrii pignus amoris erat.
20. Præmia concessit recti Moderator et æqui,
Quæ meruit pietas, et sine labe manus.
21. Præbuit obsequium legi sincera voluntas ;
Conscia nec sceleris mensve manusve fuit.

ANNOTATIONES.

15. *Se pandit abyssus*] *Abyssus*, vox Græcæ originis ἀβύσσος, est aqua sine fundo, vel in immensam patens profunditatem.

16. *Fluctibus*] De propriâ, et hâc Metaphoricâ significatione vocis *Fluctus* vide supra Not. in Psal. ix. 13. *Adspice fluctus*.

17. *Premeret*] Verbum *Premo* significat hîc *persequor*, *infecto*, *infecto*, ut supra, Psal. iii. 2. *Premet*.

19. *Carceris obseptum tenebris*] *Carcer* est proprie locus ubi servantur noxii et damnati, vel unde quis exire prohibetur : a *coerceo* dictus.

Auras ætheris] *Aura* inter alia significat *aër*, vel *spatium ærium* ; unde apud Virgilium reperies *auras æthereas* ; ubi de æsculo sic dicit :

Æsculus imprimis, quæ quantum vertice ad auras

Æthereas, tantum radice in Tartara tendit,

Georg. ii. 291.

20. *Sine labe manus*] *Labe*, proprie macula in vestimento dicitur : et inde transfertur in homines vituperatione dignos ; quorum animus vitiis est contaminatus : *Hunc tu quas conscientie labe in animo censet habuisse ?* Cic. Off. iii. 21.

21. *Conscia* — *mensve manusve*] *Conscius* is dicitur qui cum aliis aliquam rem cognitam habet. Et transfertur etiam ad inanimata, cujus exemplum habes apud Virgilium :

— *Fussere ignes, et conscia æther*

Connubii — *Æn. iv. 167.* ubi loquitur de Connubio Dido-
nis et *Æneæ*.

22. Ante oculos lex semper erat, nec in æquoris undas
Sculpta Dei digitis iussa tulere Noti.
23. Mens mihi pura fuit; nec, cum suaderet iniquum,
Indulsi genio libera fræna meo.
24. Grata Deo pietas mercedem rettulit; insons
Dextera munificâ mox cumulata manu est.
25. Te, Deus! agnoscit sanctum pius, integer æquum;
Purus es et puris, tetricus usque malis.

27. Tu

ANNOTATIONES.

22. *In æquoris undas tulere*
Noti] *Tulere Noti* est dictio
proverbialis Poetis non inusitata,
pro eo quod est oblivisci, atque
ex animo ejicere: (1) Exemplo
fit Virgilius:

— *Nec ferre videt sua gaudia*
ventos, *Æn.* x. 652.

— *Multa patri portanda dabit*
mandata: sed auræ

Omnia discerpunt, et nubibus
irrita donant,

Æn. ix. 312.

(2) Horatius:

— *Tristitiam et metus*

Tradam protervis in mare Cre-
ticum

Portare ventis, — *1 Car.*
Od. xxvi. 2.

(3) Propertius:

— *Rapidas in vanum ferre*
procellas, 2 *Eleg.* xvi. 45.

(4) Tibullus:

— *Veneris perjuria venti*
Irrita per terras, et freta
summa ferunt.

Sensus est igitur, mandata Dei
non exciderunt ex animo meo;
nec spreta aut neglecta fuere,
ut res nihili quam damus ven-
torum ludibrio.

In æquoris undas] Plus est
ferre in undas maris quàm in
terras; possunt enim recuperari
quæ res etiam ad ultimos terræ
fines sunt abreptæ; quas vero

venti in undas tulerunt, prorsus
sunt irrecuperabiles.

Æquoris] Vox *Æquor* pro-
prie æqualitatem et planitiem
significat. Unde Virgilius solo
terræ attribuit:

— *Ignotum scindimus æquor*
Geor. i. 50. Et transfertur ad
mare, ab æquâ et plana ejus su-
perficie, ut ex innumeris patet
exemplis: quod, ob eandem
causam, etiam *marmor* dicitur:

— *Infidum remis impellere*
marmor, *Geor.* i. 254.

Noti] *Notus* est Auster, sive
ventus meridionalis, sic dictus a
voce Græcâ *νότις*, humor, quia
humores colligit: hîc vero *Noti*
ponitur pro ventis in genere, ut
supra, *Psal.* i. 4. *Notus.*

23. *Indulsi genio]* De propriâ
significatione verbi indulgere,
vide *Psal.* iii. 8. *Indulges.* *In-*
dulgere genio est obsequi animo ad
voluptates prono; ut apud Per-
sium:

Indulge genio, carpamus dul-
cia, *Sat.* v. 151.

Libera Fræna] Vide Not. in
Psal. ii. 5. *Frænaque.*

25. *Agnoscit sanctum]* *Ag-*
noscere hîc est idem quod *depre-*
bendere, intelligere, experiri.
Ut apud Virgilium:

— *Sed Troius beret*

27. Tu, Pater Omnipotens! humilem de pulvere tolles;
Ardua cœlesti tu pede colla premes.
28. Tu mihi depelles tenebras; et luce serenâ,
Sedibus è superis te radiante, fruar.
29. Te duce perrumpam validos, quibus implicor, hostes;
Mœnia transfiliens, te duce, victor ero.
30. Recta via est, quamcunque teris; vox fusilis auri
Æmula: tu clypei protegis ære pios.
31. Alme Parens! quid, te semoto, Numinis usquam est?
Te nisi, quid magni maximus Orbis habet?
32. Tu mihi das vires, et cingis robore lumbos:
Tu sternis faciles per loca cæca vias.
33. Tu cursu superare levis vestigia cervæ,
Et juga securum scandere summa jubes.

34. Tu

ANNOTATIONES.

Agnovit sonitum, et divæ pro-
missa parentis,

Æn. viii. 531.

et Cicero, de Fin. v. 49.

Auribus ut nostros possis agnos-
cere cantus.

Auribus agnoscere, h. e. auditu
ipso intelligere.

28. Depelles mihi tenebras et
luce serenâ, te radiante, fruar]
Omnes hæc similitudines desump-
tæ sunt a sole, quo vivida nobis
exhibetur imago Dei, Patris lu-
minum, et fontis vitæ perennis,
cujus propitii vultûs perceptio
ærumnosas tenebras penitus dis-
pellit, mentemque luce serenâ
irradiat.

29. Mœnia] De discrimine
inter Mœnia et Muros, vid.
Not. in Psal. ix. 6. Mœnia.

30. Clypei ære] Pro clypeo
ærato, per Figuram quam vo-
cant Hendiadyon, de qua supra
in Psal. ii. 9. Sceptro ferroque.
Hujus Figuræ varia apud opti-
mos Poetas reperiuntur exem-

pla, præcipue apud Virgilium:
ut, ubi loquitur de Jove into-
nante,

Intonuit, radiisque ardentem
lucis et auro

Ipsæ manu quatiens ostendit ab
æthere nubem,

Æn. vii. 121.

Lucis et auro dixit pro aurea lu-
cis. Vid. Georg. ii. 193. iii. 36.
Æn. i. 65.

31. Quid numinis — quid
magni] Pro quid numen, quid
magnum: ut Virgilius:

—Huic aliud mercedis erit,

Ec. vi. 26.

Maximus orbis] Ita Virgilius:

— Et te maximus orbis

Auctorem frugum — accipiat,

Georg. i. 26.

32. Tu, etc.] Est Anaphora
in crebrâ repetitione vocis Tu,
in hoc et sequentibus versiculis:
ubi Poeta, felix Virgilii imita-
tor, respexisse videtur ad Æn.
viii. 293. ubi laudes Herculis ce-
lebrantur:

— Tu

34. Tu dextram bellare doces : mihi ferreus arcus
Rumpitur ; est impar viribus ille meis.
35. Texisti clypeo, fulcisti robore dextræ ;
Meque tuus pavit semper et auxit amor.
36. Pandit iter tutum Bonitas tua ; neve labaret,
Neve vacillaret pes mihi, cura fuit.
37. Hostibus indixi bellum, cepique fugaces ;
Nec, nisi prostratis, patria visa mihi est.
38. Vulnere vulneribus cumulans tota agmina ferro
Mactavi, pedibus mox subigenda meis.
39. Robore me valido tua cinxit dextra : rebelles
Hæc eadem domitos in mea vincla dedit.
40. Te duce, cervices mihi submittere Tyranni ;
Impia jussisti dedere colla neci.
41. Vota Deo strictas inter fudere secures :
Ille sed averſa respuit aure preces.
42. In cineres verſos Notus abstulit : inque plateis
Hostica calcavi corpora, more luti.
43. Tu, Deus ! ampla mihi pacato regna dedisti ;
Serviet et sceptris gens peregrina meis.

44. Of.

ANNOTATIONES.

— Tu umbigenas, invictæ,
bimimbres,
Hylæumque, Pholæumque manu ;
tu Cressia mæſſas
Prodigia, etc.

34. *Dextram*] Pro *Dexte-
ram* : ut in sequenti versu *dex-
tra* pro *dextera*. Vide Psal. iii.
7. *Dextraque*.

35. *Robore Dextræ*] Pro *ro-
bus* dextræ, per Figuram que
dicitur *Hendiadyoin*, de qua su-
pra dictum. Vide Not. in Psal.
ii. 9. *Sceptro ferroque*, et in
hujus Psalmi versiculum trige-
simum, *Clypei ære*.

38. *Pedibus—subigenda*] Sub-
igere hic sumitur eodem sensu
quo in Catone, *Farinam subige-
re*, i. e. contundere, *Cap. lxxiv*.

39. *Dextra*] Vide supra Not.

in Psal. iii. 7. *Dextraque*.
Vincla] Dixit per *Syncopen*,
pro *vincula* ; quo modo etiam
Virgilius :

*Ipse viro primus manicas at-
que arcta levare*
Vincla jubet Priamus,

Æn. ii. 146.

40. *Tyranni*] De hac voca-
consule Not. in Psal. vii. 2. *Im-
pune tyranni*.

41. *Notus abstulit*] De hac
locutione supra dictum in hujus
Psalmi versiculo vicesimo se-
cundo, *In æquoris undas tulere*
Noti.

43. *Pacato*] *Pacatus* hic i-
dem significat quod *pax positus*,
vel ab hostibus liberatus, ut a-
pud Livium : *Nescio quo facto,*
magis bellantes quam pacati pro-

44. Offeret obsequium, nostris excita triumphis,
Turba frequens; tellus ultima dona dabit.
45. Fama mei ignotas quatiet formidine gentes,
Quasque colunt latebras, sepositoque lares.
46. Vivat Honos, Nomenque Dei; qui robore mentem
Firmat, et æternum vivere posse dedit.
47. Ille mihi vires reparans pessundedit hostes,
Subdidit et sceptris colla superba meis.
48. Tu, Deus! es Vindex; humilem tu tollis in altum:
Impia tu populos ponere tela jubes.
49. Ergò tuos titulos nunc audiet ultima tellus,
Et mihi perpetuum laus tua carmen erit.
50. Quem tibi sacrasti, tua servat dextera regem:
Hæc eadem sobolem cum patre porrò teget.

ANNOTATIONES.

pitios habemus Deos, lib. iii. 19.

Regna — sceptris] *Enallage*
est numeri pluralis pro singulari.
more Poetis satis usitato. Ita
Virgilius:

— *Illic fas regna resurgere*

Troja, *Æn.* i. 210.

Conjugio Æacida Pyrrhi
sceptrisque positum,

Æn. iii. 296.

45. *Sepositosque lares*] *Lares*
erant Dii domestici, quos in se-
creta parte ædium gentes cole-
bant. Quidam existimant *La-*
res fuisse ipsas animas parentum,
qui, quod olim in ipsa domo se-
pultoræ mandarentur, curare
semper familiam putabantur su-
am; et propterea religiose cole-
bantur. Sed sumitur hîc pro
ædibus, ut apud Virgilium;

*Sæpe etiam effossis (si vera est
fama) latebris*

Sub terra fodere lares,

Georg. iv. 43.

47. *Pessundedit hostes*] De
voce *pessum* et ejus composito
pessundo, vide *Psal.* x. 16. *Pes-*
sum.

Sceptris] Pluralis numerus
iterum pro singulari, ut supra
in versu quadagesimo tertio.

48. *Tela*] De hujus vocis E-
tymologia et primaria significa-
tione, consule *Psal.* iii. 6. *Tela*.

49. *Tuos titulos*] *Tituli* hîc
sunt *laudes*, *gloria*, *honores*, ut
apud Horatium:

— *Scelus ob titulos admittit
inanes*, lib. ii. *Sat.* iii. 212.

50. *Sacrasti*] Per *Syncopen*
dixit pro *Sacravisti*.

Porrò] De hac voce vide *Not.*
in *Psal.* vi. 8. *Porrò*,

PSALMUS XIX.

41

XIX.

NUMINIS inscriptæ titulis sunt ætheris arces,
Et rerum dominâ regia picta manu.

2. Lux lucem, noctemque premens nox altera, laudes
Artificis memorant nocte dieque Sui.
3. Non tam seposita est, nec gens tam barbara, voces
Illarum quæ non jugiter aure trahat.
4. Omnibus astriferâ radii mittuntur ab aulâ ;
Et bibit æthereos ultima terra sonos.
Adspicis, ut solidis surgant palatia gemmis,
Sol ubi purpureum fundit ab axe jubar.
5. Sponsi more novi, thalamo se tollit Eo ;
Carpit et, exultans more gigantis, iter.
6. Littus in Hesperium roseo dum fertur ab ortu,
Omnia vivifico, quâ volat, igne fovet.

7. Sed

ANNOTATIONES.

Hic Psalmus est generis mix-
ti, partim *Didacticus*, partim
Precatorius. Sunt autem partes
Illius duæ: *Propositio*, usque ad
versum undecimum; et *Conclu-*
so, inde ad finem Psalmi.

1. *Inscriptæ*] Est imitatio
Virgilii:

*Dic quibus in terris inscripti
nomina regum*

Nascantur flores, Eccl. iii. 106.

Titulis] De hac voce supra ad
Psal. xviii. 49. *Tuos titulos*.

4. *Bibit sonos*] De hac for-
mula loquendi *bibere sonos*, vide
Psal. xviii. 6. *Aure bibit*.

Purpureum jubar] Quo modo
Virgilius dixit,

Purpureum lumen, Æn. vi. 640.

*Largior hic campos æther et
lumine vestit*

Purpureo, i. e. *splendenti*: ut
iam, Æn. i. 595.

— *Lumenque juvenæ* —
purpureum.

Et Horatius:

— *Purpureis ales ostribus*,

Carm. iv. Od. i. 10.

Axe] *Axis* proprie est *Stipes*
terres circa quem rota vertitur;
et transfertur ad polos cæli, præ-
cipue ad polum arcticum; unde
per *Synecdochen* sumitur, ut hic,
pro toto cælo: ut apud Virgili-
um:

— *Nudæque sub ætheris axe*

Ingens ara fuit, Æn. xi. 512.

5. *Totamque Eo*] *Tbalamus*
est torus vel lectus conjugalis;
vox quæ huic loco bene convenit.
Eous, *orientalis*, vel *matutinus*,
ab *æte*, *eos*, vel *aurora*, quæ in-
de oritur.

6. *Littus in Hesperium*] *Hes-*
perium, *occidentale*, ab *Hespero*,
Veneris stella; quæ mane sub
Luciferi nomine apparet, sero
sub nomine *Hesperii*; et per
Metonymiam, occasum significat.
Inde Græci eas regiones, quas

E 3

haber

7. Sed magè flexanima est Domini lex, nescia labis :
Expolit hæc mentes fida magistra rudes.
8. Æquius hæc nihil est ; nihil est hæc purius unâ :
Hæc cor lætitiâ, lumina luce beat.
9. Huic pietas est pura comes, luceſque perennes :
Nil habet erroris, nil tegit illa doli.
10. Vilius hæc aurum est, quod septimus eliquat ignis :
Dulcia nec tam sunt condita mella favis.
11. Lex monet, et mentem famuli præmunit ; et ampla
Præmia fert quisquis, quod jubet illa, facit.
12. Hei mihi ! caligat mens ad sua crimina : dele
Tu, Pater ! arcano quæ foveſt illa finu.
13. Ne tumeat, sceleri fac ne se mancipet : hydris
Mille repurgatis, sic ego purus ero.
14. Suscipe quæ promo, tacitâ vel mente voluto :
Quod vivo et vigeo, munus id omne tuum est.

ANNOTATIONES.

habebant ad occasum, Italiam nempe et Hispaniam, *Hesperiam* appellaverunt. Et a Græcis hoc nomen devenit ad Romanos. Exemplo est Virgilius, qui Italiam vocat *Hesperium litus* :

— *Juvenum manus emicat ardens*

Littus in Hesperium, Æn. vi. 6.

Roseo--ctu] De Poetico usu hujus epitheti *roseus*, vide Psal. i. 2. *Roseo*.

9. *Luces perennes*] Plurali numero usus est pro singulari, cujus Figuræ usus est, ut magis intendat orationem.

13. *Mancipet*] De hac voce consule Psal. xii. 2. *Mancipat*.

Hydris repurgatis] *Hydra* proprie serpens aquaticus, ab *ὕδωρ*,

aqua ; qui, ut docet Plinius, nullis serpentium veneno infertur ; or ; et Poetis fuit serpens multorum capitum in Lerna palude. Hinc transfertur ad *pravos affectus*, qui animum corrumpunt, et conscientiæ morsus et angorem pariunt.

14. *Voluto*] De hac voce vide supra Not. in Psal. ii. 1. *Volutat*.

Quod vivo, etc.] Imitatus est Horatium :

Totum muneri hoc tui est,

Quod monstror digito prætereuntium

Romana fidicen lyra :

Quod spiro, et placeo, si placeo, tuum est,

Carm. iv. Od. iii. 2.

XX.

REBUS in angustis pateant tibi Numinis aures;
Magnus et Isacidum sit tua parma Deus.

2. Advolet ex adytis cinctus victricibus armis,
Et ferat è sacrâ rupe Sionis opem.
3. Sitque memor, donis quoties cumulaveris aras;
Donaque promisso desuper igne probet.
4. Mollibus adspiret Zephyris, et vota secundet;
Sitque raturum quicquid mens sine labe petit.
5. Sic ubi tu voti compos servabere, passim
Vindicis extabunt læta tropæa tui.

ANNOTATIONES.

Hic Psalmus est *Precatorius*, ex tribus partibus constans; *Petitione*, usque ad versum sextum; *Confirmatione*, ad versum novum; et *Conclusione*, versu ultimo.

1. *Isacidum*] Per *Syncopen* dixit *Isacidum* pro *Isacidarum*.

2. *Adytis*] *Adyta* est vox Græcæ originis; erant intimæ partes domorum templorumque, quod non *vulgo profano* patebat aditus: ab *a*, privativo, et *dyo* ingrediens.

Sionis] De hoc loco vide Not. in Psal. ii. 6. *Sioni*.

3. *Promisso desuper igne probet*] Plerique Interpretes sacre scripturæ existimant Deum signum dedisse doni vel sacrificii sibi accepti et probati, ignem cœlitus demittendo ad victimam consumendam: ut in exemplo Abrahami, *Gen. xv. 17.* et *Eliæ, 1 Reg. xviii. 38.* ad quod signum Poeta hîc loci respicere videtur.

4. *Adspiret*] De propriâ et Metaphoricâ hujus vocis significatione consule supra Psal. i.

3. *Adspirans.*

Mollibus Zephyris] *Zephyrus* ventus flans ab occasu æquinoctiali, sic dictus quasi *ζωόμενος*, vitam afferens, Latinis *Havanius*.

Vota secundet] *Secundet*, i. e. prosperet, a voce *secundus* dictum, cum enim, in capiendis auspiciis, post adversum omen, novum repeteretur; si hoc prosperum erat, primum destruebat, vocabaturque *secundum*.

5. *Voti compos*] Dicitur *compos mentis*, *compos rationis*, qui hæc habet: At *compos voti*, *compos victoriæ*, qui hæc obtinuit. *Compos voti* idem est quod apud Virgilium *Reus voti*:

— *Taurum*

Constituam ante aras voti reus, *Æn. v. 237.*

Lætæ tropæa] *Tropæa* a *τροπή*, id est fuga hostium; erant spolia ab hostibus capta, et fixa in stipitibus, ut essent insignia et monumenta bellicæ laudis ac victoriæ. Inde Virgilius spolia *Mezentii Tropæa* vocat:

Me.

6. Annuet optatis Deus, et, me vate, ministri
 Quem sibi sacravit proteget ille caput.
 Illius, è superæ sacris penetralibus aulæ,
 Auris erit votis pervia, prompta manus.
7. Ille rotis, hic fidat equis et fortibus armis :
 Supplice nos Domino fundimus ore preces.
8. Illa jacet gens strata solo ; nos robore firmo
 Numinis erexit sustinuitque manus.
9. Magne Parens rerum ! patriæ tu protege patrem ;
 Et populi votis annuat ille sui.

ANNOTATIONES.

- Mementi ducis exuvias, tibi* | rant partes domus interiores, ubi
magne Tropæum | *penates* servabantur, a *penetra*
Bellipotens, — Æn. xi 67. | et *penus* : vide Psal. iv. 7. *Pe-*
 6. *Penetralibus*] *Penetralia* c- *nus.*

XXI.

Q UAM, Pater Alme ! tuo Rex plaudet Numine
 fultus ;

- Clamabit quoties, te Duce, victor, Io !
2. Tu rata fecisti tacitâ quæ mente poposcit ;
 Vanâ nec alipedes verba tulere Noti.
3. Prævertère preces opulentæ munera Dextræ,
 Gemmiferum cinxit cum Diadema comas.

4. Ut

ANNOTATIONES.

- Hic Psalmus est *gratulatori-* | more depingit quasi alatis pedi-
us, constans ex *Propositione*, ver- | bus : Quo etiam modo Virgilius
su primo ; *Narratione*, ad ver- | equum, perniciosissimum animal,
sum decimum secundum ; et *alipedem* vocat :
Conclusionem, ultimis duobus ver- |
 libus.
1. *Alme*] De hac voce vide
 Psal. xii. 1. *Alma.*
- Clamabit Io*] De hac inter-
 jectione *Io* vide Psal. xiii. 4.
2. *Tulere Noti*] De hac forma
 loquendi vide supra Psal. xviii.
2. *In æguoris undas tulere*
Noti.
- Alipedes Noti*] Ventos ob ve-
 locitatem qua feruntur, poetico
- *Jubet ordine duci*
Instratus ostro alipedes, —
Æn. vii. 277.
 Lucretius idem epithetum cer-
 vis attribuit :
Narribus alipedes ut cervi sæpe
putantur,
Ducere de latebris serpentia se-
cla ferarum, Lib. vi. 765.
 3. *Dextra*] Per *Syncopen* pro
dextra. Vide Not. in Psal. iii.
 7. *Dextraque.*

Comas.]

4. Ut vitam petiit, vitam sine fine dedisti :
Et te perpetuus Vindice crevit honos.
6. Hôc tu felices fecisti rege tribules :
Luce tui vultus gessit ille frui.
7. Quæque prius fidit, tua semper gratia præstò est ;
Dirigit et gressus, nec titubare finit.
8. Præda cadent odiis armati trîstibus hostes ;
Induet et manicas gens scelerata tuas.
9. Te, Deus ! accenso, scintillans sulphure fornax
Hauriet hanc, fervens et teget ora cinis.
10. Arva suas messes, foetus quoque subtrahet arbor ;
Et genus ex isto semine nemo trahet.
11. Scilicet occultâ gens hæc te fraude petivit :
Versa sed in fumum fraus truculenta fuit.
12. Ergò sequestratam meritâ tu cuspide figes :
Strictaque jam vindex spicula nervus habet.
13. Exere tu Vires : æquata Potentia cælo
Carmen erit nobis, laudis et ampla seges.

ANNOTATIONES.

Comas] Per *Synecdochen* pro
pire, ut supra Psal. viii. 8.

Diademate] *Diadema*, vox
træca *diádēma*, erat fascia can-
da quâ regum capitibus obliga-
tur. Hâc sumitur pro corona
genere.

4. *Vitam sine fine dedisti*]
aronem imitatus :

Imperium sine fine dedi,
Æn. i. 283.

6. *Tribules*] *Tribules* vel in
nere qui sunt ex tribu, vel
otius plebei, pauperes : ut *tri-*
lis conviva, pro non divite
Horatio usurpatur :

Ut cum pileolo soleas conviva
tribulis, 1 Ep. xiii. 45.

Gessit] Per *Synecopen* pro
gessivit.

12. *Sequestratam*] *Sequester*,
unde *sequestratus*, is dicitur, apud
quem plures eandem rem, de quâ
controversiâ est, deposuerunt, a
sequendo, quod utraque pars ejus
fidem et iudicium sequatur. Inde
sequestrare significat rem sepa-
rare et relinquere.

Cuspide] *Cuspis* proprie acuta
pars gladii quæ insigit vulnus :
hâc vero ponitur per *Synecdochen*
pro ipso telo vel gladio ; ut etiam
apud Virgilium :

Sed non Dardaniæ medicari
cuspidis ictum.

Evaluit, — Æn. vii. 756.

XXII.

- A** H! Deus, ah! me cur liquisti? ululatus aure
Cur, procul abscedens, subtrahis usque meis?
2. Te noctu, te luce voco; sed nocte dieque
Tu famuli durâ negligis aure preces.
3. Ad pia vota, Deus! pelagi tu surdior undâ es;
Sanctus es Ipse tamen, templaque sancta colis.
4. Numine fulta tuo Solyme stetit, inter et hostes
Te domus Ifacidum Vindice tuta fuit.
5. Admovêre preces; tua juvit Dextra precantes;
Nec Spes erubuit, Numine nixa tuo.
6. Nulla mihi jam forma viri est; ah! reptilis instar,
Calcor, et opprobriis undique mille petor.
7. Qui spectator adest, ridet ringitque, caputque
Quassat; et hæc in me sannio probra jactat:
8. Ille Deo fidit; nunc, cui se credidit, illi
Sit Deus auxilio, siquid amoris habet.

ANNOTATIONES.

Hic Psalmus est generis mixti, partim Precatorius, partim Gratulatorius; duabus partibus constans: Precatione, usque ad verbum vigesimum secundum; et Gratiarum actione, inde ad finem Psalmi.

1. *Ululatus*] *Ululatus* proprie dicitur de flebili questu avis nocturnæ quæ *ulula* appellatur; inde ad humanos ploratus transfertur: ita Virgilius lugubres fletus ob mortem Didonis *ululatus* vocat:

Lamentis gemituque et fœmineo ululatu

Tecta fremunt, -- Æn. iv. 667.

3. *Pelagi tu surdior undâ es*] Est hoc proverbium dictum in eos qui non audiunt: mare vero *surdum* vocatur, quia magno fragore resonans, ob strepitum undarum præterea nihil exaudire liceat.

4. *Solyme*] Vide Not. in Psal. ix. 11. *Solymam*.

Ifacidum] Per *Syncopen* pro *Ifacidarum*.

Te Vindice] *Vindex* proprie significat idem quod *ultor*, hic vero sumitur pro *defensor*, eodem sensu quo apud Ciceronem: *Numquamne intelliges, -- utrum illi homicida sunt, an vindicee libertatis?* Phil. ii. 12.

5. *Dextra*] Vide Not. in Psal. iii. 7. *Dextraque*.

Spes erubuit] *Spes* hic sumitur personaliter more poetico; et *spes erubuit* idem est ac si dixisset, *spes elusa est*.

7. *Ringitque, caputque quassat*] Hic copula quæ geminatur et redundat, per Figuram *Polytonon*, de qua supra Psal. vii. 17. *Iussimusque Deum*, etc.

Sannio] De hac voce videndum quæ

9. Me tamen, Alme Parens! traxisti matris ab alvo;
Tu quoque lactenti spes mihi dulcis eras.
10. Me tua suscepit nascentem Dextera: cunas
Texit ab insidiis mox tua cura meas.
11. Ne procul abscedas; cervicibus imminet hostis:
Ah! nisi tu dederis, nil mihi restat opis.
12. Mille truces cingunt et limant cornua tauri,
Quos dape Basanis lauta saginat humus.
13. Rictibus horrendi pandunt immanibus ora:
Trux leo balantes sic rugit inter oves.
14. Instar aquæ fluitant artus, compage solutâ;
Liquitur et ceræ cor mihi more novæ.
15. Arescit, ceu testa, vigor; vox faucibus hæret:
Et mihi jam tumulum iussa recludit humus.
16. Infesti cinxere canes, et sanguine gaudens
Turba; manus fossas ære pedesque vides.

17. Ossa

ANNOTATIONES.

9. Me supra annotavimus ad Psal.
Sanna.

10. Alme] De hoc epitheto
supra Not. in Psal. xii. 1.
na.

11. Cervicibus imminet] Cer-
vibus pro cervici, per Enalla-
pluralis pro singulari.

12. Dape Basanis] Basan
lo opulenta et populo fre-
ns, nunc Batanea dicta: ibi
navit olim Ogus, e stirpe gi-
tum oriundas, et hæc terra
orum cultu erat præcipue in-
is; ut patet ex Deut. xxxii.

13. Horrendi pandunt] i. e.
ribiliter pandunt, adjectivum
cet pro adverbio; ut supra
l. ii. 12. Securus.

14. Fluitant artus] Artus
compagines ac juncturæ
orum corporis membrorum;
articuli minorum, puta di-
rum; hæc vero ponitur pro

ipsis membris; ut apud Virgili-
um:

*Et sale tabentes artus in lit-
tore ponunt,* Æn. i. 177.

15. Vox Faucibus hæret] I-
mitatus Virgilium:

*Obstupui, steteruntque comæ,
et vox faucibus hæsit,*
Æn. ii. 774.

Tumulum] Videfis he hac vo-
ce Not. in Psal. vi. 5. Tumulis.

16. Fossas ære] Ære hic po-
nitur, per Metonymiam, pro telo
vel lancea ex ære, quo modo
ferrum ponitur pro gladio; et
ære pro rostris navium, apud Vir-
gilium;

*Vela dabant læti, et spumas
salis ære ruebant,*
Æn. i. 39.

et æra iterum pro operibus ex
ære factis:

*Et massum illachrymat templis
ebur, æraque sudant,*
Georg. i. 480.

17. Ossa miser numerem : tamen his fera lumina pat-
Cladibus insultans gens scelerata meis.
18. His spoliū cecidit, me qui velabat, amictus ;
Et lis de tunicā sorte dirempta fuit.
19. Spes vitæ Columenque meæ ! ne longius absta ;
Quam potes, adfer opem ; nectere parce mor-
20. Ensis infandis, quibus impetor, eripe vitam ;
Circumlatrantes undique pelle canes.
21. Dexterā fulmineo tua comprimat ora leonī,
Exuat et cornū monocerota truci.
22. Fratribus ergo meis, populi spectante coronā,
Ut decet, invicti Numinis acta canam.
23. Facta Dei laudent, quibus est Reverentia Cœli,
Isacidūque tribus, Abramidūque genus.
24. Ille nec afflicto est dedignatus ; egenis
Ora nec averit, clausa nec Auris erat.
25. Illius attollam laudes, et dulcē putabo
In medio populi solvere vota choro.
26. Se saturabit inops ; factum mens Numine frēta
Efferet, æternis mox fruitura bonis.
27. Accurrent populi memores à finibus orbis,
Seque simul sternent illius ante pedes.

28.

ANNOTATIONES.

17. *Pascit*] De Metaphorica significatione hujus verbi vide supra Psal. iv. 2. *Pascis mendacibus umbris.*

Insultans] Consule de hac voce Not. in Psal. xiii. 4. *Insultet.*

21. *Fulmineo leoni*] *Fulmineo*, i. e. violenter in me irruenti instar *fulminis* ; quo modo Virgilius ensē *fulmineum* appellat, — *Vagināque eripit ensē,*

Fulmineum, — *Æn. iv. 579.*

21. *Monocerota*] *Monoceros*, -otis, Græce μονόκερως, Latine *Unicornis*, animal sic dictum, quia unum habeat cornū nigrum media fronte, reliquo cor-

pore equo simile ; teste *Plin. Lib. vii. c. 21.*

23. *Isacidūque* — *Abramidūque*] Pro *Isacidarumque* — *Abramidarumque*, ubi quæ undat, ut supra Psal. vii. *Iustumque Deum, Domini* num-

24. *Ora*] Pro *vultu*, ut supra Psal. vii. 5. Hic etiam *pro* ralis numerus ponitur pro *sup* lari.

25. *Medio choro*] De *choro* vide supra Psal. xviii. *Cbori.*

27. *Sternent illius ante pedes*] De hujus ritūs significatione denda sunt quæ supra anno-

28. Ille manu forti rerum moderatur habenas,
Sceptraque quot Vesper, quotquot et Ortus habet.
29. Hunc colet Autorem rebus qui floret optimis,
Expletus dapibus, lautitiisque meris :
Proximus et tumulo, supplex dabit oscula plantis ;
Hoc fine nam frustra languida membra leves.
30. Serviet et soboles cœlo devota ; Deoque
Sub Duce, militiæ pars erit una sacræ.
31. Discet et ex illâ proles ventura favorem
Numinis, et Dextræ cuncta regentis opus.

ANNOTATIONES.

vimus ad Psal. v. 7. *Illustres*
sternar et ante pedes.

28. *Rerum moderatur habenas*]
i. e. mundum universum pro
sua voluntate regit : *Metapho-*
ra sumpta ab equis, qui ope
fræni vel habenarum huc et il-
loc flectuntur ad libitum equitis.

Quot] Pro *quotquot* : Catul-
lo haud insolitum :

— *Disertissime Romuli nepotum*

Quot sunt, quotque fuerunt,
Marce Tulli,

Quotque post aliis erunt in an-
nis, Carm. xlix. 1.

Adeste Hendecasyllabi quot estis,

Omnes undique, quotquot estis
omnes, ibid. xlii. 1.

Vesper] *Vesper* proprie stella
quæ *Venus* dicitur, e septem pla-
netis unus ; et mane quidem ap-
pellatur *Lucifer*, sero *Vesper* et
Hesperus. Ponitur hîc pro oc-
cidentalî mundi parte, per *Me-*
tonymiam. Vide supra Psal. xix.
6. *Littus in Hesperium*.

29. *Tumulo*] De hac voce con-
sule Not. in Psal. vi. 5. *Tumulis*.

Dabit oscula plantis] De pro-
pria significatione hujus ritûs
vide Psal. ii. 12. *Oscula da-*
Nato.

31. *Dextræ*] Per *Syncopen*
pro *dextera*. Vide Notam in
Psal. iii. 7. *Dextraque*.

XXIII.

BLANDUS ut upilio, me pascit Conditor orbis :
Ne mihi quid desit, providus ille cavet.

ANNOTATIONES.

Hic Psalmus est *didacticus*,
quo Psalter suam fiduciam in
Deum benignum duobus modis
exponit : primo per *Narrationem*
Allegoricam, usque ad versum
quintum ; deinde per *Actommo-*
dationem Allegoriæ ad personam

suam, duobus reliquis.

1. *Upilio*] *Upilio* hîc ponitur
pro *Opilio*, o brevi, in u longum,
metri causa, mutato ; ad exem-
plum Virgilii :

Venit et upilio, tardi venere
bubulci, Ec. x. 19.

F. 2. Dat

2. Dat satur ut recubem pratorum in gramine molli;
Ducit et ad rivos lenè sonantis aquæ.
3. Cor recreat, rectique viam mihi monstrat et æqui;
Illius ut laudes lætus in astra feram.
4. Non ego degeneri quaterer formidine, lethi
Ante oculos quamvis vallis opaca foret.
Tu, Deus! es præstò, baculo vestigia firmans
Ne titubem; vires restituifque meas.
5. Hoste palàm tu das plenis accumbere mensis;
Et mihi regales porrigis ipse dapes.
Tu caput irroras succo felicitis olivæ;
Sufficis et largâ pocula plena manu.
6. Me tua defendet Bonitas, dum lumine vescar;
Per salebras gressus diriget illa meos:

ANNOTATIONES.

2. *Lene sonantis*] Vide quæ annotavimus ad Psal. i. 3. *Lene*.

3. *Lætus*] Est *Enallage* adjectivi pro adverbio, *lætus* nempe pro *late*. Vide Psal. ii. 12. *Securus*.

4. *Degeneri*] *Degener* is est qui Patris vel majorum suorum moribus non respondet: inde idem significat quod vilis, ignobilis; ut apud Virgilium:

Degeneres animos timor arguit,
Æn. iv. 13.

Lethi] De hujus vocis *Ety-mologia* supra dictum ad Psal. vi. 3. *Lethum* pulsurus.

5. *Dat accumbere, etc.*] *Felix* imitatio Virgilii:

*Tu mihi quodcunque hoc regi-
ni, tu sceptrâ, Jovemque,
Conciliâs: tu das epulis ac-
cumbere divûm,*

Æn. i. 82.

Succo felicitis olivæ] Est *Pe-ripbrafsis* pro oleo; ut supra Psal. ii. 6. *Succo viridantis oli-
væ.*

Felicitis] *Felix* hîc accipitur eodem sensu quo apud Virgilium:

— *Nec longum tempus et ingens
Exiit ad cælum ramis felici-
bus arbor,* Georg. ii. 80.

Plena] In hac eleganti *A-naphora*, vocis *plena* nempe et *plenis*, Poeta suo more sequitur magistrum suum Virgilium:

*Huc, Pater o Lenæ! tuis hîc
omnia plena*

*Muneribus, tibi pampineo gra-
vidus autumnus*

*Floret ager, spumat plenis vin-
demia labris,*

Georg. ii. 4.

6. *Lumine vescar*] De hac dictione *Lumine vesci*, vide Psal. xvi. 3. *Aura vescitur*.

Adytis] De voce *adyta* con-
sule Psal. xx. 2. *Adytis*

Gaudia] *Gaudia* dixit in plu-
rali numero, quod exprimat ple-
nos illos lætitiæ et voluptatum
rivos, qui a numinis vultu et
favore proveniunt.

Inque

PSALMUS XXIV.

51

Inque tuis adytis, rerum Pater Alme ! morabor ;
Hic, ubi perpetuò gaudia lætus agam.

ANNOTATIONES.

[*Lætus*] Hic adverbialiter su-
nitur pro *læte*, ut supra in

XXIV.

- T**ERRA Dei est, terramque sinu qui suscipit Orbis ;
Quidquid et indigenum Terra vel Æquor habet.
2. Illius æquoreis terram stabilivit in undis
Dextera, flumineas fixit et inter aquas.
 3. Quem colit Hic, ecquis nitatur in ardua montis ?
Ecquis sacratâ sistet in æde pedem ?
 4. Cui manus est insons, cor purum, nescia fastus
Mens ; nec perjura est lingua, nec usa dolo.
 5. Hunc Deus, Autor opis, donis cumulabit opimis ;
Et dabit electo cum grege recta sequi.
 6. Numinis ore frui quisquis sic ambit et ardet,
Solut hic Abramidum se putet esse genus.
 7. Pandite jam valvas, Princeps et Gloria Regum
En ! subit ; æternas pandite, Tempia ! fores.
 8. Ec-

ANNOTATIONES.

Hic Psalmus est partim lau-
dationis, partim didacticus, præ-
dicans universum Dei imperium ;
et generalem ipsius providenti-
am, ab initio ad versum terti-
um : deinde specialem celebrat
Dei præsentiam qua adest veris
deitatis cultoribus, a versu tertio
et septimum. Hujus præsentiae
symbolum apud Judæos erat Ar-
ca fœderis, quam propterea cum
omni lætitiâ excipiendam esse
ostendit ; inde ad finem Psal-
mi.

1. *Indigenum*] Pro *Indigena-*
um per *Synecopen*.

[*Æquor*] De propria significa-
tione vocis *æquor*, vide Psal.
viii. 22. *Æquoria*.

3. *Ardua montis*] Pro *ardu-*
um montem, ut *opaca viarum*,
Psal. x. 8. quem locum vide.

5. *Grege*] De significatione
Metaphorica vocis *grex*, vide
Psal. i. 1. *Grege*.

6. *Abramidum*] Per *Synecopen*
pro *Abramidarum*, ut supra Psal.
xxii. 23.

7. *Valvas — fores*] Portæ ac
januæ partes hinc distinguemus.
Porta proprie de urbibus dicitur :
quia cum circuitus urbis aratro
primum designabatur, qua parte
relinquendus erat in urbem ad-
itus, attollebatur aratrum, ac
portabatur, ne sulcum imprime-
ret. Privatarum domorum in-
gressus, cum apertus est, dicitur

F 2

janua,

8. *Ecquis Hic est, Regum decus ingens? Robore pollens,
Ille triumphali ventilat arma manu.*
9. *Majestas sublimis adest; se sponte perennes
Recludant aditus, excutiantque seras.*
10. *Ecquis adest tantâ Rex Majestate coruscus?
Hôc Rex, qui bello fulminat, Ore nitet.*

ANNOTATIONES.

Janua, vel ab *eundo*, vel a *Jano*; cum clausus est, dicitur *ostium*, ab *obstando*. Ea per quæ prohibetur ingressus, si *foras* aperiuntur, dicuntur *fores*: si duas in partes ab utroque latere panduntur, *bifores*: si ab uno tantum latere, sed in se *volvuntur*, ac replicantur, *valvæ*, quasi *volvæ*. Sed hæ voces sæpius promiscuè usurpantur.

8. *Ventilat arma*] *Ventilo*, *vento*, proprie significat ventum excitare ut aliquid ardeat vel coquantur: hîc dicitur eodem sensu quo de gladiatoribus; hi enim *ventilare* dicuntur, cum prolo-dentes brachia jactant arma et ventum faciant.

XXV.

- T**E, Deus! observo; mens te mea suspicit unum,
Præsidioque tuo res ego credo meas.
2. *Numine te fido; nec fit te fidere turpe;
Nec recreet mentes nostra ruina truces.*
3. *Spes te nixa probro fit nulli: dedecus orbis
Sit gens, quæ nullo crimine læsa fremit.*
4. *Alme Parens! da nôsse viam; vestigia fulci;
Et face prælatâ pande salutis iter.*

ANNOTATIONES.

Hic Psalmus est *optativus*, constans tribus partibus; *Petitione* scilicet, usque ad versum octavum; *Confirmatione*, ad versum decimum sextum; et *Conclusione petitoria*, inde ad finem usque.

1. *Te observo*] *Observo te*, est dictio valde emphatica, "*observare* enim, inquit Valla, est custodire aliquid oculis animoque, in modum specula-

"toris, ne nos silentio, tacite
"que prætereat."

4. *Alme*] Vide de hac voce Psal. xiii. 1. *Alma*.

Face prælatâ] Est *Metaphora* desumpta a viatoribus, qui per loca periculosa et ignota noctu iter facturi, ductorem viæ sibi assumunt, qui per tenebras eorum vestigia, *face* prælatâ, dirigat.

5. Dux mihi sis, et recta doce, Spes Unica vitæ!
Quâ fruor, eripiet spem mihi nulla dies.
6. Ante oculos sit prisca tibi clementia; priscus
Hæreat æternum pectore fixus amor.
7. Exoret tua te bonitas; delicta juventæ
Hæc tegat, et cæcâ crimina nube premat.
8. Est justus, comisque Deus; gens discit ab illo
Devia, quod fugiat, quodque sequatur iter.
9. Mens quibus est humilis, mansuetaque pectora, tutas,
Hoc duce, corripient expedientque vias.
10. Illius obsequio vitam qui mancipat, illi
Vallat iter fas hinc, Numinis inde favor.
11. Da mihi, da fœdæ veniam, Pater Optime! culpæ;
Te rogo per patrii quidquid amoris habes.
12. Quantus hic est, qui mente Deum timet? Auspice
cœli
Præsede, securam feliget ille viam.
13. Gens ignara mali gaudebit pace serenâ:
Incolet et patrios stirps numerosa lares.
14. Fœdera sancta piis Deus et mysteria cœli
Pandet; et his mentes erudit ipse rudes.

ANNOTATIONES.

7. *Prémat*] Hoc verbum hîc
sumitur eodem sensu quo in illo
loco Virgilii:

*Concordes animæ nunc et dum
nocte premuntur, Æn. vi.*

827.

10. *Mancipat vitam*] *Man-*
cipare vitam, perquam empha-
ticè significat *vitam* addicere,
abalienare, ut non sibi, sed Deo
vivat. De hac phrasi consule
Psal. xii. 2. *Mancipat ora.*

11. *Da mihi, da veniam*] *Re-*
petitio verbi, in hoc versu,
bene exprimit ardorem et vehe-
mentiam, qua animus tactus
penitentia remissionem sui cri-
minis efflagitat, et impatienter

sitit.

13. *Lares*] De primaria sig-
nificatione vocis *Lares*, vide
Psal. xviii. 45. *Sepositosque*
lares.

14. *Mysteria*] *Mysterium*, a
Græca voce *μυστήριον*, Latine di-
citur *arcanum*, vel sub quo ar-
cani aliquid latet, quodque non
perficitur nisi occulta aliqua sa-
crorum ratione: derivatus a
μυστα, Græcè *μυστικός*, sacra dis-
cens, mysteriorum peritus, in-
tius sacris alicujus numinis.

His mentes erudit] *His* poni-
tur hic pro *eorum*, ut supra *cui*
pro *cujus*, in Psal. i. 3. *Cui*
tempestivus.

15. Jugiter Hunc oculis tueor : mihi porriget Ille
Promptus opem, laqueis expedietque pedes.
16. Me, Deus! adspecta placidus, miserere jacentis;
Et desolato mox mihi tende manum.
17. Ah! mala creverunt, et curis mille fatigor;
Tu mala, tu mentis nubila pelle meæ.
18. Hos, quibus infestor, quibus obruor, adspice fluctus;
Et veniam famulo da, Pater Alme! tuo.
19. Mille pharetratas oculis circumspice turmas,
Turgentes odiis, terrificisque minis.
20. Eripe me turbis; te solo Vindice nitor:
Ne sit dedecori spes mea nixa Deo.
21. Me mea defendat pietas, et candida virtus,
Et, tua quæ solùm respicit ora, fides.
22. Tu Pater Isacidis, tu murus aheneus esto,
Et sacri clypeus præsidiumque gregis.

ANNOTATIONES.

15. *Tueor hunc oculis*] Est
Pleonasmus nominis, hîc enim
redundat *oculis*: tale exemplum
habet apud Terentium: *Hisce*
oculis egomet vidi, Adel. iii. ii.
31. et apud Virgilium:

Obstupuit — *Sidonia Dido*
— *Et sic ore locuta est*,
Æn. i. 618.

Promptus] Hîc dicitur per
Enallagen pro *promptè*: consule
Not. in Psal. ii. 12. *Securus*.

16. *Placidus adspecta*] *Pla-*
cidus hîc adverbialiter sumitur
pro *placide*, more Poetis haud
inuitato, ut supra dictum Psal.
ii. 12. *Securus*.

17. *Tu—tu*] Est *Anaphora*,
ut etiam in versiculo sequenti
quibus: de qua Figura vide
Not. in Psal. ii. 6. *Sceptra*,
etc.

18. *Fluctus*] Vide Not. in

Psal. ix. 13. *Adspice fluctus*.
Alme] De hac voce supra in
Psal. xii. 2. *Alma*.

19. *Pharetratas*] Id est *Pha-*
retra accinctas, a *pharetra*, in-
strumentum in quo sagittæ re-
ponuntur. A Græco φάσς, *fero*,
et τραῦμα, *vulnus*; quia fert
lethalia tela.

20. *Te vindice*] De hac pe-
culiari significatione hujus vocis
vindex vide supra Not. in Psal.
xxi. 5. *Vindice*.

21. *Candida*] De Etymologie
et usu hujus vocis vide Not.
in Psal. iv. 1. *Candida*.

Ora] Pro *vultum*, ut supra
Psal. vii. 5. *Ora*.

22. *Murus aheneus*] De Me-
taphorica significatione hujus lo-
cutionis vide supra Psal. ix. 9.

Gregis] Vide Psal. i. 1.
Grege.

XXVI.

- T**E, Deus! appello, vitam qui puriter egi;
 Te fidē; stabilis pes mihi semper erit.
2. Nunc age censuram; cum moribus excute pectus,
 Quidquid et arcanæ pectora labis habent.
 3. Fixus amor menti tuus est; benefacta putanti
 Omne fuit studium, te Duce, recta sequi.
 4. Nec Balatro, nec Vappa levis, nec dedita technis
 Turba, sodalitii pars fuit ulla mei.
 5. Hunc ego, flagitiis vitam qui polluit, odi;
 Nec mihi vir nequam foedere junctus erat.
 6. Ergo, ubi me purâ lustravi fluminis undâ,
 Ante tuas aras cum prece thura dabo.

7. Hic

ANNOTATIONES.

Hic Psalmus est *optativus*, constans tribus partibus; *Propositione*, usque ad versum novum; *Petitione*, ad ultimum usque; et *Conclusione*, versu ultimo.

2. *Excute pectus*] *Excutio* hic sumitur pro *scrutari*, sive *diligenter inquirere*, quo modo etiam usus est Cicero: *Nibil est, Glaucia, quod metuas, non excutio te: siquid forte ferri habuisti, non scrutor*, Pro Rosc. Amer. 97.

Pectora] Pluralis numerus pro singulari, ut supra Psal. ii. 6. *Sceptra*.

4. *Balatro*] *Balatro* est hominibilibi. De Etymologia hujus vocis non satis constat; quidam a *balatu*, i. e. vaniloquentia derivant: alii volunt *balatronem* esse quasi *blatronem*, a *blaterare*, i. e. inepte clamare. Eadem vox apud Horatium occurrit:

Mendici, mimæ, balatrones —
 1 Serm. ii. 2.

Vappa levis] *Vappa* proprie significat vini vitium quod sponte deferbuit et odorem saporemque amisit. Quemadmodum occurrit etiam apud Horatium:

Qui Veientanum festis potare diebus

Campana solitus trulla, vappamque profestis,

2 Serm. iii. 144.

Inde transfertur ad hominem ignavum, vilem, et nugatorem, ut idem Horatius:

— *Non ego avarum*

Quum veto te fieri, vappam jubeo aut nebulonem,

1 Serm. i. 104.

Technis] De Etymologia et significatione hujus vocis vide Psal. v. 10. *Technis*.

6. *Lustravi*] De hac voce vide Not. in Psal. xiv. 2. *Lustravitque*, etc.

Lustravi me pura unda fluminis] In signum nempe meae innocentiae; ex more Judaeorum per legem Mosaicam praescripto, *Deut. xxi. 6*. Idem ritus puri-

XXVII.

CUR ego formidem? Lux, et Spes certa salutis
Est Deus, et vitæ firma Columna meæ.

2. Barbara gens, in me dum rictibus irruit atris,
Poplite succiduo lapsa momordit humum.
3. Non ego ferratas acies, nec stricta timebo
Spicula; cœlestis spem mihi fulcit amor.
4. Ore Dei, temploque frui, dum vita manebit,
Summa fuit voti, summa futura mei est.
5. Ille facris adytis bonus et penetralibus altis
Me teget, et rupis, cùm premar, instar erit.
6. Ille, quibus cingor, ducibus me præferet ipsis;
Hunc celebrans aris debita thura feram.
7. Te, Deus! inclamo; facilis, Deus! annue votis;
Meque salutiferâ protege fortis ope.
8. Respice me solum, dixisti: iussa peregi;
Nostra tuo solum mens avet ore frui.
9. Lumina deflectens famulum ne respue; tristem
Ne fuge, qui vitæ spes mihi semper eras!
10. Me licet horreret pater, et patris æmula mater;
Dextra tamen, spero, me tua tollet humo.
11. Tu, quod iter subeam, monstra; facilemque clienti,
Hostis ut evitem spicula, pande viam.

12. Sub-

ANNOTATIONES.

Hic Psalmus est generis *mixti*, partim *didacticus*, partim *optativus*; et constat tribus partibus; *Propositione*, ad versum septimum; *Petitione*, ad versum ultimum usque; et *Conclusione*, versu ultimo.

3. *Stricta spicula*] Hoc Epitheton *stricta* proprie de gladio dicitur, cum evaginatur et ad ictum impingendum paratur.

5. *Adytis*] De Etymologia et propria significatione hujus vocis *adyta* vide Psal. xx. 2. *Adytis*.

Penetralibus] De hac voce vide Not. in Psal. xx. 5. *Pene-*

tralibus.

6. *Tbura*] Vide supra Notam in Psal. xxvi. 6. *Tbura*.

7. *Facilis*] *Facilis* hic adverbialiter ponitur pro *facile*, Græcorum more, ut supra dictum, Psal. ii. 12. *Securus*.

Fortis] *Fortis* etiam pro *fortiter*, per eandem Figuram.

11. *Clienti*] *Client* apud Romanos unus erat e Plebeiis quem unus e Proceribus in suam tutelam adoptabat: hujusmodi necessitudo id ferebat, ut *Client* caput ac fortunas suas Patroni sui Patrocinio tutaretur. *Client* ponitur

58 PSALMUS XXVIII.

12. Subtrahe me populi furiis, qui crimine ficto
Me premit, inhumani spirat et ore minas.
13. Spem mihi tu reparas, venturæ gaudia vitæ
Dum recolo, et cœli quæ bona civis habet.
14. Fide Deo, firmaque fidem : sunt præmia præstò;
Erigit, et mentes sustinet Ille pias.

ANNOTATIONES.

ponitur etiam pro sectatore, et Clientes *sibi omnes volunt esse*
pro eo qui sub tutela alterius, et multos, Men. iv. ii. 4.
quasi famulus est. Ita Plautus:

XXVIII.

- T**E, Deus ! imploro, mea Vita ! silentia rumpe,
Ne peream, ceu qui se propè busta videt.
2. Annue quæsitis, ferio dum sidera planctu ;
Ad tua dum supplex porrigo templa manus.
 3. Sint procul artifices fraudum, qui blanda loquuntur,
Dum fociis laqueos mens scelerata parat.
 4. Redde parem meritis mercedem ; crimine dignas
Fac, Deus ! ut pœnas mensque manusque luant.
 5. Corruet, æthereæ quisquis miracula Dextræ
Non stupet, et nullâ restituetur ope.
 6. Gloria sit superùm Regi, quî sæpe vocantem
Audiit, et memóri condidit aure preces.

ANNOTATIONES.

Hic Psalmus est generis mixti, partim *optativus*, partim *eucharisticus*. *Precatio* continetur quinque primis versibus ; *Laudatio* vero tribus sequentibus.

1. *Silentia*] Plurali numero utitur pro singulari, ut supra Psal. ii. 6. *Sceptera*. Idem etiam notandum de voce *busta* pro *bustum*.

Busta] *Bustum* proprie dicitur locus in quo mortuus est combustus et sepultus ; et dicitur

bustum quasi bene *ustum*.

2. *Tua templa*] *Templa* hic pro *templum*, pluralis numerus scilicet pro singulari, ut supra.

5. *Stupet*] Perquam emphatice dixit *stupet* pro *miratur* : *stupere* enim proprie is dicitur, qui in re aliqua contemplanda manet immotus, et quasi torpore quodam correptus.

6. *Superùm*] Dixit per *Syncope* pro *superorum* ; ut in sequentibus *audiit* pro *audivit*.

7. Hic rupes, clypeusque mihi est ; Hoc freta, revixit
Languida mens : numeris Hunc canet illa novis.
8. Attulit Hic quoties regi quotiesque salutem ?
Hic fociis quoties turris athena fuit ?
9. Custodi, populumque bea, Pater ! instrue mensas,
Et soboli lauro perpetue cinge comas.

ANNOTATIONES.

- | | |
|--|--|
| <p>7. Numeris] De hac voce vide supra Notam in Psal. v. 11. Numeris.</p> <p>8. Quoties—quotiesque] Est Anaphora, eademque valde emphatica. Vide Not. in Psal. ii.</p> <p>6. Sceptra ferenda dedi—sceptra.</p> <p>9. Lauro cinge comas] i. e.</p> | <p>Fac ut semper victores evadant et triumphent ; nam victores Delphis, et triumphantes Romæ lauro coronari solebant : ut docet Plinius, <i>Hist. lib. xv. c. 30.</i></p> <p>Comas] Comas hic ponitur pro caput, ut supra, Psal. viii. 5. Comas.</p> |
|--|--|

XXIX.

NUMINIS, Heroes ! sacras agnoscite Vires,
Et, quod fidereâ fundit ab arce, Jubar.

2. Quas sacra promeruit Majestas, pandite laudes ;
Quæque decet templi figite dona tholis.
3. Eminus auditur Deus inter nubila ; latè
Dum tonat, effusis dum sata mergit aquis.
4. Alta Dei quantâ vox Majestate coruscet !
Fulminis in morem quam violenta ruit !

ANNOTATIONES.

- | | |
|--|--|
| <p>Hic Psalmus est <i>laudativus</i>, constans duabus partibus ; <i>Horatione</i> scilicet ad laudem, ad versum tertium ; et <i>laudum argumentis</i>, inde ad finem Psalmi.</p> <p>1. Heroes] Heroes dicuntur hi, qui quum fuerint homines, robus tamen gestis eam opinionem apud vulgus emeruerunt, ut inter divos relati credantur.</p> <p>2. Tholis] Tholus est vox Græca θόλος, qua significatur media ac suprema pars testi,</p> | <p>in formam scuti brevis, in quo trabes coivere, et ad quod dona suspendi consueverunt, ut apud Virgilium :</p> <p>—Siqua ipse meis venatibus auxi
Suspendi tholo, aut sacra
ad fastigia fixi,
Æn. ix. 408.</p> <p>4. Violenta] Est adjectivum adverbialiter sumptum pro <i>violenter</i>, ut supra dictum in voce <i>Sacrus</i>, Psal. ii. 12.</p> |
|--|--|

5. Fron-

5. Frondeus hâc Libani vertex nudatur, et ingens
Diffilit horrifono verbere fracta cedrus.
6. Hâc juga subsultant, veluti, stimulante juventâ,
Bucula per sylvas, monocerosque levis.
7. Hujus et imperio rutilat polus igne minaci,
Crebraque disruptâ fulmina nube volant.
8. Icta metu deserta tremunt, nemorumque recessus,
Tesquaque montanis vix habitanda feris.
9. Mollibus Hâc damis sobolem, sylvisque decorem
Excutit; his templum laudibus omne sonat.
10. Frænat aquas pelagi Deus, et dominatur in undis:
Nec decus imperii terminat ulla dies.
11. Ille suo populo vires, pacisque beatæ,
Hostibus elisis, otia læta dabit.

ANNOTATIONES.

5. *Libani vertex*] *Libanus* mons inter Arabes et Phœnices sacris et profanis historiis notissimus; excelsas ferens arbores, præcipue cedros eximias. Ex eo Orontes fluvius oritur.

6. *Monocerosque*] De *monoceros* five unicorni, vide Psal. xxii. 21. *Monoceros*.

7. *Polus*] De significatione vocis *polus* vide suprâ Psal. xviii.

12. *Polus*, quæ vox ibi ponitur, ut hîc, pro ipso cælo, per *Synecdochen*.

8. *Tesquaque*] *Tesqua* sunt loca semota, aspera, et inculta; et propterea peragendis mysteriis, five captandis auguriis consecrata. Proinde quidam scribunt *Tesca*, quasi *Tuesca*, a templis sacris.

10. *Dominatur in undis*] Dominus Latine *Dominari rei*, vel *in rem*, vel *in re*. Hujus potestatis extat exemplum apud Ciceronem: *Casus et natura nobis dominatur*.

XXX.

QUI mea victrici velâsti tempora lauro,
Te, Pater Omnipotens! et tua facta canam.
More triumphantis nostris ne cladibus hostis
Nequiter insultet, muneris omne tui est.

2. Te

ANNOTATIONES.

Hic Psalmus est *laudativus*, tribus partibus constans; *Propositione*, ad versum quartum; *Mortatione* ad laudes, inde ad

versum ultimum; et *Conclusionem*, versu ultimo.

1. *Velâsti*] *Velâsti* hîc, per *Synecopen*, ponitur pro *velavisti* [*Tempora*]

2. Te, Deus ! implorans implevi questibus auras ;
Nec mora, cœlesti sum relevatus ope.
3. Me tuus è tumulto favor et pallentibus umbris
Eruit, optatum restituitque diem.
4. Dic laudes, gens sancta ! Deo ; dic supplice grates
Pectore, fidereos ante voluta pedes.
5. Illius hybernâ fugit ira citatiùs horâ,
Unus et est vitæ perpetis Ille Parens.
Me quibus involvunt nocturna crepuscula, tristes
Curarum nebulas discutit orta dies.

6. Cum

ANNOTATIONES.

Tempora] *Tempus* ea pars capit, quæ est ad latera. Habet enim caput duo *tempora* ; unum a dextra, alterum a sinistra :

Temporibus geminis canebat sparsa senectus,

Virg. *Æn.* v. 416.

Nam primo *tempora* canescunt, cavanturque magna diuturnitate temporis : unde quidam *tempora* in capite ob id dicta putant, quod ab iis indicia petamus senectutis. Hic verò ponuntur *tempora* per *Synecdochen*, pro toto capite.

Victrici lauro] *Laurus victrix* denominatur, quia in victoribus coronandis antiquitus adhibebatur ; ut supra adnotatum in Psal. xxviii. 9. *Lauro cinge comas.*

Insulet] De propria et Metaphorica hujus vocis significatione vide supra Psal. xiii. 4. *Insulet.*

Muneris omne tui est] Vide quæ supra annotavimus ad Psal. xix. 14. *Munus id omne tuum est.*

2. *Nec mora*] *Nec mora*, subauditur, erat, idem valet ac *protinus*, *confestim*, ut sæpius etiam occurrit apud Virgilium :

Haud mora, continuo matris præcepta facessit,

Georg. iv. 548.

Vide *Æn.* iii. 548.

3. *E tumulto*] De tumulto, Vide Psal. xvi. 9.

Pallentibus umbris] Tria distinguiebant antiqui in homine, animam, corpus, et *umbram* ; animam a corpore separatam ad cœlum ascendere, corpus ad terram redire, *umbram* tumultum circumvolare, vel apud inferos degere opinabantur. Unde Ulysses apud Homerum *Odyss.* xi. 600. ait, se inter inferorum umbras idolum vel *umbram* Herculis vidisse, quocum sermonem habuerat : ipsum vero, id est ipsius animam apud superos degere, ibique frui cœlestium Deorum consortio.

4. *Ante voluta pedes*] Consule Notam in Psal. v. 7. *Sternat et ante pedes.*

5. *Hyberna bora*] *Hora* est vox Græcæ originis ὥρα, et significat quâmcunque æternitatis partem, sive annum, sive diurnum, sive nocturnum spatium complexens. Dies *hyberna* obscura fere, procellosa et nimbis obducta, unde apta est imago mentis te-

6. Cùm freta sulcarem ventis felicibus, Alnum
Concutiet, dixi, nulla procella meam.
7. Spem mihi firmasti, muri, Deus! instar aheni:
Spes abiit, vultus te retrahente jubar.
8. Rebus in accisis tensis ad fidera palmis,
Hæc mihi, nam memini, fusa querela fuit:
9. Quid juvat exitio caput hoc deposcere? nostras
Quis necis, et fusi sanguinis usus erit?
Tene, fidemve tuam Cineres cantare reposti,
Solvere vel grates muta Sepulchra queunt?
10. Me, Pater! exaudi, famuli bonus annue votis;
Et pactam propera ferre benignus opem.

ANNOTATIONES.

trix vel averſæ, et frontis contractæ: sed dies Hyberni etiam breviffimæ, ſecundum illud Virgilio:

*Quid tantum Oceano properent
ſe tingere ſoles,*

Hyberni ——— Georg. ii. 481.

Quapropter rite bora hyberna illuſtrat iram, et iræ brevitatē.

Crepuſcula] *Crepuſcula* quaſi *crepera*, i. e. dubia lux; utrique tempori poſſit jungi, uſus tamen ut matutino jungamus obtinuit. Aliquando autem, ut hîc, jungitur vespertino.

6. *Freta*] *Fretum* *Synecdochicè* pro mari in genere: *fretum* enim proprie eſt anguſtum mare inter duas terras: ut *fretum Siculum*, *Gaditanum*, etc. a fervendo dictum, quod in eo mare compreſſum efferveſcat, ac veluti ebulliat.

Freta ſulcarem ventis felicibus] *Sulcare freta* eſt *Metaphora* ab arando, et ſignificat idem quod *navigare*: et *ſecundis vel felicibus ventis navigare* iſ dicitur, cui res ex ſententiâ ſuccedunt. Ita Horatius in Sermionibus:

*Non agimur tumidis velis A.
quilone ſecundo;*

*Non tamen adverſis ætatem
ducimus Auſtris,*

2 Serm. ii. 871.

Alnum concutiet] *Alnus* proprie eſt arbor fluvialis, ſive paluſtris, notiſſima; Anglicè, *The Alder Tree*: inde Poëtice ſumitur pro navigiolo, quia ex trunco alni excavatæ fiebant ejuſmodi Scaphæ, teſte Virgilio:

— *Alnos primum fluvii ſenſere
cavatas*, Georg. i. 136.

7. *Firmasti*] Dixit per *Synecopen* pro *firmaviſti*, ut etiam *abiit* pro *abiit*.

Te retrahente jubar] Eſt *Metaphora* a ſole deſumpta.

8. *Rebus accisis*] *Res acciſæ*, i. e. extenuatæ, afflictae, et imminutæ. ut apud Livium iii. 10.

9. *Reposui*] Per *Synecopen* pro *repoſui*, ut ſupra dictum de *repoſta*, *Pſal. xvi. 1.*

10. *Bonus—Benignus*] Sunt hîc adjectiva, per *Enallagen*, adverbialiter ſumpta; de quâ Figurâ conſule *Pſal. ii. 12. Secururus.*

11. Tu facis, ut lachrymis succedat risus; amictu
Tu pro lugubri coccina ferre jubes.
12. Ergò, poli dum luce fruar, tibi carmina pangam;
Factorumque recens gratia semper erit.

ANNOTATIONES.

11. Coccina] Coccinum ponitur pro coccinâ veste, ut apud Martialem:

Zoilus ægrotat: faciant banc
stragula febrem:

Si fueris sanus, coccina quid
facient?

Lib. ii. Epig. xvi. 1.

Hoc vestitu opulentiores et prosperâ usi fortunâ indui solebant.
Teste eodem auctore:

Non nisi vel cocco madidâ
vel murice tinctâ

Veste nites—Lib. v. Ep. xxiv.

5.

12. Poli] De hac voce vide
supra Psal. xviii. 12. Micare
polus.

Carmina pangam] De significatione hujus vocis pangere,
vide Psal. ix. 11. Pangitis.

XXXI.

ARX mea! te fidi, facto pudor absit; et æqui
Arbiter, Alme Parens! dum premor, adfer opem.

2. Eia age! rumpe moras; inclina leniter aurem:
Unica tu rupes, turris et una mihi es.
3. Spes vitæ Columenque meæ! tu dirige gressus;
Et Majestatis da documenta tuæ.
4. Exue me pedicis, mea Vis! quibus implicor insons;
Et clandestinis eripe, quæso, dolis.
5. Tutelæ me credo tuæ, Dextræque fideli
Hanc animam, vitæ Fons et Origo meæ!

ANNOTATIONES.

Hic Psalmus est generis mixti, optativus, scilicet, eucharisticus, et didacticus; ac proinde constat ex tribus partibus; Preca-tione, ad versum vicessimum; Laudatione, ad versum vicessimum tertium; et Conclusionem didacticâ, duobus ultimis versibus.

1. Almi] De hujus epitheti significatione et Etymologia vi-

de supra Psal. xii. 1. Alma.

2. Eia age] De voce Eia vide Psal. ii. 3. Age est Græcorum more, qui αἶψα et αἰγιον eodem modo utuntur; ut apud Homerum occurrit, ὦν δ' αἶψα δ', quem morem loquendi imitatur Virgilius:

Quare agite o proprios genera-tim discite cultus,

Georg. ii. 35.

6. Hunc ego, qui fraudes concinnat, abominor; unum
Te sequor; in te spes certa repōsta mihi est.
7. Me tua solatur Bonitas: tu lumine justo
Adspicis ærumnas, quas sine fine tuli.
8. Solvit, et hostiles tua rupit Dextra catenas,
Ensisibus obsessas explicuitque vias.
9. Mitis ades, fractumque malis bonus erige; mentem
Torpōr habet, macies viscera, ruga genas.
10. Vita mihi gemitu, lachrymis consumitur ætas;
Dissipat et vires, rodit et ossa dolor.
11. Hostibus opprobrium, vicinis fabula vixi:
Et, quibus occurri, civibus horror eram.
12. Non magis extinctos mergunt oblivia, vilis
Nec magis est testæ lamina ficta luto.
13. Ossa tremunt, proceres dum cerno dira minantes,
Et conjuratas in mea fata manus.
14. Te tamen adspecto, Deus! et mens arma, minasque
Despicit hostiles, Numine nixa tuo.

ANNOTATIONES.

6. *Abominor*] Proprie est rem aliquam, veluti *malum omen* detestari execrarique, et a nobis amoliri. Dicitur etiam *abominari*, cum aliquod verbum veluti sinistri ominis deprecamur: ut apud Suetonium: *Et in ultima cognitione pro tribunali, accessisse ad finem mortalitatis; quanquam abominantibus qui audiebant, semel atque iterum pronuntiavit*, Claud. c. xvii.

Repōsta] Per *Syncopen* pro *reposita*, ut supra Psal. xvi. 1. *Repōsta*.

9. *Mitis—bonus*] Hic iterum occurrit *Enallage* adjectivi pro adverbio: ad exemplum Psal. ii. 12. *Securus*.

12. *Oblivia*] De hac voce Poetica vide supra Psal. ix. 18.

Mergent oblivia. Huc accedat pluralem numerum hic usurpanti pro singulari.

13. *In mea fata*] i. e. *In meum fatum*, plurali numero scilicet usurpato pro singulari. *Fatum* verò, a *Fatus* in passiva significatione, id est *dictum*; unde significat *jussum* et *dictum Dei*. *Fatum* ita definitur a Cicerone, de Div. i. 125. “*Fatum*, inquit, id appello quod Græci *εἰμαρσµῆν*, id est, ordinem, seriemque causarum, quum causæ causa nexa rem ex se gignat: ea est ex omni æternitate fluens veritas sempiterna.” Unde *Fatum* sumitur ut hic pro morte: quod nihil tam necessarium impendeat homini quam mors.

15. Lubrica tu fragilis dispensas tempora vitæ :
Hostica nunc jugulo spicula pelle meo.
16. Prome jubar. Vultusque tui me luce serena;
Et fer opem, per te, te, Pater Alme ! rogo.
17. Ne mihi sit probro pietas aut vota vocanti ;
Bustaque perversis ora pudenda premant.
18. Mutescat gens fraudis amans, quæ turgida fastu
Sævit, et infontes dente proterva petit.
19. Quanta sequestravit Bonitas tua præmia justis !
Quàm fuit et famulis Dextra benigna tuis !
20. Dum fastu, dum felle tumens furit impius hostis,
Hos arcana tuæ protegit umbra domûs.
21. Hæc tua laudetur Bonitas, mirabilis orbi,
Quæ mihi præsidium, turris et instar erat.
22. Mentis inops vultum te subtraxisse querebar :
Sed famuli votis auris aperta fuit.
23. Ergò Dei vos urat amor, pia pectora ! merces
Ampla Pios, Fastum debita poena manet.
24. Perdurate, Deo spem qui fixistis in uno ;
Viribus et mentes instruet Ille novis.

ANNOTATIONES.

15. *Jugulo*] De hac voce vid. Not. in Psal. vii. 1. *Jugulo*.

16. *Per te, te*] Est elegans *Epizeuxis* : quàm emphatice vox *te* geminata arguit ardorem et vehementiam, qua pius animus divinæ gratiæ perceptionem sitit et impatienter exoptat.

17. *Busta*] De hac voce jam dictum ad Psal. xxviii. 1. *Busta*. Pluralis etiam pro singulari.

Perversis] Est *Antiptosis* dativi casûs pro genitivo, ut supra, Psal. i. 3. *Cui tempestivis*.

19. *Sequestravit*] De hac voce supra adnotavimus ad Psal.

xxi. 12. *Sequestratam*.

20. *Felle tumens*] De propriâ et Metaphoricâ significatione vocis *felle*, vide Psal. xv. 3. *Felle caret*.

22. *Mentis inops*] i. e. *Mente captus*, vel *destitutus* : quo modo Virgilius dixit *inops animi*.

Sævit inops animi, totamque incensa per urbem,

Æn. iv. 300.

23. *Fastum*] *Fastus* hic sumitur personaliter pro *fastuoso* ; more Poëtico, de quo supra p'usquam semel dictum. Vide Psal. i. 1. *Impietas*.

XXXII.

FELIX! cui scelerum nævos Deus eluit, umbrâ
Cui superinductâ facta nefanda tegit.

2. Felix! cui noxas non imputat Arbiter æqui;
Cujus et est nullo mens maculata dolo.
3. Vulnere dum celans fremerem sine fine modoque,
Ossibus obrepfit ficca senecta meis.
4. Me manus adflixit tua, seu sol promeret orbi,
Seu premeret roseum nox revoluta diem.
Squallebant refides, venis marcentibus, artus,
Ut Canis arenti fidere tosta seges.
5. At simul ac morbumque tibi culpamque retexi,
Et scelerum tortas multiplicisque vias;
Desuper affulgens omnem Clementia labem
Sustulit, et veteris semina prima mali.
6. Gens igitur te sancta colet, stata tempora servans,
Tu quibus, Alme Parens! inveniendus eris.
Hæc quoque, ne dubites, stabit securâ ruinæ,
Tota licet tellus obrueretur aquis.

ANNOTATIONES.

Hujus Psalmi partes summæ sunt tres; prima, *Propositio beneficiorum Dei*, usque ad versum sextum; secunda, *Propositio officii nostri*, ad versum decimum; postrema, *Conclusio*, duobus ultimis versibus.

4. *Roseum diem*] *Roseus dies*, i. e. *pulcher* vel *splendidus*, ut supra dictum in Psal. i. 2. *Roseo. Artus*] De hac voce vide supra Psal. xxii. 14.

Canis arenti fidere] *Canis*, *Sirius*, vel *Canicula*, est stella in ore majoris canis: cujus vis in subjectas mundi partes insignis esse perhibetur, quo tempore sol oritur in principio Leonis, nempe exeunte Julio; tumque æstus

serventissimus est: diesque illi *Caniculares* vocantur, donec sol totum leonis signum perlustraverit, ad usque viceesimum tertium mensis Augusti.

6. *Secura ruinæ*] Est constructio Græca Poetis haud infrequens; exemplo sit (1) Horatius:

Integer vitæ, scelerisque purus,
Carm. i. Od. xxii. 1.

(2) Virgilius:

Ille mihi ante alios, fortunatusque laborum,
Egregiusque animi, —

Æn. xi. 416.

(3) Catullus:

— *Vagus animi*
Devolvit ille acuto sibi pondera filice, Carm. lxiii. 4

7. Tu mihi præsidium es; mala tu, quibus impetor,
arces;

Lætus et auxilio fulcior usque tuo.

8. Quin, ais, et, cæcæ depellens nubila mentis,

Luce tuos gressus præradiante regam.

9. Absit equi vel te muli stupor occupet, una

Quos, cum iudicium desit, habena domat.

10. Mille neces scelerum, superi clementia Regis

Iustitiæ merces et pietatis erit.

11. Exulta, cui pura manus, cui candida mens est;

Et Dominum spectans gaudia lætus age!

ANNOTATIONES.

7. *Lætus*] Hic, ut etiam in
Versiculo undecimo, adverbialiter
sumitur pro *lætè*, more Poetico;
ut supra dictum in voce

Securus, Psal. ii. 12.

11. *Candida*] Vide Notam in
Psal. iv. 1. *Candida*.

XXXIII.

SANCTA cohors! fer læta Deum super æthera grato
Carmine: grata decet pectora ferre pios.

2. Illius et Citharæ celebrent et Nablia laudes,

Et, quod bis quino stamine tinnit, Ebur.

3. Ede

ANNOTATIONES.

Hic Psalmus est partim *laudativus*, partim *petitorius*, ex
tribus partibus constans; *Laudatione*,
tribus primis versibus; *Narratione*,
a versu quarto usque ad vigesimum;
et *Conclusionem*, inde ad finem Psalmi.

1. *Sancta cohors*] *Cohors* est
corpus militum minus Legione:
Cohors de peditibus solum, *turma*
vero de equitibus dicitur: Sæpius
est, *quorumcumque hominum*
congregatio.

Quid studiosa cohors operum
struit? Hor. i. Epist. iii. 6.

2. *Citharæ*] *Cithara* vulgo
Harpa dicitur, instrumentum

musicum cum decem chordis,
ad similitudinem fidium minorum.

Nablia] *Nablium* est instrumentum
musicum, quod alias
Psalterium dicitur; ex Hebraico
Nebbel, duodecim chordis constans,
quæ totidem tonos edebant. De *Nablio* ita Ovidius:

Disce etiam duplici genialia
nablia palmâ

Verrere: conveniunt dulcibus
illa modis,

De Art. Aman. iii. 327.

Quino stamine] *Stamen* a *stando*,
dicitur quicquid in colo ad nendum
ponitur. Sumitur hîc pro chordis

3. Ede novos cantus; et, Io ter voce sonora
Ingeminans, Domino pange perenne melos.
4. Facta Dei fas, labe vacans, comitatur, et æquum;
Verbaque sunt ipsâ candidiora nive.
5. Jus amat Hic, pectusque legit sibi criminis expers;
Illius et donis tota redundat humus.
6. Ille poli volucres Verbo contextuit orbes,
Quotquot et igne micans agmina campus habet.
7. Illius ad Nutum pelagus confluit, et alto
Gurgite collectas clausit abyssus aquas.
8. Hunc metuant quos sol oriens, quos lumina condens
Adspicit, et gemino terra sub axe tremat.
9. Os Deus ut pandit, se mundi sustulit ingens
Machina, quam Dextrâ sustinet usque suâ.
10. Impia sacrilegæ diffilat molimina turbæ,
Quosque piis nectit mens scelerata dolos.

II. Quod

ANNOTATIONES.

dis muscis, ut etiam apud Ovidium:

— Tum stamina docto
Pollice sollicitat, — Met. xi.
169.

Quia ante nervorum usum *staminibus* uterentur lineis.

Ebur] Ponitur hic pro instrumento eburneo, pectine scilicet, vel plectro quo pulsatur cithara: quia ex *ebore* fiebat; ut constat ex Virgilio:

*Jamque eadem digitis, jam
pectine pulsat eburno,*

Æn. vi. 647.

Ebur sumitur ab eodem Virgilio pro *Tib. a*:

*Inflavit cum pinguis ebur
Tyrrenus ad aras,*

Georg. ii. 193.

3. *Io*] De hac voce, vide Psal. xiii. 4.

6. *Poli*] Vide de hujus vocis significatione et Etymologiâ, Ps. xviii. 12. *Micare* *polus*.

Micans] Vide ibidem de propriâ hujus verbi significatione.

7. *Alto Gurgite*] *Gurges* proprie est locus in flumine profundus, in quo aqua congeritur, et circumvertitur: porro omnis aquarum congeries, ut hic, dicitur *Gurges*; ut apud Virgilium:

*Dulcibus vexasse rates, et
gurgite in alto,*

Ab timidos nautas canibus lacerasse marinis? Ecl. vi. 76.

Clausit abyssus] De voce *Abyssus* vide Psal. xviii. 15. *Abyssus*.

8. *Sol—lumina condens*] Est *Periphrasis* pro sole occidente.

Gemino sub axe] De propria significatione vocis *axis* vide Psal. vi. 8. Sumitur hic pro polo sive *axis* extremitate.

10. *Diffilat molimina*] *Diffilat* hic usurpatur perquam emphaticè: significat enim *flatus* pro-

11. Quod statuit sanxitque semel, vis nulla revellet,
Nullaque mutabit disjicietve dies.
12. Est felix populus, cœli scribetur et Hæres,
Sincerâ Dominum qui pietatē colit.
13. Qui regit Imperio terras, et sidera Nutu,
Humanum superâ spectat ab arce genus.
14. Spectat ab astriferæ sacris penetralibus aulæ,
Qui terras habitent oceanique sinus.
15. Ille, Opifex rerum, mortalia pectora finxit;
Excudit et quidquid mens latebrosa tegit.
16. Densa nec armatos defendunt agmina reges;
Nec stat turba potens viribus ipsa suis.
17. Futilis est sonipes expirans naribus ignes;
Illius incassum robore fidit eques.
18. Fert Deus unus opem, placido dum lumine justos
Adspicit, et sanctis undique vallat iter.
19. Ille piâs animas medio de gurgite lethi
Eripit, infestam pellit et Ille famem.
20. Quidquid inest animi nobis Huic serviat uni!
Hic clypeus, vitam quo tueamur, erit.
21. Gaudia concipiet mens, quæ, jactata periclis,
Semper ab Illius læta pendit ope.

22. Nunc

ANNOTATIONES.

proferre, sive disturbare. *Cujus tu legiones distastu spiritu,*
quasi ventus folia, Plaut. Mil.
i. i. 17.

13. *Spectat ab arce—spectat]*
Notetur *Anapbora*, ut Psal. ii.
6. *Sceptra*, etc.

14. *Penetralibus]* De hac vo-
ce supra dictum in Psal. xx. 6.
Penetralibus.

17. *Sonipes expirans naribus*
ignes] Est elegans descriptio bel-
latoris equi, de quo Virgilius suo
sublimi more:

Stare loco nescit, micat auribus,
et tremat artus,

Collectumque premens volvit sub
naribus ignem,

Georg. iii. 84.

18. *Vallat iter sanctis]* Est
Antiptosis dativi pro genitivo,
ut supra Psal. i. 3. *Cui tempesti-*
vis.

19. *Lethi]* De hac voce vide
supra Psal. vi. 3. *Lethum pul-*
surus.

21. *Periclis]* Per *Syncopen*
pro *periculis*, quo modo Virgi-
lius:

Quo res cunque cadent, unum
et commune periculum,

Æn. ii. 709.

Læta pendit] Pro *læta pe-*
pendit, adjectivo scilicet adver-
bialiter sumpto.

22. Nunc, precor, Alme Parens! adspira mitibus auribus;
Nostra tuo siquidem pendet ab Ore salus.

ANNOTATIONES.

22. *Alme*] Vide Psal. xii. 1. [propria et Metaphoricâ significatione hujus verbi *Adspiro*, vide *Alma*.
Adspira mitibus auribus] De Psal. i. 3. *Adspirans*.

XXXIV.

- N**UMINIS attollam laudes, gratesque rependam;
Hâc ego dum cœli, quam traho, luce fruar.
2. Freta Deo, mens læta Deum jactabit amicum:
Gestiet exemplo gens pia docta meo.
3. Cœlestes animæ! devotaque pectora! mecum
Illius unanimi tollite voce decus.
4. Supplicis Ille preces suscepit promptus, et omnem,
Cor ubi dirigit, depulit Ille metum.
5. Vir pius hunc spectans accurret, et obvius ulnis
Excipiet, pudor huic et procul omnis erit.
6. Sedibus è superis miseri, quem conspicias, Ille
Audivit gemitus, auxiliumque tulit.
7. Agminis aligeri cingit custodia justos,
Et sacra cœlesti Castra tuetur ope.

8. Cernit

ANNOTATIONES.

Hic Psalmus est mixti generis, laudativus, et didacticus: ejus partes sunt tres: *Exordium*, duobus primis versibus; *Propositio laudativa*, ad versum octavum usque; et *Doctrinæ loci*, inde ad finem.

2. *Læta jactabit*] Pro lætè jactabit, ut supra dictum. Vide Psal. ii. 12. *Securus*.

4. *Cor dirigit*] *Dirigeo*, est præ frigore, aut timore, aut alio casu viribus destitui. Ut apud Virgilium:

(1) *Dirigit visu in medio, calor ossa reliquit,*

Æn. iv. 475.

(2) *At sociis subitâ gelidâ formidine sanguis*

Dirigit:—*Æn.* iii. 260.

7. *Agminis aligeri*] Per *agmen aligerum*, hic intelligendi sunt Angeli, qui alati describuntur in sacris literis. Virgilius, ubi de avium grege loquitur, eadem dictione utitur:

Litoræas agitabat aves, turbamque sonantem

Agminis aligeri:—*Æn.* xii. 249.

Agminis aligeri cingit custodia] Id est, *agmen aligerum angelorum custodiens*, vel excubias agens: nam *custodia* hic ponitur,

PSALMUS XXXIV. 71

3. Cerne oculis, devota cohors! et sensibus imis
Percipe quàm vestri flagret amore Deus.
O ter felicem! Dominum qui suspicit unum;
Præter et Hunc nullum, quem veneretur, habet.
9. Flecte genu, gens sancta! Deo: Nil deficit illi,
Hunc Dominum quisquis supplice mente colit.
10. Sæpe fames ipsos domat importuna leones:
Plena tamen justis copia semper adest.
11. Huc ades, ausculta, soboles mihi cara! vereri
Ut discas Domini, me duce, iussa tui.
12. Dulcibus illecebris longi qui duceris ævi,
Qui cupis auratos et sine nube dies:
13. Os fræno cohibe, validis preme labra lupatis;
Lubricus ingenuo fit procul ore dolus.
14. Pone modum sceleri; tantum sectare quod æquum
est;
Et niveâ studium fit tibi pacè frui.
15. Rerum Opifex placido dignatur lumine justos;
Et castas facili suscipit aure preces.
16. At scelerum socios sic fulmine dissipat iræ,
Nullus ut his toto restet in orbe locus.
17. Prona Deo est semper justorum questibus auris,
Inque repentinis Dextera prompta malis.
18. At Deus huic præstò est, vitæ quem turpiter actæ
Pœnitet, occulto torret et igne dolor.
Hunc teget, et mediis Vindex servabit in undis,
Cui mens est humilis, vitæque fracta malis.

ANNOTATIONES.

ponitur, per *Metonymiam*, pro
custode, effectu nempe pro causa,
ut apud Catullum:

*Namque tuo adventu vigilat
custodia semper,*

Epig. lxii. 33.

Et Tibullum:

*Sed pretium si grande feras,
custodia victa est,*

Lib. ii. Eleg. iv. 33.

8. Cerne oculis] Vide Not. in
Psal. xxv. 15. Oculis tueor.

O ter felicem!] Consule Not.

in Psal. ii. 12. *Felicem nimium.*

9. Flecte genu] *Flectere genu*,
erat signum religiosi cultûs, tum
apud Judæos, tum apud Ethni-
cos. Inde in sacris literis *flec-
tere genu*, et *venerari*, vel *ado-
rare*, idem valent. Vide 1 Reg.
xix. 18.

12. Auratos dies] *Aurati* vel
aurei dies sunt tempora felicia;
unde felix Saturni regnum, sæ-
culum *aureum* denominatum.

19. Mille pium clades circumstant, mille pericla;
Sed teget hunc superi provida cura Patris.
20. Est Deus huic custos; et, tutelaribus armis
Vim prohibens omnem, non finit ossa teri.
21. Artifici damnosa suo, fraus fraude peribit:
Quæque pios odit turba repente ruet.
22. Devotas animas rerum Sator asseret olim;
Deque sacra nullum gente perire finet.

ANNOTATIONES.

19. *Pericla*] Dixit *pericla*, respicit: at apud Virgilium:
per *Syncopen*, pro *pericula*. *Hunc tu olim caelo spoliis*
22. *Asseret olim*] *Olim* est, ut *entis onustum*
loquuntur, adverbium omnium *Accipies*, — *Æn. i. 293.*
horarum. Hic futurum tempus

XXXV.

- O** CYUS affulgens pro me, Pater Optime! litem
Suscipe, cum saevo confer et hoste manum.
2. Indue te clypeo, cinctusque potentibus armis
Sta prope; meque tuâ protege, Victor! ope.
3. Hostis et ut furiis obsistas, sume bipennem:
Dic mihi, dic animæ, Me duce, sospes eris.
4. Fabula sit nostri sitiens gens dira cruoris;
Tergaque det turpi turba dolosa fugæ.
5. Dissipet hanc, summi missus de vertice cœli,
Angelus; ut paleas ventilat ira Noti.
6. Lubrica cingantur tenebris vestigia cæcis;
Quaque fugit, Vindex Spiritus ense premat.

7. Hæc

ANNOTATIONES.

- Hic Psalmus est *optativus*,
constans ex quatuor partibus;
Exordio, usque ad versum un-
decimum; *Petitione*, ad vigesi-
mum septimum; et *Conclusione*,
duobus ultimis versibus.
3. *Sume bipennem*] *Bipennis*
proprie est *securis* quæ utrinque
aciem habet: a *pinnâ* deriva-
tum nomen, quod *acutum* ve-
teres dicebant.
5. *Ira Noti*] *Notus*, Austro,
hic ponitur pro quovis vento,
ut etiam Psal. i. 4. *Notus*. *Ira*
Noti dixit pro *vi* et *impetu*, Po-
etarum more, qui omnes nature
partes animant, et humanis af-
fectibus induunt. Hinc Virgi-
lius:
— *Telsâ sedet Æolus ara*

Sceptro

7. Hæc foveam cassesque mihi, nil tale merenti,
Struxit; et occulto vita petita dolo est.
8. O precor! incautum mors cassibus implicet hostem;
Inque suas foveas cernuus ipse ruat.
9. Tunc ego gaudebo cœlesti Vindice tutus:
Ille voluptatis fons mihi iugis erit.
10. Mens secum, Deus! Ecquis, ait, par est tibi? fortem
Pusio prædonem, te Duce, vincit Inops.
11. In me strinxit atrox acuitque Calumnia dentes;
Finxit et ignoti criminis esse reum.
12. Pensavit benefacta malis gens hostica, vitæ
Struxit et insidias perniciemque meæ.
13. Hæc tamen ægrotâ, junxi jejunia votis:
Et caput obstipum, vestis et atra fuit.
14. Non magè lugubris mors expirantis amici,
Funera nec fratris, nec genitricis erant.
15. Sed, damnis gavisa meis, gens sæva minaxque
Clam coit, et vulgi rictibus usque petor.
16. Subdola mordaces inter convivia risus
Ah! movet, et dentem sannio dente terit.
17. Quò, Deus! usque premi famulum patièrè! leoni
Ecqua dies animam subtrahet, ecqua malis?

ANNOTATIONES.

Sceptra tenens: mollis que animos, et temperat iras,

Æn. i. 60.

De Etymologia vocis *Notus* vide Psal. xviii. 22. *Noti.*

8. *Cernuus—ruat*] De significatione et Etymologiâ vocis *cernuus* vide Psal. v. 7. *Cernuus.*

10. *Pusio—vincit inops*] *Pusio* est parvus puer. Veteres enim *pusum* et *pusam*, pro puero et puellâ usurpabant. Exemplo præiit Juvenalis:

Nonne putas melius quod tecum pusio dormit?

Pusio qui noctu non litigat,

Juv. Sat. vi. 34.

11. *Acuit Calumnia dentes*]

Calumnia hîc personaliter sumitur pro *calumniatore*, cujus dentes gladiis comparantur, et propterea *stringi* dicuntur.

13. *Junxi jejunia*, etc.] *Jejunia*, vota, incurvatio capitis, et usus atri vestitûs erant externa signa luctûs apud Judæos, ut patet ex multis locis sacre scripturæ.

Dentem dente terit] Spectat ad illud Virgilii:

Ecce volat, calcemque terit jam calce Diore,

Æn. v. 324.

16. *Sannio*] De hujus vocis significatione supra dictum ad Psal. i. 1. *Sanna.*

H

18. Mille

18. Mille tibi grates, populo spectante, rependam;
Audiet et laudes fœmina virque tuas.
19. Absit ut insultet nostris Injuria damnis,
Impia gens oculo vel petulante notet.
20. Illius alloquiis amor et pax exulat omnis;
Et struit in placidos mens mala mille dolos.
21. Oraque me contra pandens scurriliter, Euge!
Euge! ait, optatâ nunc ego luce fruor.
22. Hæc, Pater! adspectas; taciturna silentia tandem
Rumpe, patrocínio meque tuere tuo.
23. Eripe te stratis; oculos, Deus! exue somno;
Meque tuo, Vindex! et mea siste foro.
24. Subjice censuræ mores: hoc deprecor unum,
Me victo, ne gens hostica cantet Io.
25. Ne secum sic jactet ovans: Mens læta! triumphat;
En! jacet everfus viribus ille meis.

26. Quem

ANNOTATIONES.

18. *Fœmina virque*] Est *Periphrasis*, pro omnibus utriusque sexûs.

19. *Insultet Injuria*] *Injuria* hîc personaliter ponitur pro injurioso, ut Psal. i. 1. *Impietas*.

21. *Oraque*] Pluralis numerus hîc ponitur pro singulari.

Scurriliter] *Scurriliter*, pro caciter, a *scurra* dictum. *Scurra* vero dictus a *sequendo*, quia erant tenuioris fortunæ homines, qui alium honoris gratia prosequerentur. Itaque *scurra* nihil aliud fuit quàm *sectator* aut *pedissequus*; neque primum inhonestum sensum præ se ferebat, sed homines denotabat urbano otio assuetos: postea, cum otiosi homines ex omni materia effusos quærerent risus, male audire *scurrarum* nomen cœpit.

Optatâ luce] *Lux* hîc per *Metonymiam*, pro *die* ponitur, ut sæpius apud optimos auctores; exemplo sit Virgilius:

Si mihi non hæc lux toto jam longior anno est,

Ecl. vii. 43.

22. *Taciturna silentia*] *Taciturnum silentium*, pluralis numerus scilicet pro singulari.

24. *Deprecor unum*] *Sæpius precor* et *deprecor* sunt contraria; hîc verò *deprecor* significat vale sive vehementer precor, ut apud Catullum:

Cui ego quasi eadem totidem mox deprecor illi

Affidue, verum dispeream nunc amo, Epig. lxxxviii.

Io] Vide de hâc voce Psal. xiii. 4. *Io*.

25. *Jactet ovans*] *Ovans* proprie erat minor triumphus pedestris; ad summum, ex equo non e curru. Nomen est, vel ab acclamatione militum, genitâ sæpius literâ *O*, juxta Festum: vel ab *ove*, quæ in minore triumpho immolabatur. Hîc ad lætitiâ omnem significat

26. Quem mea delectat clades, qui prælia mecum
Conferit, huic turpet conscius ora pudor!
27. Gestiat infonti quisquis favet, oraque solvens
Prædicet Hunc, famuli cui pia cura sui est.
28. Te, Pater Alme! canam, qui servantissimus æqui es;
Nullaque non laudes efferet hora tuas.

ANNOTATIONES.

dam vox hæc traducta; etiam
ad corvos, de quibus ita Virgili-
us:

— *Hinc ille avium concentus
in agris,*

*Et lætæ pecudes, et ovantes
gutturæ corvi,*

Georg. i. 423.

Lætæ] Hic etiam adjectivum
adverbialiter sumptum, ut Psal.
ii. 12. *Securus.*

26. *Huic turpet*] Dativus pro
genitivo, ut Psal. i. 3. *Cui tem-*

pestivis.

Ora] Dixit *ora* pro *os*, nume-
rus pluralis scilicet pro singula-
ri, ut etiam in versiculo sequen-
ti, *Oraque.*

28. *Alme*] Vide de hac voce
Psal. xii. 1. *Alma.*

Servantissimus æqui] Ita Vir-
gilius de Ripheo:

— *Cadet et Ripheus justissimus
unus*

*Qui fuit in Teucris, et servan-
tissimus æqui. Æn. ii. 427.*

XXXVI.

- A**UCTIBUS immensis scelerum dum crescere fibras
Conspicor, et miris luxuriare modis;
Mens ait, Excusso legum gens impia freno
Se prodit vacuum Numinis esse metu.
2. Ipsa sibi plaudit; dum tandem nequiter actæ
Pœniteat vitæ, displiceatque sibi.
3. Impia vox illi est, fucataque; nescia veri
Mens stupet, et rectum devia linquit iter.

ANNOTATIONES.

Hic Psalmus est generis *mixti*,
nempe *laudativus*, et *optativus*,
et propterea constans duabus
partibus; *Laudatione*, usque ad
versum decimum, et *Precaione*,
inde ad finem usque.

1. *Excusso freno*] Vide Not.
in Psal. ii. 5. *Frænæque dans.*

2. *Dum pœniteat*] *Dum* hic

accipitur pro *donec*, ut apud Vir-
gilium:

*Tityre, dum redeo, brevis est
via, pasce capellas,*

Ecl. ix. 23.

3. *Fucataque*] De Etymo-
logiâ vocis *fucata*, vide Psal. iv.

5. *Fuco.*

76 P S A L M U S XXXVI.

4. Nocte nefas animo versat, nec crimina terrent;
Dumque meat lævo tramite, recta fugit.
5. Magne Opifex rerum! tua te Clementia cœlo
Inferit, et nubes transvolat alma Fides.
6. Vastius Oceano solium est, et Montibus altis
Firmius; hœc homines, quadrupidesque regis.
7. Quàm tuus eximius favor est! Tu mollibus alis
Protegis Adamidas, incubituque foves.
8. Te pendente manum, dapibus saturantur opimis;
Restinguuntque sitim flumine dulcis aquæ.
9. Sunt tibi Vitales latices: tu lumine cinctus
Sidereo, roseâ pectora luce reple.
10. Qui te nôsse cupit, lenem te sentiat, opto;
Justitiæque tuæ protegat umbra pios.
11. Absit ut Ambitio pedibus me proterat! absit
Sedibus excutiat me fera turba meis!
12. Autores scelerum subitam traxêre ruinam,
Nec proclinos eriget ulla dies.

ANNOTATIONES.

5. *Alma fides*] Ita Ennius:
O *Fides alma*! Cic. Off. iii. 29.
De significatione hujus vocis vi-
de supra, Psal. xii. 1. *Alma*.

7. *Mollibus alis protegis, in-
cubituque foves*] Pia summi
Numinis erga homines indul-
gentia sollicitæ gallinæ circa
pullos curæ comparatur; unde
apte usurpavit vocem *incubitu*,
incubitus enim proprie de Gallina
dicitur, quum cubat et extendat
alas super ova, ut pullos exclu-
dat, vel exclusos foveat.

9. *Vitales latices*] *Latex* om-

nis humor dicitur, ab eo quod
intra aliquid *lateat*. Unde et de
aqua, vino, et cæteris dicitur.
De vino apud Virgilium:

*Regales inter mensas, laticem-
que Lyæum,*

Æn. i. 690.

De aqua apud Lucretium:

*Cedere squamigeris latices ni-
tentibus aiunt,* Lib. i. 373.

Rosea] Vide de hoc epitheto

Not. in Psal. i. 2. *Roseo*.

11. *Ambitio*] Personaliter hîc
sumitur *Ambitio* pro *ambitioso*;
ut Psal. i. 1. *Impietas*.

XXXVII.

NE freme, Fulgorem gentis dum cernis iniquæ;
Candida nec cruciet pectora Livor edax.

2. Concidet illa brevi, succisi graminis instar;
Defluet et teneræ flaccida more rosæ.

3. Tu modò fide Deo, recti sectator et æqui:
Ille, larem, lautas conferet Ille dapes.

4. Arbiter Æthereus tibi sit mellita voluptas:
Et desiderii annuet Ille tuis.

5. Hoc Duce, carpe viam; mediis in fluctibus unum
Hunc specta; portum, quem petis, Ille dabit.

6. Illius Auspiciis probitas tua lumina Solis
Æquabit, medio cum secat axe diem.

7. Mente Deum specta placidâ, speraque; nec urat
Cor tibi, perverfis cùm nimis aura favet.

ANNOTATIONES.

Hic Psalmus est didacticus: iter.

constat autem ex tribus partibus; *Propositione*, a versu primo usque ad septimum; *Confirmatione*, a versu septimo ad vigesimum septimum; et *Conclusione*, ad finem usque.

1. *Candida*] De hujus vocis Etymologiâ et significatione primariâ vide Psal. iv. 1. *Candida*.

Livor cruciet] *Livor* proprie est vestigium et nota quæ sit ex aliquâ percussione, aut contusione, sive ulcere. Inde pro *Invidiâ*, quia hæc animi perturbatio sædat vultum, et pallorem et livorem inducit. Ut apud Ciceronem: *Impediuntur livore et malevolentia, nequid faciant*, 2 Fam. xx.

3. *Larem*] De hac voce consule Psal. xviii. 45. *Sepositosque lares*.

5. *Carpe viam*] De hac locutione vide Psal. i. 1. *Carpit*

Mediis in fluctibus] De Metaphoricâ significatione vocis *fluctus* vide supra Not. in Psal. ix. 13. *Fluctus*.

6. *Illius Auspiciis*] *Auspicia* proprie erant signa vel omina quæ capiebant Romani ab *avium aspectu*. Et quia apud eos omnia fere auspicato gerebantur, inde pro consilio, ductu, sive rei dispositione hæc vox ponitur. Ut apud Virgilium:

Me si fata meis paterentur ducere vitam

Auspiciis — *Æn.* iv. 340.

Medio cum secat axe diem] Est *Periphrasis* pro meridiano tempore. *Axis* hîc ponitur pro *to to cælo*, ut supra Psal. xix. 4. *Axe*.

7. *Aura favet*] Est *Metaphora* sumpta a navigantibus, de qua vide Not. in Psal. xxx. 6. *Ventis felicibus*.

78 PSALMUS XXXVII.

8. Iræ pone modum, ruptis ne forsan habenis
In vitium præceps, hâc stimulante, ruas.
9. Ibit in exitium gens impia : Numine fretus
Vivēt, et huic sedes terra perennis erit.
10. Parva mora est, gens prava ruet ; frustra que nefandi
Vestiges ubi sint rudera prisca laris.
11. Incolet interea terras qui pectore miti est,
Hic ubi gaudebit divite pace frui.
12. Dum struit occultas justo gens impia technas,
Infremit, et dentem perfida dente terit.
13. Ridet at æthereâ Recti Deus Autor ab aulâ,
Exitii cernens non procul esse diem.
14. Impius eduxit gladium, lunavit et arcum,
Quo pius occumbat, quo juguletur inops.
15. Sed Deus hōc illi transfiget viscera ferro,
Franget et ultrici cornua tensa manu.
16. Sors iusti tenuis Pompam supereminet Aulæ
Divitis, et famulas Ambitionis, Opes.

17. Ho-

ANNOTATIONES.

8. *Ruptis—habenis*] De hac
Metaphora jam dictum ad Psal.

ii. 5. *Frænæque dans.*

In vitium præceps] De voce
præceps vide Not. in Psal. v.

10. *Præceps.*

10. *Vestiges*] Hic subjuncti-
vus modus præsentis temporis
usurpari videtur loco futuri in-
dicativi ; ut apud optimos Au-
tores. (1) Exemplo sit Cicero :
Siquis Deus mihi largiatur, ut
ex hac ætate repuerescam, et in
cunis vagiam, valde recusem,
De Senecâ. c. xxiii.

(2) Horatius :

Quod si Tbreicio blandius Or-
pheo

Auditam moderare arboribus
fidem,

Non vanæ redet sanguis i-
magini, 1 Carm. xxiv. 13.

(3) Terentius :

Quid igitur faciam ? non eam ?
ne nunc quidem,

Cum attersar ultro ? an po-
tius ita me comparem,

Non perpeti meretricum con-
tumelias ? Eun. i. i. 1.

Laris] De hâc voce vide su-
pra Psal. xviii. 45. *Sepositosque*
lares.

12. *Technas*] Vide Not. in
Psal. v. 10. *Technis.*

Dentem dente terit] De hac
locutione supra ad Psal. xxxv.
16.

15. *Illi transfiget*] Pro illius
transfiget, per Figuram *Antip-*
osin huic Poetæ satis usitatam.
Vide Not. in Psal. i. 3. *Cui*
sempestivus.

Cornua tensa] *Cornua* dicuntur
arcus, vel quia curvantur in
morem

7. Hostibus elidet Cœlestis Dextera vires :
Sincera vindex Hæc pietatis erit.
8. Adspicit ærumnas sancti gregis Arbiter orbis,
Illius et dempto fine tuetur opes.
9. Ora pio nullus tinget pudor ; affluet idem
Deliciis, reliquos dum premit atra Fames.
20. Improba vanescet gens, et difflabitur : agnæ
Sic abit in fumos igne perustus adeps.
21. Mutua dum sumit, persolvit debita nulli
Impius : est Justo semper aperta manus.
22. Quem beat et placidum Deus adspicit, incolet orbem :
Sed premet exosos scæda ruina lares.
23. Sternit iter justo rerum Qui sceptrâ gubernat ;
Et probat hanc unam, quam terit ille, viam.
24. Labitur ille quidem, sed sic ut surgere possit :
Nam Deus infirmis porrigit Ipse manum.
25. Antè puer charæ pendebam matris in ulnis ;
Nunc arat exangues plurima ruga genas :

ANNOTATIONES.

morem cornu, vel quia olim arcus erant ex cornu. Inde *Parthum* cornu dixit Virgilius pro *arcu Parthico* :

— *Libet Partho torquere Cydonia cornu*

Spicula — Ecl. x. 59.

18. *Gregis*] De hac voce vide Not. in Psal. i. 1. *Grege*.

19. *Ora pio tinget*] *Ora* dixit in plurali numero pro *Os* ; et *prio* pro *pii*.

Atra fames] *Atra* hîc loci sumi potest vel ad literam, pro *nigra*, quia fames nigrorem in vultum inducit ; vel pro *scæda*, *dira*, sive *funesta*, quo modo Virgilius *atra ingluviem* dixit :

— *Ripisque habitans hic piscibus atram*

Improbis ingluviem, rarisque loquacibus explet,

Georg. iii. 430.

20. *Difflabitur*] De hac voce vide supra Psal. xxxiii. 10. *Difflat*.

Fumos] Pluralis numerus pro singulari.

22. *Placidum*] Est adjectivum adverbialiter sumptum, ut Psal. i. 3. *Lene*.

Lares] Vide de hac voce Not. in Psal. xviii. 45. *Sepositosque lares*.

23. *Sternit iter justo*] *Justo* est casus tertius pro secundo, qualia multa in hoc libro occurrunt exempla. Vide Psal. i. 3. *Cui tempestas vis*.

80 PSALMUS XXXVII.

Non tamen affligi vidi sine Vindice justos,
Poscere vel natos ore tremente dapes.

26. Larga piis semper manus est, et dapfiliis; olim
Sors quoque ter felix posteritatis erit.
27. Ergò animum vitiis mox exue, recta sequutus,
Stare diu in terris qui tua tecta cupis.
28. Juris amans Deus est, nec justum deserit; illi
Semper adest: præceps cætera turba ruet.
29. Sors erit his tellus, quibus est reverentia legum;
Obruet et patrias nulla ruina domos.
30. Jugiter os illis rectum spirabit et æquum;
Et pia justitiam lingua sub astra vehet.
31. Sancta Dei lex est imis infixæ medullis:
Illa vacillantes sustinet una pedes.
32. Sævus, in excubiis latitans, his imminet hostis;
Et stricto jugulum cominùs ense petit.
33. Sed Deus affulgens famulos tutabitur; umbris
Devotos miseræ subtrahet Ille neci.
34. Tu spera, pareque Deo; sic stabis in altum
Evectus, coram dum ruet hostis atrox.
35. Vidi ego, nam memini, scelerum florere ministros,
Ut viret in pingui laurus amœna solo.
36. In fumos abiêre tamen; vestigia nulla,
Umbræque quærenti nulla reperta mihi est.
37. Sedulus observa justos, et respice finem:
Pax illis niveos claudet amica dies.

38. Im-

ANNOTATIONES.

26. *Dapfiliis*] Est vox Græca
δαψιλῆς: idem valet quod afflu-
ens, abundans. Apud auctores
satis probatos reperitur: Solum-
modo adducemus Plautum: —
Alios dapfiles sumptus facit, Mo-
stel. iv. ii. 66.

Olim] Vide Not. in Psal.
xxxiv. 22. *Olim*.

30. *Os spirabit illis*] Illis hîc
est etiam *Antiptosis* dativi casûs
pro genitivo, ut Psal. i. 3. *Cui*
tempestivus.

Sub astra vehet] De hac lo-
cutione *sub astra*, consule Not.
in Psal. iii. 3. *Caput erigam*
ferre sub astra.

33. *Umbris devotos*] Quid sit
umbra ex opinione veterum jam
dictum ad Psal. xxx. 3. *Pal-*
lentibus umbris.

37. *Sedulus observa*] *Sedulus*
hic sumitur adverbialiter pro
Sedulo, ut Psal. ii. 12. *Securus*.
Niveos dies] *Nivei* dies sunt
prosperi, felices, triumphales;
nam

PSALMUS XXXVIII. 81

8. Impia colluvies hominum simul occidet omnis,
Et simul ex ipsa stirpe recisa ruet.
9. Una salus justo Deus est; Hôc pendet ab uno
Vir pius; hôc clypeo seque suosque tegit.
10. Muniet hôc pectus, scelerataque tela retundet:
Hanc sibi mercedem vindicat alma fides.

ANNOTATIONES.

nam color albus felicitatem, vi-
toriam, læticiam designabat;
ter vero ærumnas et infortuni-
um: ut apud Virgilium:

*Quos dulcis vitæ exsortes et
ab ubere raptos*

*Abstulit atra dies, et funere
mersit acerbo, Æn. vi. 428.*

Et apud Tibullum:

*Sis felix, et sint candida fata
tua, Lib. iii. Eleg. vi. 30.*

38. *Colluvies hominum*] De
hac voce *colluvies* vide supra ad

Psal. xvii. 14. *Colluvies.*

40. *Tela*] Vide de hac voce
Psal. iii. 6. *Tela.*

Retundet] *Retundere* proprie
cuspidem vel aciem alicujus rei
usu nimio vel alio casu hebetare.
Per Translationem, *repellere,*
rejicere. Exemplo sit Cicero:
*Idemque gladios in rempublicam
distritos retudimus, Catil. iii. 2.*

Alma fides] De voce *almus*
vide Psal. xii. 1. *Alma.*

XXXVIII.

NE famulum reprehende, Deus! dum fervidus iram
Colligis, et justus ventilat arma furor.

2. Tu mea lethiferis fixisti pectora telis,
Et gravis afflictum jam tua Dextra premit.
3. Fax iræ violenta tuæ depascitur artus,
Nec locus est plagis vulneribusque novis.
Ossa quatis lexasque mihi, compage solutâ;
Scilicet hæc fonti debita poena fuit.

ANNOTATIONES.

Hic Psalmus est *optativus*, et
constat ex tribus partibus; *Exor-*
dio, versu primo; *Narratione*,
ad versum vicesimum; et *Con-*
clusionem, inde ad finem Psalmi.

1. *Fervidus*] Dixit *fervidus*
pro *fervide*: adjectivo nempe
adverbialiter posito, ut Psal. ii.
12. *Securus.*

Ventilat arma] Consule Not.
in Psal. xxiv. 8. *Ventilat.*

2. *Peſſora*] Est pluralis nu-
merus pro singulari, ut supra
Psal. ii. 6. *Sceptra.*

Telis] De Etymologia hujus
vocis *telum* vide Not. in Psal. iii.
6. *Tela.*

82 PSALMUS XXXVIII.

4. Obruor illuvie scelerum, ceu vortice sorptus ;
Quòque premor nimiùm, prò dolor ! urget onus,
5. Vulnera tabe fluunt, et spargitur undique virus ;
Stultitiæ merces justaque pœna meæ.
6. Curvus in invisam defigo lumina terram,
Lumina, perpetuo quæ mihi rore madent.
7. Ulcere corrosos urunt incendia renes ;
Nullaque pars morbo, nulla dolore vacat.
8. His fractus merfusque malis, ululatus, unum
Quod superest, terras lassò polumque meis.
9. Telluris cœlique Sator ! tibi nuncupo vota :
Tu mala, quæ patior, vix toleranda vides.
10. Cor trepidat, languent tremuli sine viribus artus ;
Nox oculis, acie deficiente, natat.
11. Me fugiunt, quos junxit amor vel sanguis, Amici ;
Et spectatores non levis horror habet.
12. Imminet et jugulo strictis manus impia telis ;
Et petor opprobriis, compositisque dolis.
13. Ast ego surdus ad hæc, ceu qui stupet auribus orbus ;
Et, ceu nulla foret vox mihi, mutus eram.
15. Nempe, Parens rerum ! spes in te nostra recumbit ;
Suscipies famuli tu pia vota tui.
16. Annue, dicebam, votis, ne fortè vacillem,
Hostibus et fiam fabula læta meis.
Annue, ne nostrâ quisquam de clade triumphet,
Et proclinatus prociduusque premar.
17. Succiduo jam penè miser sum poplite ; præsens
Semper et ærumnæ tristis imago meæ est.

ANNOTATIONES.

6. *Lumina* — *lumina*] Est *Anaphora*, de quâ Figurâ vide Not. in Psal. ii. 6. *Sceptra ferenda dedi : Sceptra.*

8. *Ululatus*] De propria significatione vocis *ululatus* vide Psal. xxii. 1. *Ulularibus.*

Polumque] *Polus* hîc ponitur pro toto cœlo, ut supra in Psal. xviii. 12. *Polus.*

10. *Nox oculis natat*] i. e.

Nox vel tenebræ obducuntur oculis meis in signum appropinquantis mortis ; umbræ enim sive imagines ante oculos morientium volitare, sive *natare* solent.

12. *Jugulo*] De hac voce vide Not. in Psal. vii. 1. *Jugulo.*

Telis] Vide Not. in Psal. iii. 6. *Tela.*

18. Judice te coram vitæ delicta fatebor,
Et tepido cernes imbre madere genas.
19. Hostica sed numero superans et robore pollens
Turba, meis vivit læta vigetque malis.
20. Infonem premit hæc odii, benefactaque pœnis
Compensat, studiis semper iniqua piis.
21. Ne me linque, Deus! nec te mihi subtrahe; vitæ
Sed Columen! famulo porrige promptus opem.

ANNOTATIONES.

21. *Porrige promptus*] *Promptus* hic pro *prompte*, Græcorum *rus*. Vide Not. in Psal. ii. 12. *Situ-*
more, ut sæpius adnotavimus.]

XXXIX.

CAUTIUS incedam, dixi, ne fortè vacillans
Audeat effari lingua præterva nefas.

Os mihi compescam fræno, præsentibus illis,
Quos juvat obliquo tramite prava sequi.

2. Lingua diu siluit, justas nec protulit iras:

Quod mihi majoris causa doloris erat.

3. Ignis ut inclusus, tacitum cor arsit; in auras

Mox dolor erumpens talia dicta dedit:

4. Da, Deus! annorum numerum, momentaque vitæ

Futilis, extremum da mihi nôsse diem.

5. Vita brevis, Tecum si confers, æmula palmi est;

Et nihil, et nihilo si quid in orbe minus.

6. Horret iter tenebris, curarum mole gravatur

Pectus, et hæredem nescit avarus opum.

ANNOTATIONES.

Hic Psalmus est generis *Op-* magnitudinem exprimat.

tativi, ut prior, ejusque partes
sunt duæ; *narratio* altera, ad
versum quantum; altera *preca-*
tio, ad finem usque.

2. *Justas iras*] Plurali nu-
mero utitur pro singulari, ut iræ

4. *Futilis*] Vanus, vel inuti-
lis: *futiles* dicuntur, qui filere
tacenda nequeunt, sed ea *effun-*
dunt. Sic et vasa *futilia* a *fun-*
dendo vocata.

7. Quid

84 PSALMUS XXXIX.

7. Quid mihi restat opis? Te fido, Maxime rerum!
Ancora tu nostræ, cum furit unda, rati es.
8. Eripe me noxæ, nāvos, Pater! elue; lædi
Ludibrio stolidi ne patiare gregis.
9. Cura fuit rigidis linguam frænare lupatis,
Tu quia fortunæ, quâ premor, Autor eras.
10. Tolle quod infestat, moderatiùs exige pœnas;
Ah! perii plagis vulneribusque tuis.
11. Ceu tinea erodis formam, dum crimina plectis;
Ah! quàm mortales lubrica turba sumus!
12. Suscipe vota, meis aures adverte querelis;
Nec tetricus, lachrymas dum tibi fundo, file.
Scilicet extorrem patriis me cernis ab oris;
Et proavis tellus hæc peregrina fuit.
13. Pone tuas iras, et fractum robore pectus
Instrue, supremum funeris ante diem.

ANNOTATIONES.

7. *Ancora*] Vox Græca ἀνκῆρα, est dens ferreus, quo firmantur ac retinentur naves; inde Metaphoricè significat refugium, præsidium, firmamentum; ut apud Ovidium:

*Quò ferar? unde petam lapsis
solatia rebus?*

Ancora jam nostram non tenet ulla ratem,

Trist. v. ii. 41.

8. *Gregis*] De hac voce vide Not. in Psal. i. 1. *Grege*.

11. *Ceu tinea*] Alii legunt: *Crimina dum plectis, formam, ceu tinea, erodis.*

Tinea vermiculus est, qui, et pulvere ac situ aut putredine interdum nascens, vestes aut libros abrodit:

— *Aut tineas pasces taciturnus inertes,*

Hor. i. Ep. xx. 12.

12. *Tetricus*] Est hîc adjectivum adverbialiter sumptum, ut Psal. ii. 12. *Securus.*

XL.

SPE mihi non vanâ mentem fulcivit, et aures
Indulſit precibus qui regit aſtra meis.

2. Illius ex imâ bonitas me traxit abyſſo,
Juſſit et in ſolidâ figere rupe pedem.
3. Ille novos numeros famulo dictabit et hymnos,
Facta quibus ſuperi ſunt celebranda Patris:
Audiet hos mundi gemino ſub cardine tellus;
Fidet et auctori, tacta timore, ſuo.
4. O felix, Domino quiſquis ſpe firmiter hærens
Deſpicit elatos, artiſceſque doli!
5. Quis mirâcla, Deus! tua quis benefacta retexat?
Mens hebet hæc verſans; promere lingua nequit.
6. Nec tibi cæſa placent, nec toſta piamina flammiſ:
Hoc tacitè vulſâ me, Pater! aure mones.
7. En, Deus! en, adſum, dixi, quò juſſeris ibo:
In tabulis proſtant nomina noſtra tuiſ.
8. Mens jubet obſequium rerum præbere Parenti:
Æternûmque animo lex tua fixa manet.

9. Juſ-

ANNOTATIONES.

Hic Pſalmus eſt *optativuſ*, conſtans ex duabus partibuſ; *Propoſitione*, ad verſum undecimum; et *Petitione*, inde ad finem uſque.

1. *Indulſit*] De hujus vocis propriâ ſignificatione, vide Pſal. iii. 8. *Indulgeſ*.

Qui regit aſtra] i. e. *Qui regit cæloſ*, per *Synecdochen*.

2. *Abyſſo*] De ſignificatione et Etymologiâ vocis *abyſſuſ*, vide Pſal. xviii. 15. *Abyſſuſ*.

3. *Ille novos numeroſ*] De numeris in hoc ſenſu vide Pſal. v. 11. *Numeriſ*.

Gemino ſub cardine] *Cardo* proprie eſt id quo vertuntur foreſ: quia eſt earum quaſi *cor*, vel quaſi hamuſ ex quo ſuſpenduntur; eſt autem *hamuſ* Græ-

cis *καρδὴν*. Hic ponitur pro cæli vertice, vel *polo*, quo cæli verti ſinguntur.

5. *Mirâcla*] Ponitur hic, per *Synecopen*, pro *miracula*.

6. *Toſta piamina*] *Piamentuſ* ſeu *piamentuſ* id erat, quo in expiando utebantur; a *pio*, purgo. Eſt vero *piamentuſ* dictio Poetica magis, quàm oratoria.

Vulſâ me, Pater, aure mones] Reſpicere videtur ad illud Virgilii:

*Quum canerem reges, et prælia,
Cyntheiſ aurem
Vellit, et admonuit,*

Ecl. vi. 3.

Hæc dictio *vellere aurem* trahi videtur a more præceptorum, qui dum pueroſ ſuoſ admonent alicujus rei, *aurem vellunt* ac trahunt,

9. Justitiæ monumenta tuæ cantata per orbem
Sunt mihi; nec, memini, vox taciturna fuit.
10. Tu mihi testis ades, non hæc ego pectore clausi;
Sed fidei et partæ præco salutis eram:
Non ego celavi populum benefacta, nec illa
Fœdera, quæ nullo sunt violanda die.
11. Ne mihi te subduc, sed, dum nitet ignibus æther,
Hinc tua me bonitas protegat, inde fides.
12. Obruor ærumnis, scelerum dum perfero poenas;
Lumine nec fas est tollere victa malis:
Verticis ista pilos superant tormenta crucesque;
Liquitur et nimis Mens superata vadis.
13. Sit vitæ tibi cura meæ, Dulcissime rerum!
Et pede, ne peream, mox properante veni.
14. Omnibus opprobrio fit qui mihi dira minatur,
Hostis et obscenæ det citò terga fugæ.
15. Opprimat hunc clades, qui dentem dente fatigans
Nequiter, ah! risu me petulante petit.
16. Gestiat exultans, te qui sibi quærit amicum;
Signaque lætitiæ det manifesta suæ.

ANNOTATIONES.

trahunt, ut in mentem revo-
cent.

12. *Crucesque*] *Crux* proprie
est gabalus vel patibulum, cui
affigebantur malefici; sed etiam
quicquid nos cruciat, torquet, et
affligit, dicitur *crux*; ut apud
Terentium: *Et illis crucibus,*
quæ nos, nostramque adolescenti-
am habent despiciatam,

Eun. ii. iii. 91.

Superata vadis] *Vadum* est
locus in flumine, lacu, mari, et
quacunque aqua, per quem *va-*
dere licet, quum sit minus pro-
fundus. Et quoniam ejusmodi
loca sint navibus periculosa, inde
vada per *Metaphoram* significat
pericula, mala. Exemplo est
Cicero: *Sed quoniam emerfisse*

jam e vadis, et scopulos præter-
vesta videtur oratio mea, perfa-
cilis mihi reliquus cursus ostendi-
tur, Pro Cœlio, 51.

14. *Obscenæ fugæ*] *Obscenus*
vox est auguralis, cujus Etymon
est vel *ob* et *cano*, id est, *contra*
cano; quod quando pulli in au-
guriis captandis faciebant, fu-
nestissimum erat: vel potius ab
ob et *caenum, lutum,* quod *fordi-*
dum notat.

Det citò terga] *Terga* est *He-*
terosis pluralis numeri pro singu-
lari.

15. *Petulante*] Vide Not. in
Psal. vii. 13. *Petulante.*

Quisquis et auxilium te poscit, voce canorâ
Dicat, Io! Domino sit sua laus et honos.

17. Sum miser, ah! fateor, tamen est tibi cura clientis:
Lenis ades, segnes ducere parce moras.

ANNOTATIONES.

16. Io] De hac voce supra dictum ad Psal. xiii. 4.

17. Cura clientis] De voce cliente vide supra ad Psal. xxviii.

11. Cliente.

Lenis ades] Lenis hic est adjectivum, per *Enallagen*, sumptum pro adverbio; ut Psal. ii.

12. Securus.

Lenis ades, segnes ducere parce] Hic reticetur copula per Figuram quam *Afyndeton* vocant, cujus est natura ut festinationem fere denotet. Vide supra Notam in Psal. vii. 9. *Iustos erige, perde malos.*

XLI.

O Felix, inopem trutinâ qui pensitat æquâ!
Huic feret afflicto Conditor orbis opem.

2. Hunc Deus incolumem rebus servabit in arctis,
Et dabit innubes et fine nocte dies.
3. Hostibus eripiet, viresque refarciet ægro;
Ponet et in molli languida membra toro.
4. Adfer opem, dixi, Deus! ablue vulnera mentis:
Heu! tua Majestas crimine læsa meo est.
5. Me petit opprobriis fera gens, et, Terminus illi
Ecquis, ait, Vitæ, Nominis ecquis erit?

ANNOTATIONES.

Hic Psalmus est generis mixti, optativus scilicet, et laudativus, constans ex tribus partibus; *Exordio*, ad versum quartum; *Narratione*, a versu quarto ad decimum; et *Petitione*, reliquis versibus.

1. Trutinâ æquâ] Trutina est statera in qua rerum gravitates examinantur, et per *Metaphoram* significat animi judicium, teste Cicerone: *Ad ea probanda, quæ non artificis statera,*

sed quadam populari trutina examinantur, De Orat. ii. 159.

3. Viresque refarciet ægro] Ægro hic ponitur Poetice in dativo casu pro genitivo, ut Psal. i. 3. *Cui tempestivis.*

Molli toro] Torus lectus ab intortis herbis dictus; antiquis enim torus e stramento erat, qualiter nunc etiam in castris, ut apud Virgilium:

— Viridante toro confederat
berba, Æn. v. 388.

6. Mellea Vox illi est, ægrum dum visit: at, intus
Quæ coquit, abscedens dira Venena vomit.
7. Turba calens odiis inter se murmure cæco
Mussat, et infontem tollere fraude parat.
8. En! ait, ille jacet morbo confectus acerbo:
Occidet, et nullâ restituetur ope.
9. Qui socius vitæque fuit mensæque, jacenti
Imminet, et stratum calce subinde ferit.
10. Fer, Deus! auxilium; da posse resurgere, digna
Hostibus ut referam præmia, parque pari.
11. Hoc, ubi sacrilegis spes intercepta triumphi est,
Quem mihi vovisti, pignus amoris erit.
12. Me mihi tu reddens cœlesti Numine fulcis,
Æternúmque tuo das, Pater! Ore frui.
13. Tu, Deus Ifacidûm! tibi, quas decet, asserere laudes;
Sitque dies titulis nulla suprema tuis.

ANNOTATIONES.

7. *Turba calens odiis*] *Odiis* ferre par pari est proverbium hîc est pluralis numerus pro singulari, quò odium violentius exprimat. apud optimos auctores occurrens; ut apud Terentium:

Denique

9. *Calce ferit*] Est Figura proverbialis, pro eo quod est omni contumeliæ genere afficere. Unde Cicero, in *Oratione pro Syl-la*, dicit quendam non solum verbis uti improbissimis solitum, verum etiam pugnis et calcibus.

Tu par pari referto, quod tam remordeat, Eun. iii. i. 54.

Qua monemur ut tales simus in alios, quales in nos illos experimur.

13. *Ifacidûm*] Dixit per Syn-copen, pro *Ifacidarum*.

Titulis] De hac voce vide Not. in Psal. xviii. 49. *Titula*.

10. *Referam par pari*] Re-

XLII.

CERVUS ut, in medio celsis de montibus æstu
Actus, in algentes fertur anhelus aquas;

Sic

ANNOTATIONES.

Hujus Psalmi partes sunt duæ; una quâ Psalter expostulat de suo exilio, usque ad versum sextum; altera quâ expostulat de suis calamitatibus: utraque ve-

ro *Conclusionem* habet *amabilem*.

1. *Cervus*] Eâ naturâ est *cervus*, ut in cursu agitato omni tempore confugere soleat ad aquas.

Sic mea Vitali satiari Numinis undâ

Mens avet, et Domini languet amore sui.

2. Gaudet et optat amans vitæ se jungere Fonti:

His mihi Deliciis quæ dabit hora frui?

3. Dum sine fine petunt, ubi sis cui servio, Numen!

Sunt misero lachrymæ nocte dieque dapes.

4. Scandere me quoties memini penetralia Sacra,

Et longo populos ordine ponè sequi;

Aurea dum recolo missas ad sidera voces,

Et plausum, festis quem decet esse choris:

In lachrymas totus miser et suspiria solvor;

Inter et ærumnas est mihi Dulce queri.

5. Cur ita turbaris? Cur te, mens! dejicis exspes?

Cur ita me torques anxia? Fide Deo.

Scilicet Hic placido recreat mihi lumine pectus;

Et mihi materies Unica laudis erit.

6. Dum queror, in mentem liquidis Jordanis ab undis,

Sepositisque jugis tu mihi sæpe redis.

7. Gurgitis est gurgis, rauci comes æquoris æquor:

Fluctibus, infelix, obruor usque novis.

ANNOTATIONES.

quas anhelus; maximè vero autumnino, quo tempore propter æstivum est sitis impatientissimus. Vide Arist. de Hist. Animal. Lib. vi. c. xxxix.

2. Optat amans] Amans hinc adverbialiter ponitur, ut de multis aliis jam observatum. Vide Not. in Psal. ii. 12. Securus.

4. Penetralia sacra] De penetralibus vide supra Not. in Psal. xx. 6. Penetralibus.

Aurea sidera] Hoc epitheton aureum significat pulchrum, vel splendidum. Idem usurpavit Horatius:

Perambulabis astra sidus aureum, Epod. xvii. 41. Et Virgilius:

Per duodena regit mundi sol aureus astra, Georg. i. 232.

Cboris] Vide de hac voce Psal. xviii. 10. Cbori.

5. Torques anxia] Anxia hinc ponitur per Enallagen pro anxie, ut Psal. ii. 12. Securus.

6. Jordanis] Jordanes est fluvius nobilis Palæstinæ, ex monte Libano oriens, et in plures rivulos se dividens.

7. Æquor] De hac voce vide supra Psal. xviii. 22. Nec in æquoris undas.

Fluctibus] De Metaphoricâ hujus vocis significatione jam dictum ad Psal. ix. 13. Adspice fluctus.

8. Luce sed in mediâ bonitas tua fulcit abyſſo :
Noſte, Parens vitæ! tu mihi carmen eris.
9. Tunc ego, Cur, dicam, capiunt te oblivia noſtri?
Rerum Opifex! animæ portus et aura meæ!
Cur, propè confectum curis, lachrymiſque ſepultum,
Me finis immani durus ab hoſte premi?
10. Hic petit inſultans, ubi ſis: ego vulneror inde;
Enſis et in morem permeat oſſa dolor.
11. Cur ita turbaris? Cur te, mens! dejicis exſpes?
Cur ita me torques anxia? Fide Deo.
Scilicet Hic placido recreat mihi lumine pectus;
Et mihi materies Unica laudis erit.

ANNOTATIONES.

8. *Abyſſo*] Vide Not. in Pſal. xviii. 15. *Abyſſus*. *Securus*.
9. *Oblivia*] De hac voce poſticâ vid. Not. in Pſal. ix. 18. *Mergunt oblivia*. 10. *Hic petit inſultans*] De propriâ et Metaphoricâ ſignificatione vocis *inſultare*, vide Pſal. xiii. 4. *Inſultet*.
- Durus*] Ponitur hîc adverbi- 11. *Anxia*] Vide Not. in aliter pro *durè*, ut Pſal. ii. 12. verſum quintum, *Torques anxia*.

XLIII.

- S**IS mihi tu Judex, Deus! et crudelibus obſta;
Subdola ne me gens, ne ſclerata premat.
2. Es mihi tu rupes: ah! me cur rebus in arctis
Ablegas? ah! cur victus ab hoſte gemo?
3. Prome jubar, quo cuncta foves! hîc dirige grefſus:
Scandere da templi limina ſancta tui.

ANNOTATIONES.

- Hic Pſalmus eſt ejusdem generis et argumenti cum ſuperiore, ac velut illius *epitome*: continens *Petitionem*, verſu primo; *Exornationem petitionis*, uſque ad verſum quintum; et *Concluſionem*, verſu quinto.
1. *Premat*] Vide Not. in Pſal. iii. 2. *Premet*.
2. *Me cur ablegas*] *Ablego* eſt propriè quempiam aliâ mittere, qui nobis eſt tædio, aut impedimento. Dictum a *legatis*, quæ cum legationibus mittuntur.
3. *Templi limina*] *Limen* eſt tranſverſum in janua lignum, inferius vel ſuperius; vel a *limus*, quia illic terminatur domus; vel a *limus*, id eſt, *obliquus* et *tranſverſus*; hîc ponitur, per *Synecdochen*, pro iſtis foribus.

PSALMUS XLIV. 91

4. Tum mea te referet chelys ; et prosterne ad aras,
Lætitiâ animæ deliciâsque meâs.
5. Cur ita dejecta es ? Cur te, mens anxia ! torques ?
Cur gemis ? Ætherei posce Parentis opem.
Huic ego festivo persolvam cârmine grates ;
Nec Deus, Hunc præter, quem sequar, alter erit.

ANNOTATIONES.

4. *Te referet chelys*] *Chelys* fecerit, quam, Nilo decrescente, vox Græca χήλυς, testudo: ca- in littore repererat.
pitur etiam pro *Lyra*, quod Mer- 5. *Anxia torques*] Vide Not.
curius *Lyram* primus ex *testudine* in Psal. xlii, 5.

XLIV.

- A**RRECTA, Deus ! aure tuæ Miracula Dextræ
Hausimus, antiqui quæ cecinere patres.
2. Gentibus expulsis, simul et, te Vindice, cæsis
Indigenis, tellus hostica cessit avis.
3. Non suus hos ensis felicibus intulit arvis ;
Nec fuit humano robore parta salus :
Hos, Pater armorum ! peperit tua Dextra trium-
phos :
Dilectique gregis Lux tua rexit iter.

ANNOTATIONES.

- Hic Psalmus est generis *optativi*, constans ex tribus partibus ; *Exordio*, a versu primo ad decimum usque ; *Propositione*, a versu decimo ad viceesimum quartum ; et *Conclusione petitoria*.
1. *Cecinere patres*] Verbum *Can-*
no tribuitur vatibus oraculisque :
ut apud Virgilium de Sibylla :
(1) — *Horrendas canit am-*
bages, Æn. vi. 99.
(2) *Atque hæc deinde canit*
divino ex ore sacerdos,
Æn. iii. 155.
Inde, qui sanctas et venerabiles
res atque divinas docendo propo-
nunt, augustiore veluti verbo,
canere dicuntur, non *dicere*. Ita
Boethius, cum libro tertio in fi-
nem usque disputationem Philo-
sophiæ de Deo et ejus bonitate
retulisset, quantum his verbis
auspicatur : *Hæc cum Philosophia*
leniter suaviterque cecinisset,
etc.
2. *Cæsis indigenis*] *Indigena*
dicitur, qui non aliunde in ali-
quam patriam venit, sed ibi na-
tus est ; quasi *inde genitus*.
3. *Gregis*] Vide Notam in
Psal. i. 1. *Grege*.

92 P S A L M U S XLIV.

4. Te rerum Dominum, te Regem agnoscimus unum:
Fer, Deus! Ifacidis, quam potes ~~unus~~, opem.
5. Te duce cogemus subito dare terga rebelles,
Et pedibus populos subdere colla truces.
6. Non ego vel gladio, levibus vel fido sagittis:
Nil gladius, nil me missa sagitta juvet.
7. Tu, Deus! hostiles fœdâsti pulvere vultus;
Imperioque tuo libera turba sumus.
8. Ergò tuas laudes omni celebrabimus ævo;
Et fons tu nostri carminis unus eris.
9. At, procul abscedens, tu nos hostilibus offers
Opprobriis; solito more nec arma regis.
10. Terga fugæ trepidos nos cogis vertere: nostris
Auctus et exuviis impius hostis ovat.
11. Præda sumus, velut agna lupis: patriisque relictis
Sedibus, in toto quærimus orbe fugam.
12. Et minimo venire jubes, et subjicis hastæ
Captivos: lucri nil tamen inde legis.
13. Objicis opprobriis; et nos vicinia risu
Excipit, indignis persequiturque jocis:
14. Fabula sic vulgi sumus; et, dum nubila fors est,
Vertice nos moto turba profana notat.
15. Nec modus est vel meta malis; semperque fatiscit
Obruta mens curis, turpat et ora pudor.
16. Stringit

A N N O T A T I O N E S.

6. *Juuet*] Hîc ponitur loco futuri indicativi, qualia nonnulla exhibuimus exempla ad Psal. xxxvii. 10. *Vestiges*.

7. *Fœdâsti*] Dixit per Syncope pro fœdâvisisti.

10. *Auctus et exuviis*] *Exuviae* sunt spolia hostibus detracta, ab exeundo dicta.

Ovat] De hac voce *ovare* vide Not. in Psal. xxxv. 25. *Ovans*.

12. *Subjicis hastæ*] i. e. *Nos venundas*; nam mos erat apud Romanos in auctionibus ponere

hastam, et ea quæ publice vendebant, *hastæ* subjicere. Unde Cicero: Hastâ positâ pro ædi Jovis Statoris, bona, etc. bona, inquam, Cn. Pompeii Magni voci acerbissima subjecta Præconis, Phil. ii. 64.

15. *Nec modus est, vel meta malis*] *Meta* propriè est extremitas, terminus, sive in agris, sive in circo; vulgo e lapidibus oblongis, in acumen ac pyramidem erectis: dicta *meta* a *meti-endo*, vel quia esset posita in dimenso spatio: vel quia eam *metantur*

6. Stringit in infontem truculenta Calumnia dentes;
Armat et ultrices gens scelerata manus.
7. Hæc licet infestent, animo tu firmiter hæres;
Et, tibi quam dedimus, stat sine labe fides.
8. Nec te deferuit mens tot vexata procellis,
Nec, quod signasti, devia liquit iter.
9. Hauserunt miseros habitata draconibus antra;
Mortis et ante oculos vallis opaca fuit.
10. Si tamen inde tui mens est oblita favoris;
Si cui, te præter, sunt data vota Deo:
11. Hocne tuos oculos fugiet scelus, intima cordis
In tenebris acie qui penetrante vides?
22. Te propter luimus, te propter jugiter, eheu!
Cædimur; imbelles sic laniantur oves.
23. Surge; quid ignavo conduntur lumina somno?
Evigila; miseris ne procul esse velis.
24. Cur fugis oppressos immani pondere? Nostræ
Immemor æumnæ, cur, Deus! ora tegis?
25. Viribus extinctis, animas in pulvere merfas,
Membraque jam cernis tabida fixa solo.

ANNOTATIONES.

stantur quadrigæ circumcurren-
tes. Inde per Translationem,
pro termino quocunque ac fine,
ut apud Virgilium:

*His ego nec metas rerum, nec
tempora pono,*

Æn. i. 282.

16. *Calumnia*] Hic persona-
liter ponitur, ut supra in Psal.
xxxv. 11. *Calumnia.*

18. *Signasti*] Dixit per Syn-
copen, *prosignavisti.*

19. *Hauserunt miseros*] *Hau-*
rio proprie est extrahere humo-
rem et educere ex profundo ali-
quo loco; sed significat etiam

ronem: *Quid eum non sorbere ani-*
mo, quid non haurire cogitatione,
cujus sanguinem non bibere cense-
tis? Phil. xi. 10.

Habitata draconibus] *Draco*
est genus animalis venenosi,
dicti ἀνδρὶ τὸ δρακῆν, *videre.*
Clarissimam enim habere dicitur
oculorum aciem: qua ex causa
incubantes eos thesauris finxe-
runt antiqui.

22. *Te propter — te propter*]
Est *Anaphora*, de qua vide No-
tam in Psal. ii. 6. *Sceptra se-*
renda dedi: Sceptra.

24. *Ora*] *Pro vultus*, ut Ps.
vii. 5. *Ora.*

26. Eripe te stratis; pacti memor affere servos,
Et bonus hostili subtrahe colla jugo.

ANNOTATIONES.

26. *Eripe te stratis*] *Stratis* hostes mittebantur. Nam *fini* dixit in Plurali numero pro *strato*, ut Psal. ii. 6. *Sceptra*.
Bonus] Est adjectivum adverbialiter sumptum, ut Psal. ii. 12. *Securus*.
Subtrahere colla jugo] *Jugum* ubi quo ignominiae gratia victi in terram duabus hastis, super eas ligabatur tertia, et tunc victi hostes discingebantur, et illa illa cogebantur transire inermes. Inde *subjugare* significat debellare, ac subicere.

XLV.

- D**I CERE fert animus Regem; nova carmina Regi
Lingua parat; calamo par erit illa levi.
2. Forma viros superans, affusaque gratia labris
Te beat, et Domini non periturus amor.
3. Eia age, Rex! humeris apta stellantibus enses,
Quem decus, et, bello partus, adornat honos.
4. Maeste novis titulis: niveos Clementia currus
Cingat, et auratas Fasque Fidesque rotas.
Sic tua percussae discent miracula gentes;
Intremet et gemini terra sub axe poli.

5. Ho

ANNOTATIONES.

- Est hoc Canticum *Epithalamium*, generis *laudativi*; cujus partes sunt quatuor; *Exordium*, versu primo; *Laudatio sponsi*, a versu secundo ad nonum usque; *Laudatio sponsae*, a versu nono ad decimum septimum; et *Conclusione*, versu decimo septimo.
1. *Calamo*] *Calamus*, frutex aquaticus; qui et arundo dicitur: quamvis arundo proprie sit quae crassior ac longior est; *calamus*, gracilis tenuisque, et tibiis fere ac scripturae aptus. Inde sumitur ut hic pro instrumento quo scribimus, ut apud Cicero-
nem: *Quum instituissem ad te scribere, calamumque sumpsissem*, Att. vi. 8.
Eia age] De hac exclamatione vide Not. in Psal. ii. 3. 10. *Eia, et eia agendum*.
4. *Maeste novis titulis*] *Mastus*, quasi *maustus*, id est, *maestus*. Sic herba adulta dicta est a Catone *maesta*, quia aucta Hostiae quoque *maesta*, quia mella, vino, thure spargebantur, et quasi cumulabantur, augebanturque ante sacrificium; unde *maestare* pro caedere dictum fuit. Diis ipsis in sacrificiis acclamabant: *Maeste bocce vino inferio esto*, *maeste bacce dape esto*; quia sacrificiis augeri eorum felicitatem puta-

Hostica lethiferis transfiges corda sagittis :

Corruet et telis gens numerosa tuis.

Quoque sedes solium, stans nullo mobile sæclo,

Cuncta reget, populis et pia jura dabit.

Sunt tibi jus, et fas, et candida pectora cordi ;

Impietas odio, mensque referta dolis :

Ergo tibi superum Rector perfudit olivo

Tempora ; præ sociis hic tibi cessit honos.

E thalamis quoties procedis lætus eburnis,

Myrrham, aloen, casiam regia vestis olet.

9. Re-

ANNOTATIONES.

atabant. Cicero dixit, Mac-
re bonoribus, De Repub. vi.
laustus, Maetare infortunio,
urcul. iv. iii. 5. Hac formula
vocativum *maete* adhiberi volunt
pro nominativo *maetus*, more
attico : quemadmodum (1) a-
nd Tibullum :

Sic venias hodiernæ,

Lib. i. vii. 53.

a) apud Persium :

*Stemmote quod Tusco ramum
millesime ducis.*

eperitur etiam apud Plinium
a plurali numero : *maeti inge-*
io esse cæli interpretes.

[Titulis] De hac voce vide

ot. in Psal. xviii. 42. Titulos.

[Clementia—Fasque Fidesque]

Sic personaliter sumuntur.

[Axe poli] *Axe* hic ponitur eo-

dem sensu quo apud Virgilium :

—Nudoque sub ætheris axe,

Æn. ii. 512.

bi significare videtur regione vel
laga.

[Poli] De hac voce vide Psal.

xviii. 12. *Polus*.

5. *Telis*] De Etymologiâ hu-
us vocis vide Psal. iii. 6. *Tela*.

6. *Mobile sæclo*] *Seculum*, sive
per *Syncopen sæclum*, pro certo
annorum spatio usurpari solet.

Nunc spatium centum annorum,
unde *Carmen seculare*, in quo
scribuntur sacrificia quæ centesi-
mo quoque anno fiebant ; nunc
spatium triginta annorum *seculum*
dicitur, ut notat Servius
in illud Virgilii :

*Sed mibi tarda gelu, sæclisque
effæta senectus,*

Æn. viii. 508.

Seculum a *sequendo* dictum, eo
quod sequatur *se*, et in *se* revol-
vatur.

7. *Jus, et fas, et candida pec-*
tora] Redundat copula *et*, per
Figuram quam *Poly syndeton* vo-
cant. Ut Psal. vii. 17. *Justum-*
que Deum, Dominumque potentem.

Candida] De hujus vocis Et-
ymologiâ et significatione vide
Psal. iv. 1. *Candida*.

Superum] Per *Syncopen* pro
superorum.

8. *Myrrham*] *Myrrba* arbus-
cula est in Arabiâ præcipuè nas-
cens. Ejus altitudo ad quinque
cubita, nec sine spina, caudice
duro et intorto, cortice levi, folio
olivæ fere simili. Sudat autem
sponte, priusquam incidatur,
stacten dictam, cui nulla præfer-
tur ; ea etiam est virtute, ut cor-
pora imputribilia reddat : Vide
Plin.

9. Regia progenies te cingit, mille ministras
Inter honoratas, et tua iussa subit :
A dextris Regina sedet, spectabilis auro,
Quod legit in patriis gens Ophyræa jugis.
10. Tu mihi, purpureæ decus Heroïna cohortis!
Ausculta, monitis obsequiosa meis :
Dele animo populosque tuos, charosque propinquos;
Nec patris, aut patrii sit tibi cura soli.
11. Blanda tuæ Regem succendat gratia formæ:
Hunc quoque tu Dominum relligiosa cole.

ANNOTATIONES.

Plin. Lib. xii. c. xv. et xvi. Unde condiendis cadaveribus, et imbuendis capillis, aliisque ejusmodi deliciis adhibebatur. Teste Virgilio :

— Crines

Vibratos calido ferro, myrrhaque madentes,

Æn. xii. 100.

et Horatio :

Myrrheum nodo cobibere crinem, Carm. iii. Od. xiv. 22.

Aloen] *Aloe* herba est amarissimi succi. Unde, per *Metaphoram*, dixit Juvenalis :

Plus aloes quàm mellis habet, Sat. vi. 180. hoc est plus amaritudinis quàm dulcedinis. *Aloe*, inquit Plinius, *scillæ similitudinem habet, major, et pinguioribus foliis ex obliquo striata; gravi odore, gustu amara. Laudatissima ex Indiâ affertur.*

Casiam] *Casia* frutex est salicis Amerinæ magnitudine. Tria præcipuè sunt *casie* genera, (1) Frutex cinnamomo affinis, odorato cortice : de quo Virgilius :

Nec casia liquidi corrumpitur usus olivi, Georg. ii. 466.

(2) Fistula cujus medulla medicinalis est. (3) Herba coronaria, de qua idem Virgilius :

Tum casia, atque aliis intermixta suavioribus verbis,

Ecl. ii. 49.

Casia hîc prioris speciei videtur intelligenda.

9. *Gens Ophyræa*] Variæ conjecturas faciunt docti de Ophyræ situ, quas recensere nimis esset longum. Ad veritatem proximè accedere videntur, qui eam inter insulas Indiæ ultra Gægem locant. Vide *Hist. arab. Tom. ii. p. 800.*

10. *Purpureæ*] De Poetico usu vocis *purpureus*, vide *Psalm. xix. 4. Purpureum.*

Cobertis] Vide de hac voce *Psalm. xxxiii. 1. Cobors.*

Populosque tuos, charosque propinquos] Copula que hîc redundat per Figuram cui nomen est *Polysyndeton*. Vide supra Notam in *Psalm. vii. 17. Justamque, etc.*

11. *Religiosa*] Per *Enallagen* pro *religiose*. Vide supra *Psalm. ii. 12. Securus.*

12. Se tibi turba frequens populi prosternet; et ipsæ
Sponte ferent Tyriæ regia dona nurus.
13. Tota nites intus; vestis tibi textitur auro;
Pallaque Sidoniis ter saturata cadis.
14. Ibis in amplexum Regis, sine compare Virgo!
Cui niveus Phrygiâ pingitur arte sinus.
15. Se jungent comites Regum de stirpe puellæ;
Lætæque virgineis perstrepet aula choris.
16. Implebitque vicem soboles generosa parentum:
Omnibus hæc populis, te duce, jura dabit.
17. Ergò mihi nullo, Regina! taceberis ævo;
Concinet et laudes ultima terra tuas.

ANNOTATIONES.

12. *Tyriæ nurus*] *Nurus* propriè uxor filii est: sed ponitur hic pro sœminis junioribus, ut etiam apud Virgilium:

Vidi Hecubam, centumque nurus, — *Æn.* ii. 501.

Priamus enim non centum filios, atque adeo nec centum nurus habuit.

Tyriæ] *Tyriæ* a *Tyro*, quæ olim splendidissima urbs Phœnicæ, sita in insula circiter septingentos mille passus a mari remota, priusquam eam Alexander aggre immisso continenti annecteret. Τυρὸν Græci *castellum* dicunt, ut a re pecuaria florente *Tyrus* nomen habuerit.

13. *Pallaque*] *Palla* erat honestæ mulieris vestimentum, ad vestigia usque demissum. Dicta *palla* quasi tunicæ *pallium*; vel quòd palam et foris erat.

— *Pro longæ tegmine pallæ*

Tigridis exuvie per dorsum a vertice pendent,

Virg. Æn. xi. 576.

Sidoniis ter saturata cadis] Per *Saturatam* pallam intelligit purpuram ter tinctam, quæ erat pretiosissima. Exemplo præivit *Martialis*:

Non quicumque capie saturatas murice vestes,

Lib. viii. Ep. xlviii.

Sidoniis cadis] *Sidon*, urbs Phœnicæ in Syria, a *Tyro* remota ducentorum stadiorum intervallo. Utraque autem urbs *Tyrus* et *Sidon* erat celebris piscatu *muricis*; piscis sive conchæ marinæ, ex qua liquor profluit *ostrum* vocatus, quo lænæ purpureo colore tingebantur. Vestes ejusmodi apud antiquos summo pretio habitæ, atque regibus principibusque viris tantum concessæ erant. Præcipuè celebratur purpura *Tyria* sive *Sidonia* apud Virgilium:

— *Tyrio conspectus in ostro,*

Georg. iii. 17,

Modum vero eam conficiendi, sive *ostro* tingendi, inter res deperditas numerat *Pancirollus*.

14. *Phrygiâ arte*] i.e. vestimentis *Phrygiâ* arte elaboratis, vel acu pictis; quam artem *Phryges* invenerunt. Unde ejusmodi ornatus *Phrygiones* appellati sunt, *Plin.* *Lib.* viii. c. xlviii.

15. *Choris*] De propriâ significatione vocis *chorus* vide supra *Psal.* xviii. 10. *Chori*.

XLVI.

UNA Deus miseris spes est, et ahenea turris;
Nec procul est, populi cum fremit ira trucidis.

2. Non ego formidem, tellus licet ima dehiscat;
Vasta licet montes obruat unda maris.

3. Nec trepidem pelagum spectans, dum murmur
rauco

Insultat scopulis, et juga summa quatit.

4. Urbs habitata Deo, jucundo flumine vitæ,
Sanctæque felici templa rigantur aquâ.

5. In medio Deus est, et, ne ruat, undique vallat;
Fertque citam, quoties ingruit hostis, opem.

6. Infremuere truces populi; cœlumque tremiscens
Intonuit, tellus et liquefacta fuit.

7. Sed Deus Isacidum, bello qui præsidet, arcis
Instar erat nobis, auxiliumque tulit.

8. Huc ades, et mecum specta miracula Tonantis,
Regnaque cœlesti depopulata manu.

9. Bella Deus passim premit, et vi conterit arcus,
Telaque; falcatas perdit et igne rotas.

ANNOTATIONES.

Hoc Canticum est *didacticum*,
ex duabus partibus constans:
Propositione, ad versum octavum;
et *Hortatione*, inde ad finem us-
que.

2. *Formidem*] Hic ponitur
loco futuri, ut supra in Psal.
xxxviii. 10. *Vestiges*. Et in
versu sequenti, *Trepidem*.

4. *Felici*] *Felix* hic significat
larga, luxurians; ut Psal. xxii.

5. *Succo feliciis olivi*.

5. *Ingruit*] De hac voce con-
sule Not. in Psal. xviii. 9. *In-*
gruit.

7. *Isacidum*] Per *Synecopen*
dixit pro *Isacidarum*, ut etiam

in sequenti versu undecimo.

8. *Miracula Tonantis*] *Miracula*
pro *miracula*, per *Synecopen* in
more Poetico. Est vero *miraculum*
quicquid admirationem al-
ferre potest.

9. *Falcatas rotas*] *Rota* hic
ponuntur per *Synecocben* pro
curribus. Vox *falcatus* inter-
dum significat curvatus in mo-
dum falcis, ut apud Virgilium:

— Falcati cominus enses,

Æn. vii. 73.

Hic verò significat *falcibus* in-
structus: cujusmodi currus olim
ad prælia erant comparati; de
quibus vide *Livium* xxxvii, xli.

P S A L M U S XLVII. 99

10. Pone minas, inquit; Dominum me suspice: fasces
 Agnoscent olim terra fretumque meos.
 11. Isacidum Dominus, bello qui præsidet, arcis
 Instar erit nobis, auxiliumque feret.

A N N O T A T I O N E S.

10. *Fasces*] *Fasces* insignia dicebantur consulum Romanorum. Erant autem fasciculi colligati ex virgis seu bacillis de betula arbore, inter quas obligata securis ita erat, ut ferrum in summo *fasce* emineret. Inde usurpantur pro imperii insignibus apud Virgilium:

— *Primos attollere fasces,*

Regibus omen erat, —

Æn. vii. 173.

Et pro ipso imperio, ut hîc, apud Horatium:

— *An superbos*

Tarquinî fasces — memorem,

1 Carm. xii. 35.

Fretumque] De propria significatione vocis *fretum*, vide Psal. xxx. 6. *Freta*.

XLVII.

- P**LAUDITE, mortales! rerum celebrate Parentem;
 Voxque triumphantis ter geminetur Io.
 2. Sedibus e superis nutu sceptroque tremendo
 Ille regit Vesper quidquid et ortus habet.
 3. Ille-feros populos gemino sub vertice cœli,
 Antè triumphatos, sub juga nostra trahet.

A N N O T A T I O N E S.

Hic Psalmus est *didacticus* in genere *laudativo*, continens partes duas: prima *Hortatio* ad laudes Dei, ad versum quintum; secunda *Rationes* sive *Argumenta*, quibus ista *Hortatio* suadetur, inde ad finem Psalmi.

1. *Io*] Vide Not. in Psal. xiii. 4. *Io*.

2. *Vesper*] De hac voce *vesper* prius dictum ad Psal. xxii. 28. *Vesper*.

Gemino sub vertice] i. e. *Ab utroque polo*. Terra a verticibus duobus, quos appellavere polos, centrum cœli est, Plin. Lib. ii. c. xv. Eodem modo loquitur

Virgilius:

Hic vertex nobis semper sublimis; at illum

Sub pedibus Styx atra videt, manesque profundi,

Georg. i. 242.

Sub juga nostra] *Romanis mor erat*, inquit Dionysius, quoties *hostes*, *traditis armis*, *deditionem* faciebant, duo signa recta humi desigere, hisque tertium transversum superimponere, et sub eo captivos transmittere, maxque dimittere liberos. Hoc ipsi jugum vocant.

Juga] Dixit in plurali numero pro singulari per *Heterosin*.

4. Et sibi dilectæ donabit prædia genti:
Hôc domus Ifacidûm gestit honore frui.
5. Ille triumphali superûm palatiâ curru
Scandit, et adventûs signa dedere tubæ.
6. Psallite, mortales! et Io ter dicite Regi:
Plaudite Victori terque quaterque Deo.
7. Illius Occasus solium veneratur et Ortus:
Hunc celebret mentis quidquid et oris habes.
8. Illius imperio tellus obtemperat omnis:
Et solii Pietas cingit utrumque latus.
9. Abramidûm pópulis junguntur fœdere reges,
Quos regit Hic, quibus et præripit omne decus.

ANNOTATIONES.

4. *Prædia*] Hic aptè autor selegit vocem *prædia*, est enim *prædium* a *præda*: eo quod capti ab hostibus agri militibus distribuebantur.

Ifacidûm] Per *Syncopen* pro *Ifacidarum*.

5. *Superûm*] Per *Syncopen* pro *Superorum*.

6. *Io*] Vide de hac Interjectione, Psal. xiii. 4.

Terque quaterque] Id est, *iteratis laudibus*: exemplo sæpius præivit Virgilius:

— O terque quaterque beati,
Quis ante ora Patrum—
Contigit oppetere! —

Æn. i. 98.

Vide Æn. iv. 589. et xii. 155.

8. *Pietas*] Vox *pietas* significat animi amorem et benevolentiam quâ Parens amplectitur liberos: et propterea optime convenit Deo communi rerum Parenti.

9. *Abramidûm*] Per *Syncopen* dixit pro *Abramidarum*.

XLVIII.

MAJESTAS immensa Dei est, venerabilis urbi
Quam colit, et sacris ter celebranda jugis.

2. Alma Sion, Boream spectans, pulcherrima rerum est;
Et domus Augusti Regis, et orbis amor.

3. Om-

ANNOTATIONES.

Hic Psalmus est generis *laudativi* et *eucharistici*, continens primo *Propositionem*, usque ad versum quartum; deinde *Narrationem*, usque ad versum no-

num; postremo *Professionem* fidei in Deum, ad finem usque.

2. *Alma*] Vide Notam in Psal. xii. 1. *Alma*.

Sion]

3. Omnibus hæc aperit portam, portumque salutis;
Nullus et in toto est tutior orbe locus.
4. Hæc conjurati visa stupuere tyranni,
Protinus et turpi terga dedere fugæ.
6. Hos metus invasit trepidus, luctusque virorum
Æmulus angori Parturientis erat:
7. Haud aliter puppes violentia dissipat Euri,
Ægæum tumidis cum mare servet aquis.
8. Hæc, quæ fama refert, in sacra vidimus urbe,
Numinis Inviæti quæ stabilita manu est.
9. Alme Parens! festis quoties advolvimur aris,
Una tuæ cunctos spes bonitatis alit.
10. Par Majestati laus est tua, nescia metæ;
Sanctæque justitiæ Dextera lance nitet.
11. Gestiat alta Sion; celebrent et Judicis æqui
Facta, Palæstinæ quas habet ora, nurus.

12. Mor-

ANNOTATIONES.

Sion] De hac voce supra dictum ad Psal. ii. 6. *Sioni*.

Boream spectans] *Boreas* est ventus flans a septentrione, frigidus et siccus, a *Βορæα*, clamo, quia sonorus sit et procellosus. Vocatus et Aquilo, a vehementiore flatu et volatu: quasi *aquila*, inquit Festus.

Pulcherrima rerum] Accommodavit Sion; quod Virgilius dixit de Roma:

Scilicet et rerum facta est pulcherrima Roma;

Georg. ii. 534.

4. *Tyranni*] De hac voce jam dictum ad Psal. vii. 2. *Impune Tyranni*.

6. *Metus trepidus*] *Trepidus* vox est ambigua, vel enim significat *tremulus*, *pavidus*; vel *festinus*, quod qui timent, festinent gressus: In hoc posteriori sensu occurrit, ut hæc, apud Virgilium:

Hic me, dum trepidi crudelia limina linquunt,

Æn. iii. 616.

7. *Euri*] *Eurus* est ventus ab oriente brumali flans, violentus, atrox, et rapidus.

Ægæum mare] *Ægæum mare*, nunc *Archipelagus* dictum, Græciam a minore Asia separavit: nomen habuit ab *Ægæo*, Rege Atheniensium, qui eo se præcipitavit. Ibi magna insularum multitudo, unde servet mare, et æstuant fluctus, ubi sævior ingruit ventus.

10. *Nescia metæ*] De *metæ* vide supra Psal. xlv. 15. *Metæ*.

11. *Sion*] Vide Not. in Psal. ii. 6. *Sioni*.

Palæstinæ] *Palæstina* interdum latiori significatione pro tota Terra Sancta, sed strictè loquendo erat angusta illius regionis portio secundum oram maritimam porrecta, quæ ab oriente

12. Moenia circumiens Solymæ, quam suspicis, hospes!
 Dinumera turres, quas habet ille locus:
 13. Adspice supremis insertas nubibus arces;
 Quæque vides soboli regia tecta refer.
 14. Qui colit hanc, dum luce fruar, dum stabit et Orbis
 Machina, Dux nobis et Deus unus erit.

ANNOTATIONES.

oriente tribu Judæ et Simeontis erat clausa, ab occidente mari Mediterraneo, a Septentrione Amaleci finibus, et a Meridie cum tribu Danis se immiscebat. Quinque oppidis præcipue inclauit, quorum nomina sunt *Gaza, Ascalon, Gath, Asdod, et Ekron*, unde tota terra *Pentapolis* nonnunquam appellata.

Nurus] De hac Poetica signi-

ficatione vocis *nurus* supra dictum ad Psal. xlv. 12. *Nurus*.

12. *Mænia*] De discrimine inter *muros* et *mænia* vide Not. in Psal. ix. 6. *Mænia*.

Solymæ] Vide Not. in Psal. ix. 11. *Solymam*.

Suspiciis] De hujus vocis propriâ et Metaphoricâ significatione vide Notam in Psal. ix. 1. *Suspicienda*.

XLIX.

PANDE meis aurem monitis, quicumque virorum
 Incolis Eoas, Hesperiasve plagas!

2. Auscultent clari proceres, et futile vulgus;
 Et qui divitiis pollet, et æris inops.
 3. Quæ loquar, arcanos referans Sapientia fontes
 Suggestet: hæc animo volvere dulce mihi est.
 4. Seria res agitur; vates oracula plectro
 Persequar, intentus cantibus ipse meis.

5. Cur

ANNOTATIONES.

Hic Psalmus est *didacticus*, tres partes continens: *Exordium*, usque ad versum quintum; *Propositionem*, a versu quinto ad decimum septimum; et *Conclusionem*, inde ad finem usque.

1. *Incolis Eoas*] De voce *Eoas* jam dictum ad Psal. xix. 5. *Eoo*.

Hesperiasve] De voce *Hesperias* vide Psal. xix. 6. *Littus in Hesperium*.

3. *Sapientia*] Hic sumitur

personaliter, Poetarum more, quo etiam modo sæpius occurrit in sacris literis.

4. *Oracula*] *Oraculum* ab ore dicitur, estque propriè Deorum responsum. *Oracula enim*, inquit Cicero, *ex eo ipso appellata sunt, quod inest his Deorum oratio*. Sed *Oraculum est etiam dictum alicujus celebre et veluti divinum*: unde dicimus *Oraculum Catonis*.

Plectro] *Plectrum* est instrumentum

5. Cur ego formidem, cum fluctibus undique vastis
Cingor, et à tergo vindicis ense premor?
6. Spem locat in oculis animus mortalia curans,
Jactat et ingentes ambitiosus opes.
7. Non tamen his frater praevertit funera fratris;
Nec pretio flecti Numinis ira potest.
8. Vita nequit gazis redimi; perniciousis alis
Illa fugit, nullâ restituenda die.
9. Ære nec oblato seros mercaberis annos;
Dona nec admittit mortis avara manus.
10. Cum fatuo prudens moritur, cum paupere dives;
Nec mora; quos linquunt, occupat alter agros.
11. Nemo sibi non spondet opes titulosque perennes:
Sed titulos et opes mors inopina rapit.
12. Est fugitivus honos; et quotquot nascimur Adæ
Semine, quadrupedum more perire vides.
13. Vana sequi gens stulta solet; patrumque nefanda
Dicta probat soboles improba, pejor avis.
14. Strata jacent, ritu pecudum, sub mole sepulchri
Agmina, lethali depopulata manu.

Vir

ANNOTATIONES.

mentum quo Citharædi fides
plectunt, id est, percutiunt. Hic
autem ponitur per *Synecdochē*
pro ipsâ citharâ, ut etiam apud
Horatium:

*Et te sonantem plenius aureo,
Alcæ, plectro dura navis,*
Carm. ii. Od. xiii. 27.

5. *Fluctibus*] De Metapho-
rica hujus vocis significatione
vide Not. in Psal. ix. 13. *Ad-
spice fluctus.*

6. *In oculis*] De hac voce
loculis, consule Notam in Psal.
xvii. 14. *Succedit loculis.*

Jactat] Vide Not. in Psal.
x. 3. *Jactat.*

Ambiciosus] Hic ponitur ad-
verbialiter pro *ambitiose*, ut Psal.
ii. 12. *Securus.*

8. *Gazis redimi*] *Gaza*, dic-

tio Persica, significat opes, su-
pellestem, et generaliter quic-
quid possidemus, ut apud Virgi-
lium:

— *Tabulaeque et Troia gaza
per undas,* Æn. i. 123.

10. *Nec mora*] De hac lo-
cutione vide Notam in Psal.
xxx. 2.

11. *Titulosque perennes*] De
voce *Titulus* in hac significatione
jam dictum ad Psal. xviii. 49.
Tuos titulos.

Opes titulosque—*titulos et opes*]
Est elegans *Anaphora*, de quâ
Figurâ vide Not. in Psal. ii. 6.
Sceptra ferenda dedi: Sceptra.

14. *Eos*] Est vox Græca *ἑως*,
Aurora, inde *eous* matutinus,
vel orientalis: de quâ voce vide
Psal. xix. 5. *Thalamo Eoo.*

Lari]

Vir pius hæc rectique tenax, cum desuper Eos
Fulserit, imperio vim prohibente premet.

Ora, venusta prius, cernet manantia tabo,
Junctaque marmoreo foeda sepulchra lari.

15. At mihi vim lethi depellet Rector Olympi;
Et dabit, ut secum gaudia lætus agam.

16. Ne trepida, gazas subito si congerit alter,
Et domus auratas explicat alta trabes.

17. Nudus opum busto tegitur; nec gaza, nec auro
Dives ad infernas pompa sequetur aquas.

18. Ille cutem curat, fugitivaque gaudia vivus
Captat; et hunc laudat, quem juvat illa sequi.

19. Mors tamen hunc addet proavis; quæ messuit illos,
Non finet hunc vitæ perpete flore frui.

20. Hei mihi! gens hominum, dum tangit vertice cælum,
Se pecudum nescit claudere more diem.

ANNOTATIONES.

Lari] Vide Not. in Psal. non minus quam in prosperis et
xviii. 45. *Sepositosque lares.* lætis. Inde passim legitur in

15. *Lethi*] De hujus vocis autoribus, nuptiarum *pompa*,
Etymologiâ vide Not. in Psal. *pompa* sacrorum, *pompa* fune-
vi. 3. *Lethum pulsus.* rum.

Rector Olympi] Montes duo- 18. *Ille cutem curat*] Curari
decim hoc nomine *Olympi* infig- *cutem* est *genio indulgere*, *voluta-*
niti sunt. Præcipuus in ea parte *tatibus inservire*. Exemplo præ-
Theſſaliæ, quæ ad Macedoniam ivit Juvenalis:

vergit: cuius vertex ita editus, *Et curare cutem summi con-*
ut nubes penetrare, et ad cælum *stantia civis*, Sat. ii. 105.
usque pertinere dicatur; immo Et Horatius:
et pro cælo sumatur a Poetis. *Me pinguem et nitidum bene*
Dictus *Olympus* quasi *ὀλολαμπής*, curatâ cute *vives*,
totus lucidus, quia nubes excedit, *Cum ridere voles*, *Epicuri de*
et sole semper illustratur. *grege porcum*,

Lætus] Pro *lætè*, per *Enal-* 1 Epist. iv. 15.
jagen, ut Psal. ii. 12. *Securus.* 20. *Tangit vertice cælum*]

17. *Busto tegitur*] De *busto* i. e. *Evecta ad honorem fastigi-*
vide Not. in Psal. xxviii. 1. *um*; ad exemplum Poetarum,
Busta, apud quos passim reperies, ad

Pompa sequetur] *Pompa* vo- *sidera tollere, cælum ferire*, et
catur omne spectaculum et appa- *similia*. Huic dictioni autoris
paratus solennis, cum ostenta- præcipue respondet illud Horati-
tione et specie quadam trium- anum:

Sublimi feriam sidera vertice,

1 *Carm. i. 36.*

L. AR-

L.

- A**RBITER Æthereus, cui servit purpura regum,
 Perculit, Os pandens, Orbis utrumque latus:
 Ætheris excelsi folio se sistere iussit
 Regna, rubens quotquot vesper et ortus habet.
2. Ille Sionæ roseo de vertice rupis
 Fulsit, et auratum protulit inde jubar.
3. Hinc aderit, nec verba premet: præcurret euntem
 Flamma vorax, circum vasta procella ruet.
4. Æthera testatus, terramque sub ætheris axe,
 Discutiet populi facta sinistra sui.
5. Confluat huc, dicet, mihi gens dilecta, juvencis
 Fœdera quam mecum pacta litare jubent.
6. Sidera justitiam narrabunt Numinis; Ipse
 Nam Deus officium Judicis æquus obit.
7. Eloquar; Isacidæ! trepidas advertite mentes;
 Vos ego cœlesti postulo voce reos.
 Vos Deus appello: Dominum me prædicat Orbis;
 Et, sacra gens! prisco fœdere juncta mihi es.
8. Non ego, quod nostras rarò pecus imbuat aras,
 Parcius offerri non holocausta queror.

9. Nec

ANNOTATIONES.

Hic Psalmus est didacticus, ex duabus partibus constans: *Narratione*, ad versum septimum; et *Propositione*, inde, ad finem usque.

1. *Purpura regum*] Virgilium est imitatus:

Illum non populi fasces, non purpura regum

Flexit—Georg. H. 495.

Vesper] Consule Notam in Psal. xxii. 28. *Vesper*.

2. *Roseo de vertice*] De usu Poetico hujus epitheti *roseo* vide Not. in Psal. i. 2. *Roseo*.

4. *Sub ætheris axe*] Sub nudo et aperto cœlo, inquit Servius in Virg.

Ædibus in mediis, nudoque sub ætheris axe,

Æn. ii. 512.

5. *Litare*] De discrimine inter *litare* et *sacrificare* vide Not. in Psal. xvi. 4. *Litet*.

6. *Sidera*] Ponitur hic *sidera*, per Synecdochen, pro cœlis.

8. *Imbuat aras*] Ita Virgilius:

— *Illius aram*

Sæpe tener nostris ab ovilibus imbuet agnus, Ecl. i. 7.

Holocausta] *Holocaustum*, Græcè ὁλοκαυστὸν, erat hostia, quæ, deductis extis, integra aræ imponebatur, quasi ὁλοκαυστὸν, hoc est, totum combustum, aut totum igne

9. Nec caper è caulis, nec me, spectante popello,
Vilibus è stabulis tracta juvenca juvat.
10. Quidquid habent campi pecudum, saltusque pro-
fundi,
Quidquid alunt rupes et juga mille, meum est.
11. Suntque mihi notæ volucres in montibus altis;
Meque colit Dominum quidquid inerrat agris.
12. Si premar esurie, non vos solatia poscam:
Me penes est, tellus quidquid et æther habet.
13. An mihi tosta famem depellant viscera tauri?
An levet hircini sanguinis unda sitim?
14. Solve tuo grates potiùs Dominoque Deoque,
Votaque, me quisquis simplice mente colis!
15. Tempestas cùm sævit, opem me posce Parentem:
Hanc ego depellam; tu mea facta refer.
16. Crimina sed spectans, his te, gens impia! Judex
Arguet Æthereus corripietque modis:
Quid tibi nobiscum est? cur tu mea scœdera pandis?
Cur memorat leges improba lingua meas?
17. Tu mihi reclamationes; legum tu spernis habenas;
Et, te cùm moneo, das mea verba Noto.
18. Tu prædatori comitem te jungere gaudes:
Te quoque consortem turpis adulter habet.
19. Ore paras fraudes; utero conceptus eodem
Te timet, et linguæ spicula sæva tuæ.

ANNOTATIONES.

igne absumptum.

12. *Solatia*] Est *solatia* pro *solatium*, per *Heterosin* pluralis numeri pro singulari, ut Psal. ii. 6. *Sceptra*.

14. *Dominioque Deoque*] Est exemplum *Figuræ* quam vocant *Polyyndeton*, per quam copulae redundat. Vide Not. in Psal. vii. 17. *Iussumque Deum*, *Dominumque potentem*.

17. *Tu mihi reclamationes*] *Reclamare* est quasi clamando ad-

versari, repugnare, resistere, ut apud Ciceronem: Reclamat *Sicilia tota, propter calati ar- genti cupiditatem, reos fieri rerum capitalium*, 6 Verr. xli.

Das mea verba Notis] De hac loquendi formula vide Not. in Psal. xviii. 22. *In aquarum undas tulere Notis*.

Notis] De hujus vocis propriâ significatione et Etymologia vide ibid. Psal. xviii. 22. et Not. in Psal. i. 4. *Notus*.

21. Ad tua quodd tacitus connivi crimina, rides;
Meque tui similem, gens scelerata ! putas.
At mihi tu meritas scelerum dabis, improba ! poenas;
Nam tua sunt digitis facta notata meis.
22. Numinis immemores ! monitis advertite Sacris :
Ne mea vos, nullo vindice, Dextra terat.
23. Me colit hic, qui laude litat : sectator et aequi
Pars erit electi, me tribuente, gregis.

ANNOTATIONES.

- | | |
|--|--|
| <p>21. <i>Tacitus connivi</i>] <i>Tacitus</i> hic ponitur pro <i>tacite</i> per <i>Enallagen</i> adjectivi loco adverbii. Vide Not. in Psal. ii. 12. <i>Securus</i>.</p> | <p>22. <i>Vindice</i>] De hac significatione vocis <i>vindex</i>, vide Not. in Psal. xxii. 4. <i>Te vindice</i>.
23. <i>Gregis</i>] Vide Not. in Psal. i. 1. <i>Grege</i>.</p> |
|--|--|

LI.

- M**E, Deus ! exaudi facilis ; patriique favoris
Adspiret famulo mollior aura tuo.
Quique reis toties veniam totiesque benignus
Indulges, scelerum me quoque fasce leva.
2. Turpe nefas dele ; scdam, Pater ! elue noxam,
Obversantem oculis nocte dieque meis.
 3. In te deliqui, te solum crimine læsi ;
Ut scelus ulcisci jus tibi fasque foret.

ANNOTATIONES.

- | | |
|---|--|
| <p>Hic Psalmus est <i>optativus</i>, constans ex duabus partibus ; <i>Petitione singulari</i>, a versu primo ad vigesimum ; et <i>Petitione communi</i>, inde ad finem.</p> <p>1. <i>Exaudi facilis</i>] <i>Facilis</i> hic sumitur adverbialiter pro <i>facile</i>, ut Psal. ii. 12. <i>Securus</i>.
<i>Adspiret famulo</i>] De propria et metaphoricâ significatione verbi <i>adspirare</i>, vide Not. in Psal. i. 3. <i>Adspirans</i>.</p> | <p><i>Indulges</i>] De hoc verbo vide Not. in Psal. iii. 8. <i>Indulges</i>.
<i>Fasce leva</i>] <i>Fascis</i> proprie lignorum aut alterius cujuscunque rei ligata congeries, quam ligando facimus : inde significat <i>onus</i>, quodd <i>fascis</i> lignorum seu aliarum rerum graves sunt portantibus. Exemplo est Virgilius :
— <i>Ego hoc te fasce levabo</i>,
Ecl. ix. 65.</p> |
|---|--|

5. Polluit auspiciū vitæ mihi fœda libido ;
 Primaque lux miseræ conscia labis erat.
 Luce carens, ipsâ contraxi matris in alvo
 Triste rudimentum, seminiumque mali.
6. Sed te pura juvat mens ; quam tu, nube remotâ,
 Erudies, leges discat ut illa tuas.
7. Hyssopi me fronde, sacro me flumine lustra :
 Sic ego mundus ero, candidiorque nive.
8. Mitte salutiferæ qui gaudia nuntiet horæ :
 Ut redeat fracto priscus in ossa vigor.
9. Parce meo puros in crimine figere vultus :
 De medio potiùs flebile tolle nefas.
10. Redde, quod amisi, pectus sine crimine ; mentem
 In restaurato pectore finge novam.
11. Nec me adytis disclude sacris ; et Spiritus olim
 Quas tuus accendit, ne mihi deme faces.

ANNOTATIONES.

5. *Polluit auspiciū*] *Auspiciū* hîc significat initium : quia veteres, gravissimarum rerum initio, captare omīna, *auspiciā*, et auguria solebant ; unde *auspicari* dicimus, pro, *initium* capere, et incipere ; et *inaugurari*, pro, *in dignitatem aliquam assumi*. Inde Virgilius usurpavit *omen* eodem sensu, quo autor noster *auspiciū* :

— Et primos attollere fasces
 Regibus omen erat,

Æn. vii. 173.

Seminiumque mali] *Seminium* idem est quod *semen*, sive illud, quod ex semine ortum est. Quo sensu Varro De re rustica : *E quo seminio ego procreavi pullos* : et Lucretius, quem præcipuè respexisse Jonstonus videtur : *Denique cur acris violentia triste Leonum*

Seminium sequitur,

Lib. ili. 741.

7. *Hyssopi*] *Hyssopus* est herba purgatoria satis notâ. Hic Psalter respicit ritum illum ceremonialem, de quo vide Lev. xiv. 6, 7. et Num. xix. 6. ubi præceptum traditur legis Moisaicæ, de *hyssopo* aspergendis lepro affectis aliisque impuris, in signum purificationis.

Flumine lustra] De hujus ritus significatione vide Not. in Psal. xxvi. 6. *Lustravi*.

Lustra] De hujus verbi significatione vide Not. in Psal. xiv. 2. *Lustravitque genus mortali*.

9. *Tuos vultus*] Est pluralis numerus pro singulari. Vide Not. in Psal. ii. 6. *Sceptra*.

11. *Adytis*] De hujus vocis significatione et Etymologiâ vide Not. in Psal. xx. 2. *Adytis*.

12. Redde mihi vitæ spirantes gaudia vultus :
 Mequē regat promptâ Spiritus ille manu.
13. Indicio tum versa meo gens devia gressus
 Diriget, et Solymæ figet in æde pedem.
14. Autor opis, vitæque parens! ne cæde madentem
 Lethifer in pœnas posce, sed abde nefas.
15. Tunc ego te lætus tollam super astra: reclude
 Vocis iter, laudes ut canat alta tuas.
16. Nec te thuris odor, nec victima cæsa, nec, ultrò
 Quam tibi libarem, bucula tosta juvat.
17. Mens scelerum sub mole gemens, fraudesque perosa,
 Una placet, numen placat et una tuum.
18. Adspice, sed facilis, turrets, Pater alme! Sionis;
 Et Solymæ memori mœnia-conde manu.
19. Tum tibi placato pecudum cruor imbuet aras;
 Et cadet in sacros hostia grata focos.

ANNOTATIONES.

12. *Vultus*] In plurali numero dixit pro *vultum* in singulari.

13. *Solymæ*] Vide Not. in Psal. ix. 11. *Solymam*.

15. *Lætus tollam*] *Lætus* hîc adverbialiter ponitur pro *lætè*, ut supra dictum ad Psal. ii. 12. *Securus*: idem quoque hîc dicendum de *alta*, scilicet pro *altè*.

16. *Thuris odor*] De *Tbure* vide Not. in Psal. xxvi. 6. *Tbura*.

Quam tibi libarem] *Libo* a Græco λιβειν, leviter degustare, et primis veluti vix *labris* attingere, quod de apibus propriè dicitur, ut apud Virgilium:

Purpureosque metunt flores, et flumina libant, Georg. iv. 54.

Præcipuè hoc verbo usi sunt veteres, quum de *primitiis* Diis oblati sermo esset (illæ enim de frugibus delibabantur, aut decerpebantur) vel quum inter epulas,

in honorem alicujus Dei, in mensam, vel inter sacra in aram aliquid vini de paterâ defundebant. Ut apud eundem Virgilium:

Dixit, et in mensa laticum libavit honorem, Æn. i. 740. Inde, per *Synecdochen*, *libare* ponitur pro *sacrificare*, ex eadem auctoritate:

— *Nunc pateras libate Jovi, Æn. vii. 133.*

18. *Sed facilis*] *Facilis* hic, per *Enallagen*, sumitur adverbialiter pro *facilè*. Vide Notam in Psal. ii. 12. *Securus*.

Pater alme] De significatione et Etymologia vocis *almus* vide Not. in Psal. xii. 1. *Alma*.

Sionis] Vide Not. in Psal. ii. 6. *Sioni*.

Solymæ] De *Solymâ* consule Not. in Psal. ix. 11. *Solymam*.

19. *Imbuet aras*] Vide Not. in Psal. i. 8. *Imbuat aras*.

LII.

TURBA potens! ecquid stolidè tua crimina jactas?
Numinis est constans, nec periturus amor.

2. Impia lingua tibi est, quam nulla novacula, lævi
Cote nitens, acies vincere nulla potest.
3. Prava piis studiis præfers, mendacia vero;
Osque meras fraudes, perniciemque parat.
5. Te Deus excindet Vindex; vitæque, bonisque
Exuet, et patriis sedibus exul ages.
6. Vir pius hæc spectans, Dominum venerabitur Orbis;
Illudensque reis talia dicta dabit:
7. Divinam qui risit opem, cui copia rerum,
Et mala mens olim dux fuit, ecce! jacet.
8. Ast ego, qui Domino fidi constanter, olivæ
Instar, in illius luxuriabor agro.
9. Te, Deus! observans Dominum, tua dulce putabo
Jugiter in sacro pandere facta choro.

ANNOTATIONES.

Hic Psalmus est generis *didactici*, constans ex tribus partibus; *Reprehensione*, ad versum sextum; *Prædicatione lætitiæ*, ad octavum usque; ac postremo *Glorificatione fidei*, duobus ultimis versibus.

1. *Jactas*] De hoc verbo vide Not. in Psal. x. 3. *Jactat*.

2. *Nulla novacula*] *Novacula* est culter rasorius, a *novo*, *novas*, quod *novare*, id est, novum facere, videatur. Porro veteres *novare* pro *radere* dicebant, ut Scaliger in *Ætнам Severi*, § 57. observat.

8. *Olivæ*] *Olivam* Plinius numerat inter illas arbores qua-

rum folia nunquam decidunt.

9. *Observans Dominum*] Emphaticè usus est hac voce *observans*; *observare* enim est custodire aliquid oculis animoque in modum speculatoris, ne nos silentio, tacitèque prætereat: potest etiam accipi hic pro *venerari*, sive *admirari*, quo sensu occurrit apud Virgilium:

Præterea Regem non sic Ægyptus, et ingens

Lydia, nec populi Partiborum, aut Medus Hydospes

Observant—Georg. iv. 210.

Sacro choro] De voce *Choro* vide Psal. xviii. 10. *Chori*.

LIII.

STULTUS ait secum, Non est Deus: inquinat omne
Cor scelus; et recto tramite nemo meat.

2. Despiciens terras Deus inquisivit, an orbem
Incoleret prudens, et pietatis amans.
3. Omnia pestis erant, omnes involverat error;
Virque pius toto nullus in orbe fuit.
4. Cæcane perversis mens est, ait, impete facto,
Glubere qui populum non metuere meum?
Ceu dape, dilectæ pascuntur sanguine gentis:
Nemo mihi toto de grege vota facit.
5. His, ubi nulla fuit justæ Formidinis umbra,
Vidimus imbelli corda timore quati.
Et, sacra cum telis cinxerunt castra, per agros
Vindictis his spargi vidimus ossa manu.
Texit et ora pudor populo, quem Conditor Orbis
Spreverat; et trepidæ sunt data terga fugæ.

ANNOTATIONES.

Hic Psalmus est generis didactici, et ejusdem argumenti cum Psalmo decimo quarto, qui plurimâ ex parte cum hoc consonat.

4. *Perversis*] Est casus tertius pro secundo, per *Antiptosin*, ut Psal. i. 3. *Cui tempestivus*.

Glubere] *Glubere* proprie est *corticem*, sive *pellem detrabere*; inde significat *dennudare* seu *spoliare*.

Grege] Vide Not. in Psal. i. 1. *Grege*.

5. *His corda — quati*] Pro *borum corda quati*, per *Antiptosin*, ut Psal. i. 3. *Cui tempestivus*.

Formidinis umbra] *Umbra* est *aer carens sole*: quod sit alijus corporis objectu, præsertim nobium; inde sumitur pro imagine rei; cui opponitur solida et

expressa effigies, ut apud Ciceronem: *Sed nos — germanæ justitiæ solidam et expressam effigiem nullam tenemus*; *umbra et imaginibus utimur*, Off. iii. 69.

Hic observare est, quod etiam prius annotavimus, virtutes, nempe, vitia et affectus animi, ut voluptatem, dolorem, formidinem personali forma sæpius depingi.

Telis] Vide de hac voce Not. in Psal. iii. 6. *Tela*.

His spargi ossa] Pro *borum spargi ossa*, per *Antiptosin*, ut Psal. i. 3. *Cui tempestivus*.

Texit ora populo] Per eandem Figuram dixit pro *ora populi*.

Trepidæ fugæ] De ambigua significatione vocis *trepidus* vide Not. in Psal. xi. 1. *Trepido metu*.

6. Illa dies, lux illa! veni, de rupe Sionis
 Ifacidis cœli quâ feret Autor opem:
 Tum domus Abramidûm celebrabit gaudia, duro
 Cùm sacra gens cernet colla soluta jugo.

ANNOTATIONES.

6. *Sionis*] Vide Not. in Psal. *Jugo*] De *jugo* apud Romanos vide Not. in Psal. xlv. 26.
 ii. 6. *Sioni*.
Abramidûm] Dixit per Synecopen, pro *Abramidarum*. *Jugo*.

LIV.

- M**E, fidei pactique memor, Deus! affere; Judex!
 Tu mihi, quâ pollēs, ne premar, adfer opem.
 2. Alme Parens! mœstis aures adverte querelis;
 Et memori gemitus pectore comde meos.
 3. Me fera Barbaries premit, et violenta Tyrannis,
 Et majestati gens inimica tuæ.
 4. Sed mihi tu præsens, Deus! es; tutaris et illos
 Quorum ego consilio subsidioque juvor.
 5. Impia gens pœnas te pendet vindice: tandem
 Ah! tua subverso luceat hoste fides.
 6. Tunc ego, thura ferens, ultrò prosternar ad aras;
 Teque colam, quo nil mitius orbis habet.

ANNOTATIONES.

Hic Psalmus est generis *op-tativi*, constans ex duabus partibus; *Petitione*, usque ad verbum sextum, et *Conclusione votivâ*, versu ultimo.

2. *Alme parens*] De significatione et Etymologiâ vocis *almus* vide Psal. xii. 1. *Alma*.

3. *Barbaries*—et *violenta Tyrannis*] *Barbaries* et *Tyrannis* hic personaliter accipiuntur pro hominibus tyrannicis et barbaris. *Barbaries* a *barbarus*, quod derivant nonnulli ex Chaldaico *Bar*, quod *extra*, *foras* signifi-

cat; vel ab Arabicâ voce *Bar*, quæ *Desertum* significat. *Barbari* vero antiquitus dicebantur omnes populi, exceptis Græcis.

Tyrannis] Significat sævum ac violentum imperium, a *Tyranno*, de qua voce vide Psal. vii. 2. *Impune tyranni*.

6. *Thura*] De hac voce vide Not. in Psal. xxvi. 6. *Thura dabo*.

Prosternar ad aras] Consule de hujus ritûs significatione Not. in Psal. v. 7. *Illustres sterner ante pedes*.

7. Nam-

7. Namque tuo ductu venti securus et undæ,
Sacilegi vidi naufraga vela gregis.

ANNOTATIONES.

7. *Venti-securus*] Vide Notam | *Gregis*] De hac voce vide in Psal. xxxii. 6. *Secura ruina*. | Not. in Psal. i. 1. *Grege*.

LV.

DUM precor, exaudi, rerum Pater Optime! questus
Dum geminò, vultûs ne jubar abde tui.

2. Supplicis ausculta precibus, votisque benignus
Annue; dum querulis astra fatigo mœdis.
3. Ah! fremit, ah! odiis fera gens me vexat et iris;
Prò dolor! et famam dente proterva petit.
4. Cor micat; et piceis Mors dum circumvolat alis,
Horrifico nimium concutit ossa metu.
6. Obrutus his, dixi, Misero trepidoque columbæ
O mihi quis pennas remigiumque dabit?
7. His ego libratîs fugerem procul, otia quærens
Saltibus in mediis, sepositisque jugis.

ANNOTATIONES.

Hic Psalmus est *didacticus*, constans ex duabus partibus; prior est forma *Orationis*, usque ad versum decimum quintum; posterior *Doctrina prophetica*, ad finem usque.

2. *Benignus*] Est hîc adjectivum adverbialiter sumptum, ut Psal. ii. 12. *Securus*.

Astra fatigo] Audax hæc Poetica Figura quæ sensum et perceptionem etiam rebus inanimatis attribuit. Hîc Poeta inducit Stellas mœstum animi statum spectantes, et tristes querimonias audiendo defatigatas. Ita ipse Virgilius:

—Quin aspera Juno,

Quæ mare nunc terrasque metu
cælumque fatigat,

Æn. i. 283.

Olli remigio noctemque diemque fatigant, Æn. viii. 94.

4. *Cor micat*] *Micare* propriè est subinde, et per intervalla, ut *mica* faciunt, resplendere; inde dicitur de motu quovis celeri flammæ imitante.

6. *Remigiumque dabit*] *Remigium* est ipsa remorum agitatio et remigatio, unde ad aves transfertur, quoniam alis veluti remis quibusdam ad diffindendum aerem utuntur. Ita Virgilius:

—Volat ille per æera magnum

Remigio alarum, Æn. i. 300.

8. Ocyus hinc celerans, tumidis, quibus obruor insons,
Fluctibus eriperer, nimbiferisque Notis.
9. Perde, Deus! lita labra dolis, et divide linguas,
Ne possint fociis consona verba loqui.
Litibus, heu! sacram lacerari vidimus urbem;
Junctaque litigiis vis truculenta fuit.
10. Pallida seu nox est, seu lux micat aurea, muros
Occupat, et mediâ regnat in urbe nefas.
11. Incolit hanc Rabies, et Vis, et dira Libido:
Cernis et infandis compita plena Dolis.
12. Non mihi vel Linguis Hostes nocuere vel Armis;
Probra pati poteram, tela cavere fugâ.
13. Tu mihi causa mali es, nimium dilecte Sodalis!
Duxque viæ, vitæ delictumque meæ!
14. Usus eram, memini, te consultore; mihi que
Templa Dei tecum visere dulce fuit.
15. Mors domet hunc, vivumque voret telluris hiatus,
Impia cui mens est, et scelerata manus.

16. Ast

ANNOTATIONES.

8. *Fluctibus*] De Metaphorica significatione vocis *fluctus* vide Not. in Psal. ix. 13. *Adspice fluctus*.

Nimbiferisque Notis] *Notus*, five Auster, est ventus a meridie flans, magnos humores colligens, ut supra dictum. Unde appellatur *humidus*, *nimbosus*, five *nimbifer*; ut apud Virgilium:

— *Quid cogitet humidus Auster*, Georg. i. 462.

10. *Pallida seu nox est, seu lux micat aurea*] Est elegans hic *Periphrasis* et *Amplificatio*, pro omnibus horis: ut Psal. i. 2.

Seu nox est, *roseo* seu micat *axe diis*.

Lux micat aurea] *Aurea*, id est *pulchra*, *splendida*, ut supra adnotavimus ad Psal. vii. 7. *Aureus*. De voce *micare* vide

versum quartum hujus Psalmi.

11. *Rabies, Vis, Libido*] Hic personaliter sumuntur more Poetico.

Compita plena dolis] *Compita*, id est, quadriga, quæ *compita* appellantur, ab eo quod multæ viæ id unam *competant*, id est *confluant*.

12. *Tela*] Vide Not. in Psal. iii. 6. *Tela*.

13. *Nimium dilecte*] Id est admodum vel summopere *dilecte*; ut vox *nimium* sæpius usurpatur. Vide Psal. ii. 12. *Felicem nimium*.

14. *Te consultore*] *Consultor* a verbo *Consulo*, is dicitur, qui consilium capit, ut apud Ciceronem: *Vigilas tu de nocte, ut consultoribus tuis respondeas*, De Muræna, xxii. *Consultor* etiam ille dicitur, qui dat consilium, testis

16. Ast ego thure Deo supplex votisque litabo;
Meque salutiferâ proteget ille manu.
17. Audiet ille preces quas fundam, lucida cœli
Limina, vel medias sole tenente vias.
18. Mille triumphantes acies mihi misit ab alto;
Inter et ipsa dedit spicula pace frui.
19. Me Deus, æternis Orbem qui frænâ habenis,
Audiet, et pœnas hostica turba luet.
Dum luces sine nube fluunt, et mollia veris
Tempora, deponit Numinis illa metum.
20. Aurea tranquillæ violavit vincula pacis:
Fœderis et ruptâ mensque manusque rea est.
21. Balsama vox spirans superabat acumine ferrum;
Verbaque fundebat lactea pectus atrox.
22. Tu Domino te crede: pios sufflaminat Ille;
Et ne vacillent, dirigit Ille pedes.

23. Ante

ANNOTATIONES.

teste Salustio: *Simul ab eo petit, ut fautor consultorque ei adsit*, De Bell. Jugur.

16. *Thure*] De hac voce vide Not. in Psal. xxvi. 6. Thura dabo.

Deo—litabo] De propriâ significatione vocis *litare* vide Psal. xvi. 4. *Litet*.

17. *Lucida cœli limina*, etc.] Est *Periphrasis* pro tempore matutino et meridiano.

20. *Mensque manusque*] Hic copula *que* geminatur et redundat, per Figuram quam *Poly-syndeton* vocant; ut Psal. vii.

17. *Iustumque Deum, Dominumque potentem*.

21. *Balsama vox spirans*] *Balsamum* arbuscula est odoratissima, in Judæa solum nascent; de qua vide Plin. *Lib.* xii. c. xxv. Componitur ex *Baal* et *Schemen*, quasi Dominus olei, sive aromatum; propriè quidem de arbore, sed sæpius

etiam, ut hic, de succo arboris dicitur. Ita Justinus: *Arbores opobalsami certo anni tempore balsamum sudant*, Lib. xxxvi. c. 3.

22. *Pios sufflaminat ille*] *Sufflamen* est retinaculum rotæ decurrentis, ne velocius decurrat; est enim machinæ genus, quo, in descensu vel procursu nimio, rota solet retineri. Inde verbum *sufflamino*, quod propriè significat, *sufflamine* comprimere et retinere; et eleganter hic dicitur de providentiâ divinâ, quæ pios sublevat et suffulcit.

Et ne vacillent] Licet observare Poetam hic loci, et in Psalmo decimo septimo, versiculo quinto, *ne pede vacillem*, syllabam *va* producere, quam tamen in aliis ubique locis corripuit: in ea verò *producenda* nequit in dubium vocari, quin amplâ satis auctoritate fuerit suffultus, aliter enim in promp-

23. Ante diem sed fraudis amans cædisque peribit,
Et petet infernas mœstus uterque domos.
Ast ego te fidam, Deus, Autor et Arbiter æqui!
Ancora tu vitæ, spesque salutis eris.

ANNOTATIONES.

tu habuit pedibus *titubare* loco
wacillare ; quâ etiam dictione in
specimine suo usus est noster:
itaque si magis placeat, licitum
est in hoc Psalmo legere,

*Ne titubent, dubios dirigit
ille pedes,*

Et in altero,

*Ne pedibus titubem, Tu, Deus!
usque præi.*

Nihil dico de Psal. xxxvii. 31.

Hæc error est Typographi:

*Scriptit certe Noster (ut ipsa
auris admonet)*

Illâ vacillantes sustinet una pedes
23. *Ante diem—peribit]* *Per-*
rire ante diem dicuntur, qui non
præfixo juxta communem natu-
ræ ordinem tempore ; sed vio-
lentâ, aut fortuitâ, aut immu-
turâ morte intereunt. Ita Vir-
gilius de Didone:

*—Merita nec morte peribat;
Sed misera ante diem,*

Æn. iv. 696.

Ancora] Vide Psal. xxxix. 1.
Ancora.

LVI.

ME, Deus! adspecta facilis, quem viribus hostis
Obruit, et miserum nocte dieque premit.

2. Nocte dieque premit miserum ; nec terminus iræ est;
Nec claudi numero gens inimica potest.
3. Corda metu quoties trepidabunt, porta salutis
Tu, Deus! et vitæ spes mihi solus eris.
4. Vox tua laudanda est ; te nitor Vindice : temnam,
Te Duce, mortali spicula missa manu.

ANNOTATIONES.

Hic Psalmus est partim *op-*
tativus, partim *laudativus*, et
propterea duabus partibus con-
stans ; *Precatione* scilicet, et
Laudatione, ordine amæbæo
constructis ; et *Conclusioni*, ver-
su ultimo.

1. *Facilis]* Hic adverbialiter

sumitur pro *facile*, ut Psal. ii.
12. *Securus.*

2. *Nocte dieque]* Est elegans
Anaphora, de quâ Figurâ vide
Not. in Psal. ii. 6. *Sceptra fir-*
renda dedi, Sceptra.

3. *Corda]* Est pluralis nu-
merus pro singulari.

5. Quæ loquor infelix, interpres adulterat effrons;
Dum coquit hostiles mens scelerata dolos.
6. Clam coit infidias meditans, et noctis in umbrâ
Observat gressus impia turba meos.
7. Fraude suâ fidens tutam se somniat: iræ
Hanc, Deus! incusso fulmine dede neci.
8. Ta tabulis gemitus, lachrymas tu colligis urnâ;
Et numeras nostræ tædia longa fugæ.
9. Terga dabunt hostes, quoties te posco salutem:
Nota loquor, famulo tu quia Dexter ades.
10. Vox tua laudanda est; te nitor Vindice: temnam,
Te Duce, mortali spicula missa manu.
12. Sum tibi, dum spiro, devinctus perpete voto;
Teque piis hymnis et tua facta canam.
- 13 Vindice te, vivo; mihi tu vestigia firmas;
Quaque feror vitæ lux tua monstrat iter.

ANNOTATIONES.

5. *Interpres adulterat effrons*] *Adultero*, verbum à nomine *Adulter* derivatum, significat adulterio stuprare. Hinc, per *Metaphoram*, pro arte aliquâ quidpiam pro vero assimilare, atque ita rem sinceram corrumpere. Ut apud Ciceronem: *Adulterare tabulas*, Pro Roscio. Et de Amic. xciv. *Quum autem omnium rerum simulatio est vitiosa* (tollit enim iudicium veri atque adulterat) *tum amicitia repugnat maxime.*

Effrons, quasi sine fronte, id est, modestiâ; nam templum

Pudoris est *frons*: Unde pro ipso pudore ponitur apud Persium: *Navem si poscat sibi peronatus arator,*
Luciferi rudis, exclamet Melicerta perisse
Frontem de rebus,

Sat. v. 102.

9. *Dexter ades*] *Dexter*, propitius, cui opponitur *laevus*, adversus. De utriusque vocis usu et ratione vide Not. in Psal. xvi. 4. Nomina *laeva*.

10. *Vindice*] Vide Not. in Psal. xxv. 20. *Te vindice.*

LVII.

- D**A mihi te facilem; famuli miserere precantis:
 Tu, Deus! es vitæ spes sine fine meæ.
 Auspiciis me credo tuis, & fortibus alis;
 His tegar, undosi dum cadat ira maris.
2. Vota tibi fundam supplex, qui fœdera servas;
 Cujus et inceptum dextra coronat opus.
 3. Ocyus accurrens, tu, ne vorer, obvius hosti
 Ibis: erunt comites Candor et alma Salus.
 4. Cædibus afflueti cingunt mihi tecta Leones,
 Turbaque, ferales quæ vomit ore faces.
 Lingua refert gladium, telum penetrabile dentes;
 Nec magis his jaculum, nec magis hasta ferit.
 5. Quâ, Deus! effulges, effert super æthera lucem;
 Terraque fit radiis tota corusca tuis.
 6. Hostis iter stravit laqueis; me perculit horror:
 Objecit foveas; captus at ipse dolo est.
 7. Obsequiosa mihi mens est, tibi firmiter hæret:
 Te mea vox Dominum, te mea plectra canent.

ANNOTATIONES.

Hic Psalmus est, ut ita dicam, *deprecatorius* mortis et perditionis. Sunt autem ejus partes in universum duæ, *Petitio*, versu primo; et *Petitionis Argumenta*, ad finem Psalmi.

1. *Tuis Auspiciis*] De voce *auspicia* vide Psal. xxxvii. 6. *Illius auspiciis*.

2. *Fundam supplex*] *Supplex* hic ponitur adverbialiter pro supplexiter; ut in Psal. ii. 12. *Securus*.

3. *Candor et Salus*] Hic personaliter sumuntur more poetico. De Etymologiâ vocis *Candor* vide Not. in Psal. iv. 1. *Candida*.

4. *Telum penetrabile*] *Penetrabile* passivè vulgò significat, quod faciliè penetrari potest; hic vero activè, pro eo quod vim habet *penetrandi*. Quo modo hac voce etiam usus est Virgilius;

—*Penetrabile frigus adurit*,
 Geor. i. 93.

Aspice, num mage sit nostrum penetrabile telum,

Æn. x. 481.

7. *Mea plectra carent*] De voce *plectro* vide Psal. xlix. 4. Ponitur hic per *Synecdochan*, pro citharâ, estque pluralis numerus pro singulari.

8. Excute segnitiam, numeris cane, lingua! decoris:
Psallite vocali nablia juncta lyræ!
9. Mane novo super astra, Deus! te carmine tollam;
Et tua per populos grandia facta feram.
10. Magne Parens! æquat tua te Clementia cœlo;
Transvolat et nubes intemerata Fides.
11. Quâ, Deus! effulges, effert super æthera lucem;
Terraque sit radiis tota corusca tuis.

ANNOTATIONES.

8. Numeris] De hac significatione vocis *numerus*, vide Psal. vi. ii. Numeris.
Nablia] De Nablio vide Not. in Psal. xxxiii. 2. Nablia.
Lyræ] Lyra instrumentum musicum, ἀπὸ τοῦ λυγρῆς, canere.
- Vulgo constabat viginti quatuor chordis, & per digitos variis vocibus, tinnulisque ictibus in diversis modis concitabatur: Constat autem multiplices fuisse distinctasque *lyrarum* species.

LVIII.

PURPUREI proceres! jus qui libratis et æquum,
Vosne putem fari iusta, vel æqua sequi?

2. Quisque neces animo versat, bellumque minatur
Sævus; et innocuo terra cruore rubet.
3. Quisque dolos secum maternâ traxit ab alvo,
A teneris omnes devius error agit.
4. Virus inest colubri, magicis qui cantibus aures
Subtrahit, et vinci callidus arte nequit.

6. His

ANNOTATIONES.

In hoc Psalmo David deprecatur periculum quod sibi a *Saule* impendere videbatur. Ejus partes sunt tres; prima est *Reprehensio* adversariorum, ad versum septimum; secunda, *Imprecatio* contra illos, ad versum decimum: et *Conclusio*, duobus ultimis versibus.

2. Sævus] Hic ponitur adverbialiter, ut Psal. ii. 12. Securus.

3. A teneris] Subauditur an-

nis. Ita Virgilius:

— Adeo in teneris consuescere
multum est, Georg. ii. 272.

4. Virus inest colubri] Coluber est serpens in aqua vivens, secundum *Plin.* xxxii. 5. Vel potius anguis latitans in umbra sylvarum, ut existimant alii: Quibus favet illud Virgilii:

Qualis ubi in lucem Coluber
mala gramina passus,
Æn. ii. 471.

Aut

6. His malas, dentesque, Deus ! confringe ; leonum
 Contere sanguineis ora cruenta lupis.
 7. More fluant fugientis aquæ ; fit inutilis illis
 Arcus ; et ultrici spicula frange manu.
 8. Limacum vel more liqua, foetusque tenelli,
 Lumina cui solis mors rapit ante diem.
 9. Dissipet hos turbo, flammæ dum concipis, ante
 Fervere subjectis quàm queat olla rubis.
 10. Gestiet, hæc spectans, vir justus ; et, hoste per-
 empto,
 Sanguineo niveos abluet amne pedes.
 11. Utilis est Pietas, tum dicet conscia tellus ;
 Est quoque, qui toto Regnat in orbe, Deus.

ANNOTATIONES.

*Aut testis assuetus Coluber suc-
 cedere et umbræ,*

Georg. iii. 418.

Magis qui cantibus] De ar-
 te captandi serpentes per magicas
 incantationes vid. Philostratum
 in *vita Apollonii*, lib. iii. c. 2.

Aures subtrahit] Tradunt
 Physici nonnulli hoc genus ser-
 pentum, cum sit altera aure sur-
 dum naturâ, alteram suâ arte
 claudere, quo se obsirnet contra
 vim incantationum.

6. *His malas confringe]* Pro
 borum malas *confringe*, dative
 scilicet usus, more poetico, pro
 genitivo.

8. *Ante diem]* De hac locu-
 tione vide Not. in Psal. lv. 23.

9. *Fervere subiectis, etc.]* *Fer-
 vere* hic est penultimâ brevi, ut
 semper se habet apud Virgilium:
*Omnia tunc pariter vento nim-
 bisque videbis*

Fervere—Georg. i. 456. Vid.
Æn. iv. 409, 567.

LIX.

- E**RIPE me telis ; populum, Pater alme ! rebellem
 Protere, cui mens est prava, cruenta manus.
 3. En ! petor insidiis insons, en ! agmine facto
 Turba potens in me nocte dieque ruit.

ANNOTATIONES.

In hoc cantico *David* depre-
 catur imminens sibi a *Saule* ma-
 lum : constat autem Psalmus ex
 tribus partibus ; *Propositione*,
 versu primo et secundo ; *Nar-
 ratione*, ad versum decimum

sextum ; et *Conclusione euba-
 risticâ*, duobus ultimis versiculis.

1. *Telis]* Vide de hujus vo-
 cis Etymologiâ Not. in Psal.
 iii. 6. *Tela*,

4. Undi-

4. Undique conspirans in me, nil tale merentem,
Vim parat; hæc spectans fer, Pater orbis!
opem.
5. Ocyùs evigila, belli pacisque Sequester!
Quo domùs Ifacidùm vindice sospes erat.
Quos regis, adspecta populos; nec parce profanis,
Per scelus audaci qui pede jura premunt.
6. Discurrunt, cinguntque feris ululatibus urbem,
More canum, solis lux ubi mersa latet.
7. Ensis inest labiis; comes est jactantia linguæ:
Seque putant, nullo teste, nefanda loqui.
8. His, Deus! illudes; et, qui mihi sæva minatur,
Materies risùs devius orbis erit.
9. Viribus hostis ovat, sed te sequar, Optime rerum!
Ne peream, vindex tu mihi semper ades.
10. Me tua prævertet levibus clementia pennis;
Dulcibus et votis, hoste cadente, fruar.
11. Ne tamen hostiles acies simul obrue; nacti
Otia dediscant ne tua facta pii:
Sparge sed obstantes, et sparsas demete sensim,
Sospite me, clypei quem tegit umbo tui.
12. Has meruit Fastus simul et Perjuria poenas,
Linguaque felle tumens, et lita Labra dolis.

ANNOTATIONES.

5. *Vindice*] Consule Not. in Psal. xxv. 20. *Te vindice*.

6. *Feris ululatibus*] De propriâ et strictâ significatione hujus vocis *ululatibus*, vide Not. ad Psal. xxii. 1. *Ululatibus*.

Solis lux, etc.] Est hæc *Periphrasis* pro nocturno tempore.

8. *Devius orbis*] Id est, *Pagani*, quos *devius* error seducit a recto tramite; a via scilicet virtutis et veritatis.

9. *Hostis ovat*] De voce *ovare* vide Not. in Psal. xxxv.

25. *Ovans*.

Vindex] Vide Not. in Psal. xxv. 20. *Te vindice*.

11. *Tegit umbo*] De voce *umbo*, vide quæ annotavimus in Psal. iii. 3. *Umbo*.

12. *Fastus—Perjuria—Lingua—Labra*] Hæc omnia more poetico personaliter sumuntur, ut de aliis sæpius dictum.

Felle tumens] De propriâ et Metaphoricâ significatione vocis *Felle*, vide Not. in Psal. xv. 3. *Felle caret*.

13. Hos furor extinguat tuus, ut tibi subdita discant
Sceptra Palæstinæ, quotquot et orbis habet.
14. Discurrant, cingantque feris ululatibus urbem,
More canum, solis lux ubi merfa latet.
15. Discurrant, quærantque dapes; cogantur at atram,
Dum redeat terris lux nova, ferre famem.
16. Tu mihi mane novo, Deus! et cantabere fortis,
Et bonus; afflicto tu quia lenis ades.
17. Tu mihi carmen eris, mea vis et ahenea turris!
Es mea tu rupes, unus et Autor opis.

ANNOTATIONES.

13. *Palæstinæ*] De *Palæsti-*
na vide Not. in Psal. xlviii. 11.
Palæstinæ.

14. *Ululatibus*] Consule de
hac voce quæ jam dicta sunt ad
Psal. xxiii. 1. *Ululatibus*.

15. *Atram famem*] Vide Not.
in Psal. xxxvii. 19. *Atra famem*.

16. *Lenis ades*] Est adjecti-
vum per *Enallagen* adverbialiter
sumptum, ut Psal. ii. 12. *Se-*
curus.

LX.

- E**N, Deus! extorres peregrinæ gentis in oris
Spargimur: hæc iræ sunt documenta tuæ.
2. Redde jubar solitum: Tellus tremit ima dehiscens;
Tu quassam repara, stringe quod intus hiat.
3. Turbârunt miseras à te data pocula mentes:
Sensimus et nimio pondere colla premi.
4. Nunc, fidei pactique memor, vexilla piorum
Erigis; et populi signifer Ipse tui es.
5. Tu tibi dilectum superis de sedibus audi;
Dumque vibrant hostes spicula, tende manum.
6. Vox hilarat me Sacra Dei; quo vate, Sucothi
Metiar, et Sichemæ partiar urbis agros.

7. Cum

ANNOTATIONES.

Hic Psalmus est *optativus*,
ex tribus partibus constans: *Ex-*
pofultatione, a versu primo ad
quintum; *Petitione*, a versu
quinto ad decimum secundum;
et *Conclufione*, versu ultimo.

3. *Turbârunt*] Dixit per *Syn-*
pen pro *turbaverunt*.

6. *Sucothi*] *Sucotibus* urbs sita
inter rivulum Jabocum et flumen
Jordanem, a Jacobo Patriarchâ
olim condita: nomen habet a
tuguriis

7. Cum Giliadæis subdam mihi rura Manassæ;
Juda dabit leges, gens Ephraïma viros.
8. Juncta Moabæis populis juga dives Idume
Induet, imperiis obsequiosa meis:
Quæque Palæstinæ pingues gens incolit oras,
Victa gravi bello nostra tropæa canet.
9. Quo duce, munitæ succedam mœnibus urbis?
Gentis Idumææ, quo duce, regna petam?
10. Qui prius exosas acies educere bello
Jure recusasti, tu, Deus! arma reges.

ANNOTATIONES.

tuguriis quæ ibi extruxerat ille, post celebre illud colloquium quod habuit cum fratre Esao; nam *Sucotb* Hebraice significat *Tuguria*, ut videre est Gen. xxxiii. 17.

Sicbema] *Sicbema* urbs non procul a Samaria, satis celebris ex confabulatione quam Christus ibi habuit cum sceminâ Samaritanâ. Per *Sicbema* et *Sucotb* hic intelligi videtur totum regnum Samaritanum.

7. *Cum Giliadæis*] Giliadæi incolebant regionem circa *Gilead* montem in terrâ Palestinâ, et urbem a Jacobo conditam, quam nominavit *Gilead*, id est *Cumulum*; ibi enim extruxerat cumulum lapidum, ut esset monumentum fœderis iſti cum Labane, de quo legitur Gen. cap. xxi. Totum Basanis regnum sub hoc nomine videtur hic loci comprehendere.

Rura Manassæ] *Manassæ*, *Juda* et *Ephraïma* sunt nomina tribuum satis nota, a capite familiæ quæque deducta.

8. *Juncta Moabæis*] *Moabæi* erant posteri Moabi, quem

Lotus genuit ex sua filia majore natu: horum erat regio nomine *Moabitis*, quæ occidente claudebatur montibus et flumine *Jordane*; a septentrione, *Ammonæorum* finibus; a meridie rivulo *Zered*, qui in Mare Mortuum influit; et ab oriente, *Arabizæ* desertis.

Juga] Vid. Not. in Psal. xlvii. 3. *Juga*.

Dives Idume] *Idume* terra opulenta ab Edomo sive Esao dicta; quæ a septentrione pertinebat ad fines Chananæorum et lacum Asphaltitem; a septentrione, ad regionem Midianitarum; a meridie vergebat ad finem Arabicum, et ab occidente, ad fines Amalecenses.

Nostra Tropæa] De *Tropæis*, vide Not. in Psal. xx. 3. *Lata tropæa*.

9. *Gentis Idumææ*] Vide Not. in versiculum octavum, *Dives Idume*.

Regna petam] *Regna* hic ponitur in plurali numero pro singulari, ut Psal. ii. 6. *Sceptra*.

10. *Recusasti*] Per *Syncopen* dicitur pro *recusavisti*.

11. Fer bonus auxilium, nos dum ferus obsidet hostis:
Te, Deus! excluso, nemo ministret opem.
12. Numinis auspiciis pugnabitur: hostica pubes
Concidet, et pedibus colla premenda dabit.

ANNOTATIONES.

12. *Auspiciis*] De hac voce | *Auspiciis*.
vide Not. in Psal. xxxvii. 6.

LXI.

- Æ** THERIS aurati Rector! mea suscipe vota;
Et placidus pronâ, quæ loquar, aure trahe.
2. Orbis ab extremo te poscam limite; pectus
Dum miser, ah! curis sentio mille premi.
Tende manum fessô; securam scandere rupem
Da mihi, semotam quam nimis esse queror.
3. Tu mihi Portus eras, fureret cùm fluctibus æquor,
Inter et hostiles Turris ahena minas.
4. Æternùm loca sancta colam, te fretus; et alis,
Rebus in angustis, protegar usque tuis.
5. Audisti miseri gemitus et vota; piisque
Debitus hæredis jam mihi cessit honos.
6. Aurea tu regi produces tempora vitæ;
Multaque pro paucis vivere sæcla dabis.
7. Hic tua templa colet, dum vescitur æthere: custos
Hinc tua sit Bonitas, cingat et inde Fides.
8. Ergo

ANNOTATIONES.

Hic Psalmus est *votivus*, ex citur, pro *audiisti*.

tribus partibus constans; *Petitione singulari*, ad versum quintum; *Petitione publica*, ad versum octavum; et *Conclusione votiva*, versu ultimo.

1. *Placidus trabe*] *Placidus* hic adverbialiter sumitur pro *placide*: ut Psal. ii. 12. *Securus*.

3. *Æquor*] De hujus vocis Etymologiâ et propriâ significatine, vide Not. in Psal. xviii.

22. *Æquoris*.

5. *Audisti*] Per *Synopen* di-

6. *Aurea tempora*] Id est, *felicissima*, nam res sui generis optimæ, et maxime desiderabiles vocantur *aureæ*; quia aurum inter homines plurimi æstimatur et summis votis appetitur. Inde *aurea ætas* significat *seculum felicissimum*.

Sæcla] Hic dicitur per *Synopen* pro *secula*: vide de hac voce Not. in Psal. xlv. 6. *Sæclo*.

7. *Vescitur æthere*] De hac dictione

8. Ergò tuas referam laudes, et debita solvam
Vota, mihi donec spiritus ossa reget.

ANNOTATIONES.

ditione vide Not. in Psalm. xvi. 3. *Vescitur aura.*

LXII.

MENTE Deum tacitâ veneror; spes omnis in
illo est :

Ille salutiferam fert mihi promptus opem.

2. Arx Deus est, clypeusque mihi, portusque salutis
Unicus: incutient nulla pericla metum.
3. Ecquis erit tandem scelerum modus? Ecqua malo-
rum

Meta, quibus nimum nocte dieque premor?

Mox ruet in præceps meus hostis, ut ariete pulsa
Mœnia, vel putri saxa soluta situ.

4. Deturbare gradu me dum parat æmulus, astu
Rem gerit, et fraudes nectere dulce putat.

Calli-

ANNOTATIONES.

Hic Psalmus est didacticus, centonibusque vestitur. Hæc in-
ex quatuor partibus constans: *trinfecus accipit trabem, quæ*
Exordio, versiculo primo et se- *adunco præfigitur ferro quod*
Reprehensione, versu tertio *falsæ vocatur, ab eo quod incur-*
tio et quarto; *Doctrina* a ver- *vata est, ut de muro lapides ex-*
su quinto ad decimum primum; *trabat. Aut certe ipsius caput*
et doctrinæ confirmatione, duo- *ferro vestitur, et aries appella-*
bus ultimis versiculis. *tur: vel quod habet durissimam*

1. *Fert promptus*] Promptus
hic adverbialiter ponitur pro
promptè, ut Psalm. ii. 12. *Securus.*

2. *Pericla*] Hic ponitur per
Synopem, pro pericula.

3. *Malorum meta*] De signi-
ficatione et Etymologiâ vocis
meta vide Not. in Psalm. xlv.

15. *Meta.*

Ut ariete pulsa] Ariës bellica
machina, de qua sic Veget. lib.
iv. c. xiv. *Materia ac tabulatis*
testudo contextitur: quæ ne exu-
vatur incendio, corio vel ciliciis

frontem qua subruat muros: vel
quod mire arietum retro cedit, ut
cum impetu vehementius feriat.
Hæc machina prius dicebatur
Equus. Plin. lib. vii. c. lvi.

Mœnia] De discrimine inter
Muros et Mœnia vid. Not. in
Psalm. ix. 6. *Mœnia.*

4. *Deturbare gradu*] Id est,
de constantiâ et animi magnitu-
dine dejicere: dictio satis ele-
gans et optimis auctoribus fami-
liaris. Fortis verò animi et
constantis est, non perturbari in
rebus

Callidus incauto blanditur, & ore precatur
 Prospera, dum Diras pectore mille tegit.

5. Tu tamen has inter Dominum, mens! suspice turbas;
 Spes ope cœlesti sustinet ille meas.

6. Arx Deus est, clypeusque mihi, portusque salutis
 Unicus: incutient nulla pericla metum.

7. Ille meæ Rupes et Fons et Gloria vitæ est;
 Illius arbitrio res ego credo meas.

8. Fidite, mortales! Domino, mentisque recessus
 Pandite: spe mentes erigit ille pias.

9. Futile deprêndes nimiumque volatile vulgus;
 Estque paludati purpura vana chori.

Lancibus impositos trutina ventosque virosque;
 Gens hominum certè plus levitatis habet.

10. Nec populi spoliis, rebus nec fide caducis;
 Nec jacta nimias ambitiosus opes.

11. Non semel est rerum Dominus, me teste, professus,
 Cuncta suo nutu consilioque regi.

12. Hunc penès est Bonitas; hoc jus dicente viritim,
 Digna suis meritis præmia quisque refert.

ANNOTATIONES.

rebus asperis, nec tumultuantem
 de gradu deijci, ut dicitur, sed
præsenti animo uti et consilio.
 Cic. de Off. lib. i. c. 80.

7. *Et fons, et gloria*] Copula
 et hic geminatur per Figuram
 quam vocant *Polysyndeton*,
 de qua vide Not. in Psal. vii. 17.
Iustumque Deum, etc.

9. *Deprêndes*] Per *Syncopen*
 dicitur, pro *deprebendes*.

Nimumque] De hoc adverbio
 vid. Not. in Psal. ii. 12.
Nimum,

Paludati] *Paludatus* propriè,
 qui vel imperatorium chlamydem,
 vel alia ejusmodi ornamenta
 militaria gestat; sic dictus a
paludamento insigni ac ornamento
 militari, præcipuè tamen Imperatorum.

Chori] Vide de hac voce
 Not. in Psal. xviii. 10. *Chori*.

10. *Jacta*] De hoc verbo
 vid. Not. in Psal. x. 3. *Jactat*.

Ambitiosus] Hic dicitur adverbialiter pro *ambiciosè*.

LXIII.

TU mihi, rerum Opifex! Deus es; te in vota vocabo,

Sol ubi purpureo reddit ab axe diem.

Te sitio; te membra, fame tabentia, poscunt;

Hic, ubi nec seges est, unda nec apta fiti.

2. Inter tesqua tuas mens optat cernere vires,

Liminis et sancti luce priore frui.

3. Dulcior hic vitâ favor est tuus: ergò rotundo,

Montibus in mediis, te, Deus! ore canam.

4. Ad tua devotas attollens atria palmas,

Te recolam, terræ dum vagus hospes ero.

5. Hic ego, te spectans, epulis saturabor opimis;

Gestiet hic laudes tollere lingua tuas.

6. Tu mihi carmen eris, furvâ seu noctis in umbrâ

Excubo, tranquillâ sive quiete fruor.

7. Me quia juvisti pridem, Pater alme! sub alis

Blanda tuis posthac otia lætus agam.

ANNOTATIONES.

Hic Psalmus est *mixti generis*, votivus scilicet et *didacticus*, constans ex tribus partibus; *Petitione*, ad versum sextum; *Narratione*, inde ad versum nonum; et *Vaticinio*, ad finem usque.

1. *In vota vocabo*] Ita Virgilius:

Fudissetque preces, Divosque in vota vocasset, Æn. v. 234.

Purpureo axe] De poetico usu vocis *purpureo* vid. Not. in Psal.

xix. 4. *Purpureum jubar.*

De *axe* vide Psal. i. 2.

Seu nox est, roseo seu micat axe dies.

Unda nec apta fiti] Id est, unda, sive aqua apta ad sitim extinguendam.

2. *Tesqua*] De voce *Tesqua* vid. Psal. xix. 8. *Tesquaque.*

Liminis] *Limen* propriè significat transversum in janua lignum; inferius vel superius, ut supra dictum ad Psal. xliii. 3. Hic verò ponitur per *Synecdochen* pro ipso templo.

3. *Rotundo ore*] Id est, *pleno ore*, quia os aperit se in figuram rotundam. Hac locutione alio sensu usus est Horatius:

Gravis ingenium, Gravis dedit ore rotundo

Musa loqui—

i. e. politè, eleganter, et compositè, *Art. Poet. 323.*

7. *Alme*] Vid. Not. in Psal. xii. 1. *Alma.*

Lætus agam] *Lætus* hic ponitur adverbialiter, per *Enallagen*, pro *lætè*, ut in Psal. ii. 12. *Securus.*

8. Te quoque ponè sequar ; mens te mea deperit unum ;
Me tua nam validâ dextera fulcit ope.
9. At, mihi quæ fraudem fruit et metuenda minator,
Hostica gens imâ sorpta peribit humo.
10. Agminis infesti vindex latus hauriet ensis ;
Membraque discerpent sanguinolenta fera.
11. Gestiet interea Domino rex fretus, et illum
Pectore sincero quisquis et ore colit.
Sed Deus his linguam compescet perpetè fræno,
Quos certare dolis & dare verba juvat.

ANNOTATIONES.

10. *Latus hauriet ensis*] Ex-
emplo prævit Virgilius :

— *Huic gladio, perque æ-*
nea futa,

Per tunicam squalentem auro,
latus haurit apertum,

Æn. x. 314.

11. *His linguam compescet*] *Est Antiptosis* dativi pro geni-

tivo, ut Psal. i. 3. *Cui tempe-*
vis.

Dare verba] *Dare verba* est
decipere; qui enim rem expectat,
et nihil præter verba invenit,
deceptus est. Exemplo prævit
Cicero: *Vel verba mihi dari fa-*
cile patior in hoc, neque libenter
præbeo credulum. Att. xv. xvi.

LXIV.

ME, Deus! exaudi, precibus dum fidera pulso;
Tu mihi de trepido pectore pelle metum.

2. Dexter ades, seu clam conspirat callidus hostis,
Impia seu demens explicat arma Furor.
3. Ensisbus assimiles acuit gens effera linguas;
Et lita mordaci spicula felle vibrat.
4. Clam pia lethifero recludit pectora ferro;
Nec tamen ætherei Vindicis arma timet.
5. Dum coeunt, certantque dolis, animantque sodales
In scelus; His, aiunt, conscius ecquis erit?

ANNOTATIONES.

Hic Psalmus est ejusdem ge-
neris cum superiore, constans
Petitione, usque ad versum sep-
timum; et *Doctrinâ propheticâ*,
inde ad finem Psalmi.

2. *Dexter ades*] De ratione
et usu hujus vocis *Dexter* jam
dictum ad Psal. xvi. 4. *Nominis*
lava,

6. Invenère novas, excusso pectore, technas;
Fixa nec est tacitis meta modusve dolis.
7. Sed Deus his subito figet præcordia telo;
Claudet et extremum mors properata diem.
8. Ipsa bibet gens hæc sua toxica: turba popelli,
Illius aspectu territa, vertet iter.
9. Conscia tum tellus Cœlestis fulmina Dextræ
Efferet, Ultorem discet et esse Deum.
10. Eriget his et se pia mens; et Numine freta
Gestiet exultim, lætitiâque fremet.

ANNOTATIONES.

6. *Excusso pectore*] *Excutere* inter alia significat diligenter scrutari et inquirere; cum enim rem abditam et multum desideratam recuperare velimus, omnes sinus et recessus explicamus et excutimus.

Technas] De voce *Technas* vide supra Not. in Psal. v. 10. *Technis*.

Meta] Consule Not. in Psal. xlv. 15. *Meta*.

7. *His figet præcordia*] Est *Antiptosis* dativi *his* pro genitivo *eorum*, ut Psal. i. 3. *Cui tempestivis*.

Telo] Vide Not. in Psal. iii. 6. *Tela*.

10. *Lætitiâque fremet*] Ad exemplum Poetarum Principist *Lætitiâque fremunt, animosque ad sidera tollunt,* *Æn. ix. 637.*

LXV.

TE laudes, Pater Alme! manent in rupe Sionis:
Huc tibi, quæ vovit, munera quisque feret.

2. Confluet huc gemino populus de cardine mundi:
Tu quia de sacro colle vocatus ades.

3. Me male transactæ presserunt crimina vitæ:
Sed tuus hæc vitæ crimina tollet Amor.

4. Felices nimirum, rerum quos seligis Autor!
Quosque sequestratos ad tua sacra vocas!

Sancta

ANNOTATIONES.

Hic Psalmus est *laudativus*, ex tribus partibus constans: prima est *Laudatio a beneficiis Dei singularibus*, usque ad versiculum sextum; secunda, a *communi rerum administratione*, usque ad versum nonum; tertia,

a *divinâ Numinis in populum suum indulgentiâ*, ad finem usque Psalmi.

2. *Gemino de cardine mundi*] De hac locutione vide Not. in Psal. xl. 3.

4. *Felices nimirum*] De hoc adverbio

Sancta Sionzi gens hæc colet atria templi:

Mille voluptates adferet illa domus.

5. Autor opis, vitæque Parens! dum concipis iras,
Justitiæ promissis tristitia signa tuæ.

Numine te fudit, te suspicit ultima tellus;

Quisquis et extremum trans mare tecta colit.

6. Tu valido munis et firmas robore montes:

Tu maris et populi murmura vasta premis.

8. Cum tua de cœlo funduntur spicula, passim

Ultima terrarum quassæ pavore tremunt.

Tu simul Hesperium recreas et litus Eoum,

Solis ubi supero fundis ab axe jubar.

9. Tu bonus arva rigas, et ditas flumine pleno;

Surgit et imperio messis ubique tuo.

10. Tu, Deus! humectas valles; saturataque vernis

Imbribus assiduo germine ridet humus.

11. Aureus annus erit, te fecundante novales;

Farragæ sub pedibus fundet opimus ager.

12. It

ANNOTATIONES.

adverbio *nimium* vid. Not. in
Psal. ii. 12. *Nimium*.

Sequestratos] Consule Not. in
Psal. xxi. 12. *Sequestratam*.

5. *Dum concipis iras*] *Iras*
hic ponitur in plurali numero
pro singulari, ut Psal. x. 13.
Iras.

Suspicit] De hujus verbi Ety-
mologiâ et propriâ significatione
vid. Not. in Psal. ix. 1. *Suspici-
enda*.

6. *Tu valido munis*—*Tu ma-
ris et populi*] Notetur *Anaphora*
vocis *Tu*.

Murmura vasta premis] Ita
Virgilius:

*Luctantes ventos, tempestatef-
que sonoras.*

Imperio premit—Æn. i. 58.

8. *Ultima terrarum*] Quo
modo supra dixit, *opaca viarum*,
Psal. x. 8.

Hesperium—et *litus Eoum*]

De his Epithetis, *Hesperium*
nempe et *Eoum*, jam dictum ad
Psal. xix. 5, 6.

Axe] *Axis* hic ponitur pro
cœlo, ut Psal. xix. 4.

10. *Ridet humus*] *Ridere* di-
citur quicquid hilaritate nobis
adblanditur, ut Virg.

Omnia nunc ridet—

Ecl. vii. 55.

Angulus mihi ridet.

Hor. ii. carm. vi. 13.

Æquora Ponti tibi ridet,

Lucret. lib. i. 8.

11. *Aureus annus*] Res sui
generis optimæ et excellentissi-
mæ dicuntur *aureæ*, quia *aurum*
plurimi inter homines æstima-
tur. Inde Horatius:

—*Aurea fruges*

*Italia pleno diffudit Copia
cornu,* 1 Epist. xii. 23.

Novales

12. It comes Ubertas, et pleno Copia cornu,
Arida quæ læto pascua rore beat
13. Tu gregibus colles operis; in vallibus imis
Tu segetum culmos luxuriare jubes.
Te sata, te Domino lætantur mollia prata:
Laudibus hîc cernas omnia plena tuis.

ANNOTATIONES.

Novales] *Novalis*, is, f. vel
Novale, is, n. est ager *novus*
relictus sementi, vel qui alter-
nis sive pluribus annis intermit-
titur. Teste Virgilio:

Alternis idem tonsas cessare
novales, Georg. i. 71.

Impius hæc tam culta novalia
miles habebit? Ecl. i. 71.

Farræque sub pedibus fundet o-
pinus ager] Hîc, ut alibi, ad
Virgilium respicere videtur:

Fundet humo facilem victum
justissima tellus,

Geo. ii. 460.

12. Pleno Copia cornu] Hæc
formula loquendi Latinis Scrip-
toribus est satis familiaris. Ex-
emplo sit Horatius:

—Hinc tibi copia

Manabit ad plenum benigno

Ruris bonorum opulenta cornu,

i Carm. Od. xvii. 14.

Alludit ad Copiæ vel Amalthææ
cornu fabulosum, de quo vide
Ovid. Met. lib. ix. 85. et Fast.
v. 3.

13. *Tu gregibus—tu segetum*
—te sata, te Domino] Notetur
hîc elegans *Anaphora*.

Laudibus hîc cernas omnia pla-
na tuis] In hoc loco noster re-
spexisse etiam videtur ad Virgi-
lium:

Huc, Pater O Lenzæ: Tuis hic
omnia plena.

Muneribus, tibi pampineo gra-
vidus autumnus

Floret ager, spumat plenis
vindemia labris,

Geor. ii. 5.

Ubi eandem cernis repetitionem
vocis *plenus* quæ in hoc et præ-
cedenti versu occurrit.

LXVI.

- E**IA age, læta Deum celebra, gens incola terræ!
Factæque Supremi fer super astra Patris.
3. Dic, Deus O! quantis orbem terroribus implex;
Robore quàm valido colla proterva domas.

ANNOTATIONES.

Hic Psalmus est *laudativus*
et *eucharisticus*, ex tribus parti-
bus constans; *Propositione*, us-
que ad versum decimum tertium;
Confirmatione, inde ad versum

viceſimum; et *Conclusionem*, ver-
su ultimo.

1. *Eia age*] Vid. Not. in Psal.
xxxii. 2. *Eia age*.

4. Te

4. Te canat, et Domino supplex tibi serviat Eos,
Solis et occiduis subdita terra rotis.
5. Discite, mortales! Superi miracula Regis,
Tota quibus rerum machina testis erit.
6. Illius imperio refugi maris aruit unda;
Pressaque sunt hilari flumina sicca pede.
7. Despicit Hic terras, et mundi sceptrâ gubernat;
Altaque fidereo sub pede colla premit.
8. Voce Deo clarâ, mortales! solvite grates:
Sospitat ille animas, dirigit ille pedes.
10. Sorte, Pater! variâ tua nos exercuit olim
Dextera; sic aurum septima flamma probat.
11. Pes hæsit laqueo; cinxerunt vincula lumbos;
Hostis et immisissis tempora preffit equis.
12. Nec vada, nec flammæ deerant: post mille pericla,
Tu tamen optatâ das statione frui.
13. Ergo tuis, magni Rex et Pater ætheris! aris
Vota soluturus, debita dona feram.
14. Dona feram promissa prius, fors aspera vitam
Dum quateret, miseris obrueretque modis.
15. Agna tibi vitulusque cadent, et corniger hircus;
Nec deerunt sacris mascula thura focis.
16. Huc ades, ætherei quisquis colis atria Regis!
Accipe quàm rebus consulat ille meis.

17. Hunc

ANNOTATIONES.

4. *Supplex tibi serviat*] *Supplex* hic ponitur adverbialiter pro *suppliciter*, ut Psal. ii. 12. *Securus*.

Eos] Vid. Not. in Psal. xix. 5. *Eos*.

11. *Tempora*] De hujus vocis Etymologia vid. Not. in Psal. xlv. 7. *Tempora*.

12. *Nec vada*] vide Not. in Psal. xxvi. 9. *Vadis*.

Optatâ das statione frui] Est *Metaphora* sumpta a navi, quæ diu ventis et undis vexata, tandem in portum devehitur.

13. *Dona feram--dona feram*] Notetur hic duplex *Anaphora*, de qua Figurâ vide Not. in Psal. ii. 6. *Sceptrâ ferenda dedi*: *Sceptrâ*.

15. *Mascula thura*] Ita Virgilius:

Verbenasque adole pingues, et mascula thura, Ecl. viii. 65. *Thus* verò *masculum* dicitur bonitate, non sexu, nullum enim est sœmineum.

16. *Accipe*] *Dare* et *accipere* sumuntur apud optimos autores, pro *dicere* et *audire*. Exemplo fit

17. Hunc ego compellans laudavi voce canorâ,
Impia qui mandat vota ferenda Notis.
19. Audiit ille preces, et verba carentia fucō;
Et captus voti simplicitate fuit.
20. Laudibus Hunc omnes celebrent: favet ille precanti;
Nec tetricus famulo ferre recusat opem.

ANNOTATIONES.

fit Virgilius:

*Sed tamen, ille Deus qui sit,
da, Tityre, nobis,*

Ecl. i. 19.

*Accipite hæc, meritumque ma-
lis advertite Numen,*

Æn. iv. 611.

17. *Vota ferenda Notis*] De
hac proverbiali formulâ loquendi
vide Not. in Psal. xviii. 22. In

æquoris undas tulere Notis.

19. *Audiit*] Per *Syncope*
dicitur, pro *audivit*.

Fucō] De propriâ significa-
tione vocis *fucus*, vide Not. in
Psal. iv. 5. *Fucō*.

20. *Tetricus*] Hic accipitur
adverbialiter, per *Enallagen*,
pro *tetricè*.

LXVII.

- M**ITIS ades, cœptisque fave; mentisque tenebras,
Alme Parens; Vultûs discute luce tui.
2. Nos tua securos duc per vestigia, tutum
Omnibus et populis pande salutis iter.
3. Te plebs, te proceres, sexus te prædicet omnis,
Et puer impubes, invalidusque senex.
4. Dicat Io populus: Justus tu jura gubernas;
Paret et Imperio terra fretumque tuò.

5. Te

ANNOTATIONES.

Hic Psalmus est *votivus*, quo
Psalter postulat adventum rég-
ni Dei: sunt autem postulata
tria; primum, ut *Deus benefa-*
ciat populo suo, versiculo primo;
secundum, ut *iisdem beneficiis a-*
lios populos prosequatur, a versu
secundo ad quintum; tertium,
pro bonis externis, utque homines
agnoscant Deum omnium bonorum
fontem; et autorem, inde ad fi-
nem Psalmi.

1. *Mitis ades*] *Mitis* hîc po-

nitur adverbialiter per *Enalla-*
gen, ut Psal. ii. 12. *Securus*.

3. *Te plebs, te proceres, sex-*
us te prædicet] Repetitio vocis
te in hoc loco miram habet sua-
vitatem et elegantiam: Felix
est imitatio Virgillii:

Te dulcis conjux, te solo in
littore secum,

Te veniente die, te decedente
canebat, Georg. iv. 465.

4. *Fretumque*] De propriâ signi-
ficatione vocis *Fretum* vid. Not.

N

in

5. Te plebs, te procures, sexus te prædicet omnis,
Et puer impubes, invalidusque senex.
6. Auspice te, felix omnis dabit omnia tellus;
Audiet et domini vota benignus ager.
7. Nos, Deus! adspicies placidus: tremet ultimus
orbis;
Omnibus et populis tu Venerandus eris.

ANNOTATIONES.

in Psal. xxx. 6. *Freta.*

6. *Felix*] Hic adverbialiter
sumitur, et idem significat quod
fecundè, vel *affatim*, ut in
Psal. xxiii. 5. *Succo felicitatis.*

Omnis dabit omnia tellus] Est
imitatio Virgilii:

————— *Omnis feret omnia
tellus,* Ecl. iv. 39.

7. *Adspicies placidus*] *Pla-*
cidus hic sumitur adverbialiter,
pro *placide*, ut Psal. ii. 12.
Securus,

LXVIII.

ÆTHERIS exsurgat Dominus, turbentur et
hostes;

Et citò dent trepidæ turpia terga fugæ.

2. Impius, hoc coram, vanescet; fumus in auras
Sic abit, et minimo cera calore fluit.
3. Gaudia sed versans animo, vagâ sidera cantu,
Et pede festivo gens pia pulset humum.
4. Efferet exsultans tellus Venerabile Numen
Judicis, auratis qui premit astra rotis.
5. Patribus hic orbam sobolem, viduasque maritis
Providus è cœli protegit arce nurus.

ANNOTATIONES.

Hic Psalmus est *laudativus*,
ex quinque partibus constans:

Exordio, a versu primo ad quar-
tum; *Propositione*, a quarto ad
septimum; *Confirmatione*, a
septimo ad vicesimum quartum;
Oratione, a versu vicesimo quar-
to ad trigesimum secundum;

et postremo *Conclusione*, inde ad
finem Psalmi.

4. *Auratis — rotis*] Id est,
auratis curribus, per *Synecdochen*.

5. *Nurus*] De hujus vocis
poetico usu, vide Psal. xlv. 13.
Nurus,

6. Prole beat steriles; captivis vincula demit;
Et premit hirsutis hostica testa rubis.
7. Tu, Deus! Isacidis olim per inhospita tesqua,
Invia tu, memini, per loca Ductor eras.
8. Intremuit tellus, sudârunt sidera, Sinæ
Ardua nutârunt culmina, tacta metu.
9. Gentis at electæ ditâsti rura quotannis;
Dulcis et in siccos depluit imber agros.
10. Has tibi dilectus populus nunc incolit oras:
Hic bonus afflictis hospita testa paras.
11. Hic tua Matronæ cecinerunt bella pudicæ;
Armaque Virgineus vexit in astra chorus.
12. Fœda paludati verterunt terga tyranni;
Dives et imbelli præda fuere gregi.
13. Membra tuo piceâ quamvis fuligine tincta
Sint populo, veniet priscus in ora nitor.
Sic micat argenti radians candore columba,
Aurea quam jaculis ocyûs ala rapit.
14. Hic, ubi cœlestis disperfit Dextera reges,
Par nivibus rupes sacra Sionis erat.
15. Non ita Salmonis candent juga, tempore brumæ;
Non ita Bazanis sidera lambit apex.

16. Quid,

ANNOTATIONES.

7. *Tesqua*] De hac voce vid. Not. in Psal. xxix. 8. *Tesquaque*.

8. *Sudârunt*] Per *Syncopen* dicitur, pro *sudaverunt*; ut etiam in proximè sequentibus *nutârunt* pro *nutaverunt*.

Sinæ] *Sina* mons Petrææ Arabiæ, ubi Deus legem promulgavit. Quidam montem *Sinai* vocant. *Justinus* lib. xxxvi. appellat *Sinæum*. Nomen habet a vepribus et dumetis quibus septus est. Hebræis enim *Senab* est *arbor spinosa*.

9. *Ditâsti*] Per *Syncopen* dicitur, pro *ditavisti*.

11. *Virgineus Chorus*] *Chorus*

hic sumitur strictò, et suo proprio sensu. Vid. Psal. xviii. 10. *Chori*.

12. *Paludati tyranni*] *De paludatus* vide supra Psal. lxii.

9. *Deque tyranno*, Psal. vii. 2.

13. *Argenti candore*] *Candor* est vox quæ optime huic loco convenit, exprimit enim tum albedinem, tum splendorem.

14. *Sionis*] Vide Notam in Psal. ii. 6. *Sioni*.

15. *Salmonis Juga*] *Salmon* nomen montis altissimi in Terrâ Sanctâ, cis Jordanem situs, in finibus tribûs Ephraimæ.

Tempore brumæ] *Bruma* propriè dicitur Dies Solstitii hiema-

136 PSALMUS LXVIII.

16. Quid, juga! turgetis? Deus unâ rupe Sionis
Gaudet, et hic figet tempus in omne larem.
17. Mille Deo parent cœli stellantis alumni;
Cum lubet, innumeris imperat ille rotis:
Cingitur his Dominus, quâ fert vestigia; Sinæ
Non secus in sacris constitit antè jugis.
18. Ille triumphali scandit Sacraria pompâ,
Ponè catenatos jussit et ire duces.
Munera nec pompæ deerant; ex hoste receptas
Exuvias adytis intulit Ille sacris.
19. Rerum Opifex, Opiferque Deus tollatur in astra:
Nos cumulat donis jugiter ille suis.
20. Protegit ille pias cœlesti Numine mentes:
Ille tuas claudit, Mors! aperitque fores.
21. Hostica sed certo transfiget tempora ferro;
Gentis et impuræ sanguine tela linet.
22. Rursus, ait, populum spatiosa per æquora ducam,
Arvaque, quæ parent legibus, Oge! tuis.
23. Crura triumphantes sua tingent sanguine regum;
Et lambent avidi vulnera cruda canes.

24. Vi.

ANNOTATIONES.

his, qui est post idus Decembris:
Hic verò ponitur pro ipsâ hie-
me, ut etiam apud Virgilium:

*Frigida sub terrâ tumidum
quem bruma tegerat,*

Æn. ii. 472.

Bazan's apex] *Bazan*, con-
tra, erat ultra *Jordanem* situs,
mons usque adeo dives et sæcun-
dus, ut a *LXX.* Interpretibus
dicatur *ωϊov ὄρεος*, mons pinguis,
et *ὄρεος τρυγητῶν*, mons fe-
rens copiam butyri et pressi lactis.

Sidera lambit] Ita Virgilius
de *Ætna*:

*Attollitque globos flammæ,
et sidera lambit,*

Æn. iii. 574.

16. *Larem]* Vide Not. in
*Psal. xviii. 45. Sepositosque
Lares.*

17. *Rotis]* Hic ponitur per
Synecdochen, pro curribus.

18. *Triumphali—pompa]* De
pompa vide Not. in *Psal. xlix.*

17. *Pompa.*

Adytis] Vid. Not. in *Psal.*
xx. 2. Adytis.

20. *Mors]* Ponitur hic *Mors*
personaliter more poetico, ut
etiam supra in *Psal. xviii. 5.*
Hæsi, mors truculenta.

21. *Certo ferro]* Ferrum est
certum quod non aberrat a scopo.
Ita Virgilius:

— certam quatit improbus
basiam, *Æn. xi. 767.*

Et ita Horatius:

*Nec te metuende certâ,
Phæbe, sagittâ,*

1 Car. xii. 23.

Tela] De hac voce vide Not.
in

24. Vidit, et obstupuit populus, comitante catervâ,
Cum peteres niveis aurea templa rotis.
25. Cantores præeunt, sequitur lyra tinnula; pulsant
In medio teneræ tympana rauca murus.
26. Quisquis ab Isacidis generis primordia ducis,
Numinis in sacro pande tropæa choro!
27. Hæc quoque Benjaminî referent, Judæque nepotes,
Et Sabolonæi Nephthalidæque duces.
28. Hæc tua, Rex superûm! stabilivit Dextera: forti
Maeste animo, et Dextræ facta tuere tue.
29. Ex adytis vim prome sacris, opulenta tyranni
Ut tibi curvato poplite dona ferant.
30. Perde truces acies, quas passim robore vasto,
Tristibus et jaculis sternere cuncta vides.
Hos dele qui bella crepant; argentea coge
Hos tibi submisso munera ferre genu.
31. Æthiopum tunc ora tuas venerabitur aras;
Et vestigalis barbara Memphis erit.

32. Tol.

ANNOTATIONES.

in Psal. iii. 6. *Tela.*

24. *Rotis*] Ponitur hîc per Synecdochen, pro curribus.

25. *Lyra tinnula*] De lyra vide Not. in Psal. lvi. 8. *Lyra.*

Tympana rauca] Alii legunt, *tympana tenta*; exemplo Lucretii:

Tympana tenta sonant pal-
mis, Lib. ii. 618.

Tympanum est pellis siue co-
rium, ligno extensum: pulsabatur
apud veteres manibus ac digitis,
a τὸν τιν, verberare.

Nurus] Vide Not. in Psal.
xlv. 12. *Nurus.*

26. *Numinis tropæa*] De voce
tropæa vide Psal. lx. 8. *Tropæa.*

Choro] Vid. Not. in Psal.
xviii. 10. *Chori.*

28. *Maeste animo*] De voce
Maeste supra dictum ad Psal.
xlv. 4.

29. *Ex adytis*] De Etymolo-

giâ et propriâ significatione vocis

Adyta vide Psal. xx. 2.

30. *Qui bella crepant*] *Cre-*
pare, ut plurimum est verbum
neutrum, et significat *sonare*;
interdum verò activè sumitur,
ut hîc, et significat *predicare*:
ut apud Horatium:

Quis post vina gravem mili-
tum aut pauperiem erepet?

1 Carm. xviii. 5.

Es crepat antiquum genus et
pietate repletum,

Lucret. lib. ii. 1166.

31. *Æthiopum ora*] *Æthio-*
pia pars Africæ, Torridæ Zonæ
subjecta, inter Arabiam et Æ-
gyptum sita. Sic dicta ab Æ-
thiope Vulcani filio.

Memphis] Urbs antiquæ Æ-
gypti longe præclarissima, per-
quam opportunè sita in eo loco
ubi Nilus in plures scissus partes
efficit formam literæ Δ; ejus
ambitus erat stadiorum centum

32. Tollite Rectorem cœli super æthera, Reges!
 Quæque decet, Domino solvite vota Deo.
 33. Ille triumphali transcendit fidera curru;
 Et prior est sæclis, et sola voce quatit.
 34. Cuncta Dei vires celebrent: his nubila cœli
 Frænat, et Ifacidûm protegit ille domum.
 35. Rupe sedens sacrâ, quàm formidabilis orbi
 Est Deus Ifacidûm, Cœlicolûmque Parens!
 Ille suo populo fons est et roboris Autor;
 Illius excluso fine perennet Honos.

ANNOTATIONES.

et quinquaginta. Hic ponitur xlv. 6. [Sectio.
 pro totâ Ægypto.

33. Et prior est sæclis]. Sæclis dicitur pro Ifacidarum. Ut e-
 hinc dicitur per Synopen, pro tiam Cœlicolûm dicitur pro Cæ-
 seculis: De vocis sæclis propriâ hico/arum.
 significatione vide Not. in Psal.

LXIX.

- F**ER, Deus! auxilium; dum fluctibus obruor altis,
 Deficit et medias spiritus inter aquas.
 2. Verticis extremum gurges supereminet; hærent
 Intricata putri crura pedesque luto.
 3. Dum elamo, speroque miser meliora; fatiscit
 Mens mihi, vox aret, lumina torpor habet.
 4. Impia gens, odiis me quæ nil tale merentem
 Opprimat, est numero verticis æqua pilis:
 Viribus et superans, mihi nullo crimine partas
 Per scelus extorquet barbarus hostis opes.
 5. Simplicitas tibi nota mea est, delictaque vitæ,
 Quidquid et in cæco pectore labis inest.

6. Ne

ANNOTATIONES.

Hic Psalmus est votivus, con-
 tinens Petitionem, a versu pri-
 mo usque ad vicesimum nonum;
 et Conclusionem laudativam, in-
 de ad finem usque.

1. Fluctibus] De hujus vocis
 Metaphoricâ significatione vid.
 Not. in Psal. ix. 13. Adspice
 fluctus,

3. Fatiscit mens, vox aret,
 lumina torpor habet] Hic deest
 copula per Figuram quam vo-
 cant *Ayndeton*, quæ notat festi-
 nationem et animi perturbationem.
 Exemplo sit Virgilius:
 Ferte citi flammas, date vela,
 impellite remos, *Æn.* iv. 594.

6. Ne nostri pudeat castæ pietatis amantes,
Da, Deus! Isacidum qui bonus arma regis.
7. Tu mihi causa mali es; te propter perfero clades;
Prò dolor! indignus turpat et ora pudor.
8. Me fratres odere mei; peregrinus er illi,
Heu! videor, cui lac præbuit una parens.
9. Me populi, templique tui dispendia torquent:
Quæque vibrant in te, me quoque tela petunt.
10. Fletibus indulsus; lachrymis jejunia junxi;
Opprobrii Pietas sed mihi causa fuit.
11. Lugubri quoties velavi corpus amictu,
Crudeli petiit se fera turba joco.
12. Me quoque, qui leges dat in urbis limine, judex
Sibilat, et nimio rauca taberna mero.
13. Tempestita, Deus! tibi fundo vota; precanti
Annue: te bonitas cingit, et a. ma fides.
14. Pelle truces hostes; me, ne vorer, eripe cœno;
Et fer opem, valli dum furit ira maris.
15. Absit. ut infandæ tenebris involvar abyssi,
Et peream tumidas naufragus inter aquas.

ANNOTATIONES.

6. *Isacidum*] Per *Syncopen* dicitur pro *Isacidarum*.

7. *Turpat ora*] *Ora* in plurali numero dicitur pro singulari; et etiam per *Synecdochen*, *ora* pro *vultus*.

8. *Cui lac præbuit una parens*] Est *Periphrasis* pro *Fratre*.

9. *Dispendia*] *Dispendium* propriè est quod incuriâ vel negligentia, aut immoderatè et inconsultè expendimus et infumimus. Interdum idem significat quod *Damnum*. Ut apud Terentium: *Quam amabat, eam confeci sine molestia, sine sumptu*, *sue* Dispendio, Eun. v. iv. 7. Et Virgilium:

Hic tibi ne qua mora fuerint dispendia tanti,

Æn. iii. 453.

Tela] Vid. Not. in Psal. iiii.

6. *Tela*.

12. *Leges dat in urbis limine*] Judices ex antiquo Judæorum more sedere solebant in portis urbium ad jus populo dicendum; ut ex multis Særæ Scripturæ locis patet. Vide Deut. xxv. 7. Ruth. iii. 11. vi. 1. Hic igitur innuit David, se non modò vulgaribus scurris, et quisquillis hominum ludibrio fuisse; sed viris etiam gravitate conspicuis, senatoribus ac iudicibus.

13. *Alma fides*] *Alma* hic est *pura* sive *pulchra*. Vide Psalm. xii. 1. *Alma*.

15. *Abyssi*] De Etymologia et significatione vocis *Abyssi* vide Psalm. xviii. 15. *Abyssus*.

16. Me bonus exaudi propius; totiesque probatus
Pristinus in tenero pectore persistet amor.
17. Rebus in afflictis famulo ne tetricus ora
Subtrahe; sed positis suscipe vota moris.
18. Dexter ades, propiusque veni; vitamque tuere
Ocyus, hostiles dum timet illa manus.
19. Turpia, te coram, miscens opprobria fannis,
Cladibus insultat gens inimica meis.
20. Hæc mihi sexcentis lacerârunt pectora curis;
Hæc mihi tabifici causa doloris erant:
Quæsiui frustra, qui solarentur, amicos;
Nec focii nostris ingemuere malis.
21. Inter et ærumnas quibus intricabar, aceto
Mixta propinârunt pocula, felle dapes.
22. Hæc, precor, implicitos epulis gens devoret hamos;
Et pereat gazis illaqueata suis.
23. Lumina, ne videant, piceâ caligine fusca;
Occupet et gelidus crura soluta tremor.

24. Quem.

ANNOTATIONES.

17. *Tetricus*] Est Adjectivum
adverbialiter sumptum, ut Psal.

ii. 12. *Securus*.

19. *Sannis*] De hac voce vid.
Notam in Psal. i. 1. *Postica*
Sanna.

Insultat] De hujus verbi pro-
pria et Metaphoricâ signifi-
catione Vid. Not. in Psal. xiii. 4.
Insultet.

20. *Sexcentis curis*] Defini-
tus numerus hîc ponitur per
Synecdochen, pro indefinito, ut
sæpius fit apud. omnes fere au-
tores.

Lacerârunt] Per *Synopen* di-
citur, pro *laceraverunt*.

Pectora] In plurali numero
dixit *pectora* pro *pectus*.

Nostris ingemuere malis] Ita
Virgilius, ubi Dido de Ænea
queritur:

Num fletu ingemuit nostro?

Æn. iv. 369.

21. *Propinârunt pocula*] Pro-
pino, Græcè *πρωτινω*, propriè
est prægustato levitèr vino pocu-
lum alteri offerre. Quæ con-
suetudo inde initium habuit,
quod Principes Græciæ solenni-
die, quem *Pbilotesiam* vocabant,
miscere aureis atque argenteis
poculis vina solebant, quæ e-
manu gestantium fumentes ori-
parumper admovebant, deinde
alteri, quem vellent, offerebant,
ingens hoc argumentum benevo-
lentiae existimantes.

Pocula] Hîc ponitur per *Me-
tonymiam*, pro vino in poculo,
contingens scilicet pro contento.

23. *Gelidus tremor*] Tremor
appellatur *gelidus*, per *Metony-
miam*, quia *gelidus* efficit; ef-
fectu scilicet sumpto pro causa.
Quo modo *Mors* dicitur *pallida*
apud Horatium:

Pals

PSALMUS LXIX. 141

24. Quem premis, indomiti fluctus effunde furoris;
Et semel ardescens nesciat ira modum.
25. In dominos evertte lares, et prædia vasta;
Nullus et hæc hæres tecta vel arva colat.
26. Scilicet hi famulo, quem tu premis, acrius instant;
Irritantque tuâ vulnera facta manu.
27. Crimina criminibus cumula; nec iudice quisquam
Te speret placido propitioque frui.
28. Hos tabulis erade tuis, vitæque perennis
Absit in archivis nomina læva notes.
29. At, Pater! oppressum curis et sorte malignâ,
Me tua cœlesti dextera servet ope.
30. Tunc ego de læto depromam pectore grates;
Et mihi tu, rerum Conditor! hymnus eris.
31. Gratius hoc certè est vitulus quàm corniger, aras
Ante cadens, bifido cum pede pulsat humum.
32. Gestiet, hæc spectans, humilis, cœtusque piorum;
Omnibus et veniet priscus in ora vigor.
33. Est inopum tutela Deus; nec despicit illos,
Compede quos vinctos carcer opacus habet.
34. Illius attollant laudes polus, æquora, tellus;
Quidquid et arx cœli, cærula, terra fovent.

ANNOTATIONES.

Pallida mors æquo pulsat pede pauperum tabernas,

i Carm. Od. iv. 13.

25. *Evertte lares*] De laribus vide Not. ad Psal. xviii. 45. *Sepositosque lares.*

28. *In Archivis*] *Archivum*, ex Græco ἀρχεῖον, *Archium*, id est, *Magistratum aedes*. Ex quo factum, ut *Archium*, et, interposito *v*, *Archivum* significet chartophylacium: quia *Archia* vicina erant chartophylaciis, in quibus hodiè actuarii et scribæ acta publica condunt.

31. *Vitulus*—*aras ante cadens*] Est *Periphrasis* pro eo quod est *vitulus mactatus; immolatus*.

32. *Omnibus et veniet*] Est *Antiptosis* pro omnium.

34. *Polus*] *Polus* quid propriè significet, vide Not. ad Psal. xviii.

12. *Micare polus*. Hic ponitur per *Synecdochen* pro toto cælo. *Cærula*] Subauditur *Maris*. Ita etiam Virgilius:

Adnixi torquent spumas, et cærula verrunt,

Æn. iii. 208.

35. Ille manu forti reparabit mœnia Judæ:
 Tecta Sionææ proteget ille domûs.
 36. Hîc figet gens sancta larem, serique nepotes,
 Qui pede devoto ponè sequuntur avos.

ANNOTATIONES.

35. *Mœnia*] De Discrimine inter *Mœnia* et *Muros* vide Not. in Psal. ix. 6. *Mœnia*.
 36. *Larem*] De hac voce consule supra Not. in Psal. xviii. 45. *Sepositosque lare*,

LXX.

- H**UC, Deus! adproperans, me tutelaribus armis
 Affere; nec patriam, quam peto, differ opem.
 2. Terga, precor, vertat, qui vim, qui tela minatur;
 Inquinet et turpis, dum fugit, ora pudor.
 3. Huic fuga sit merces, me qui petulante cachinno
 Excipit, et damnis pascitur usque meis.
 4. Sed quisquis te poscit opem, te Numine fretus
 Gestiat, in laudes solvat et ora tuas.
 Quique tuæ fidit dextræ, speratque salutem,
 Optet ut in terris sit tibi perpes honos.
 5. Ah! premor adversis; te solo vindice nitor:
 Nunc ades, invisas et mihi pelle moras.

ANNOTATIONES.

- Hic Psalmus est *votivus*, eodem planè argumento et iisdem prope vocibus cum posteriori parte Psalmi quadragesimi, a versu decimo quarto ad finem usque.
 2. *Terga vertat*] *Terga* dicitur hîc in plurali numero, per *Heterosin*, pro singulari; ut etiam in sequenti linea *ora* pro *os*.
Qui vim, qui tela] Notetur hîc *Anaphora*, de quâ Figurâ consule Not. in Psalm. ii. 6. *Sceptra* ferenda dedi—*sceptra*.
 3. *Petulante cachinno*] *Cachin-*
nus est solutus risus et immoderatus: a sono factum vocabulum.
Pascitur usque meis] De hac Metaphoricâ significatione vocis *Pasco* vid. Not. in Psal. iv. 2. *Pascis mendacibus umbris*.
 4. *Solvat ora*] *Ora* hîc ponitur pro *os*, per *Heterosin*, nempe pluralis numerus pro singulari.
 5. *Vindice*] De hac peculiari significatione vocis *Vindex* vid. Not. in Psal. xxv. 20. *Te vindice*,

LXXI.

- A** LME Parens rerum ! spes te mea respicit unum ;
 Ne mihi sit Dominum te coluisse pudor.
 2. Eripe me telis, qui jus tutaris et æquum ;
 Nec mea da rapidis vota ferenda Notis.
 3. Sis mihi tu rupes, dum sævit et ingruit hostis ;
 Sis, Deus ! in mediis turris athena malis.
 Tu, quibus incolumis server, mandata dedisti ;
 Arx quia tu vitæ præsidiumque meæ es.
 4. Ah, Deus ! ah ! famulum populi trucidis eripe dextris ;
 Et scelerum socios me procul esse jube.
 5. Vindice te nitor, teneris qui semper ab annis
 Unus eras vitæ portus, et una salus.
 6. Matris ab uberibus servasti : matris ab alvo
 Me quia traxisti, tu mihi carmen eris.
 7. Me fugiunt socii, ceu formidabile monstrum :
 Spe tamen auxilii tu mea vota foves.
 8. Da, Deus ! ut cœlo meritis te laudibus æquem ;
 Sintque meo tituli semper in ore tui.
 9. Ne mihi te subduc, capulo vicina senectus
 Dum subit ; et periit, qui fuit, oris honos.
 10. Adspicis ut, dentes acuens, conspiret in unum,
 Meque petat tacito gens inimica dolo.

II. Hunc

ANNOTATIONES.

Hic Psalmus est etiam *votivi* generis, ex duabus partibus constans ; prior est *Petitio*, usque ad versum vicesimum secundum ; posterior, *votum laudis et gratiarum actionis*, inde ad finem usque.

2. *Ferenda Notis*] De hac proverbiali formâ loquendi vid. Not. in Psal. xviii. 22. In æquoris undas tulere Notis.

3. *Ingruit hostis*] De propriâ significatione et Etymo vocis *ingruo* vide Not. ad Psal. xvii. 9. *Ingruit*.

5. *Vindice*] Consule Not. in Psal. xxv. 20. *Te vindice*.

6. *Servasti*] Per *Syncopen* dicitur pro *servavisti*.

7. *Formidabile monstrum*] *Monstrum* est, quicquid contra rerum naturam accidit, et aliquid monstrat ac significat eventurum.

8. *Meritis te laudibus æquem*] Imitatus est Virgilium :
Vir Trojanæ, quibus cœlo te laudibus æquem ?

Æn. ix. 125.
Tituli] Vide Not. in Psal. xviii. 49. *Tuos Titulos*.

9. *Capulo vicina senectus*] *Capulus* vel *capulum* a capiendo dictum ; est propriè manubrium gladii

144 PSALMUS LXXI.

11. Hunc, ait, invisum Domino quin, impete facto,
Obruimus? Quis enim criminis ultor erit?
12. Sis mihi tu præsto; fer opem placatus; opemque
Dum, Pater! optatam fers mihi, rumpe moras.
13. O precor! ut pereat, me qui petit, impius hostis;
Et pudor obscænis inquinet ora notis.
14. Ast ego te nitar; vox te mea jugiter unum
Efferet, è cælo viribus aucta novis.
15. Tequæ, tuamque fidem, benefactaque limite nullo
Clausa canam; terras dum rota solis obit.
16. Clara tuæ vates referam miracula dextræ;
Unius et solium fons mihi laudis erit.

ANNOTATIONES.

gladii, ut apud Virgilium:

Extulit, ac lateri capulo tenus abdidit ensen,

Æn. ii. 553.

Capulum etiam dicitur quicquid inter se aliquid capit; inde sarcophagum, id est, sepulchrum, *capulum* veteres dici voluerunt, quod corpora capiat, ut Plautus:

Peril misera, ut osculatur carnifex, capuli decus,

Afin. v. 2. 43.

Periit] Per Syncopen dixit pro periit.

Oris Honos] *Honos* hîc est decor, pulchritudo, ut etiam apud Virgilium:

— Et lætos oculis afflârat honores, *Æn. i. 591.*

Frigidus et silvis Aquilo decussit honorem,

Geor. ii. 404.

12. *Fer opem placatus*] *Placatus* hîc per Enallagen adverbialiter sumitur.

13. *Obscænis notis*] De significatione et Etymo vocis *obsœ-*

nus vide Not. in Psal. xl. 14.

Obscæna.

Ora] Pluralis numerus pro singulari.

14. *Te unum efferet*] Observandum est, Poetam nostrum sæpius usurpare vocem *unus* pro eo quod est *præcipuus*: quo more Virgilius:

Tum semper equites, unum Tritonia Pallas

Quem docuit, multâque ingenem reddidit arte,

Æn. v. 704.

— Cadit et Ripheus iustissimus unus, *Æn. ii. 426.*

15. *Tequæ, tuamque fidem, benefactaque*] Hîc copula *que* redundat per Figuram, quam Grammatici vocant *Polyssyndeton*; quæ locum præcipuè habet, ubi res sunt sigillatim notandæ.

Terras dum rota solis obit] Est *Periphrasis* pro *semper*. *Rota* hîc ponitur per *Synecdochen* pro *curru*.

16. *Unius*] Vid. Not. in ver. 14. *Te unum efferet.*

PSALMUS LXXII. 145

17. Hactenus hæc docui populos; fessusque senecta
Jam cano quæ didici, te præeunte, puer.
18. Ne mihi te, vetulo solitum ne subtrahere vultum,
Dum tegar ingestâ lumine cassus humo.
Antè tuas populis fas sit mihi pandere laudes,
Ultima quas tellus posteritasque legat.
19. Justitiæ qui laude nites, et robore polles,
Magne Parens! ecquid par tibi mundus habet?
20. Me manus oppressit tua; sed clementia vitæ
Restituit, mediis eripuitque malis.
21. Auspice te, feriam sublimi vertice cælum;
Et spes in dubiis tu mihi rebus eris.
22. Ergò tuam, Rex magne! fidem mea concinet usque
Barbitos, et teneræ nablia juncta lyræ.
23. Gaudia concipiet pectus; partaque salute
Gestiet in laudes lingua soluta tuas.
24. Justitiam lux nulla tuam non evehet, hostes
Namque mei totis erubuere genis.

ANNOTATIONES.

18. *Ne mihi te—ne subtrahere*] Est elegans *Anaphora*, de quâ Figurâ vid. Not. *Psalmi* ii. 6. *Sceptra ferenda* dicitur *Sceptra*.

21. *Feriam sublimi vertice cælum*] Id est, ero felicissimus: Exemplo prævit Horatius: *Sublimi feriam sidera vertice*, Carm. i. i. 36.

22. *Barbitos*] *Barbitos* et *Barbiton*, Græce *Βάρβιτον*, non a barbaro deducitur, licet *barbarum*, hoc est *peregrinum* vo-

cabulum sit: significat autem majorem lyram organo similem sono. Dicitur quasi *Βαρβύλιον*, a *Βαρύς*, gravis, et *λύλη*, filum, quod citharæ genus sit gravior sonantis. A Lyra vero vix discrepasse Anacreontis primum carmen ostendit.

Nablia] De *nablia* vide Not. in Psal. xxxiii. 2. *Nablia*.

Lyræ] De lyra vid. Not. in Psal. lvii. 8. *Lyræ*.

LXXII.

DA regi tua jura, Deus! da Natus ait olim
Regius hæc possit, te præeunte, sequi.

ANNOTATIONES.

Hic Psalmus est *votivus*, ex tribus partibus constans: prima est *petitio*, tribus primis versibus: secunda est *descriptio regni*

Solomonis, a versu quarto usque ad decimum septimum; tertia, *Laudatio*, ad finem usque.

O

2. Ille

2. Ille tuo populo leges feret, Arbiter æquus :
Imperio tennes proteget ille suo.
3. Montibus ex ipsis, palmâ redimita capillos,
Pax aderit, populis et pia jura dabit.
4. Ille patrocínio legum defendet egenos,
Hostis et insens colla proterva premet.
5. Omnia te metuent illo sub principe sæcla,
Orbita dum lunæ, solis et axis erit.
6. Ver dabit Hic terris ; sic, misso desuper imbre,
Prata simul rident, et modò tonsus ager.
7. Candida tum probitas florebit, et optima rerum
Pax ; vario donec lumine luna nitet.
8. Huic vagus Euphrates, huic serviet æquor utrumque ;
Imperii tellus ultima limes erit.

ANNOTATIONES.

2. *Tennes*] Vide Not. in Psal.
x. 2. *Tenuem*.

3. *Palma redimita capillos*] *Redimita capillos* est Græca constructio per Figuram quam Grammatici vocant *Synecdochen*, *uara*, i. e. *secundum*, subaudito. Qualia multa apud omnes fere autores occurrunt exempla ; ita Virgilius :

—*redimitus tempora quercu*,
Geor. i. 349.

Pax redimita] *Pax* hîc personam induit, ut de multis aliis supra dictum.

Palma] *Palma* est arbor nobilis, ita dicta quia ramos habeat in digitorum modum protensos. Non cedit ponderi, sed surgit adversus pondus. Ideo victoribus præmio data, quia non cesserint, sed pertinaces in bello perstiterint. *Pax* igitur hîc victrix, et triumphali habitu depingitur.

5. *Sæcla*] Per *Synecopen* dicitur pro *secula* ; de quo vid. Not. in Psal. xlv. 6. *Sæclo*.

Solis axis] *Axis* hîc pro *cur-*

ru ponitur per *Synecdochen*, ut supra Psal. i. 2.

—*Roseo seu micat axe dies*.

6. *Prata rident*] De hac dictione vid. Not. in Psal. lvi. 10. *Ridet humus*.

7. *Candida*] De hujus vocis Etymo vid. Not. in Psal. iv. 1. *Candida*.

8. *Vagus Euphrates*] *Euphrates* fluvius Mesopotamiæ. Strabo scribit Euphratem ex Niphate monte Armeniæ, magnum, profundum et celerem nasci ; exire autem in Mare Rubrum, prius tamen Babyloniam per medium dividere, et Tigri conjunctum Mesopotamiam facere. Ex longo et erratico cursu rite denominatur *vagus*.

Æquor utrumque] Id est, Mare rubrum vel sinus Maris Ægyptiaci ; et Mare Syriacum quod Mare Palæstinæ vocant : eam scilicet partem Maris Mediterranei quæ Palæstinam al-

luit.

9. Hunc colet *Æthiopum* soboles; populusque rebellis,
Hoc coram, nudo vertice verret humum.
10. Dona ferent Cilices, et gens circumdata ponti
Fluctibus, et sitiens Indus, et ustus Arabs.
11. Procumbent tumidi submisso poplite reges;
Nullaque non illi terra tributa feret.
12. Fortibus hic armis teget & defendet egenos;
Et populum, cui spes nulla refulget opis.
13. Et parcet miseris, tenues et muniet; enses
Franget et hostiles, discutietque dolos.
14. Carus erit iusti sanguis; feliciter ergo
Ducet inauratos, et sine nube dies.
15. Dona dabunt Arabes; et fausta precabitur orbis
Ultimus, et famæ præco perennis erit.
16. Montibus in summis, parcâ semente peractâ,
Nascetur domino luxuriosa seges.

ANNOTATIONES.

9. *Æthiopum soboles*] De hoc populo vide supra Psal. lxxviii.

31. *Æthiopum.*

10. *Dona ferent Cilices*] *Cilices*, populus Ciliciæ; quæ est regio in Minori Asia, Syriæ proxima; a Cilice Agenoris filio sic appellata; vulgo dicitur *Caramania*: ab oriente Amanus clauditur, a septentrione Tauri iugis, ab occidente Pamphylia. Hujus metropolis est Tarsos, quam intersecat Cydnus amnis.

Gens circumdata ponti fluctibus] Est hæc *Periphrasis* pro *Insulanis*.

Indus sitiens] *Indus* qui est ex *India*, *India* verò est regio orientalis, Asiæ terminus: ab oriente Sinâ clauditur, ab occidente Tartaro, a Septentrione Persiâ, et a meridie Mari Indico. Tradunt in ea fuisse quinque millia oppidorum.

Ustus Arabs] *Arabs* qui *Ara-*

biam incolit. Ea autem triplex est, *Petraa*, *Deserta*, *Felix*.

Petraa, sic dicta a *Petra* vetustissimo oppidò. *Ægypto* Judææque confinis est. *Arabia Deserta* sic dicta, quia gens vaga et sine ædificiis in tentoriis habitat: hæc a meridie montibus *Arabia Felicis* cincta est, a septentrione *Mesopotamiam* habet, ab occidente *Petræam*. *Arabia Felix*, meridiem versus, inter duos sinus, *Arabicum* nempe et *Persicum*, veluti *Peninsula* excurrit.

Indus, sitiens, et *Arabs ustus* dicitur, quia habitat uterque inter *Torridam Zonam*, cujus æstus adurit corpora et sitim creat.

13. *Tenues muniet*] De hac voce *Tenues* vid. Not. in Psal. x. 2. *Tenuum*.

15. *Arabs*] Vide Not. in versum decimum.

148 PSALMUS LXXIII.

- Sic Libani vestitur apex conterminus astris,
 Cùm levis aërias ventilat aura cedros.
 Utque viret gramen pratis in mollibus, illi
 Subdita floreant oppida, facta viris.
17. Illius in regnis fulgebit gloria, donec
 Purpureo nitidum sol vehet axe diem.
 Audiet hic Felix; felices reddet et urbes,
 Et populos vastâ quos ditione tenet.
18. Ergò Dei, qui mira potest et perficit unus,
 Crescat in immensum non fugiturus honos.
19. Qui regit Isacidas, titulis illustribus orbem
 Impleat, et famâ folis utramque domum.

ANNOTATIONES.

16. *Libani*] De monte *Libano* vid. Not. in Psal. xxix. 5. *Libani*. *pellabitur* vel *dicetur felix*; quo modo scripsit Horatius: — *Rexque, Paterque*
17. *Purpureo Axe*] *Axis* hîc auditur *coram* — I Ep. vii. 37. *Felix, Felices*] Est hæc *Figura* quam vocant Grammatici *Polyptoton*, ubi occurrunt varii casus ejusdem nominis.
- i. 2. *Roseo seu micat axe dies*. De poetico usu vocis *purpureus* vide Not. in Psal. xix. 4. *Purpureum jubar*. 19. *Titulis*] Vide Not. in Psal. xviii. 19. *Tuos Titulos*.
- Sol vehet axe diem*] Est Elegans et poetica *Periphrasis* pro eo quod est fixum et perpetuum. *Solis utramque domum*] Est *Periphrasis* pro oriente et occidente.

LXXIII.

- QUAM favet Isacidis Rex qui rotat ætheris orbes!
 Ille sacri quanto flagrat amore gregis?
2. Me tamen implicuit non extricabilis error;
 Pesque vacillavit; mens quoque cæca fuit.
3. Indolui, spectans scelorum florere ministros,
 Et dare propitiis impia vela Notis.

4. Hic

ANNOTATIONES.

- Hic Psalmus est *didacticus*, ad finem usque. continens *Propositionem*, versu primo; *Confirmationem*, a versu secundo ad versum vicefimum tertium; et *Conclusionem*, inde
3. *Propitiis dare vela Notis*] Est *Metaphora* a navigantibus, quibus feliciter procedit cursus, ventis secundis vela instantibus. Vid.

4. His superant vires et inexpugnabile robur;
Et manet in senibus, qui fuit ante, vigor.
5. Dura premunt alios et nubila tempora: puri
His redeunt soles, et sine face dies.
6. Corda tument fastu; vis armat pectora; turgent
His oculi; nec mens, quas habet, æquat opes.
8. Excudit os frænum, spirans fraudesque necesque;
Audet et in circo grandia verba loqui.
9. Nec scelerum modus est; acuunt in sidera linguas
Nequiter; inque homines dira venena vomunt.
10. Hæc spectans huc vertit iter, sua castra relinquens,
Vir pius, irati quem rapit unda freti.
11. Ecquis, ait, superâ Deus hæc despectat ab arce?
Ecquis in æthereo pectore sensus inest?
12. Ecce! Dei gens hæc cultum dum proterit omnem,
Floret, et immensas per scelus auget opes.
13. Quid mea me juvit pietas? Quid pectus honestum
Profuit, aut insons et sine labe manus?
14. Undique me lethi sepsit gravis horror, et omnis
Lux fuit in pœnas ingeniosa meas.
15. Hæc ego si promam, Pater orbis et Arbiter! aures
Offendet populi vox, minùs æqua, tui.

ANNOTATIONES.

Vid. Not. in Psal. xxx. 6. Cum dictum per *Antiptofin* pro *borum*.
freta sulcarem ventis felicibus.
Noti hîc pro ventis in genere,
ut supra Psal. i. 4. *Notus.*

Impia vela] Id est, *Impios dare*
vela, quo modo Virgilius dixit
sceleratas pœnas pro pœnas de
scelerata scæmina:

—*Subit ira cadentem*

Ulcisci patriam, et sceleratas
sumere pœnas, Æn. ii. 576.

4. *His superant vires*] *Superant*
hîc pro *superfunt*, ut
etiam apud Virgilium:

(1)—*superet conjuxne Creûsa,*
Æn. ii. 597.

(2)—*Et captæ superavimus*
urbi, Ibid. 643.

6. *Turgent bis oculi*] *His hîc*

dictum per *Antiptofin* pro *borum*.
Ut supra Psal. i. 3. *Cui tempesti-*
tivis.

8. *Excudit frænum*] Vide de
hac locutione notam in Psal. ii.
5. *Frænaque dans.*

Fraudesque, necesque] Hîc *que*
redundat per *Polyyndeton*; ut
supra Psal. vii. 17. *Iustumque*
Deum, Dominumque potentem.

10. *Unda freti*] De voce
fretum vide Not. in Psal. xxx.
6. *Freta.*

14. *Lethi*] De hujus vocis
Etymo vide Not. in Psal. vi. 3.
Lethum pulsurus.

Lux] *Lux* ponitur hîc pro
dies per *Metonymiam*; ut Psal.
xxxv. 21. *Optatâ luce.*

150 PSALMUS LXXIII.

16. Ah ! ego, dum rerum causas exquiro latentes,
Deficio; et, cassum lumine, pectus hebet.
17. Tu tamen è sacris adytis, Pater ætheris alti
Me gregis istius fata futura doces.
18. In juga tu fontes duxisti lubrica; pronos
In caput hinc volvi præcipitesque jubes.
19. Quàm gravis est lapsus ! quàm tristis et aspera clades !
Quamque repentino fulmine corda quatis !
Sors gregis istius vanescit, imaginis instar,
Quæ fugit ignavus mox ubi somnus abit.
20. Tu, Deus ! evigilans Fastum calcabis, et illas,
Quas nimium jactat Fastus inanis, opes.
21. Antè miser tacitâ torquebar mente; cucurrit
Et mihi tabificus fracta per ossa dolor.
22. Ast ego desipui, nec me levis error habebat :
Mensque sub insipido pectore bruta fuit.
23. Te tamen assiduè fruor : et, ne fortè vacillet
Pes dubius, Dextrâ fulcior usque tuâ.
24. Consilio tu cæca tuo vestigia flestis;
Et cinges posthàc perpetè fronde comam.
25. Quis mihi, te præter, superâ succurret ab aulâ;
Quid, quod amem, nisi te, Summa vel Ima da-
bunt ?
26. Membra mihi quoties, animâ fugiente, fatiscunt,
Tu vigor es vitæ delictumque meæ.
27. Ibit in exitium tua quisquis signa relinquit,
Gaudet et alterius transfuga castra sequi.
28. Ast

ANNOTATIONES.

17. *Sacris adytis*] De Etymologia et significatione vocis *adyta* vid. Not. in Psal. xx. 2. *Adytis*.

Fata] De hac voce vid. Not. in Psal. xxxi. 13. *In mea fata*.

18. *Præcipites*] De Etymologia et propriâ significatione vocis *præceps* vide Not. in Psal. ix. 7. Hic verò sumitur pro *rapidus* sive *festinus*; ut a Virgilio :

Præcipites atrâ ceu tempestate columbæ, Æn. ii. 561.

20. *Jactat*] De primâ significatione verbi *jacto* vide Not. in Psal. x. 3. *Jactat*.

Fastus] Hic sumitur personaliter per *Metonymiam* pro *fastuoso*, ut Psal. i. 1. *Impietas*.

24. *Vestigia flestis*] *Flectere* propriè significat *torquere*, *curvare*; et per translationem *regere*, *dirigere*: Ita Cicero, *Animos*

PSALMUS LXXIV. 151

28. Ast ego te solum sectari dulce putabo;
Et tua, sis cūm spes tu mea, facta canam.

ANNOTATIONES.

Animos omni ratione flectere et commutare, De Orat. ii.

Cinges perpete fronde] Alludit ad jus triumphantium, quorum

erat laurum perpetuo gestare. *Comam]* Coma hic ponitur pro toto capite, per *Synecdochem*.

LXXIV.

CUR, Deus! æternūm nos deferis? Acribus iris.
Cur tibi dilectas depopularis oves?

2. Te populi veteris, te sacri cura peculī.
Tangat; et ante oculos sit tibi sancta Sion.
3. Ocyūs adproperans sceleratas obrue gentes.
Sacrilegā violant dum tua templa manu.
4. Prō pudor! in medio feralis buccina cœtu
Clangit, et in muris fixa torpæa vides.

ANNOTATIONES.

Hic Psalmus est generis *mixti*, continens partes tres; *Exordium* sive *Propositionem*, ad versum quartum; *Narrationem*, a versu quarto ad decimum; et *Petitionem*, inde ad finem usque.

2. *Te populi—te sacri]* Est *Anaphora* in voce *te*; de quā *Figurā*, vid. Not. in Psal. ii. 6. *Sceptra ferenda dedi—Sceptra.*

Cura peculī] *Peculī*, per *Anapophen*, dixit pro *peculii*. *Peculium* autem juxta nonnullos, patrimonium universum significat, a *pecu*, sive *pecore* unde et *pecunia* dicta: quod omnia veterum bona olim in pecoribus consistèrent. *Peculium* verò juxta alios est privata pecunia, quam servus, domini permissu, separatim a domini rationibus comparabat, aut ad redimendam libertatem, aut alios in usus. In priore sensu intelligendus autor,

ut etiam illud *Virgilii* ad quod respexisse videtur:

Nec spes libertatis erat, nec cura peculī, Ecl. i. 33.

Tangat] Vid. Not. in Psal. xvii. 6. *Tangent.*

Sancta Sion] Consule Not. in Psal. ii. 6. *Sanctæque Sioni.*

4. *Feralis buccina]* *Feralis* propriè quod mortuorum funeribus adhibetur.

Buccina, a *buccis*, instrumentum quo signum datur in hostes ad pugnam: *Buccinas* a *Tubis* nonnulli sic distinguunt, quod illæ ex recurvis animalium cornibus; *Tubæ* verò ex ære argentove confici soleant, ad animos militum et equorum inflammandos. Sæpe tamen usurpantur promiscuè.

Fixa torpæa] De *Tropæis* vid. Not. in Psal. xx. 5. *Laza torpæa.*

5. Claruit

152 PSALMUS LXXIV.

5. Claruit hic olim, quâ, cæsis undique sylvis,
Intulit arboreas in tua templa trabes :
6. Nunc operosa ruit luxata bipennibus ædes,
Et cælaturæ nobilioris opus.
7. Ignibus injectis scedârunt atria templi,
Quod colis; æquârunt culmina summa solo.
8. Fana quot his restant, dicebant, perditæ, Flammæ!
Cuncta simul iussæ corripuere faces.
9. Nulla, quibus fidam, superant oracula; nemo
Cernitur hîc vates; nemo futura videt.
10. Quò, Deus! usque truces acuet gens hostica dentes?
An tuus æternum prostituetur honos?
11. Cur tua se nobis subtraxit dextera? Vires
Exere, deque sinu deside prome manum.
12. Tu mihi Rex olim, rerum et tutela mearum,
Tu populi columen, spesque salutis eras.
13. Te Dominum agnoscens, tumidum se diffidit æquor;
Obruit et Pharios unda reversa duces.

ANNOTATIONES.

5. *Tua templa*] Est pluralis, xlix. 4. *Oracula*.
numerus pro singulari.

6. *Operosa ruit*] *Operosus* vulgò activè sumitur, et significat, qui agit, et rebus gerendis operam dat: hîc vero passivè accipitur, et significat magno artificio et opere fabricatum. Ut apud Ovidium:

—Mundi moles operosa laboret, Met. i. 258.

Bipennibus] Vide de hac voce Not. in Psal. xxxv. 3. *Bipennem*.

7. *Scedârunt*] Per *Syncopen* dicitur pro *scedaverunt*; ut etiam *æquârunt* pro *æquaverunt*.

9. *Superant*] Hîc dicitur pro *supersunt*; ut supra Psal. lxxiii. 4. *Superant*.

Oracula] Vid. Not. in Psal.

12. *Tu mihi rex*—tu populi columen] Notetur hîc *Anaploia*, de quâ Figurâ vid. Not. in Psal. ii. 6. *Sceptra ferenda dedi*—*Sceptra*.

13. *Æquor*] Vide de hujus vocis Etymo Not. in Psal. xviii. 22. *In æquoris undas*.

Pharios duces] *Pharos* parva Ægypti insula; quondam diei navigatione distans ab Ægypto, nunc Alexandriæ ponte juncta, Nili recessu sive exundatione. Ponitur interdum pro regno Ægyptio: unde *Pharius Ægyptius*, ut hîc et apud Tibullum: —tibi dicere laudes

Insignis turbâ debeat in Phariâ, 1 Lib. iii. 32.

14. Cantibus illisus periit cum milite Ductor ;
Et data sunt avidis ossa voranda feris.
15. Dura flix latices effudit, et alveus alti
Fluminis attonitas aruit inter aquas.
16. Tu jubar auratum solis diffundis in orbem,
Et stabili noctem lege diemque regis :
17. Imperioque tuo medio stat in aëre tellus.
Septa vadis, æstas ardet, et alget hyems.
18. Adspice sacrilegi populi convitia, laudes
Qui premit et stulto deterit ore tuas.
19. Turturis, ah ! vitam ne milvis objice ; curam
Nec gregis afflicti debeat ulla dies.
20. Vive memor pacti : nequidquam quærimus umbras ;
Scilicet hostilis regnat ubique furor.
21. Absit ut afflicto turpis pudor inquinet ora :
Da potiùs laudes ut canat ille tuas.
22. Evigila, causamque tuam ne desere ; probri
Vive memor, quo nos stulta caterva premit.

ANNOTATIONES.

14. *Periit*] Per Syncopen dicitur pro *periivit*.

15. *Latices*] De hac voce vid. Not. in Psal. xxxvi. 9. *Vitales latices*.

17. *Septa vadis*] De propriâ significatione vocis *vada* vid. Not. in Psal. xxvi. 9. *Vadis*. Hic verò sumitur pro mari sive aqua marina, ut apud Virgilium:

Littus ad Ausonium tot per vada cœrula vexit ?

Æn. vii. 198.

19. *Turturis*] *Turtur* avis nota ex genere columbaceo minima, a sono vocis nomen habens.

Milvis] *Milvus* vel *Milvius* avis rapacissima: Anglice, a

Milte. Nomen habet vel a molli volatu, vel a voce quam edit. De homine etiam rapaci dicitur, per Translationem. Ut apud Plautum:

Vidi petere Milvium, etiam cum nihil auferret tamen,
Rud. iv. iv. 80.

Hinc et parasitinomen apud Horatium:

Milvius et scurra, tibi non referenda precati,

Discedunt— 2 Sat. vii. 36.

Gregis] De hac voce vide Not. in Psal. i. 1. *Grege*.

21. *Afflicto*] Est *Antiprestis* dativi casus pro genitivo, ut Psal. i. 3. *Cui tempestivis*.

Inquinet ora] *ora* pro *vultus*, ut Psal. vii. 5.

23. Hostiles expende minas; en! prurit in arma,
Inque dies crescit seditiosa manus!

ANNOTATIONES.

23. *Prurit in arma*] Ita | *Vitulusque inermi fronte prurit*
Martialis: | in pugnam, 3 Epig. lviii. 11.

LXXV.

LINGUA, Deus! te nostra canet; tibi solvere
grates,

Perque tuas laudes barbitos ire parat.

Te tua præsentem monstrant miracula terris;

Et tuus hinc orbi fit manifestus amor.

2. Mox, ait, assumam gentem mihi scedere vinctam;
Legibus et sanctis iustitiæque regam.

3. Cum populis luxata licet liquefactaque tellus
Diffuat, illa meâ restituetur ope.

4. Vana cohors! dixi, scelerum quid fræna relaxas?
Stulta! quid elatis cornibus astra seris?

5. Define, gens exlex! cælo, Dominoque minari;
Define præfracto gutture verba loqui.

6. Nec Notus; aut Boreas dat opes fascesque, nec Eos,
Nec Plaga, se vitreis sol ubi mergit aquis.

7. Jura

ANNOTATIONES.

Hic Psalmus est, ut ita dicam, *deprecativus*; constat autem ex duabus partibus; prima est *propositio*, a versu primo ad nonum; secunda, *Positio*, duobus ultimis.

1. *Barbitos*] Vide de hoc instrumento musico Not. ad Psal. lxi. 22. *Barbitus*.

4. *Vana cohors*] De *coherbe* vide Not. in Psal. xxxiii. 1. *Cohors*.

Fræna relaxas] De hac Metaphorâ vid. Not. in Psal. ii. 5. *Frænæque dans*.

5. *Præfracto gutture*] Ligna dicuntur *præfracta*, quæ in prima fronte, et in summo quasi cortice franguntur, unde duriora

fiunt: ex quo *præfracti* appellantur per translationem, *duri*, *consummates*, *perviciaces*.

6. *Nec Notus, aut Boreas*] De *Noto* vid. Not. in Psal. i. 4. Et de *Borea* Psal. xlviii. 2.

Fascesque] De *Fascibus* consule Not. in Psal. xvi. 10. *Fasces*.

Eos] De voce *Eos* jam dictum ad Psal. xix. 5. *Tibalamo Eos*.

Nec plaga, etc.] Est *Periphrasis* pro *plaga occidentali*; ad exemplum Virgilii:

Quid tantum Oceano properent se tingere soles,

Georg. ii. 481.

Vitreis] *Aqua* dicitur *vitrea*, quia est pellucida instar vitri.

Ut

7. Jura dat humanis Divina potentia rebus :
Hunc levat, hunc pedibus, cùm labet, illa premit.
8. Tu, Deus! undantem pateram fers Vindice dextrâ :
Mixtaque purpureo sunt aconita mero.
Hos, merita devota neci, gens impia succos
Ebibet, et quicquid pocula facis habent.
9. Te, Pater Ifacidum! sublimi carmine tollam,
Dum stabilis tellus, mobilis æther erit.
10. Colla premam tumidis; sed cultor juris et æqui
Surget humo, merito cinctus honore comas.

ANNOTATIONES.

Ut apud Virgilium:

*Te nemus Angitiæ, vitreâ te
Fucinus undâ,*

Te liquidi flevère lacus—

Æn. vii. 759.

9. *Ifacidum*] Per *Syncopen*,
pro *Ifacidarum*.

Æther] Propriè æt̃ purissimus, hîc verò ponitur pro cælo, ut a Virgilio:

—Famâ super æthera notus,

Æn. i. 383.

10. *Pream tumidis*] *Tumidis* est *Antiprosis* pro *tumidorum*, ut Psal. i. 3. *Cui tempestivis.*

Cinctus comas] Est constructio Græca quam Grammatici *Synecdochen* vocant; subaudita præpositione *secundum* vel *quod ad*.

Comas] Per *Synecdochen* dicitur pro *capite*.

LXXVI.

SANCTA Deum Judæa colit; virtutis et Ille
Ifacidum populo dat documenta suæ.

2. Ille sacro folio Solymam delegit amœnam :
Ille Sionæa gaudet in æde coli.
3. Hîc clypeos, ensesque ducum confregit, et arcus,
Et bellatrici tela vibrata manu.

ANNOTATIONES.

Hic Psalmus est generis *Eucharistici*, constans ex quatuor partibus: prima est *Exordium*, versu primo et secundo; secunda est *Narratio*, a versu tertio ad septimum; tertia *Propositio*, inde ad versum decimum secundum: quarta *conclusiohorta-*

toria.

1. *Ifacidum*] Per *Syncopen* dixit pro *Ifacidarum*.

2. *Solymam*] De *Solyma* vide Notam in Psal. ix. 11. *Solymam*.

Tela] De hujus vocis Etymologiâ vide Not. in Psal. iii. 6. *Tela*.

4. Tu,

156 PSALMUS LXXVI.

4. Tu, Deus! immanes superas virtute leones,
Quos tegit in tetricis sylva remota jugis.
5. Hostibus obrepfit sopor; et, te vindice, dextra
Diriguere mesu; prædoque præda fuit.
6. Vox simul intonuit cœli de vertice, currus
Impetus, et volucres vis sua liquit equos.
7. Te tremit accenso tellus: ultricibus iris
Quis queat et telis obviis ire tuis?
8. Cùm tua de cœlo populis mandata dedisti,
Conticuit sacro Terra retenta metu:
9. Vidit et obstupuit, Rex cùm cœlestis egenis
Attulit optatam, dum premerentur, opem.
10. Te canet, hostili nuper quæ ferbuit ira,
Turba ferox: reliquis protinus ora premes.
11. Concipe vota Deo, qui terret fulmine terras;
Quodque voves posito, gens pia! solve dolo,
12. Munera fer Domino, qui colla tumentia fastu
Proterit, et regum sceptrâ pavore quatit.

ANNOTATIONES.

5. *Prædoque præda fuit*] Est
Paronomasia; ut apud Virgi-
lium:

*Tu modo promissis mancas, ser-
vataque serves*

Troja fidem — *Æn.* ii. 160.

7. *Ultricibus iris*] *Iris* dicitur
sæpe plurali numero pro singulari,
ut *Psal.* x. 13. *Iras.*

9. *Vidit et obstupuit*] *Terra*
hic ut *Persona* depingitur et hu-
manis affectibus induitur; ut
apud Virgilium:

— *Prima et Tellus et pro-
nuba Juno*

*Dant signum: fulsere ignes et
conscius æther*

Connubii — *Æn.* iv. 167.

10. *Reliquis ora premes*] Per
Antiptosin dicitur pro ora reli-
quorum, ut *Psal.* i. 3. *Cui tem-
pestivus.*

12. *Sceptrâ regum quatit*] Per
Hendiadyoin dixit pro *Sceptrâ-
tos reges quatit.* Vide de hac
Figura Not. in *Psal.* ii. 9. *Scep-
tro ferreque.*

LXXVII.

VOTA meo supplex fudi Dominoque, Deoque;
Audiit ingenuas impiger ille preces.

2. Ager opem petii; sed nocte recruduit atrox
Vulnus, et auxilium respuit omne dolor.
3. Sidera suspiciens implevi questibus auras;
Et mens curarum mole sepulta fuit.
4. Tristibus ex oculis somnum, Deus! excutis omnem;
Et dolor infestus non semel ora premit.
5. Sæpe; quod exegi, subit irreparabile tempus,
Et, pede qui volucris præteriëre, dies.
6. Plectra miser recolo, longæ solamina noctis;
Et mecum vigili sic ego mente queror:

ANNOTATIONES.

Hic Psalmus est *Didacticus*,
ex duobus partibus constans;
Prior pars continetur a versu
primo ad nonum; Posterior, in-
de ad finem usque.

1. *Dominoque Deoque*] Hic
copula quæ redundat per Figu-
ram quam vocant *Poly syndeton*,
ut Psal. vii. 17. *Iussumque De-
um, Dominumque potentem.*

Ingenuas preces] *Ingenuus* pro-
prie natus, et opponitur manu
factis, ut apud Lucretium:

*Unde mare ingenui fontes—
suppeditant?* Lib. i. 130.

Deinde apud antiquos *ingenui*
etant legitimè suscepti, et spu-
ritis oppositi. Deinde liberi et ex
liberis nati: qui opponuntur Li-
bertinis. Refertur denique quasi
per *Metaphoram* ad ingenium,
et dicitur de eo qui liberalis et
minimè servilis ingenii sit. Ex-
emplo sit Juvenalis:

*Ingenui vultus puer, ingenui-
que pudoris,* Sat. xi. 154.

Preces ingenuas igitur sunt quæ

ex animo *ingenuo* proferuntur.

Audiit] Per *Syncopen* dicitur
pro *Audiuit*.

Impiger] Hic adverbialiter di-
citur pro *impigrè*; ut Psal. ii.
12. *Securus.*

2. *Petii*] Dixit per *Syncopen*
pro *Petivi*.

Recruduit] *Recrudesco* proprie
de vulneribus dicitur, quæ agi-
tatione nimia, vel male purgata,
interdum pejora et crudeliora, id
est, cruda et nova fiunt. Ut a-
pud Ciceronem: *Nunc autem hoc
tam gravi vulnere, etiam illa,
quæ consanuisse videbantur, re-
crudescunt,* Fam. iv. 6.

3. *Implevi questibus auras.*]
Dicitur *auras* pro *aere*. ut Psal.
i. 3. *Felicibus auris.*

4. *Ora*] Dixit *ora* in plurali
numero, per *Heterosin*, pro *or* in
singulari.

6. *Plectra*] *Plectrum* hic po-
nitur pro ipsa lyra, per *Meto-
nymiam* ut Psal. xlix. 4. *Plectra.*

158 PSALMUS LXXVII.

7. An Deus afflictis æternum subtrahit ora?
An solitam posthac ferre negabit opem?
8. Illius an sumptis fugit Clementia pennis?
An data sunt agili vota ferenda Noto?
9. Priscus ex animo favor est erasus? Amoris
An teneri famulis obstruit ira fores?
10. Hæc ego: sed mentem querulo malus abstulit error:
Nunc recolam dextræ facta priora tuæ.
11. Hæc mihi succurrent annalibus eruta priscis;
Jugiter hæc repetet mens pia, lingua canet.
13. Sunt operum fideique tuæ Sacrarum testes:
Nec tibi par superâ regnat in arce Deus.
14. Inclyta fulmineam comitant miracula dextram;
Et majestatis conscia terra tuæ est.
15. Tu, Deus! Isacidis, invicto robore cinctus,
Dempisti Pharii barbarâ vincla soli.
16. Te mare conspecto tremuit, fluctusque profundi;
Protinus et positis obstupere minis.

ANNOTATIONES.

7. *Subtrahit ora*] Ora dixit pro *Annales* et historiam hoc interest:
vultum, ut Psal. vii. 5. *Ora*. Historia est eorum temporum
8. *Clementia*] Ponitur hic quæ vel vidimus, vel videre po-
Clementia personaliter per *Pro-* tuimus; dicta *anò rē isopñ*,
soponiam, ut Psal. i. 1. *Impietas*. id est, *videre*. *Annales* verò
Vota ferenda Noto] De hac sunt eorum annorum et tempo-
proverbiali locutione vide Not. rum quæ ætas nostra non novit.
in Psal. xviii. 22. *In æquoris* Alii volunt Historias esse rerum
undas tollere Noti. gestarum vel expositionem, vel
10. *Hæc ego*] Subauditur *dixi*, demonstrationem, vel quo alio
sensi, vel ejusmodi verbum. Qua- nomine id dicendum est: *An-*
lia multa passim apud autores nales verò esse quum res gesta
occurunt exempla, ut apud Vir- plurium annorum, observato cu-
gilium: jusque anni ordine, deinceps
Hæc secum: mene incepto de- componuntur. Fatendum verò
fissere viam? Æn. i. 41. utramque vocem promiscuè u-
Cantando tu illum? Ecl. iii. 25. surpari.
Et tantos audetis tollere mon-
tes?
15. *Pharii soli*] Id est, *Æ-*
Quos ego — Æn. i. 139. *gyptii soli*: ut supra dictum ad
11. *Annalibus*] *Annales* nomen Psal. lxxiv. 13. *Pharios*.
ab annuus derivatum. Inter *Vincla*] Per *Syncope* pro
Vincla,
17. *Nubi-*

17. Nubibus è ruptis, imbres cecidère sonori;
Actaque præcipiti turbine grando ruit.
18. Fulmina terrebant, et mixta tonitrua flammis;
Et tremuit subito concita terra metu.
19. Tu mare calcasti; tua sed vestigia delens
Obruit hostiles unda reducta rotæ.
20. Auspice te, sacras Moses cum fratre phalanges
Duxit, ut errantes per juga pastor oves.

ANNOTATIONES.

- | | |
|--|---|
| <p>19. <i>Calcasti</i>] Per <i>Synecopen</i> ponitur pro <i>Calcavisti</i>.
 <i>Rotas</i>] Per <i>Synecdochen</i> dicitur pro <i>Carris</i>.</p> | <p>20. <i>Phalanges</i>] De hac voce vide Not. in Psal. iii. 1. <i>Phalanges</i>.</p> |
|--|---|

LXXVIII.

- S**ACRA cohors! monitis resera cœlestibus aures;
Et memori voces mente reconde meas.
2. Mersa diu tenebris populis oracula pandam;
Omnibus et prisci temporis acta canam.
 3. Auribus acceptas, et quas bene novimus omnes,
Res loquar; et sancti quæ memorastis avi!

ANNOTATIONES.

Hic Psalmus est *Didacticus*, ejus summæ partes sunt quatuor; *Exordium*, quatuor primis versibus; *Propositio*, inde ad versum decimum secundum; *Narratio*, inde ad sexagesimum octavum; et *Conclusio*, inde ad finem usque.

1. *Sancta Cohors*] De voce *Cohors*, vide Not. in Psal. xxiii. 1.

2. *Oracula*] Consule de hac voce Not. in Psal. xlix. 4. *Oracula*.

Canam] *Canere* de vatibus et oraculis dicitur, et idem significat quod *prædicere* vel *divinare*;

ut apud Virgilium:

—Gallos in limine adesse canebat, *Æn.* viii. 656.

Et quia *cano* tribuitur vatibus oraculisque, inde, qui sanctas et venerabiles res atque divinas docendo proponunt, angustiore veluti verbo, *canere* dicuntur, non dicere. Ita Boethius cum *Lib.* iii. in finem usque disputationem philosophiæ de Deo et ejus bonitate retulisset, quartum his verbis auspicatur: *Hæc cum Philosophia leniter suaviterque cecinisset*, etc.

3. *Memorastis*] Per *Synecopen* pro *memoravistis*.

160 PSALMUS LXXVIII.

4. Absit ut hæc feros celemus facta nepotes,
Miraque pollenti parta tropæa manu.
5. Jura suo populo Dominus, legesque perennes,
Pactaque perpetuò commemoranda dedit.
6. Jussit ut hæc soboli pietas et cura parentum
Proderet, et sæclis sæcla priora novis.
7. Sic Deus agnosci, sic spem fulcire piorum,
Sic populum voluit, quò jubet ille, sequi.
8. Cura fuit, legum detrectans fræna rebelles
Æmula posteritas nè sequeretur avos:
Mens illis distorta fuit; nec cura, nec ullus
Numinis in bruto pectore sensus erat.
9. Cur tribus Ephræmi, gravidis incincta phætreis,
Terga dedit, primæ cùm cecinere tubæ?
10. Scilicet infandis violârat fœdera dextris,
Spreverat et Domini jussa tremenda sui:
11. Merferat et tenebris Superi miracula Regis,
Totque triumphatos, Hoc præeunte, duces.
12. Quem fugiunt, coram proavis, quæ Conditor orbis
Edidit ad portas, barbære Nile! tuas?
13. Hic mare dissecuit, cumulataque murmure sacro
Æquora securum pandere jussit iter.
14. Sol jubar ut pandit, rexit vestigia Nubes;
Noctis et in tenebris prævia Flamma fuit.

ANNOTATIONES.

4. *Tropæa*] De voce *Tropæa* vide Not. in Psal. xx. 5.

6. *Sæclis Sæcla*] Per *Syncopen* pro *Seculis, secula*.

9. *Phætreis*] vide Not. in Psal. xxv. 19. *Phætratas*.

10. *Violârat*] Per *Syncopen* dicitur pro *Violaverat*.

12. *Barbære Nile*] *Nilus* Ægypti fluvius, a novo inferendo luto sic dictus, nam *Nilum* dici volunt quasi *νίλιν*, hoc est, novum trahentem limum, quo oblinet Ægyptum et oppleat. Est septem ostiis celebris. Unde

Virgilius:

*Et septem gemini turbant tre-
pida ostia Nili,*

Æn. vi. 800.

Nascitur in monte inferioris Mauritanie, deinde condit se itinere aliquot dierum, rursumque erumpit in Mauritania Cæsariensi. Iterum arenis receptus per deserta viginti dierum spatio fertur ad proximos Æthiopas, et denuo profilit fonte, qui Niger dicitur. Denique septem ostiis fertur in Mare Ægyptium.

15. Fluxit

15. Fluxit et è filicum venis arentibus humor;
Cotis et è medio flumina dulcis aquæ.
17. Non tamen abstinuit scelerum gens impia, rupes
Inter inaccessas et loca senta situ.
18. Mente nefas meditans, accendit Numinis iras;
Ingluvies epulas dum petit atra novas.
19. Inque Deum linguas acuens, in finibus istis
Delicias populo quas, ait, ille dabit?
20. Elicuit saxis latices; an munera farris,
Et, quas appetimus, proferet inde dapes?
21. Talibus accensus rerum Deus Arbiter, iræ
Strinxit in Ifacidæ tela timenda suæ.
22. Scilicet hæc superum gens est diffisa Parenti,
Illius et nihili perfida duxit opem.
23. Ille tamen nubes referavit, et horrea cœli;
Unde pluit liquidis æmula manna favis.
24. Desuper irrorans messes suffecit Olympus;
Omñibus Angelicas præbuit ille dapes.
25. His epulis populum Dominus cumulavit ab alto;
Quæque ligurivit fercula quisque tulit.

26. Illius

ANNOTATIONES.

15. *Cotis*] *Cos* lapis quo cultri aciuntur; sed ponitur etiam pro quovis saxo aspero atque abrupto. Ita Virgilius:

Nunc scio quid sit amor. Duris in cotibus illum,

Eccl. viii. 43.

17. *Abstinuit scelerum*] Est constructio Græca, qualia multa passim occurrunt exempla, ut in *Horatio*:

—Define mollium tandem querelarum, 2 *Car. ix. 17.*

Loca senta situ] Exemplo prævit Virgilius:

Per loca senta situ cogunt noctemque profundam,

Æn. vi. 462.

De voce *senta* vid. Not. in *Psalm. xvi. 11.* *Loca senta.* Situs est

caries, mucor, squalor, ex hu-

more parietibus adhærescens.

18. *Numinis iras*] Est pluralis pro singulari, ut in *Psalm. x. 13.*

Ingluvies atra] Consule Not. in *Psalm. x. 10.* *Atram ingluviem.*

20. *Elicuit saxis latices*] De voce *latices* vid. Not. in *Psalm. xxxvi. 9.* *Vitales latices.*

21. *Tela*] Vide Not. in *Psalm. iii. 6.* *Tela.*

22. *Superum*] Per Syncopen dicitur pro *Superorum.*

Perfida duxit] *Perfida* hic ponitur per *Enallagen* pro *perfidæ.*

24. *Suffecit Olympus*] De *Olympo* pro *cælo* vid. Not. in *Psalm. xlix. 15.* *Rector Olympi.*

25. *Ligurivit*] *Ligurire* dicitur;

26. Illius imperio, volucres hinc impiger Eurus
Ponè ruens castris intulit, inde Notus.
27. Si numeres, non tot vallatur littus arenis;
Plura nec æstivus corpora pulvis habet.
28. Agminis aligeri circum tentoria nubes
Decidit, et patulas textit ubique vias.
29. Talibus ingluviem gens hæc, devota saginæ,
Pavit, et optatus venit in ora cibus.
30. Crescebat scelerata fames; semelæque frustra
Faucibus hærebant, cùm Deus Ultor adest.
31. Ille saginatos, odio stimulatus et irâ,
Obruit Hæcidas, Ifacidumque duces.
32. Non tamen hæc populi mutant miracula mentes:
Nempe sacris monitis derogat ille fidem.
33. Ergò Dei jussu gens hæc evanuit omnis,
Inter et ærumnas concidit ante diem.
34. Tot mala perpeffus rediit, vigilique labore
Divinam populus pascere cœpit opem.
35. Tum subit, quoties, cœlesti testus asylo,
Spreverit instantem depuleritque necem.
36. Impia sed blandæ demens mendacia linguæ,
Verbaque fundebat byffina texta dolo.

37. Blam

ANNOTATIONES.

titus, qui eleganter et more se-
num, multo fastidio suaviora
queque degustat; ἀπὸ τοῦ ἀνοῦ,
quod secundum Græcos *suave* in-
telligitur. *Ligire* rem aliquam
dicitur pro appetere. Ut videre
est apud Ciceronem: *Itaque cum*
quidam de collegis nostris agrari-
um curationem ligarent. Fam.
xi. 21.

26. *Notus*] Vide Not. in Ps.
3. 2. *Notus.*

28. *Agminis aligeri*] Ita Vir-
gilius:

— turdæque sonantem
Agminis aligeri —

Æn. xii. 629.

29. *Draco saginæ*] *Sagina*

est cibus quo quis pinguis effici-
tur, teste Juvenale;

— genialis agatur

Iste dies, præpera stomachum
laxare saginis,

Sat. iv. 67.

31. *Ifacidum*] Dixit per Sy-
ropen pro *Ifacidarum.*

33. *Ante diem*] De hac locu-
tione vide Not. in Psal. lv. 23.
Ante diem.

36. *Demens* — *fundebat*] Est
adjectivum per Evallagen adver-
bialiter sumptum.

Verba byffina] *Byffinum* ex
byss factum; *byssus* autem ge-
nus lini subtilissimi et pretiosi.
Byffina verba metaphoricè di-

cuntur

37. Blanditias inter medias mens nescia recti,
Immemor et sancti foederis usque fuit.
38. His tamen ignovit Deus, et, quas sumpserat, iras
Exuit, Ultrices abstinuitque manus.
39. Scilicet humanæ subiit fors lubrica vitæ,
Æmula quæ venti non reditura fugit.
40. Irritata Dei quoties patientia victa est,
Invia dum populus per loca ferret iter?
41. Crevit et impietas, brevibus comprehendere metis
Cum majestatem Numinis ausa fuit.
42. Mentibus exciderant superæ miracula dextræ,
Et, libertatem quæ dedit, alma dies.
43. Nec subeunt animos Phariis quæ nuper in oris,
Inque Soanæo gesta fuere solo.
44. Hic Pelusiaco manarunt sanguine rivi;
Nec latices usquam, qui biberentur, erant.
45. Alta venenatis squallebant atria muscis;
Scandit et auratos lurida rana toros.
46. Bruchus edax segetes, vastarant arva locustæ:
Deciderant uvæ grandine, mora gelu.

48. Gran-

ANNOTATIONES.

cuntur mollicula et blanda quæ
facile ferant delicaturæ aures,
quales ferè sunt regum: qui ut
byssinis et mollibus vestimentis
induuntur, ita verbis byssinis
compellari solent.

Texta dolo] *Metaphora* sumpta
ab arte textoria; quo modo
flamini trama, ita byssiniscorum
verbis dolis intextitur.

38. *Sumpserat iras*] *Iras* in
plurali numero dixit pro *iram*
per *Heterosyn*, ut Psal. x. 13.
Iras.

39. *Subiit*] Per *Syncopen* dicitur
pro *subiit*.

41. *Comprehendere*] Dixit per
Syncopen pro *comprehendere*.

Metis] Vide Not. in Psal. m.
xlv. 15. *Not modus est vel me-*
ta malis.

43. *Phariis in oris*] De voce
Pharius vide Not. in Psal. lxxiv.
13. *Pharios*.

Soanæo solo] Id est in Ægypto,
sic dicta a Soane sive Zoane
urbe Antiquæ Ægypti, de qua
Num. xiii. 22.

44. *Pelusiaco sanguine*] Id est
Ægyptio, a *Peluso* uno ex
ostiis Nili, et civitate in quadam
Ægypti parte, quæ Augustanica
est appellata, prope Thebaidem.
Hanc urbem condidit Peleus pater
Achillis.

Manarunt] Per *Syncopen* dicitur
pro *manaverunt*.

Latices] Vide Not. in Psal.
xxxvi. 9. *Vitales latices*.

46. *Bruchus edax*] *Bruchus*
est vermiculus haud dissimilis
locustæ, herbas erodens, sine a-

lio

164 PSALMUS LXXVIII.

48. Grandine percussa, validi cecidère juvenci;
Fulmine lanigeri disperière greges.
49. Numinis incaluit furor, invisosque Canopi
Tristibus est Geniis depopulatus agros.
50. Ira ferox sibi fecit iter; discrimine nullo;
Omnibus erofit viscera pestis atrox.
51. Mors cita primitias sobolis, floremque juventutis
Abstulit, et vires, maxime Nile! tuas.
52. At Deus Isacidas Phariis eduxit ab oris;
Pandit et insolitas per loca sola vias:
Perdus et pernox, inter deserta ferarum,
Sic solet imbelles ducere pastor oves.
53. Carpsit iter tutum populus, formidine pulsâ;
Cum Pelusiacos obruit unda duces.
54. Appulit huc tandem, sacras ubi cernimus aras,
Culinaque æthereâ sub juga missa manu.
55. Gentibus ejectis, Deus illi testâ, laresque,
Et, distincta suis finibus, arva dedit.
56. Illa tamen rursus tentavit Numinis iras,
Fallere jurati fœderis ausâ fidem.

ANNOTATIONES.

his tamen. Dicitur *Brucius* *graga* *videtur*, a comedendo.

48. *Disperiere*] Dixit per *Syncope* pro *Disperiere*.

49. *Canopi*] *Canopus* parva insula est Mediterranei Maris, Nili ostio, quod Canopicum vocant, obvia. Hic ponitur pro Ægypto, ut etiam apud Juvenalem:

Cum pars Niliaca plebis, cum verna Canopi, Sat. i. 126.

50. *Omnibus erofit viscera*] Per *Heterosin* dixit pro *omni-um*, ut Psal. ii. 3. *Cui tempesti-vis.*

51. *Maxime Nile*] De Nilo in versu decimo secundo jam dictum.

52. *Phariis*] Vid. Not. in Psal. lxxiv. 13. *Pharios.*

Ducere pastor oves] Pastores

antiquitus viam præbant ovibus, quæ eos sequebantur, ut milites ducem.

53. *Carpsit iter*] Consule Not. in Psal. i. r. *Carpsit iter.*

Pelusiacos duces] De hac voce *Pelusiacus* supra dictum ad versum quadragesimum quartum.

Obruit unda] *Unda* hic ponitur pro *unda* per *Heterosin*, numerus singularis nempe pro plurali.

54. *Sub juga missa*] De juga vide Not. in Psal. xlvii. 3. *Juga.*

55. *Laresque*] Consule Not. in Psal. xviii. 45. *Sepositosque lares.*

56. *Iras*] Est numerus pluralis pro singulari, ut Psal. x. 13. *Iras.*

57. Rursus

57. Rursus ad ingenium rediit, moresque priores;
Turbaque perjuris æmula vixit avis:
Cornibus adductis oculos sic decipit arcus,
Et facies subito, quæ fuit antè, redit.
58. Stulta Superstitio, celsis in collibus, aras
Struxerat, et pictos est venerata Deos.
59. His Deus incensus, populum sibi fœdere junctum
Odit; et exsuperans nesciit ira modum.
60. Nec mora, Silonis fugiens sacraria, dixit,
Chara prius tellus, nunc odiosa, vale!
61. Numinis et testis locuples, et fœderis index,
Præda peregrinis arca sacrata fuit.
62. Dumque suam contra sobolem Deus asperat iras,
Telaque, sacrilego sanguine tinxit humum.
63. Ignibus extincti juvenes cecidère; puellæ
Festa novis thalamis carmina nemo dedit.
64. Ense sacerdotes periêrunt: nulla superstes,
Funera quæ fletet conjugis, uxor erat.

ANNOTATIONES.

57. *Rediit*] Per *Synecopen* dicitur pro *redivit*, ut infra in versu 59, *nesciit* pro *nescivit*.

58. *Stulta superstitio*] A superstitie *superstitio* dicta, vitium nempe anicularum, quæ multis per ætatem superstities sunt, et quæ rebus inanibus addictæ, dum volunt videri nimis religiosæ, *superstitiosæ* fiunt, et ita delirant. *Superstitio* hîc personaliter sumitur, ut etiam in illo celebri loco Lucretii:

—Superstitio

Horribili super-aspectu mortalibus instans, Lib. i. 66.

60. *Nec mora*] Vid. Not. in Psal. xxx. 2.

Silonis Sacraria] In *Silone* diuturna fuit statio Arce, illicque capta fuit a Palæstinis, ut videre est 1 Sam. iv. 11. et propterea *Silo* dicitur *Sacraria*

Dei.

61. *Testis locuples*] Id est *testis* bonus et magnæ auctoritatis, quem ipse Cicero gravissimum etiam vocat. *Testes* ex censu et facultatibus spectantur, quod homines tennes et egentes faciliè pretio ad falsum dicendum adducantur; contra, opulentos homines, dignos quibus credatur putamus.

62. *Asperat iras*] Vide Not. in Psal. x. 13. *Iras*.

Telaque] De hac voce *tela* vid. Not. in Psal. iii. 6. *Tela*.

64. *Funera quæ fletet conjugis*] Quia ut *jugi*, sic matrimonii quoque onera pariter ferenda sunt; hinc factum ut *jugi* vocabulum, et ea quæ a *jugo* veniunt, ad matrimonium et ad res matrimoniales passim transferantur.

166 PSALMUS LXXIX.

65. Mox Deus evigilans æstum convertit in hostes;
Sic fremit à nimio militis ira mero.
66. Fossaque sunt illis inhonesto vulnere terga;
Turpis et æternum venit in ora pudor.
67. Non tamen indulgit Siloni fœderis arcam;
Sacra nec Ephræmo sceptrum ferenda dedit.
68. Prætulit his Judæ sobolem, sanctæque Sionis
Culmina, divini captus amore loci.
69. Sic sibi templa Deus posuit contermina cœlo,
Et duraturo testæ corvæ solo.
70. Jessiadenque legens famulum sibi, linq̃uere caulas
Jussit, et hirsutos lanigerosque greges.
71. Protinus huic sceptrum tribuit, Moderator ut esset,
Ductor et Abramidum, qui modò Pastor erat.
72. Præfuit hic regno; vigil et Prudentia fasces,
Et solii Candor cinxit utrumque latus.

ANNOTATIONES.

65. *Fremet—militis ira*] Id singulari; ut Psal. ii. 6. *Scep-*
est, *fremet iratus miles*, per Fi- tra.
guram quæ dicitur *Hendiadyoin*,
de qua vide Not. in Psal. ii. 9.
sceptrum ferreque.
66. *Fossa sunt illis*] Illis hîc
dicitur pro illorum per *Anipto-*
sin, ut Psal. i. 3. *Cui tempestivis.*
Ora] Per *Synecdochen* pro
vultus, ut Psal. vii. 5. *Ora.*
67. *Indulgit*] De hoc verbo
vide Not. in Psal. iii. 8. *Indulges.*
Sceptrum] Pro *Sceptrum* per
Heterosin pluralis numeri pro
68. *Sionis*] De *Sione* consule
Not. in Psal. ii. 6. *Sioni.*
70. *Hirsutos lanigerasque gre-*
ges] Est Periphrasis pro hircis
et ovibus.
71. *Abramidum*] Per *Synec-*
pen dicitur pro *Abramidarum.*
72. *Prudentia—Candor*] Per
Prosopopœiam hîc personaliter su-
muntur, ut Psal. i. 1. *Impietas.*
Fasces] Consule Not. in Psal.
xvi. 10. *Fasces.*

LXXIX.

TELLURIS cœlique Parens, et Rector! agellum
En tibi devotum barbarus hostis habet!

En

ANNOTATIONES.

- Hic Psalmus est *flebilis*, con-
tans ex tribus partibus: *Nar-*
ratione, usque ad versum quin- tum; *Petitione*, ad versum de-
cimum secundum; et *Conclu-*
sione, inde ad finem usque.

L. In.

En tua flagitiis incestat Tempia nefandis!

Et ruit ars Solymes, et jacet aqua solo.

2. Ah! gregis electi depascitur ilia vultur;
Dantur et infestis membra voranda lupis.
3. Mœnia cæde madent; undat per compita sanguis;
Offa legit nemo, cespitem nemo tegit.
4. Interea nostras ridet gens accola clades;
Orbis et opprobrium, ludibriumque fumus.
5. Ecqua tuas, rerum Genitor! lux finiet iras?
Ignis an in morem perpetis usque fumes?
6. Numinis ignaros, et Te qui poscere votis
Detrectant, iræ fac documenta tuæ.
7. Segregis in populi jugulum manus impia ferrum
Merfit, et est sacros depeculata lares.
8. Mille modis premimur: tu, quæ patravimus olim,
Dele animo, promptam lenis et adfer opem.
9. Assere seminetes, et nævos elue; laudes
Nominis ut celebrent terra fretumque tui.
10. Cur mala progenies sic secum mustitat, Illud,
Quod colit Abramidum natio, Numen ubi est?
Ultor ades, populoque tuo spectante, rebelles
Obrue, qui nostro sanguine tela linunt.
11. Suscipe captivi gemitus, mortisque propinquæ
Impia pollenti vincula solve manu.

ANNOTATIONES.

1. *Incestat templa*] Ita Virgilius:

— totamque incestat funere classem, *Æn.* vi. 150.

Solymes] De *Solyma* vel *Solyme* vid. Not. in *Psal.* ix. 11. *Solymam*.

5. *Lux*] Ponitur hic pro dies per *Metonymiam*: ut *Psal.* xxxiv. 21. *Optata luce*.

Finiet iras] *Iras* hic ponitur pro *iram* per *Heterosyn* pluralis numeri pro singulari, ut *Psal.* x. 13.

7. *Depeculata*] *Depeculari* a *peculio* deductum verbum, sig-

nificat propriè, ea quæ ad rempublicam, sive principem, sive sacra pertinent, furari.

Lares] Vide Not. in *Psal.* xviii. 45. *Sepositosque lares*.

8. *Lenis*] Hic ponitur adverbialiter per *Enallagen* pro *lene*, ut *Psal.* ii. 12. *Securus*.

9. *Fretumque*] De *freto* consule supra Not. in *Psal.* xxx.

6. *Freta*.

10. *Abramidum*] Per *Syncepen* dixit pro *Abramidarum*.

Tela] Vide Not. in *Psal.* iiii. 6. *Tela*.

12. Te quibus adpersit sacræ gens accola terræ,
 Probra, Parens rerum! multiplicata refer.
 13. Hôc tibi solennes reddet pro munere grates
 Grex pius, et laudes concinet usque tuas,

ANNOTATIONES.

13. *Grex Pius*] De voce | *Grege*.
Grex vid. Not. in Psal. i. 1.

LXXX.

- A** DFER opem, Solymæ Pastor! cui luce coronata
 Spiritus hinc ales cingit et inde latus.
 2. Prome jubar, viresque tuas, spectante Manassæ,
 Et patris Ephraimi, Benjaminique tribu.
 3. Arbiter armorum! palantes collige; vultum
 Redde tuum; vitam protinus ille dabit.
 4. Quò furor usque tuus, belli, Pater optime, Præses!
 Nostra dabit levibus vota ferenda Notis?
 5. Tu lachrymis epulas, lachrymis tu mixta dedisti
 Pocula; nec fuit his meta modusve malis.
 6. Impia, quas patimur, risit vicinia clades;
 Motaque de spoliis rixa molesta fuit.

7. Ar.

ANNOTATIONES.

Hic Psalmus est *votivus*, distinctus in tres partes; prima est *Propositio*, a versu primo ad quartum; secunda, *Expostulatio*, a versu quarto ad nonum; tertia *Petitio*, inde ad finem usque.

1. *Solymæ*] Vid. Not. in Psal. ix. 14. *Solymæ*.

Spiritus ales cingit] Alludit ad *Sbechinab* sive symbolum gloriæ divini super arcam et propitiatorium exhibitum, inter effigies duorum principum angelici ordinis.

2. *Spectante Manassæ*] In Israelitarum profectionibus, tribus Ephraimi, Manassæ, et Ben-

jamini proximè sequebantur arcam fœderis, Num. xi. ob quam causam de his solummodo hic loci fit mentio.

4. *Vota ferenda Notis*] De hac locutione vide Not. in Psal. xviii. 22. *In æquoris undas tulere Noti*.

5. *Tu lachrymis* — *lachrymis tu*] Notetur hic Figura quæ dicitur *Epanalepsis* in voce *tu*, per quam prior vox sententiæ in fine repetitur: ut in Virgilio: *Multa super Priamo rogitant, super Hectore multa,*

Æn. i. 754.
 Et etiam *Anaphora* in voce *Lachrymis*.

Pocula]

7. Arbitrator armorum! palantes collige; vultum
Redde tuum; vitam protinus ille dabit.
8. Gentibus excisis, hinc vinea floruit, arvis
Quam tua de Phariis transtulit antè manus.
9. Auspice te, Solymæ radices fixit in oris
Altiùs, et multo palmite textit humum.
10. Pampinus apricis induxit collibus umbras:
Sic virescit in Libani cedrus amœna jugis.
11. Hinc erat Euphratis gelidæ contermina ripæ;
Æquoreis illinc brachia junxit aquis.
12. Cur, Deus! hanc septis viduas? cur, sepibus altis
Orba, viatorum carpitur illa manu?
13. Sævus aper vites violavit dente novellas;
Et rabidis uvæ præda fuere feris.
14. Ergò redi, vitesque tuas de sede, supremâ
Protege, victrici qui regis arma manu.
15. Quam tua consuevit, quam fovit dextera, curæ
Sit tibi votivo vinea fœta mero.
16. Hanc populant ignisque vorax, ferrumque; furoris
Præda fumus miseri materiesque tui.

ANNOTATIONES.

Pocula] Popitur hinc pocula pro vino in poculo, per Metonymiam, continens nempe pro contento, ut Psal. xl. 3. *Pocula*.

Meta] Vid. Not. in Psal. xlv. 15. *Nec modus est vel meta malis*.

8. *Phariis arvis*] Vide supra Not. in Psal. lxxiv. 13. *Pharios*.

9. *Multo palmite*] *Palme* propriè est vitis furculus: nempe lignum illud quod ex ipsa stirpe quotannis emergit, et gemmas producit, quæ deinde in virgulas abeunt, et palmæ cujusdam digitos faciunt.

10. *Pampinus*] Significat folium vitis, vel ramusculum virentem.

Libani] De monte Libano vid. Not. in Psal. xxix. 5. *Libani*.

Apricis] *Apricus* homo, aut *aprica* avis, est sole gaudens; *apricus* locus, sole calens, quod est opaco et abdito contrarium. *Apricus* dicitur a Græco ἀπρῖος, quasi ἀνευ φέροντος, i. e. sine bore, videlicet frigore.

11. *Euphratis*] De *Euphrate* consule Not. in Psal. lxxii. 8. *Vagus Euphrates*.

12. *Cur, Deus—cur sepibus*] Est *Anaphora* in voce *cur*, ut etiam in versu decimo quinto in voce *quam*.

16. *Ignisque—ferrumque*] Copula *que* hic geminatur, et quidem redundat, per Figuram quam vocant *Poly syndeton*, de qua vide Not. in Psal. vii. 17. *Iustumque Deum—Dominumque*.

17. Tu tibi selectos ultrici protege dextrâ,
Viribus invictis quos tuus auxit amor.
18. Redde tuis vitam : sic, quò tu jusseris, omnes
Ibimus ; et laudes vox canet una tuas.
19. Arbiter armorum ! palantes collige ; vultum
Redde tuum ; vitam protinus ille dabit.

LXXXI.

- Q**UISQUIS es, autorem vitæ super æthera lætus
Effer ; et Isacidum carmina pange Deo.
2. Sidera vox feriat ; jungantur nablia voci,
Et fidibus teneræ plectra canora lyræ.
3. Clange tubâ, dum luna filet contermina soli ;
Festus erat sanctis patribus ille dies.
4. Hanc tulit Isacidis legem Deus ipse Sionis ;
Nec populo lux hæc sanctior ulla fuit.
5. Illa dies indicta fuit, cum sancta propago
Liquisset Pharii barbara regna soli.

ANNOTATIONES.

Hic Psalmus est generis *diactici*, continens primo *Exordium*, a versu primo ad quartum ; deinde *Narrationem*, inde usque ad versum decimum tertium ; postremo *Conclusionem*.

Lætus effer] *Lætus* hic adverbialiter sumitur pro *læte* per *Enallagen*, ut Psal. ii. 12. *Securus*.

Carmina pange] De hac dictione *carmen pangere* vide Not. in Psal. ix. 11. *Pangite*.

2. *Nablia*] De *nablio* consule Not. in Psal. xxxiii. 2. *Nablia*.

Fidibus] Genus citharæ quæ et *chordæ*. *Fides* dicta quod tantum inter se chordæ ejus, quantum inter homines *fides*, concordent.

De *Plectro* jam dictum ad Psal. xlix. 4. *Plectro*.

De *Lyra* vide Not. in Psal. lvii. 8. *Lyra*.

3. *Dum luna filet*] Luna *filere* dicitur quum non amplius apparet super terram, utpote in interlunio, nobis non lucens. Plin. *Inter omnes vero convenit utilissime in exitu ejus sterni, quem diem alii interlunium, alii silentis. lunæ appellant, lib. xvi. cap. 39.*

4. *Sionis*] Vide Not. in Psal. ii. 6. *Sioni*.

Lux] Pro *Dies* per *Metonymiam*, causa nempe pro effectu, ut Psal. xxxv. 21. *Optata luce*.

5. *Pharii*] Vide de hac voce Not. in Psal. lxxiv. 13. *Pharios*.

Regna] Est *Heterosis* numeri pluralis pro singulari, ut Psal. ii. 6. *Sceptra*.

PSALMUS LXXXI. 171

6. Huic ego succurri Nili, Deus inquit, ad undas;
Fasce levans humeros, fistilibusque manus.
7. Obscurâ de nube tonans, ego, rebus in arctis,
Respondi votis; auxiliumque tuli:
Hujus et ingenium populi, moresque probavi,
Cum Meribæ querulis ora rigavit aquis.
8. Quisquis es Isacidum! memori mea dicta reconde
Pectore, jurato nec mihi deme fidem.
9. Si mihi das aurem, me præter, vana Deorum
Nulla tibi finges Numina, nulla coles.
10. Te Pelusiaci duxi de carceris umbrâ,
Compede detracto: plus pete, plura dabo.
11. Hæc ego; sed pelagi soboles mea surdior undis,
Aversâ monitus respuit aure meos.
12. Ergo libidinibus jussi dare fræna, suoque
Quemque rapi genio, consilioque regi.
13. O utinam nostris auscultans vocibus Hebri,
Me duce, posteritas instituisset iter!
14. Obvius ivissem cuneis hostilibus, ipsos
Et mea jussissem vincula ferre duces.
15. Hof.

ANNOTATIONES.

6. *Nili*] De *Nilo* vide Notam in Psal. lxxviii. 12. *Nile*.

Fasce] De *Fasce* pro *onera*, consule Not. in Psal. li. 1. *Fasce*.

7. *Meribæ*] *Meriba* nomen loci, prope montem Horebum, ubi sitientes Israelitæ contra ducem suum obmurmurârunt; unde nomen habuit, nam *meriba* Hebræis est *contentio*, Exod. xvii. 6.

9. *Nulla* — *finges* — *nulla coles*] Est *Anaphora* in voce *nulla*.

10. *Pelusiaci carceris*] De *Pelusiaco* pro *Ægyptio*, vide Not. in Psal. lxxviii. 43. *Pelusiaco*.

Plus pete, plura dabo] Hic duplex casus ejusdem vocis *plus* in eadem sententia occurrit: quæ F gura dicitur *Polyproton*. Ut apud Ovidium:

Jamque nocens ferrum, ferroque nocentius aurum

Prodierat — Met. i. 141.

11. *Hæc ego*] Subauditur dixi aut ejusmodi verbum, ut supra Psal. lxxvii. 10.

Pelagi surdior undis] De hoc proverbio vide Not. in Psal. xxii.

3. *Pelagi tu surdior unda es*.

12. *Dare fræna*] Consule Notam in Psal. ii. 5. *Frænaque dans*.

14. *Cuneis hostilibus*] *Cuneus* est

172 PSALMUS LXXXII.

15. Hostibus illa meis, omnis secura ruinæ,
 Calcâset domino colla superba pede.
 16. Terra ferax illi messes fudisset opimas;
 Dulcibus undâssent aspera saxa favis.

ANNOTATIONES.

est instrumentum ligneum vel ferreum, quo ad aliquid scindendum vel dividendum utimur. Per *Translationem*, *cuneus* sumitur pro peditum multitudine in *cunei* formam redacta, quæ cunctâ in acie primo angustior, deinde latior procedit.

15. *Hostibus calcâset*] Est *Antiptosis* casûs tertii pro secundo,

ut Psal. xxxii. 6. *Cui tempestivis.*

Omnis secura ruinæ] De hac constructione vide Not. in Psal. xxxii. 6. *Secura ruinæ.*

Calcâset] Per *Syncopen* dixit pro *calcavisset*, ut in sequenti versiculo *undâssent* pro *undavissent*.

LXXXII.

CUM Pater æthereus folio confideret alto,
 Purpureos inter sceptrigerosque choros:

2. Vestra cohors, inquit, quò leges proteret usque?
 Et pendet trutinâ fasque nefasque pari?
 3. Legibus armentur tenues, et patribus orbi:
 Nec premat imbelles tincta cruore manus.
 5. Sic ait: ast illis cæcâ caligine pectus
 Cingitur, et lucem mens male sana fugit;

Hos

ANNOTATIONES.

Hic Psalmus est *Didacticus*, constans ex *Doctrina*, versu primo; *Reprehensione*, usque ad versum octavum; et *Precatione*, versu ultimo.

1. *Purpureos inter*, etc.] Est *Periphrasis* pro *Principibus terræ et regibus*, qui purpurâ indui et sceptrâ gestare imperii insignia solent.

Choros] Vide Not. in Psal. xviii. 10. *Chori*.

2. *Cobors*] Consule Not. in Psal. xxxiii. 1. *Sancta cobors*.

Trutina] *Trutina* propriè *Statera*, sed per *Translationem* po-

nitur pro *judicio*: Unde pensare pari *trutina* significat eodem examine, vel eadem æstimatione habere. Ita Horatius:

Si—Romani pensantur eâdem Scriptores trutinâ--2 Ep. i. 30.

Fasque nefasque] Copula quæ hîc redundat, per Figuram quam vocant *Polyssyndeton*, de qua vid. Psal. vii. 17. *Iustumque Deum*, etc.

3. *Tenues*] De hac voce vide Not. in Psal. x. 2. *Tenuem*.

5. *Cingitur illis*] Est *Antiptosis* dativi casûs illis pro illorum, ut Psal. i. 3. *Cui tempestivis.*

Luxato

PSALMUS LXXXIII. 173

Hos, ultrix scelerum, luxato cardine, tellus
Obruet in priscum sponte relapsa chaos.

6. Hos ego, quos sceptris decoravi, voce benignâ
Sæpe Deos dixi, progeniemque Dei:
7. Regia sed rastris æquabit sceptrâ, tyrannis
Et vos cum reliquis mors violenta metet.
8. Tu, Deus! exurgens, telluri jura ministra:
Quos habet hæc populos tu, Pater alme! regis.

ANNOTATIONES.

<i>Luxato cardine]</i> De cardine pro polo vide Not. in Psal. xl. 3. <i>Gemino sub cardine.</i>	<i>7. Tyrannis]</i> De hac voce consule Not. in Psal. vii. 2. <i>Impune tyranni.</i>
---	--

LXXXIII.

REBUS in adversis, vocem ne supprime; rebus
In deploratis, ne, Deus! usque file.

2. Gens inimica tibi furiis immanibus acta,
En! fremit, et cristis cominus astra ferit.
3. En! coit, utque pios, solâ caligine tutos,
Opprimat, insidias subdola mille parat.
4. Quin, ait, eruimus recutitæ germina gentis?
Ne qua Jacobæos natio jactet avos.
5. Te Dominum contra conspirant nequiter omnes,
Et feriunt tacito sædera sæva dolo.

ANNOTATIONES.

Hic Psalmus est *Vetivus*, continens *Exordium*, versu primo; *Propositionem*, a versu secundo ad nonum; *Imprecationem*, inde ad finem usque.

1. *In rebus deploratis]* Deploratus is dicitur, de quo conclamatum est, neque ei aliquo remedio succurri potest.

2. *Gens inimica tibi]* Ita Virgilius:

Gens inimica mihi *Tyrrhenum navigat aquar,*

Æn. i. 71.

Cominus] *Cominus* hic non est

idem quod *prope*; sed, ut ita dicam, *a prope*, vel *a propinquo loco*: unde *cominus ferire astra* denotat summum impietatis gradum, quasi manus conferere cum ipso cælorum rege.

Cristis] De hac voce vide Not. in Psal. ix. 19. *Tollat cristas.*

5. *Ferunt sædera]* *Ferire et icere sædus*, est pacem componere. Ob id autem dictum quidam putant, quod dum antiqui sædus et pacem solenni pompæ cum hostibus inirent, porcæ diis immolarent.

Q3.

6. Cum

174 PSALMUS LXXXIII.

6. Cum Nabathæorum populis conjurat Idume:
Cumque Moabæa gens Agarena coit.
7. Gabala se Tyriis jungit, crudelis et Ammon;
Cumque Palæstinis fert Amalecus opem.
8. Advolat Assyriæ populus; Lothique nepotes
Impiger auxilio consilioque juvat.
9. Hos, Deus! extirpa; pereant, Ciffontis ad undas
Ut cecidit telis gens Madiana tuis:
Utque ruit subito transfixus Sifera ferro;
Quod tibi perniciem, sæve Jabine! tulit.

10. More

ANNOTATIONES.

6. *Nabathæorum*] *Nabathæi* a *Nabathæa* regione, quæ ab Arabia incipiens, quam intra se continet, usque ad Mare Rubrum a latere dextro, atque ex superiori mari in Indicum protenditur. Suo nomine appellasse volunt filium Ishmaelis *Nabath.*

Conjurat Idume] De *Idume* vide Not. in Psal. lx. 8. *Idume*; ubi etiam de *Moabæa gente*.

Gens Agarena] *Gens* etiam Arabica sic dicta ab Hagare uxore Abrahami, unde originem habuit.

7. *Gabala*] Nomen regionis in Arabia, teste Stephano, Χάρα Ἀραβίας Γεγάλα; secundum alios erat urbs Phœnicie.

Tyriis] De *Tyro*, unde *Tyrii*, vide Not. in Psal. xlv. 12. *Tyria*.

Ammon] Hic ponitur pro *Ammonæa* gente ab *Ammon* oriunda, quem genuit Lotus ex filiâ suâ minore natu. Hujus erat regio, nomine *Ammonitis*, quam Stephanus vult esse Cœlesyriæ, alii Arabiæ partem. Eam vero a septentrione claudit Moabæorum regio, interfluente rivo Jabboco, ab occidente flumen Jordanis, a meridie flumen Ar-

non, ab oriente Arabia deserta. *Palæstinis*] Id est, incolis *Palæstinæ*, de qua regione consule Not. in Psal. xlviii. 11. *Palæstina*.

Amalecus] Pro *Amalecensibus* posteris *Amaleci*, quem genuit Eliphaz Esai filius primogenitus. Horum regionem, nomine *Amalecitis*, a septentrione claudit terra Canaanæa, a meridie Ægyptus, ab oriente Idume, ab occidente deserta. Vide librum Anglicanum, cui titulus *Historia universalis*, Anno 1736. Tom. ii. p. 317.

8. *Assyriæ populus*] *Assyria* regio Asiæ majoris, quæ nunc Syria dicitur, habens ab ortu Indiam, ab occasu Tigridis fluvium, a meridie Medeam, a septentrione Caucasum. Dicta est autem Assyria ab Assur filio Sem.

Lothique nepotes] Per quos intelligit *Moabæos* et *Ammonæos*, de quibus antea.

9. *Ciffontis ad undas*] *Ciffon* rivulus oriens prope urbem Naim, inter montes Hermon et Tabor, unde per spatium circiter triginta millium passuum in mare Mediterraneum fertur. Ad hunc fluvium

10. More fimi, campos texere cadavera : cladis
Hujus et Endoræ conscia terra fuit.
11. Ut Zebus, et Zebeas, et Zalmana junctus Orebo,
Sic pereant, populus quos habet iste, duces.
12. Ad sacra, dixerunt, properemus limina templi,
Limina victrici mox subigenda manu.
13. Hos age, rerum Opifex ! et versa vindice dextrâ ;
More levis paleæ, præcipitisque rotæ.
14. Ut vaga piniferas vastant incendiâ sylvas ;
Ut furit in summis stridula flamma jugis :
15. Sic tu sacrilegum populum crepitante procellâ,
Et fera fulmineo turbine castra quate.
16. Inquinet ora pudor ; mens dum stupefacta malorum
Mole, tuam tandem poscere discat opem.
17. Turpibus opprobriis, et fluctibus obrue vastis ;
Et pereant : merfos nec levet ulla dies.

ANNOTATIONES.

fluvium Jabini exercitus prælio
devictus : de quo vide *Jud.* iv.
7, 24.

Gens Madiana] *Madiani* five
Midiani, ut vulgo dicuntur, o-
riginem duxerunt a *Midian*
quarto Abrahami filio et Ke-
tura : incolebant eam Arabiæ
partem quæ a septentrione habet
Moabæorum regionem, a me-
ridie Mare Rubrum, ob occidente
Idumæam, ab oriente incertis
limitibus.

Sisera] *Sisera* Jabini exerci-
tus imperator ab Israelitis olim
profligatus.

Save Jabine] *Jabinus* Cana-
næorum Rex ad flumen Cisson-
tem ab Isacidis devictus.

10. *Endoræ*] *Endora* urbs
sita ad radices montis Hermon
ubi ista strages facta.

11. *Zebus, Zebeas, et Zal-
mana junctus Orebo*] Hi omnes
gentis Madianæ principes fuere,
et copiarum duces, quas delevit
Israelitarum exercitus, duce Gi-
deone, *Jud.* vii. 25. viii. 12.

*Zebus, et Zebeas, et Zalma-
na*] Hic copula et redundat per
Figuram quæ dicitur *Polyssynde-
ton*, de qua vide Not. in *Psal.*
vii. 17. *Justumque Deum*, etc.

12. *Limina templi, limina*]
Notetur hic elegans *Anaphora*,
de quâ Figurâ consule Not. in
Psal. ii. 6. *Sceptra ferenda
dedi* — *Sceptra*.

176 PSALMUS LXXXIV.

18. Ultor ades, qui jura regis: sic maximus orbis
Te Dominum, solum te sciet esse Deum.

ANNOTATIONES.

18. *Maximus orbis*] Ita Virgilius: — *Et te maximus orbis Accipiat*, — Georg. i. 26. *Te Dominum—te—Deum*] Est *Anapbora*, de quâ supra dictum ad Psal. ii. 6. *Sceptra ferenda dedi—sceptra.*

LXXXIV.

O Quibus illiciis, belli, Deus, inclyte Præses!
O quibus imperiis me tua templa trahunt!
2. Cor micat; exsultant fibræ; vox infremit, illis
Dum simul et sacro numinis ore fruar.
3. Ponè tuas habitat belli, Deus, Arbiter! aras
Passer; et hîc cunas pascit hirundo suas.
4. O felix nimium, tua qui colit atria! laudes
Ille tuas jugi voce sub astra feret.
5. Audiet et felix te quisquis fidit; et ille
Qui comes it populo, dum tua templa petit.

ANNOTATIONES.

Hic Psalmus est *Votivus*, continens primo *Propositionem*, usque ad versum octavum; deinde *Petitionem*, ad versum decimum secundum; postremo, *Conclusionem*, versu ultimo.

1. *O quibus illiciis—o quibus imperiis*] Est elegans *Anapbora* et *Exclamatio*.

2. *Cor micat*] De hac dissonone vide Not. in Psal. lv. 4. *Cor micat.*

Fibræ] Jecoris et cordis et cujusunque visceris extremæ partes, *fibræ* dicuntur; nam antiqui *fibræ* dicebant *extremum*.

Cor micat; exsultant fibræ; vox infremit] Hîc reticetur copula per *Affyndeton*, quo melius ardorem animi exprimat.

3. *Cunas*] In hac voce du-

plex est Figura, (1) *Metaphora*, nam *cunæ* proprie significant *infantium lectum*, et hoc in loco *avis nidum*. (2) *Nidus*, per *Metonymiam*, ponitur pro pullis in nido, Continens, ut loquuntur Grammatici, pro Contento. Hâc Figurâ usus est Virgilius, Georg. iv. 17. ubi, loquens de aviculis quæ apibus alunt sætus in nidis, sic ait:

—*Ipsasque volantes*

Ore ferunt, dulcem nidis immitibus escam.

4. *Felix nimium*. De hoc adverbio *nimium* vide Not. in Psal. ii. 12. *Felicem nimium.*

Sub astra] Vide Not. in Psal. iii. 3. *Sub astra.*

5. *Audiet felix*] De hac locutione vide Not. in Psal. lxxii.

17. *Audiet hic felix.*

6. Quâ

6. Quà feret hic gressum, fontes dabit arida vallis;
Inque cavas fossas depluet agmen aquæ.
7. Instaurabit iter vires; et, Numinis ora
Visurus, Solymæ figet in æde pedem.
8. Tu, qui bella regis, Solymam qui protegis armis,
Cœli Opifex! famuli fac rata vota precor.
9. Adspice nos placidus, clypei quos protegis umbrâ;
Et simul in Christum lumina fige tuum.
10. Quàm domus, alme Parens, tua me delectat! in
illâ est
Mille mihi sæclis gratior una dies:
Aurea purpurei sibi servant atria reges;
Hic potius custos liminis esse velim.
11. Te fas est clypeum, te fas est dicere solem;
Tu decus, et vitæ præmia certa dabis:
Candida cui mens est, et purum crimine pectus,
Hunc honor, ingentes hunc comitantur opes.

ANNOTATIONES.

6. *Agmen Aqua*] Ita Virgilii:

*Sæpe etiam immensum cœlo
venit agmen aquarum,*

Georg. i. 322.

Agmen verò pluvie tribuitur, quia gutta post guttam cadit atque agitur, instar exercitus agminatim precedentis.

7. *Ora*] Ponitur per *Synecdochen* pro *vultu*, ut Psal. vii.

5. *Oro*. Et per *Heterosin* numeros pluralis pro singulari.

Solymæ] Vid. Not. in Psal. ix. 11. *Solymam*.

9. *Adspice placidus*] *Placidus* hic ponitur adverbialiter per *Enallagen* pro *placide*; ut Psal.

ii. 12. *Securus*.

Christum] *Christus* est vox Græca, quæ Latine sonat *Unus*.

10. *Sæclis*] Ponitur hic per *Synecopen* pro *Seculis*.

11. *Te fas est—te fas est*] Est *Anaphora*, de qua Figura vide Not. in Psal. ii. 6. *Sceptra ferenda dedi—sceptra*.

Candida] De hac voce vide Not. in Psal. iv. 1. *Candida*.

Hunc bonor,—bunc] Est hic etiam *Anaphora*.

Fas est] Eodem sensu hic sumitur quo apud Virgilium:

—*Mibi iussa capessere fas*
est, *Æn. i. 81.*

178 PSALMUS LXXXV.

12. O Pater armipotens! te quisquis nititur uno,
Hic mihi felices inter habendus erit.

ANNOTATIONES.

12. *Pater armipotens*] Hoc lant; ad ultionem scelerum epitheton *Armipotens* respondet Pestes, Gladii, Fames, omnia Hebræo *Tzebaotb*, *Dominus exercituum*, quippe cujus ad nutus turmæ supernæ et inferæ vigi- mala sive externa vel interna, quasi accincti numinis ministri semper adsunt.

LXXXV.

TU, Deus, Isacidûm ditâsti messibus arva:
Te duce, Niliaci liquimus antra soli.

2. Agminis electi tua quondam gratia nævos
Texit, et æquoreis crimina merfit aquis.
3. Quâ priûs ardebas, tandem deferbuit ira,
Et minus antiquæ jam feritatis habet.
4. Da reduces tua castra sequi; custosque fidelis!
Quod superest iræ perpete nocte preme.
5. Nullane conceptam restinguent secula bilem?
Nullane fulminei meta furoris erit.
6. Nec solitas unquam vires, vitamque reduces,
Gestiat ut vultu mens animata tuo?

ANNOTATIONES.

Hic Psalmus est generis mix-
ti, partim *Votivus*, partim *Didacticus*: itaque duæ sunt illius partes; *Precatio*, usque ad ver-
sum octavum; et *Prophetica*,
inde ad finem Psalmi.

1. *Isacidûm ditâsti*] *Isacidûm*
pro *Isacidarum*, et *ditâsti* pro
ditavisti per Syncopen.

Niliaci soli] Pro *Ægyptii*
soli, a Nilo celebri *Ægypti* flu-
mine, de quo vid. Not. in Psal.
lxxviii. 12. *Barbare Nile*.

3. *Deferbuit ira*] *Defervere*
proprie est *fervorem remittere*, et
ad hominem transfertur, pro
mitescere et placidum fieri. Ut

apud Terentium: *Sperabam jam*
deferbuisse Adolescentiam, Adel.
i. ii. 72. Translatum est a vino
in dolio fervere desinente, quod
jam austeritatem accipit: quæ
austeritas ad iudicium jam ma-
tutum transfertur.

4. *Reduces*] De voce *Redux*
consule Not. in Psal. xiv. 7. *Re-*
duci.

5. *Bilem*] *Bilis* propriè *cho-*
lera, quæ *flava bilis* dicitur:
pro indignatione sæpius usi non
tantum Poetæ, sed alii etiam
auctores. Ut Cicero: *Si, ut*
scribis, bilem id commovet,

Ad Att. ii. 7.

7. *Adfer*

7. Adfer opem, patriique jubar diffunde favoris;
Pacē, Deus! niveā te comitante, veni.
8. Desuper exspecto vocem: si turpia vitant,
Mentibus illa piis nuncia pacis erit.
9. Vicinam promittet opem metuentibus iras
Numinis, et Solymæ clara tropæa jugis.
10. Ibit in amplexus alacris Clementia Veri;
Oscula Justitiæ Pax quoque blanda dabit.
11. Altius è terris Verum caput effèret: Æquum
Exseret os cœlo, despicietque solum.
12. Pandet et astriferi rerum Pater horrea cœli;
Et sata, cum multo scœnore, reddet ager.
13. Prævia Cœlicolûm Regi Pax aurea passim
Ibit, et optatas pandet ubique vias.

ANNOTATIONES.

7. Pace] Pax hic personali-
ter exhibetur, ut supra Psal. i.

1. Impietas.

9. Iras] Pro Iram per Hete-
rofin pluralis numeri pro singu-
lari, ut Psal. x. 13. Iras.

Clara tropæa] De significa-
tione et Etymo vocis Tropæa vid.
Not. in Psal. xx. 5. Lata Tro-
pæa.

10. Clementia, Veri, Justi-
tia, Pax] Hæ omnes Virtutes
hic personaliter, more Poetico,
sumuntur. Ut Psal. i. 1. Im-
pietas.

13. Cœlicolûm] Per Synco-
pen dicitur pro Cœlicolarum.

Pax aurea] De hoc epitheto
Aurea vide Not. in Psal. vii. 7.
Aureus.

LXXXVI.

- T**ENDE meis aurem, cœli Rex optime! votis:
Advolvor genibus pauper inopsque tuis.
2. Protege nunc vitam famuli, non digna ferentis:
A te, quam posco, spes mihi pendet opis.
 3. Fer, Deus! auxilium, semperque salutifer adsis:
Te Dominum supplex nocte dieque voco.

ANNOTATIONES.

Hic Psalmus est *Votivus*, ex
quatuor partibus constans: pri-
ma est *Petitio salutis, a persona*
supplicis, ad versum sextum;
secunda, *a persona Dei*, usque
ad versum decimum quartum;

postrema, *Conclusio*, inde ad fi-
nem usque.

3. Supplex voco] Supplex hic
dicitur adverbialiter per *Enalla-*
gen pro *suppliciter*, ut Psal. ii.

12. Securus.

4. Tu

180 PSALMUS LXXXVI.

4. Tu famulum recrea, dum cingunt undique Syrtis:
Spes mea te solum, quem tueatur, habet.
5. Supplicis, abjectâ quâ mens excanduit irâ,
Te miseret; bonitas et tua fine caret.
6. Te precor, exaudi gemitus et vota precantis;
Ne pereat pelagi spes mea mersa vadis.
7. Cùm premar adversis, te poscam supplice voto:
Aure, Deus! facili tu mea verba leges.
8. Par tibi nemo Deûm est; nec sunt miracula, Divi
Quæ reliqui jactant, æquiparanda tuis.
9. Te, Deus, Autorem rerum canet ultimus orbis;
Seque sui sternet Principis ante pedes.
10. Majestas immensa tibi est; miracula captum
Exsuperant: solus tu, Deus! astra regis.
11. Tu mihi pande viam; tu gressus dirige; firma
Pectus, ut intrepidus, te duce, recta sequar.
12. Sic ego te toto celebrabo pectore; carmen
Et mihi perpetuum tu, Deus! unus eris.

ANNOTATIONES.

4. Undique Syrtis] Syrtis sunt loca circa fines Africae, Ægyptum versus, periculosissima, de quibus vide Not. in Psal. xxvi.

9. Vadis. Hic verò sumitur per Translationem, pro periculis in genere; ut apud Horatium: Sive per Syrtis iter æstuosas, Sive facturus —

1 Carm. xxii. 5.

5. Excanduit ira] Excandescere, vehementer incendi, inflammarique. Unde transfertur ad iram; quod eâ, velut igne, animus incendatur.

6. Vadis] De hac voce vide Not. in Psal. xxvi. 9. Vadis. Hic verò ponitur pro aquis in genere: ut apud Virgilium:

Litus ad Ausonium tot per vada
cæcula vexit, Æn. vii. 198.

7. Tu mea verba leges] Lego propriè idem significat quod compositum colligo, teste Vir-

gilio:

Qui legis flores, et humi
nascentia fraga,

Ecl. iii. 92.

Et per Translationem, legere sermonem alterius pro attentius audire et accipere, ut apud Plautum:

Nunc huc concedam, ut borum
Sermonem legam,

Pseud. Ac. i. Sc. iv. 21.

8. Deûm] Per Syncopen dicitur pro Deorum.

9. Sternet ante pedes] De hoc ritu vide Not. in Psal. v. 7. Illustres sternar et ante pedes.

11. Tu mihi pande—tu gressus] Est hic Anaphora in tu, de qua vide Not. in Psalm. ii. 6. Sceptra ferenda dedi—sceptra.

Intrepidus hic ponitur adverbialiter pro intrepidè, per Enallagen; ut Psal. ii. 12. Securus.

13. Fine

PSALMUS LXXXVII. 181

13. Fine carens, bonitas tua me defendit: opaco
Me tuus e lethi carcere traxit amor.
14. Ah! quoties in me vesano turgida fastu,
Contemptrixque tui, gens violenta ruit!
15. Sed tibi, Cœlicolûm Rector! mens segnis ad iram,
Et memor est pacti, pollicitique tenax.
16. Respice me famulum; letho, Deus! eripe vernam:
Neve ruam, vires jugiter adde novas.
17. Hostis in opprobrium, veteris da pignus amoris,
Et patrociniî lucida signa tui.

ANNOTATIONES.

13. *Letbi*] De hujus vocis E-
tymo vide Not. in Psal. vi. 3.
Letbum pulsurus.

14. *Violenta ruit*] *Violenta* po-
nitur etiam hîc adverbialiter per
Enallagen pro *violenter*.

15. *Cœlicolûm*] Per *Syncopen*
dicitur pro *Cœlicolarum*.

16. *Vernam*] *Verna* propriè
est servus domi nostræ natus ex
ancilla nostra aut servo. *Vernas*
veteres appellabant, qui *vere* sa-
cro fuerant nati: et habebatur
nomen hoc pro vitabili male-
dicto.

LXXXVII.

- E**CCE Sionæas insertas nubibus arces!
Et Solymæ sacris mœniâ nixa jugis!
2. Urbibus hanc præfert quot habet stirps inclyta Judæ,
Hanc in deliciis Conditor orbis habet.
 3. Fama tuos titulos totum diffundit in orbem,
Urbs sacra! Divinâ quæ fabricata manes.
 4. Civibus addentur Solymæ Babylonis alumni;
Confluet huc populus, barbara Memphi! tuus.

ANNOTATIONES.

Hic Psalmus est *Laudativus*,
constans ex *Propositione laudis*,
ad versum septimum; et *Con-*
clusione, versu ultimo.

3. *Fama*] Ponitur hîc perso-
naliter; ut apud Virgilium:

Extemplo Libyæ magnas it
Fama per urbes,

Æn. iv. 173.

4. *Babylonis*] *Babylon* Meso-
potamiæ urbs est, Chaldaicarum
gentium caput, quæ summam
claritatem obtinuit in toto orbe:
propter quam reliqua pars Me-
sopotamiæ, Assyriæque Baby-
lonia appellata est. Muri am-
bitum habebant trecentorum et
octoginta quinquè stadiorum:

R

quorum

182 PSALMUS LXXXVIII.

- Juncta Palæstinæ Tyrus huc concedet, et ipsi
 Æthiopes, sacri pars aliquanta gregis.
 5. Nobilis hic Solymæ civis dicetur, et ille:
 Hanc Deus imperio muniet ipse suo.
 6. Et populum quoties superâ censebit ab aulâ,
 Dicet, Hic est urbis civis et ille meæ.
 7. Efferet hanc linguis populus, fidibusque canoris;
 Et mea victurum vox canet alta melos.

ANNOTATIONES.

- quorum altitudo pedes ducenti : de quâ regione vid. Not. in Psal.
 latitudo quinquageni. lxviii. 31. *Æthiopum.*
Barbara Mempbi] De Mem- 5. *Solymæ]* Vide Not. in Psal.
 pbi vide Not. in Psal. lxviii. 31. ix. 11. *Solymam.*
Mempbis. 7. *Fidibusque canoris]* De Fi-
Palæstinæ] De *Palæstina* con- dibus vide Not. in Psal. lxxxi.
 sole Not. in Psal. xlviii. 11. *Pa-* 2. *Fidibus.*
læstina. *Alta canet]* *Alta* ponitur hic
Tyrus] De *Tyro* supra dictum adverbialiter per *Enallagen* pro
 ad Psal. xlv. 12. *Tyriæ.* *altè*, ut Psal. ii. 12. *Securus.*
Æthiopes] *Æthiopia* incolæ,

LXXXVIII.

- F**ONS opis et vitæ! supplex tibi nuncupo vota,
 Pallida seu nox est, seu nitet orta dies.
 2. Jugibus inclina facilem clamoribus aurem;
 Nec famuli tetricâ despice fronte preces.
 3. Cladibus indignis et fluctibus undique cingor;
 Jamque meas pulsât mors inopina fores.
 4. Manibus adscribor gelidis, et inanibus umbris;
 Præstinus et liquit flaccida membra vigor.

5. Sic

ANNOTATIONES.

- Hic Psalmus est generis *Didactici*, ex tribus partibus con-
 stans: primo *Exordio*, duobus
 primis versibus; secundo, *Pro-*
positione, inde ad versum deci-
 mum usque; postremo, *Ex-*
positione, ad finem Psalmi.
 1. *Supplex nuncupo]* *Supplex*
 hic ponitur adverbialiter pro
 suppliciter, ut Psal. ii. 12. *Securus.*
Pallida seu nox est, seu, etc.]
 Est *Periphrasis* pro nocte et die.
 3. *Jamque meas pulsât]* Re-
 spicere videtur ad illud Horatii:
Pallida mors æque pulsât pede
pauperum tabernas
Regumque turrez, —
 I Carm. iv. 13.
 4. *Manibus adscribor gelidis]*
Manes sumuntur et pro mortuo-
 rum

PSALMUS LXXXVIII. 183

5. Sic jacet exfanguis tumuli sub fornice, cuspis
Quem fera legitimum messuit ante diem.
Hunc, ubi concessit fatis, de pectore deles
Protinus; extincti cura nec ulla subit.
6. Ah! miser inferni speluncâ condor in imâ;
Et tenebras inter vita trahenda mihi est.
7. Fluctibus innumeris miserum caput obruis, itæ
Dum nimis indulges libera fræna tuæ.
8. Me fugiunt focii; me detestantur amici,
Squallida dum duri carceris antra colo.
9. Tristibus ora madent lachrymis, ad sidera palmas
Dum levo, te Dominum dum sine fine voco.
10. Tune tuas famuli promes in funere vires?
An post exequias te canet umbra redux?
11. An Fidei tumulus putris, et sine nomine corpus,
An cinis extinctus pignus amoris erit?

12. Jus-

ANNOTATIONES.

rum animis, pro loco ipso inferorum, ubi animi degunt, et pro Diis ipsis inferorum. De iis ita philosophatur Apuleius de Deo Soeratis. Statuit, I. Animos illos generatim dici Lemures. II. Ex his Lemuribus, qui posterorum curam sortitus, Larem dici familiarem. III. Qui propter adversa vitæ merita in terra quodam quasi exsilio puniebatur, inane terriculamentum bonis, noxium malis, Larvam dici. IV. Cum incertum erat, quæ cuique sortitio evenisset, utrum Lar esset, an Larva; Manem Deum nuncupari. Manes porro dictos putant, vel a manando, quia manant et discurrunt per auras; vel ab antiqua voce manus, hoc est, bonus.

Umbri] Vide Not. in Psal. xxx. 3. *Pallentibus umbris*.

5. *Tumuli*] Vide de hac voce Not. in Psal. xvi. 9. *Tumulo*.

Ante diem] De hac locutione vide Not. in Psal. lv. 23. *Ante*

diem.

Concessit, fatis] Dicitur hæc *fatis* in plurali numero profato in singulari; *fatum* verò interdum ponitur pro *morte*, ut Psal. xxxi. 13. *In mea fata*.

7. *Fluctibus*] Vide Not. in Psal. ix. 13. *Adspice fluctus*.

Indulges libera fræna] De hac locutione vide Not. in Psal. ii. 5. *Frænæque dant*.

8. *Me fugiunt—me detestantur*] Est *Anaphora* in voce *me*.

Detestantur] *Detestari* est deprecari quasi malum omen; ut apud Ciceronem: *De proximo bello civili non libet dicere: ignoro causam; detestor exitum*, Phil. vii. 3. Significat etiam avertere, propulsare: ut idem Cicero: *O Dii immortales! avertite, et detestamini, quæso, hoc omen*, Phil. iv. 4.

10. *Umbra*] Vid. Not. in Psal. xxx. 3. *Pallentibus umbris*.

11. *Et sine nomine corpus*] R 2 Ita

184 PSALMUS LXXXIX.

12. Justitiamne tuam celebrabunt carmine manes?
Fortia vel Tenebræ facta sub astra ferent?
13. Te tamen oravi supplex, semperque vocabo;
Orta dies croceis dum fugat astra rotis.
14. Ah! Deus, ah! animam mediis cur linqvis in undis?
Cur tua jactatæ subtrahis ora rati?
15. Me mala, me teneris mors circumsepsit ab annis;
Et tua me trepido perculit ira metu.
16. Obrutus his perii; dejectus ad æthere nimbus
Intempestivis sic fata mergit aquis.
18. Quos mihi junxit amor, socii fugère, tribules
Et simul in tenebris delituère mei.

ANNOTATIONES.

Ita Virgilius:

—*Jacet ingens litore truncus
Avulsūque humeris caput, et
sine nomine corpus,*

Æn. ii. 558.

12. *Manes*] De *Manibus* vide
supra Not. in versum quartum,
Manibus adscribor gelidis.

Sub astra] De hac dictione
vide Not. in Psal. iii. 3. *Sub
astra.*

13. *Orta dies*] *Dies* hîc po-
nitur per *Metonymiam* pro *sole*,
ut Psal. i. 2. *Roseo seu micat axe
dies.*

Croceis—rotis] *Croceus* a *Cro-*

co, Anglicè *Saffron*, est eo-
loris flavi rubescentis; qualem
exhibet aurea lux matutina sub
ortum solis. Unde Virgilius
auroræ cubile *croceum* appellat:

*Tisboni croceum linquens Au-
rora cubile*, Georg. i. 447.

Rotis] Per *Synecdochē* pro
curru.

14. *Subtrahis ora*] *Ora* per
Synecdochē pro *vultu*, ut Psal.
vii. 5.

18. *Tribules*] De hac voce,
consule Not. in Psal. xxi. 6.
Tribules.

LXXXIX.

TE Dominum, Pater alme! canam, fidumque
bonumque;
Audiet et numeros ultima terra meos.

2. Cer-

ANNOTATIONES.

Hic Psalmus est *Didacticus*,
tres summas partes continens;
prima est *Laudatio Dei*, usque
ad versum trigesimum octavum;
secunda *Expositulatio*, ad versum
quingagesimum; postremo, *Con-
clusio* versu ultimo,

1. *Alme*] Vide Notam in
Psal. xii. 1. *Alma*.

Fidumque bonumque] Copula
que hîc redundat, ut Psal. vii.
17. *Justumque Deum Dominum-
que potentem.*

Audiet et numeros] De nume-
ris

2. Certus amor, dixi, tuus est, bonitasque perennis;
Et fidei cœli regia testis adest.
3. Cum tibi dilecto pepigisti Davide fœdus;
Summaque jurati fœderis ista fuit.
4. Progenies, soliumque tuum durabit, in orbe
Semita dum lunæ, dum via solis erit.
5. Sancte Parens! tua facta polus, tua fœdera tellus
Efferet, et populi quos tuus urit amor.
6. Par tibi quid Superum sublimia testa, secundum
Quem tibi purpureo de grege terra dabit?
7. Grex sacer attonitus te spectat; et agmina cœli
Poplite curvato te venerantur Herum.
8. Arbiter armorum! quis te vel viribus æquat?
Fœdera vel servat candidiore fide?
9. Te penes imperium est pelagi: tua jussa capeffens,
Sponte procellosi sternitur unda maris.
10. Fossa tuis cecidit pubes Mareotica telis;
Tergaque nudavit gens inimica fugæ.
11. Te Dominum tellus, autorem suspicit æther;
Et quidquid tellus, quidquid et æther habet.
12. Vox tua sublimi Boream deduxit ab Arcto;
Et pluvios humili misit ab axe Notos.

Gessit

ANNOTATIONES.

vis pro ratione harmonica vide
Not. in Psal. v. 11. Numeris.

4. *Semita dum lunæ, etc.*] Est elegans *Periphrasis* pro eo quod est *semper et in perpetuum*.

5. *Tua facta polus*] *Polus* hic ponitur pro toto cœlo, per *Synecdochen*, ut Psal. xviii. 12. *Micare polus*.

6. *Superum*] Per *Synecopen* dicitur pro *superorum*.

Purpureo de grege] Est *Periphrasis* pro *Regibus et Principibus*, quorum erat purpurâ indui.

10. *Pubes Mareotica*] Id est juvenus *Ægyptiaca*, a *Marea*, vel *Mareotide* lacu in *Ægypto*.

Telur] Vide Not. in Psal. iii. 6. *Tela*.

12. *Boream*] De *Borea* vide Not. in Psal. xlviii. 2. *Boream*.

Sublimi arcto] *Arctus* vox Græca ἀρκτός, Latine *Ursa*, signum cœleste. Duplex est, major et minor: utraque circapolum septentrionalem, qui inde vocatur *Arcticus*. Hic ponitur pro ipso polo, et *sublimis* dicitur, quia hic polus supra horizontem elevatur septentrionales terræ plagas habitantibus; dum alter polus, contra, deprimatur, et *humilis* fit.

Axe] *Axis* pro polo, ut Psal. xxxiii. 8. *Gemino sub axe*.

Pluvios Notos] De *Noto* jam dictum ad Psal. i. 4. *Notus*.

186 PSALMUS LXXXIX.

- Gessit ovans Hermon, te gessit principe Tabor:
 Hic Zephyris, Euro proximus ille levi.
13. Est tua per cunctas diffusa potentia terras;
 Cunctaque pollenti robore dextra regit.
14. Sunt comites jus fasque tui; folioque perenni,
 Hinc sine labe Fides adstat, et inde Salus.
15. O felix, tua quem delectat buccina! vultus
 Ille tui fretus lumine carpet iter.
16. Nocte dieque tuas solenni carmine laudes
 Dicet ovans; et, te vindice, surget humo.
17. Tu decus æternum, tu vires sufficis unus;
 Et tuus e cœno tollit in astra favor.
18. Tu, Pater Isacidum! nos tutelaribus armis
 Cingis, et invicti munia Regis obis.
19. Sedibus e superis afflatus numine vates,
 Quem tibi sacrasti, talia dicta dedit:
 Donavi Solymis præstanti corpore Regem,
 Quem meus e populo segrege legit amor.
20. Jessiadæ famulo, succo cui dulcis olivæ
 Tempora perfudi, sceptræ ferenda dedi.
21. Huic ego sufficiam vires; dextraque tuebor,
 Sive parent hostes spicula, sive dolos.

ANNOTATIONES.

Ovans] Consule Not. in Psal. xxxv. 25. *Ovans*.

Hermon—Tabor] Duo altissimi montes in Judæa, qui hîc sumuntur pro plaga orientali et occidentali.

Hic Zephyris] De *Zephyris* vide Not. in Psal. xx. 4. *Mollibus Zephyris*.

Euro] De *Euro* supradictum ad Psal. xlviii. 7. *Euri*.

15. *Buccina*] De hac voce vide Not. in Psal. lxxiv. 4. *Buccina*.

Carpet iter] De hac dictione vide Not. in Psal. i. 1. *Carpit iter*.

16. *Ovans*] De hac voce su-

pra dictum ad Psal. xxxv. 25. *Ovans*.

Te Vindice] Consule Notam in. Psal. xxii. 4. *Te vindice*.

18. *Isacidum*] Dicitur per *Syncopen* pro *Isacidarum*.

19. *Sacrasti*] Per *Syncopen* pro *Sacravisti*.

Præstanti corpore regem] Ita *Virgilius*:

Sunt mihi bis septem præstanti corpore Nymphæ,

Æn. i. 75.

20. *Succo dulcis olivæ*] *Periphrasis* pro oleo.

21. *Dextraque*] Per *Syncopen* pro *dexteraque*, ut Psal. iii. 7.

23. *Quæ*

23. Quæ premet hunc odiis, coram ruit hostica pubes;
 Ultricesque mihi sentiet esse manus :
 24. Huic mea sed bonitas et amor, non immemor icti
 Fœderis, imperii fræna regenda dabit.
 25. Illius Euphrates olim victricibus armis,
 Totaque Sidonii serviet unda maris.
 Fœderis ille memor sacri, Patremque, Deumque,
 Omnis et Autorem me celebrabit opis.
 27. Illum ego primitias sobolis, Regemque vocabo ;
 Sceptrigerique ducem præsidiumque chori.
 28. Quod pepigi, nullo claudetur limite fœdus ;
 Nullaque promissi meta favoris erit :
 29. Sera nec illustres extinguunt sæcla nepotes ;
 Sceptraque durabunt, dum vehet astra polus.
 30. Sed si fortè meas soboles detrectat habenas
 Degener, et renuit fœdera sancta sequi :
 32. Protinus ulciscar ; meritas dabit improba pœnas,
 Progenies plagas sentiet ista meas :
 33. Hunc tamen æternum solitâ bonitate tuebor ;
 Perpetis et fidei pignora certa dabo.
 34. Absit ut antiqui disrumpam vincula pacti,
 Et rapiant voces ventus et unda meas.
 35. Ipse meum jurans Numen, cum Davide sanxi
 Fœdera, non dubiam quæ meruère fidem.

ANNOTATIONES.

24. *Isti fœderis*] De hac forma loquendi vide Not. in Psal. lxxiii. 5. *Ferunt fœdera.*
 25. *Euphrates*] De flumine *Euphrate* vide Not. in Psal. lxxii. 8. *Vagus Euphrates.*
Sidonii maris] Id est, maris Mediterranei in cujus ora sita fuit urbs *Sidon*, de qua vide Psal. xlv. 13. *Sidonis cadis.*
Patremque Deumque] Est *Polyndeton*, de quâ Figurâ vide Not. in Psal. vii. 17.
 27. *Sceptrigerique chori*] Est *Periphrasis* pro regibus, qui sceptra gerunt. De choro vide Not. in Psal. xviii. 10. *Chori.*
 28. *Meta*] De hac voce vide Not. in Psal. xlv. 15. *Nec modus est vel meta malis.*
 29. *Sæcla*] Per *Syncopen* dicitur pro *secula*; de significatione verò vocis *seculum* vid. Not. in Psal. xlv. 6. *Sæclo.*
Polus] Per *Synecdochen* pro *cælo*, ut Psal. xviii. 12. *Ignem micare polus.*
 30. *Degener*] De hac voce jam dictum ad Psal. xxiii. 4. *Degeneri.*

188 PSALMUS LXXXIX.

36. *Æquævum Soli solium reget inclytâ proles;*
Sceptra nec excutiet, quæ geret, ulla dies.
37. *Astra poli testor, citiùs sol aureus orbem*
Linguet, et, extincto lumine, luna ruet.
38. *Tu tamen hunc orbis fastidis Rector! et horres,*
Bile calens; Regis nec tibi cura tui est.
39. *Fœdera tu violans, sacrum diadema profanas;*
Calcat et hæc tumido gens scelerata pede.
40. *Oppida tu muris nudas, et subruis arces;*
Prædaque nunc hostis ludibriumque sui est.
42. *Hostibus interea tu munis robore dextras;*
Cordaq̃ue lætitiâ luxuriante reple.
43. *Rex tuus, ah! trepidus, totis excedere castris*
Cogitur, et turpi vertere terga fugæ.
44. *Jamque sacræ pedibus calcatur gloria frontis,*
Et jacet obscæno mersa corona luto.
45. *Carpitur ante diem, demesso flore, juventa;*
Turpat et augusti principis ora pudor.
46. *Quò, Deus! usque tuos abscondent nubila vultus?*
Perpes an accensi flamma furoris erit?
47. *Ah! subeat, quàm fluxa mihi sit vita, brevisque!*
Cur genus Adamidûm fabrica vana sumus?
48. *Quem non falce metit fera mors? Quis mole se-*
pulchri
Obrutus, inferno victor ab orbe redit?
49. *Quò se priscus amor, quò se clementia vertit*
Pristina, cumque tuo Davide pacta fides?

ANNOTATIONES.

37. *Poli*] Per *Synecdochen* jam dictum ad Psal. xxi. 3. *pro cæli*, ut Psal. xviii. 12. *Micare pulvis.*

Sol aureus] Id est, *pulcherrimus, splendidissimus*, ut supra dictum Psal. lxxv. 11. Exemplo præivit Virgilius:

Per duodena regit mundi sol aureus astra, Georg. i. 232.

38. *Bile calens*] De *Bile* vide Not. in Psal. lxxxv. 5. *Bilem.*

59. *Diadema*] De Etymo et propriâ significatione hujus vocis

Diadema.

42. *Hostibus*] Pro *hostium* per *Antiptosin*, ut Psal. i. 3. *Cui tempestivis.*

44. *Obscæno luto*] De voce *obsæno* vide Not. in Psal. xl. 14. *Obsæna.*

45. *Ante diem*] De hac locutione vide Not. in Psal. lxxv. 23. *Ante diem.*

47. *Adamidûm*] Dixit per *Synopsin* pro *Adamidarum.*

50. Adspice quæ patimur procerum ludibria passim,
 Probraque, quæ tacito pectore clausa fero.
51. Asperat in Christum stolidis gens impia linguas,
 Illius et lentas exprobrat usque moras.
52. Ah! precor, alme Parens! tuus ut super ætheris axes
 Emicet, et, dempto fine, perennet honos.

ANNOTATIONES.

51. *Christum*] De hac voce *Super ætheris axes*] De hac
Christus vid. Not. in Psal. | dictione consule Not. in Psal. vi.
 lxxxiv. 9. *Christum*. | 8. *Ætheris axes*.

XC.

- N**OS, Deus! a primis tua textit dextera scélis;
 Hæc errabundis struxit ubique lares.
2. Tu constans, stabilisque manes; convallibus imis,
 Montibus et summis, fideribusque prior.
3. Sed mortale genus diffingis vindice dextrâ,
 Inque leves cineres durus abire jubes.
4. Sunt tibi sæcla decem ceu lux hesternâ, vel hora
 Quæ vigili, fræno non remorante, fugit.
5. Instar aquæ fluimus; tacitæ sic noctis imago,
 Sic flos mane virens, sole cadente, perit.
7. Nos, Deus! excindis, meritis dum surgis in iras;
 Nudaque sunt oculis crimina testâ tuis.
9. Dum tua mille modis nos vexat dextera; præpes
 Vita volat, ceu vox, quam rapit aura levis.

ANNOTATIONES.

- Hujus orationis partes sunt tres: prima est *Exordium*, duobus primis versibus; secunda, *Narratio*, a versu tertio ad decimum secundum; tertia, *Precatio*, inde ad finem usque.
1. *Sæclis*] Vide Notam in Psal. xlv. 6. *Sæclo*.
3. *Durus jubes*] *Durus* hîc ponitur adverbialiter per *Enallagen* pro *durè*, ut Psal. ii. 12. *Securus*.
4. *Lux hesternâ*] Lux hîc ponitur per *Enallagen* pro *dies*, causa nempe pro *effectu*. Vide Not. in Psal. xxxv. 21. *Optata luce*.
7. *In iras*] Est pluralis numerus pro singulari per *Heterosin*, ut Psal. x. 13.

190 PSALMUS XCI.

10. Quâ fruimur, lustris bis septem clauditur ætas;
Contingunt vegeto lustra bis octo seni.
Tristius at nihil est, aut ærumnosius illis:
Ah! ferimur rapidis æmula turba Notis.
11. Quis, Pater Alme! tuæ vires sat perspicit iræ?
Par Majestati, prò dolor! illa tuæ est.
12. Metiri da posse dies, momentaque vitæ
Futilis; et veri pectora luce reple.
13. Tolle moras, facilisque veni; famulosque sagittis
Tempore venturo figere parce tuis.
14. Ocyùs adfer opem; mens ut, dum vescimur aurâ,
Gestiat aucta tuis et saturata bonis.
15. Tempora temporibus compensa tristitia lætis;
Noctis et abstergens nubila, redde diem.
16. Da famulis sobolique, Deum te nôsse potentem;
Et tuus his posthac sit manifestus amor.
17. Nos, Pater! illustra radiis, quibus Ipse coruscas;
Et tuus æternùm facta secundet amor.

ANNOTATIONES.

10. *Lustris*] *Lustrum* quinquennale spatium significat; quia quinto quoque anno ineunte *lustrum* peractum erat: omnes scilicet centuriæ et equites in campum Martium convocati, sue, ove, tauro caesis immolârunt; quod *lustrum* est dictum. Tributa etiam et vectigalia tum exigebantur; sicque ex illo sacrificio census *lustris* nomen habuit.

11. *Alme*] Vide de hoc epitheto Not. in Psal. xii. 1. *Alma*.

13. *Facilisque veni*] *Facilis* hîc adverbialiter ponitur, per *Enallagen*, pro *facile*, ut Psal. ii. 12. *Securus*.

14. *Vescimur aurâ*] De hac dictione consule Not. in Psal. xvi. 3. *Vescitur aurâ*.

17. *Secundet*] De hujus vocis Etymologiâ vide Not. in Psal. xx. 4. *Vota secundet*.

XCI.

NUMINIS excelsi cui sunt sacraria sedes,
Illius hunc, hostis cùm premit, umbra teget.

ANNOTATIONES.

Hic Psalmus est *Didacticus*, continens partes duas: prior, qua psalter celebrat piam in Deo fiduciam ex suo exemplo, ad

versum decimum quartum; posterior, qua Deus superiorem prædicationem confirmat.

2. Autor opis certè Deus est; hunc, rebus in arctis,
Agnoscam vitæ spem columnenque meæ.
3. Ille dabit tacitis ne te gens impia technis
Implicet, aut pestis tabida falce metat.
4. Illius imbellem te proteget ala; fidesque,
Pacta semel, clypei triplicis instar erit.
5. Te neque terre bunt tenebræ, nec tela diurna;
Nec fera quæ sævit nocte dieque lues.
7. Mille licèt dextram cingant, totidemque sinistram
Funera, pernicies nulla timenda tibi est.
8. Te coram gens prava ruet; quia suspicis Illum,
Qui spes est vitæ præsidiumque meæ.
10. Sed tua te pietas tutum præstabit; ab hoste
Nec tibi vis ulla est, nec metuenda lues.
11. Te Deus aligeris cœli stipabit alumnis;
Hos tibi fidereâ mittet ab arce duces.
12. Te manibus per tesqua feret chorus ille; nec hirtis
Illides scopulis, hœc comitante, pedes.
13. Et draco calcandum tibi se præbebit et aspis,
Indomitusque leo, seminiumque lææ.
14. Hunc ego defendam, Deus inquit, fortibus armis;
Et, quia me sequitur, sceptrâ ferenda dabo.

ANNOTATIONES.

3. *Technis*] De Etymologiâ
hujus vocis *techna* vide Not.
in Psal. v. 10. *Technis*.

5. *Tela diurna*] De Etymo
et stricta significatione vocis
Tela vide Not. in Psal. iii. 6.
Tela.

11. *Aligeris cœli alumnis*]
Est *Periphrasis* pro *Angelorum*
choro.

12. *Tesqua*] De hac voce
consule Not. in Psal. xxix. 8.
Tesquaque.

Cchorus] Vide Not. in Psal.
xviii. 10. *Cchori*.

13. *Et draco*] *Draco* genus

animalis venenosi, sic dictus
ἀνὸρ τῷ δῆκεϊν, quod est *videre*.
Clarissimam enim dicuntur ha-
bere oculorum aciem: qua ex
causa incubantes eos thesauris
finxerunt antiqui.

Aspis] Est serpens parvus
venenosissimus, cujus naturam
multis verbis describit Plinius,
Lib. xxix. cap. 4.

Seminiumque lææ] De voce
seminio vid. Not. in Psal. li. 5.
Seminiumque mali.

14. *Sceptrâ*] Per *Heterosin*
dicitur numerus pluralis pro sin-
gulari.

15. Hic me poscet opem, fors cum premit aspera;
vanas

Nec mihi quas fundit, sentiet esse preces.
Hostibus ereptus mediis tolletur in altum;
Et duraturo cinget honore comas.

16. Aurea felicitis producam stamina vitæ;
Et famulo pandam molle salutis iter.

ANNOTATIONES.

16. *Aurea stamina*] Id est
excellencia, lata, prospera, quo
modo dicitur *aureum seculum*:
De hoc epitheto vid. Not. in
Psal. lxi. 6. *Aurea tempora*.

Stamina] *Stamen*, a *stando*;
dicitur quicquid in colo ad nen-
dum ponitur. Hic tribuitur

curriculo vitæ, cujus fatalia
stamina Parcas nere finxerunt
Poetæ, ut apud Tibullum:

Hunc cecinere diem Parca,
fatalia nentes

Stamina, non ulli dissolvenda
Deo, Lib. i. vii. 1.

XCII.

EST mihi jucundum tibi, rerum Maxime, grates
Solvere; per laudes et juvat ire tuas.

2. Quàm bonus et constans sis, seu sol explicat ora,
Seu jubar abscondit, dicere dulce mihi est.

3. Dulce mihi est denis modulari carmina nervis,
Jungere et argutæ nablia blanda lyræ.

4. Gaudia concepi tua quondam facta revolvens:
Hinc quoque lætitiæ surget origo meæ.

5. O vis quanta tuæ est, O quanta potentia dextræ!
Consilium nubes quàm tenebrosa tegit!

ANNOTATIONES.

Hic Psalmus est *Laudativus*; continens primo, *Propositionem*, usque ad versum quartum; deinde *Narrationem*, inde ad versum decimum secundum; postremo *Prophetiam*, ad finem Psalmi.

2. *Ora*] Per *Synecdochen* dicitur pro vultu, estque pluralis numerus loco singularis, ut Psal. vii. 5. *Ora*.

Seu explicat ora, seu jubar

abscondit] Est *Periphrasis* pro die et nocte.

3. *Dulce mihi est, dulce mihi est*] Notetur hic elegans *Anaphora*, de quâ Figurâ jam dictum ad Psal. ii. 6. *Sceptra ferenda dedi, Sceptra*.

Nablia] De hoc instrumento consule Not. in Psal. xxxiii. 2. *Nablia*.

Lyræ] De *Lyra* vide Not. in Psal. lvii. 8. *Lyræ*.

6. Brutus

6. Brutus ad hæc populus caligat; mentis et exsors,
Hæc spectans, oculos nycticoracis habet.
7. Hunc, modò qui læti vernabat graminis instar,
Demetet immiti mors properata manu.
8. Tu tamen æternùm duras; ævique fugacis
Despicis aligeras instabilesque rotas.
9. Impius, et quisquis tua ridet iussa, peribit;
Cedet et iratis præda ferenda Notis.
10. Aut tua me bonitas dulci perfundet olivo;
Vinciet et ferto multicolore comas.
11. His oculis cernam, quas gens luet hostica, pœnas;
Imbuet his aures nuncia fama meas.
12. Gens pia florebit, victricibus æmula palmis;
Utque cedrus, Libani quæ juga fronde tegit.
13. Altiùs in Domini radices quisquis agello
Fixerit, undantes tollet in astra comas.
14. Crescet, et effœtæ ridebit damna senectæ;
Pomaque proventu luxuriante feret.

ANNOTATIONES.

6. *Nycticoracis*] Vox Græca *νυκτιγόραξ*, id est, *corvus nocturnus*; avis quam vocamus *noctuam*. Hoc animal secretos noctibus cantus exercet et volatus, quippe quod obscuritate tenebrarum, quâ fere cuncta caligant animalia, luminetur; unde volunt nonnulli *nycticorum*, aptius quam *nycticoracem*, dici, eo quod pupilla oculi *κῆρ*, *core* Græcis vocetur; nihil autem noctuam simile corvi habere.

7. *Læti graminis*] De hoc Epitheto *lætus*, vide Not. in Psal. iii. 8. *Læta*.

9. *Præda ferenda Notis.*] Vide de hoc proverbio Not. in Psal. xviii. 22. *In aquoris undas tulere Noti*.

11. *His oculis cernam*] De hoc *Pleonasmo*, vide Not. in Psal. xxv. 15. *Tueor hunc oculis*.

12. *Victricibus æmula palmis*] De *palma* arbore vide Not. in Psal. lxxii. 3. *Vitrix* aptè dicta, quia non cedit ponderi, et propterea victoribus sit præmio data.

Utque Cedrus] *Cedrus* arbor notissima, cujus natura est, ut quæcunque illius succo illinuntur, non sentiant cariem; inde symbolum fit immortalitatis. Horatius:

—*Carmina cedro linenda,*

Art. Poet. 331.

Libani] De *Libano* vide Psal. xxxix. 5. *Libani*.

13. *Comas*] Metaphoricè dicitur pro *folia*, ut Psal. i. 3. *Comas*.

14. *Effœtæ senectæ*] *Effœtus* dicitur de muliere, quæ jam sætus parere desiit.

Poma] *Pomum* generale nomen

15. Sic mihi dicetur juris Deus Autor et æqui,
Et columen, vitæ turris et una meæ.

ANNOTATIONES.

men est omnium fructuum, qui / unt, five mollium, five duro-
ex arboribus esui apti proveni- / rum.

XCIII.

- R**EGNAT ubique Deus; cui majestate verendâ
Frons nitet, invicto robore dextra viget:
Illius imperio stabit secura ruinæ
Terra, vagas cælum volvet et usque faces.
2. Quo sedet Hic, folium nescit primordia sæcli;
Nullaque siderei Regis origo fuit.
 3. Flumina quantumvis conspirent murmure vasto,
Et tumidum fluctus tollat in astra fretum:
 4. Ille tamen, fluviis pelagoque potentior ipso,
Mulcet, et indomitas Numine frænât aquas.
 5. Illius æternùm durant oracula; sacræ
Et Solymæ pietas hospita semper erit.

ANNOTATIONES.

Hic Psalmus est *laudativus*; et celebrat laudes Dei ex tribus argumentis; primo ex rerum creatione et conservatione; secundo, ab universali ipsius providentiâ; tertio, ex singulari in Ecclesiam benevolentia.

Secura ruinæ] De hac constructione vide Not. in Psal. xxxii. 6. *Secura ruinæ*.

2. *Sæcli*] Per *Syncopen* dicitur pro *seculi*, de qua voce vid.

Not. in Psal. xlv. 6. *Sæclo*.

Siderei Regis] i. e. Regis divini vel cœlestis, ut se habet apud Columellam:

Siderei vatis referens præcepta Maronis,

De cult. hort. Lib. x. 434.

3. *Fretum*] De hac dictione vide Not. in Psal. xxx. 6. *Freta*.

5. *Solymæ*] De *Solya* vide Not. in Psal. ix. 11. *Solyman*.

XCIV.

MAGNE Parens ! dextrâ qui vindice concutis armâ,
Deque reis pœnas exigis, Ultor ades.

2. Legibus incinctum, Judex ! conscende tribunal ;
Et quod promeruit turba proterva luat.
3. Quò premet usque pios furor hosticus ? Obice nullo
More triumphantis, quò scelus usque ruet ?
4. Impius an perget dura et metuenda minari,
Et, quod patravit, ferre sub astra nefas ?
5. Ah ! tibi dilectum populum deglubit, et armis
Opprimit hæredes gens scelerata tuos.
6. Prò pudor ! et viduæ jugulantur, et advena ferro ;
Per scelus et proles orba parente cadit :
7. Nec videt hæc, aiunt, nec curat Conditor orbis,
Quem sibi Judæus legit apella Deum.
8. Bruta cohors ! pravique tenax, et perfida ! tandem
Stultitiæ metam pone modumque tuæ.
9. An furdum reputas, aurem qui struxit ? an Illum,
Lumina qui finxit, cernere posse negas ?

ANNOTATIONES.

Hic Psalmus est generis mix-
ti; *Votivus* nempe et *Didacticus* ;
itaque summæ illius partes sunt
duæ ; una, *Precatio*, ad versum
octavum ; altera, *Doctrina Pro-*
phetica ; inde ad finem usque.

4. *Sub astra*] De hac forma
loquendi vide Not. in Psal. iii.

3. *Ferre sub astra*.

5. *Populum deglubit*] *Deglu-*
bere proprie est corticem exi-
mere, et per Translationem
pellēm *detrabere* ; unde adagi-
um, Boni pastoris est tondere
pecus, non *deglubere*.

6. *Et viduæ — et advena*] *Copula* et hîc redundat per *Po-*
lysyndeton, ut Psal. vii. 17.

7. *Judæus apella*] *Apella*
nomen fictum ab *a* privativâ,
et *pellis* ; dicitur de Judæis, qui
circumcidi solent, ut apud Ho-
ratium :

—Credat Judæus apella,

I Serm. v. 100.

Alii verò hanc Etymologiam
rejiciunt, et volunt Horatium
respexisse ad Judæum quendam
nomine Apellam, tum Romæ
degentem.

8. *Bruta cohors*] De voce *co-*
bors vid. Not. in Psal. xxxiii.

1. *Sancta cohors*.

Metam] De voce *Meta* con-
sule Not. in Psal. xlii. 15.
Nec modus est vel meta malis.

196 P S A L M U S XCIV.

10. Parcet an Ille suis, qui gentes pleſtit? an, omnes
Qui docet, ipſe velut tyro docendus erit?
11. Rerum Opifex renes ſcrutatur, et abdita mentis,
Vanius et nihil his futiliuſque videt.
12. O ter felicem! rerum quem corripit Autor;
Quemque docet leges, et ſua juſſa ſequi.
13. Ille procul curis traducit mollia vitæ
Tempora, dum præceps turba profana ruit.
14. Nam Deus, hæredes quos ſcripſit, proteget aliſ;
Nec ſua dilecto ſubtrahet ora gregi.
15. Hic aderit Vindex, armatus legibus æquis;
Et leget haſ vitæ ſancta propago duces.
16. Quis mihi mittet opem, cùm cingor et impetor
armis?
- Hoſtibus impoſito quis pede colla premet?
17. Me niſi juviſſes, rerum Pater Optime! pridem
Texiſſent cinereſ muta ſepulchra meos.
18. Te, Deus! oravi, grefſu titubante vacillans;
Nec mora, cœleſti pes mihi ſultus ope eſt.
19. Me mihi reſtituiſ, curis cùm mille fatigor;
Et recreaſ radiiſ pectora mœſta tuiſ.
20. Judiciſ an ſociuſ diceriſ, nequiter effronſ
Qui ſua, neſcio quâ, crimina lege tegit?
21. En! coit, inque pioſ ſtringit gens impia ferrum;
Omnis et innocuo ſanguine dextra rubet.

ANNOTATIONES.

12. O ter felicem] De hac locutione vide Not. in Pſal. ii.

12. Felicem nimium.

14. Subtrahet ora] Ora dicitur per Synecdochē pro vultu, ut Pſal. iii. 7. Ora.

Gregi] De voce grex vide Not. in Pſal. i. 1. Grega.

16. Hoſtibuſ] Per Antiphoſin dicitur pro hoſtium, ut Pſal. i.

3. Cui tempeſtiuiſ.

17. Muta ſepulchra] Per Heteroſin dicitur pluraliſ numeruſ pro ſingulari. Sepulchrum mutum dicitur per Metonymiam, quia mutuſ reddit.

18. Nec mora] De hac dictione vide Not. in Pſal. xxx. 2. Nec mora.

19. Pectora mœſta] Dixit pectora in plurali numero per Heteroſin pro pectus in ſingulari.

20. Nequiter effronſ] De hac voce effronſ, vide Not. in Pſal. lvi. 5. Interpres adulterat effronſ.

21. Innocuo ſanguine] Conſule Not. in Pſal. iii. 7. Innocua cæde.

Dextra] Per Syncopen pro dextera, ut Pſal. iii. 7. Dextraque.

22. At mihi præsidium Deus est, portusque salutis;
Quâque vehor fragilem sustinet ille ratem.
23. Hic, scelerum Vindex, poscet pro crimine pœnas;
Turpis et artificii fraus nocitura suo est.

ANNOTATIONES.

23. *Turpis—fraus*] De hac nequitia nempe in genere, vide significatione vocis *fraus*, pro Not. in Psal. i. 6, *Fraus*.

XCV.

EIA agedum! gens sancta Deum, quo nitimur omnes,

Cantet, Io geminans; et pede pulset humum.

2. Quas decet, hoc coram grates persolvat; et orbis Rectorem numeris tollat in astra novis.
3. Illius excellit Majestas; viribus ille, Quotquot habent gentes, vincit honore Deos.
4. Ille manu forti terram sufflaminat; imis Vallibus, et summis imperat ille jugis.
5. Finxit et Oceanum, vitreis et præsidet undis; Et terram e mediis surgere jussit aquis.
6. Ergo Deum flexo veneremur poplite; et omnis Cura sit æthereo solvere vota Patri.
7. Ille Deus noster, nos grex sumus illius, ultrò Si modò fert animus, quæ jubet ille, sequi.

ANNOTATIONES.

Hic Psalmus est *Laudativus*, continens *Exhortationem* ad Dei laudes promovendas, primo *cultu*, usque ad versum septimum; deinde *obsequio*, inde ad finem usque.

1. *Eia agedum*] De hac exclamatione vide Not. in Psal. ii. 10.

Io geminans] De voce *Io* jam dictum ad Psal. xiii. 4. *Io*.

2. *Numeris novis*] De hac significatione vocis *numeri* consule Not. in Psal. v. 11. *Nu-*

meris.

4. *Terram sufflaminat*] De hac voce *sufflaminis* consule Not. in Psal. lv. 22. *Pios sufflaminat*.

5. *Et oceanum—et præsidet*] Hic copula et geminatur et redundat per Figuram quam vocant *Polyyndeton*, de qua vid. Not. in Psal. vii. 17. *Jussimque Deum*, etc.

Vitreis undis] De hoc Epitheto *vitreis* vide Not. in Psal. lxxv. 6. *Vitreis aquis*.

8. Absit, ait, vobis durefcant pectora callo,
 Ut patribus, vetitæ quos fitis uffit aquæ.
 9. Hæc mihi gens Arabum bilem succendit in oris;
 Tentavit vires nec semel illa meas:
 Illius hîc quamvis lassatus murmure, signa
 Roboris invicti non dubitata dedi.
 10. Turba proterva meo, lustris bis quatuor, olim
 Obstitit imperio, mille molesta modis:
 Futilis est illi mens et temeraria, dixi;
 Stulta nec observat, quas ego monstro, vias.
 11. Ergò meum sanctè juravi Numen; et, irâ
 Non semel accensus, talia dicta dedi:
 Gens odiosa mihi, nec sacræ testæ Sionis,
 Nec cernet famulis otia pacta meis.

ANNOTATIONES.

8. *Durefcant pectora callo*] *Callus* et *callum* est cutis labore vix pedibus, aut alio opere in manibus, parteve aliâ corporis densior facta, cujufmodi est in suis rostro, cervice bovis, animalium plantis pedum. *Callum* per *Metaphoram* ponitur pro duritie et animi stupore. Ut apud Ciceronem: *Quorum animis diuturna cogitatio callum vetustatis obduxerat*, Tusc. iii. 53.

9. *Gens Arabum*] De hac gente consule Not. in Psal. lxxii.
 10. *Uffus Arabs*.

Bilem] De *Bile* vide Not. in Psal. lxxxv. 5. *Bilem*.

10. *Lustris bis quatuor*] Id est, annis quadraginta, nam *lustrum* erat spatium quinque annorum; ut supra dictum ad Psal. xc. 10. *Lustris bis septem*.

11. *Sionis*] De *Sione* vid. Not. in Psal. ii. 6. *Sanctæque Sioni*.

XCVI.

- D**ICITE Rectori Superûm nova carmina, laudes
 Perque ter illustres ultimus orbis eat.
 2. Vindicis ætherei nomen tollatur in astra:
 Inque dies jugi carmine crescat honos.

ANNOTATIONES.

Hoc canticum est *laudativum*, ficiis, a versu quinto ad decimum, tum a futuris ad finem
 continens primo *Exhortationem* ad laudes Dei, primis quatuor usque.

versibus: deinde *laudis argu-
 menta* tum a præsentibus bene-

1. *Superûm*] Per *Synopem* dicitur pro *Superorum*.

3. Ferte

3. Ferte per extremas Domini miracula terras :
Hunc unum geminus prædicet orbis apex.
4. Illius est ingens et formidabile Numen :
Par nihil huic tellus, par nihil æther habet.
5. Ludicra sunt reliquæ quæ jactant Numina gentes ;
Finxit at hic cœlum, fidereasque faces.
6. Robur, et auratis hunc cingit adorea pennis :
Quæque colit roseâ limina luce nitent.
7. Illius, ignotæ gentes ! agnoscite vires,
Et quàm sit reliquis altior ille Deis.
8. Et date, quos meruit, titulos ; manibusque supinis
Debita sacratis figite dona tholis.
9. Gens pia fiderei veneretur limina templi ;
Omnis et hoc coram judice terra tremat.
10. Gentibus hunc reliquis Autorem dicite cœli,
Et maris et vasti sceptrâ tenere soli :
Hunc orbem narrate manu fulcire potenti ;
Quæque dat Hic, omni jura carere dolo.
11. Gestiat exultans tellus, et lucidus æther ;
Et mare, cæruleum quidquid et æquor habet.

ANNOTATIONES.

3. *Geminus orbis apex*] *Apex* propriè dicitur virga in summo Flaminis pileo lanata ; h. e. in cujus extremitate modica lana est. Inde de cujuscunque rei vertice vel summitate dicitur : ut de montis cacumine Psal. lxxiii. 15. et lxxii. 16. et hîc de vertice vel polo mundi.

4. *Par nihil—par nihil*] Est elegans *Anaphora*, de qua vid. Not. in Psal. ii. 6. *Sceptrâ ferenda dedi—Sceptrâ*.

5. *Sidereasque faces*] Vid. Not. in Psal. viii. 3. *Sidereasque faces*.

6. *Adorea*] *Victoria, laus, gloria* ; quia strenuis, et iis qui

fortiter dimicâssent, militibus farris mensura distribui solita erat. Unde et *adorea* pro laude bellicâ : nam *far* seu frumentum appellatum est *ador*, ab e-dendo, vel adurendo.

Rosea luce] De hoc Epitheto *Rosea*, vid. Not. in Psal. i. 2. *Roseo seu micat axe dies*.

8. *Titulos*] De hac voce vide Not. in Psal. xviii. 49. *Tuos titulos*.

Figite dona tholis] De *tholo* consule Psal. xxix. 2. *Tholis*.

11. *Æquor*] De hac voce vid. Not. in Psal. xviii. 22. *In æquoris undas*.

12. Vernet ager Zephyris, et messibus halet odoris;
Rideat et teneris arbor amicta comis.
13. Rector adest cœli, populos ut judicet; illi
Et latus hinc Æquum stipat, et inde Fides.

ANNOTATIONES.

12. *Vernet ager Zephyris*] De *Zephyris* supra dictum ad Psal. xx. 4. *Mollibus Zephyris. Rideat arbor*] De Metaphorico sensu verbi *ridere* consule Not. in Psal. lxxv. 10. *Ridet humus.*

Comis] De *comis* pro foliis

vid. Not. in Psal. i. 3. *Comas.*
13. *Et—hinc—et inde*] Hic copula et redundat et geminatur per *Poly syndeton*, de qua Figurâ consule Not. in Psal. vii.
17. *Iustumque Deum, Dominumque potentem.*

XCVII.

- S**CÉPTRA gerit Dominus: ter Io dic, ultima tellus!
Omnis et æquoreis insula septa vadis!
2. Cingitur Hic nebulis, et opacâ conditur umbrâ;
Et comes it sceptris Fas, stabilisque Fides.
3. Antè ruunt volucres elisi nubibus ignes;
Ultricesque vorant hostica castra faces.
4. Fulgura præstringunt oculos, cœlumque remugit;
Et gelido tellus intremittit ista metu.
5. Montibus in summis solvantur marmora; ceræ
More novæ, coram Numine, terra fluit.
6. Justitiâ superi testantur sidera Regis;
Et Majestatis conscia terra sacræ est.
7. Qui colit et jactat quæ finxit Numina, vultus
Huic, precor, inficiat dedecoretque pudor:

Quid.

ANNOTATIONES.

Hic Psalmus est *laudativus*, celebrans primo Dei magnitudinem, ad versum septimum; deinde usus illius exponitur, inde ad versum decimum; et postremo concluditur *Adhortatione*.

1. *Io*] De hac voce vide Not. in Psal. xiii. 4. *Cantet Io.*

Vadis] Pro aquis, ut Psal. lxxiv. 17.

2. *Fas—fides*] Hic personæ liter sumuntur, ut Psal. i. 1. *Impietas.*

4. *Cœlumque remugit*] Ita Virgilius:

—*Sequitur clamor, cœlumque remugit, Æn. ix. 504.*

7. *Deum*] Hic dicitur per *Syncopen* pro *Deorum*.

Male credulus error] Error hic

PSALMUS XCVIII. 201

Quidquid in orbe Deum cudit malè credulus Error
Hunc colat, Isacidas cui dare thura vides.

8. Gestiit alma Sion, et Judæ sancta propago,
Vidit ut ultrices illius esse manus.
9. Illius imperium cœli supereminet axes ;
Et reliquos inter præsidet ille Deos.
10. Ergò, Dei quem tangit amor, fuge crimina! vindex
Hostibus è mediis eripit ille pios.
11. Ille suos recreat cœlesti lumine : iusti
Ille dat optatos et sine nocte dies.
12. Vos quibus æqua placent, læti persolvite grates!
Et subeat, Domino sanctius esse nihil.

A N N O T A T I O N E S.

hic personaliter sumitur, ut
Psal. i. 1. *Impietas.*

Thura vides] De voce *Thura*
vid. Not. in Psal. xxvi. 6.
Thura dabo.

8. *Gestiit*] Hic dicitur per
Synopen pro *gestiit*.

Alma] De hoc epitheto vide
Not. in Psal. xii. 1. *Alma.*

9. *Cœli axes*] De hac dicti-

one vide Not. in Psal. vi. 8.
Ætheris axes.

10. *Tangit amor*] De hoc usu
verbi *tangere*, vide Not. in Psal.
xvii. 6. *Tangent.*

12. *Læti persolvite*] *Læti* po-
nitur hic adverbialiter pro *lætè*
per *Enallagen*, ut Psal. ii. 12.
Securus.

XCVIII.

CAR MINE tolle novo Dominum; miracula pande,
Partaque cœlesti mille tropæa manu.

2. Hujus opem sensere pii: gens hostica poenas
Cæsa luit, justum vidit et esse Deum.
3. Ille memor pacti, Solymæ servavit alumnos;
Testis et his locuples ultima terra fuit.

A N N O T A T I O N E S.

Hic Psalmus est *Laudativus*,
constans primo *Narratione*, ad
versum quartum; deinde *Hor-*
tatione, a versu quarto ad finem
usque.

1. *Tropæa*] De voce *tropæum*
vide Not. in Psal. xx. 5. *Lætæ*

tropæa.

3. *Solymæ*] De *Solyma* vide
Not. in Psal. ix. 11. *Solymam.*

Testis locuples] Unde peti-
tur hæc forma loquendi vide Not.
in Psal. lxxviii. 61.

4. Ergò

4. Ergò Dei laudes in cœlum carmine festo
Tollat ovans gemini terra sub axe poli.
5. Vox canat, et voci sociantur plectra canoræ;
Et lituos sacræ junge tubasque lyræ.
7. Æquor et æquoræ testentur gaudia turmæ,
Terraque, telluris quidquid et orbis habet.
8. Unda loquax feriat jucundo murmure ripas:
Dentur et è summis sibila læta jugis.
9. Stat Deus ante fores, cives ut censeat orbis;
Nunc, quæ promeruit, præmia quisque feret.

ANNOTATIONES.

4. *Tollat ovans*] De verbo *ovare* consule Not. in Psal. xxxv.

25. *Facet ovans.*

Axe poli] De *Axe* vide Not. in Psal. vi. 8. *Ætheris axes*; et de *Polo*. Psal. xviii. 12. *Micare polus*.

5. *Sociantur plectra*] De *Plectro* pro *cithara* vide Notam in Psal. xlix. 4. *Plectro*.

Litui] *Litui* hoc modo a

tuba et *cornu* distinguitur: *Tuba* est recta; *Cornu* planè incurvum; *litui* verò inter utrumque medius. Ab ejus Figura baculus auguralis *litui* quoque dictus est.

Lyræ] De *Lyra* vide Not. in Psal. lvii. 8. *Lyræ*.

7. *Æquor*] De hac voce consule Not. in Psal. xviii. 22. *Æquoris undas*.

XCIX.

- R**EGNAT, et aligeros cœli Deus inter alumnos
Emicat; æthereo sub pede, terra, treme!
2. Illius est Solymæ majestas nota; potestas
Eminet, et reliquis præripit omne decus.
 3. Ergò Dei celebra plenum formidine Numen;
Quo majus, quo nil sanctius orbis habet.
 4. Temperat huic vires jus et fas; legibus æquis
Hic regit Isacidas, præsidioque tegit.

ANNOTATIONES.

Hic Psalmus est *Laudativus*, continens *Hortationes* ad laudes Dei, a tribus argumentis; primo amplitudine illius regni, duobus primis versibus; secundo, a Dei justitiâ, et in suos gratiâ, ad versum septimum; denique a

majorum exemplo, inde ad finem.

4. *Temperat huic vires*] Hic ponitur hic per *Antiptosin* pro *bujus*, ut Psal. i. 3. *Cui tempestivus*,

5. *Quis*

5. Quisquis es, hunc effer; da sacris debita plantis
Oscula: sanctus hic est, et pietatis amans.
6. Blæsus ab hoc Moses et Aron, et filius Hannæ
Dum responsa petunt, audit ille preces.
7. Nubis et è pilâ leges indixit; et illis
Cura fuit Domini jussa verenda sequi.
8. Annuit hic votis, et textit crimina: vindex
Sæpe tamen scelerum Numinis ira fuit.
9. E sacris hunc ergo jugis ad fidera tolle:
Scilicet est sanctus qui colit illa Deus.

ANNOTATIONES.

5. *Da oscula plantis*] Id est hunc | 12. *Oscula da nato.*
colle et venerare; de quâ loquendi | 6. *Audit*] Sumitur hîc per
formulâ vide Not. in Psal. ii. | *Syncopen pro audit.*

C.

- V**OCE Deum celebra solenni, quisquis Eoo,
Quisquis et Hesperio figis in orbe larem!
2. Illius imperium fer lætus, et impiger hymnos
Ede novos, quoties limina sancta teris.
 3. Hunc agnosce Deum, cui debes luminis auras;
Autor enim nemo vel faber ipse sui est:
Hic Deus est nobis, populus nos illius, instar
Et gregis, æthereâ quem regit ille manu.

ANNOTATIONES.

Hic Psalmus est *Eucharistici*, et hortatur ad Deum prædicandum ex duobus argumentis: uno propter beneficia in nos collata, ad versum quartum; altero ob ipsius benevolam naturam; inde ad finem Psalmi.

1. *Quisquis eoo*] De *Eoo*, vide Not. in Psal. xix. 5. *Tbalamo Eoo*.

Quisquis et Hesperio] De *Hesperio* vide Not. in Psal. xix. 6. *Littus in Hesperium*.

2. *Fer lætus*] *Lætus* hîc ponitur adverbialiter pro *lætè*,

ut etiam *impiger* pro *impigrè*; vide Not. in Psal. ii. 12. *Securus*.

3. *Debes luminis auras*] Imitatus Virgilium:

Sponte sua qui se tollunt in luminis auras, Georg. ii. 47.
Per *auras luminis* intellige lucis splendores, vel splendidum refulgens lumen; quo modo dixit Virgilius, *aura auri*:

Discolor unde auri per ramos aura refulsit, Æn. vi. 204.
Auras luminis Latine idem valet quod apud Homerum, *διὰς αὐγὰς*.

4. *Laudi-*

4. Laudibus hunc effer, meritas et concipe grates,
Ad sacra cum templi limina vertis iter.
5. Illius est ingens bonitas, et limitis expers;
Sanctaque rescindet foedera nulla dies.

CI.

TE, Deus Alme! canam, cujus manus altera justos
Protegit, in fontes altera tela vibrat.

2. Te sequar, et prudens incedam tramite recto:
Ecqua tuo tandem lux dabit Ore frui?
Pectore sincero posthac tua jussa faceffiam;
Quosque colam cernes labe vacare lares.
3. Lumina deflectam, ne spectent turpia; nullum
Et mihi non odio crimen, et error erit.
4. Et scelus et scelerum socios procul esse jubebo;
Meque sinistrorum nulla libido trahet.
5. Et focii ficto qui lædet crimine famam,
Hunc dabit infami dextera nostra neci.
Nec mihi vel socius, vel pars censebitur aulae,
Transversum populi quem rapit aura levis.
6. Hunc inter famulos, inter numerabo sodales,
Cui mens est pravi nescia, pura manus.

ANNOTATIONES.

Hic Psalmus est *Didacticus*, duabus partibus constans; *Exordio*, versu primo; deinde *Narratione*, ad finem usque.

1. *Alme*] De hoc epitheto vide Not. in Psal. xii. 1. *Alma*.

Tela] De voce *Tela* consule supra Not. in Psal. iii. 6. *Tela*.

2. *Prudens incedam*] *Prudens* hic sumitur adverbialiter per *Enallagen* pro *prudenter*, ut Psal. ii. 12. *Securus*.

Lux] Per *Metonymiam* ponitur pro *dies*, ut Psal. xxxv. 21. *Optata luce*.

Ore frui] *Ore* hic ponitur per *Synecdochen* pro *vultu*.

4. *Et scelus, et scelerum*] Est exemplum *Figuræ* quam vocant

Poly syndeton, de qua vide Not. in Psal. vii. 17. *Iustumque Deum*, etc.

5. *Aura levis*] *Aura* propriè est lenis quidam ventorum flatus, et spiritus dulcior, ut *Zephyri*: et rite transfertur ad populi levem et inconstantem favorem, ut apud *Virgilium*:

—*Quem juxta sequitur jactantior Ancus*,

Nunc quoque jam nimium gaudens popularibus auris,

Æn. vi. 815.

Transversum rapit] *Transversus* *agi* vel *rapi* dicitur, qui vi et impetu quodam ab instituto deflectitur. Ductum apparet a navigantibus, qui secundo vento, recto

7. Nec Mendax conviva mihi, nec verba popello
Qui dat, et os vulgo subliniit, hospes erit.
8. Ibit in exilium, brevis est mora, talia quisquis
Suscipit, huic sacrâ ne fit in urbe locus.

ANNOTATIONES.

recto cursu feruntur: flatu ad-
verso, transversi aguntur.

7. *Popello verba dat*] De hac
dictione *verba dare*, jam dictum
ad Psal. lxiii. 11. *Dare verba.*

Os vulgo subliniit] *Sublinere*
est, aliquantulum tingere, vel
notare: et *os sublinere alicui* est
proverbium, pro eo quod est da-

re verba, illudere, et pro ridi-
culo habere, ut apud Plautum:

—*Ea sublevit os mihi pemis-
sume,* Aul. iv. vi. 2.

Tractum volunt a ridiculo quo-
dam lusûs genere, quo dormien-
tibus ora pingebantur, et fuli-
gine inficiebantur.

CII.

Æ THERIS excelsi Rector! me desuper audi,
Dum gemitus, clamor dum meus astra ferit.

2. Rebus in accisis, vultum ne subtrahe; promptâ
Sed trahe, prostratus dum queror, aure preces.
3. Vita mihi, fumo similis, vanescit in auras
Tristis; et in cineres dissipat ossa dolor.
4. Debile cor languet, ceu flos succisus aratro;
Nec desiderio tangor, ut antè, dapis.
5. Dum sine fine gemo, macies deformat; et exstant
Ossa per exsanguem dinumeranda cutem:
6. Haud aliter mœstis implet loca sola querelis
Ibis, et infausto carmine noctis avis.

7. Sic

ANNOTATIONES.

Hujus Orationis partes sunt
quatuor: prima est *Exordium*,
duobus primis versibus; secunda,
Exposulatio, usque ad versum
decimum secundum; tertia,
Proposio, ad versum vigesimum
quartum; postremo *Conclusio*,
ad finem usque.

2. *Rebus in accisis*] Vide
Not. in Psal. xxx. 3.

4. *Ceu flos succisus aratro*] I-

ta Virgilius de extincto Eury-
alo:

*Purpureus veluti cum flos suc-
cisus aratro*

Languescit moriens,

Æn. ix. 435.

6. *Ibis*] *Ibis* avis Ægypti,
apud Nili ripas frequens, cico-
nizæ non abssimilis: colebatur
ab Ægyptiis, quod sit infesta
serpentibus, a quibus ipsi infes-

T

tantur.

7. Sic vigil, heu! dulci viduatus compare passer
Mœret, et ex alto tristitia fata vocat.
8. Mille vides circum strictas in crimina linguas,
Et conjuratas in mea damna manus.
9. Fercula sunt sordes cinerum, farrisque canini
Reliquiæ; lachrymis pocula mista bibo.
10. Vis iræ secreta tuæ me sustulit olim.
Sublimem, lapsu quò graviore ruam.
11. Umbra velut fugiens, vanescit inutilis ætas;
Aret et exsuccum corpus, ut ægra seges.
12. Tu, Pater annorum! stas nullo mobilis ævo;
Orbaque principio Gloria fine caret.
13. Exsurges, Solymæque tuæ miserebere; venit
Pacta dies, votis sæpe petita meis.
14. Nempe tuis famulis urbs delectabilis illa est;
Et capimur faxis ruderibusque loci.
15. Sic Nomen Numenque tuum venerabitur orbis,
Quisquis et hîc populos sub ditione tenet.
16. Structa Deo celsæ cum surgent tecta Sionis,
Ille sacrum sacrâ fundet ab arce jubar.
17. Agminis afflictî questus Pater audiet Æquus;
Nec vani gemitus, spes nec inanis erit.
18. Hæc duraturis sunt inscribenda tabellis;
Ut canat ætherei gens nova facta Patris:

ANNOTATIONES.

tantur, teste Juvenale:

Ægyptus portenta colat? Crocodilon adorat

*Pars hæc: illa pavet satum
ram serpentibus Ibin,*

Sat. xv. 3.

Noctis avis] Noctuum intelligit, avem funestam a tempore noctis dictam, quo canit et volat. Virg.

Nequicquam feros exercet noctua cantus, Georg. i, 420.

7. *Tristitia fata vocat]* Tristis sævus aliquando dicitur: quòd tristitia in fronte hominis crudelitatis, iræ, minarum indici-

um est, ut apud Virgilium:

— *Quo tristis Erinny*

— *Vocat,* — Æn. ii. 331.

9. *Reliquiæ]* Hîc metri gratia geminator *l*, per Figuram quam vocant *Epenthesein*. Ita Virgilius:

Troas, reliquias Danaum atque immitis Achillei,

Æn. i. 34.

13. *Solymæque]* De *Solyma* vide Not. in Psal. ix. 11. *Solymam*.

16. *Sionis]* Vide de hac voce Not. in Psal. ii. 6. *Sioni*.

19. Scilicet

19. Scilicet astriferâ terras despexit ab aulâ,
Laturus miseris Conditor Orbis opem.
20. Captivis ficare genas, et solvere vincla,
Instantemque necem pellere cura fuit.
21. Jussit ut hæc Solymæ celebrarent, undique regna
Dum coeunt Superûm thura datura Patri.
23. Illius imperio medio mihi robur in ævo
Deficit, et clausa est limite vita brevi.
24. Spe tamen erectus, ne, Qui sine limite vitæ es!
Ante diem, dixi, lumina conde mihi.
25. Est tellus stabilita tibi: tu surgere cœli
Mcenia jussisti, fidereasque domos.
26. His modus est ævi, præscriptaque tempora vitæ;
Nec vitæ modus est meta nec ulla tuæ.
Læna velut, teritur moles et machina mundi;
Inque dies vultus sumit, ut illa, novos.
27. Tu tibi par semper; dentes tu despicias ævi,
Annorumque leves præcipientesque rotas.
28. Hæc servi sobolesque tui, sobolisque nepotes,
Felices tecum gaudia semper agent.

ANNOTATIONES.

20. *Vincla*] Per *Syncopen* dyoin: quo modo dixit Virgilius, *molemque et montes* pro *molem montium*, *Æn.* i. 65. Hic autor imitatus est illud Lucretii:

21. *Superûm*] Per *Syncopen* dicitur pro *superorum*.

Thura] De hac voce consule Not. in Psal. xxvi. 6. *Thura* dabo.

24. *Ante diem*] Vide Not. in Psal. lv. 23. *Ante diem*.

26. *Læna velut*] *Lanam* volunt alii esse vestimentum militare, quod supra omnia vestimenta assumitur. Aliis est vestis sacerdotalis; nomen vel a *lana*, vel a Græca voce *Χλαῖνα*, quod a *Χλαῖνω*, calefacio.

Moles et machina mundi] Id est *moles machine mundi*, per Figuram quam vocant *hendi-*

—*Multosque per annos*
Sustentata ruet moles & machina mundi, Lib. v. 97.

27. *Tu tibi par semper, tu despicias*] Notetur hic elegans *Anapbora*, de quâ Figurâ vide Not. in Psal. ii. 6. *Sceptra ferenda dedi, Sceptra.*

Rotas] Ponitur hic per *Synecdochen* pro *currus*.

28. *Sobolesque tui, Sobolisque*] Hic copula *quæ* geminatur et redundat per Figuram quam vocant *Polyjyndeton*, ut Psal. vii. 17. *Jussumque Deum*, etc.

CIII.

MENS! cane læta Deum, totas simul exsere vires;
Nominis & Sancti fer super astra jubar.

2. Redde suam meritis laudem; nec falce senectæ
Hanc metat, aut tenebris obruat ulla dies.
3. Scilicet et scelerum nævos obliterat omnes;
Et medicam morbis applicat ille manum.
4. Ille tuos animat cineres, redivivaque lauro
Perpete Cœlestis tempora cingit Amor.
5. Deliciis os mille beat; pulsisque senectæ
Exuviis, aquilæ secula more novat.
6. Ne tennes vis ulla premat, dat jura tyrannis;
His Pater æthereus fasque nefasque regit.
7. Credidit Amramidæ leges Deus, Arbiter æqui;
Abramidum populo facta notanda dedit.
8. Sponte Deum nostri miseret; qui, segnis ad iram,
Quos sibi delegit non patienter amat.
9. Nec litem de lite ferit; flammæque fugacis
Æmula, momento deperit ira brevi.
10. Non hic fulmineum, quoties deliquimus, ensen
Accinxit; sceleri pœna nec æqua fuit.

ANNOTATIONES.

Hic Psalmus est *Laudativus* continens primo *Exordium*, duobus primis versibus; deinde *Narrationem*, a versu tertio ad vigesimum; postremo *Conclusionem*, inde ad finem.

4. *Perpete lauro*] Vide Not. in Psal. xxviii. 9. *Lauro cinge comas*.

Tempora] Consule Not. in Psal. xxx. 1. *Tempora*.

5. *Aquilæ more novat*] De ratione quâ aquilæ in juventutem se reparent, mira tradunt nonnulli. Aquilam scilicet debilitatam senio prostrernere, atque in sole fessum fovere corpus; sic recentatam calore, ter sese mer-

gere in fonte, et ita in juvenilem vigorem refringere ætatem, *Secula*] Vide Not. in Psal. xlv. 6. *Mobile seculo*.

6. *Tennes*] Vide Not. in Psal. x. 2. *Tenuem*.

Dat jura tyrannis] De significatione vocis *tyrannus* consule Not. in Psal. vii. 2. *Impune tyranni*.

Fasque nefasque] Hic copulæ que geminatur per *Polyssyndeton*, de quâ Figurâ vid. Not. in Psal. vii. 17. *Fusumque Deum, Dominumque potentem*.

Abramidum] Per *Syncopen* dicitur pro *Abramidarum*.

11. Est bonitas immensa, pios quâ protegit; ima
Nec magis à cœli vertice distat humus.
12. Crimina depellit, quantum Sol distat ab ortu,
Cæruleo fessas cùm lavat amne rotas.
13. Cultores fovet ille suos, et diligit unos,
Ut tenero prolis flagrat amore parens.
14. Scit genus Adamidûm quâ simus origine nati;
Et meminit fragili corpora ficta luto.
15. Graminis in morem surgens, citò carpitur ætas:
Sic violæ primo purpura vere fugit.
16. Vere fugit, rapiturque Notis, de stirpe recisa;
Nec manet indicium, quo fuit orta, loci.
17. Sed fovet electos Superi clementia Patris;
Excubiasque sacro pro grege semper agit:
Transit et ad seros bonitas divina nepotes;
Obstrictam patribus servat et usque fidem.
18. His promissâ Dei rata sunt et fœdera, leges
Quos juvat æthereas imperiumque sequi.

ANNOTATIONES.

10. *Fulmineum ens*] Ita Virgilius:

—*Vaginaque eripit ens*

Fulmineum,—*Æn.* iv. 579. Vide etiam Not. in Psal. xxii.

21. *Fulmineo Leoni*.

12. *Lavat amne rotas*] Id est, cùm sol occidat; forma loquendi Poetis non inusitata, ut apud Virgilium:

*Quid tantum oceano properent
se tingere soles,*

Georg. ii. 481.

Rotas] Hic ponitur per Synecdochē pro curru.

Amne] *Amnis* dicitur etiam de Oceano. Ut apud eundem Virgilium:

*Oceani spretos pede reppulit
amnes,* *Georg.* iv. 233.

13. *Diligit unos*] *Unus* inter-

dum occurrit, ut hîc, etiam in plurali numero, ut apud Terentium: *Aderit una in unis ædibus*, *Eun.* ii. iii. 75. Et Ciceronem: *Ad sunt Lacedæmonii qui—unis moribus, et nunquam mutatis legibus vivunt*, Pro Flacco, 62. *Unus* hic pro præcipuus, ut supra dictum ad Psal. lxxi. 14. *Te unum*.

15. *Purpura violæ*] Plinius docet, *Lib.* xxi. 6. *Violarum* esse plurima genera, *purpureas, luteas, albas*. Florum primo vernuntiantium, est viola alba: postea quæ appellatur *purpurea*.

16. *Rapiturque Notis*] *Noti* hic pro ventis in genere, ut Psal. i. 4. *Notus*.

17. *Grege*] Vide de hac voce Not. in Psal. i. 1. *Grege*.

19. *Ætheris in medio Solium sibi Rector Olympi*
Fixit; et hinc orbem solus ubique regit.
 20. *Turma potens, volucrisque Dei quæ jussa fassus,*
Huic, age! cœlesti pectine pange melos.
 21. *Qui cœli sub Rege meres, Exercitus omnis!*
Pange tui laudes, quo decet ore, Ducis.
 22. *Divinâ cœlata manu, tu machina mundi!*
Tu mea, dum superes, mens! cane læta Deum.

ANNOTATIONES.

19. *Rector Olympi*] De *Olympo* vide Not. in *Psal.* xlix. 15.
Rector Olympi.

20. *Turma potens volucrisque*] Est *Periphrasis* pro *Angelis*, qui viribus excellent, et alacriter Deo ministrant.

Cœlesti Pectine] *Pecten*, vel *plectrum*, instrumentum quo *citharam* pulsamus. Teste *Virgilio*:

—*Jam pectine pulsat eburno,*
Æn. vi. 647.

Hic per *Metonymiam* pro *ipsâ citharâ*.

21. *Pange laudes*] De *primariâ* significatione vocis *Pangere* vide Not. in *Psal.* ix. 11.
Pangite.

22. *Superes*] Pro *superis*, ut jam dictum ad *Psal.* lxxiii.

4. *His superant.*

Cane læta] *Læta* hic ponitur adverbialiter per *Enallagen* pro *lætè*, ut *Psal.* ii. 12. *Securus.*

CIV.

- D**ICERE fert animus Superûm nova carmina Regi;
 Quem sacra majestas cingit, et ambit honos.
 2. Se radiis, ceu veste, tegit; ceu byssina vela,
 Explicat astriferi mœnia vasta poli.
 3. Inter aquas domus alta trabes expandit eburnas;
 Dantque triumphales nubila summa rotas.
 Terga premens Zephyris, Eurisque jugalibus actus,
 Pervolat eoas occiduâsque plagas.

4 Stant

ANNOTATIONES.

Hic *Psalmus* etiam *Laudativus*, constat ex tribus summatis partibus. Prima est *Exordium*, versu primo; secunda, *Narratio* a versu secundo ad trigesium; tertia, *Conclusio*, inde ad finem usque.

1. *Superûm*] Per *Syncope*

dixit pro *superorum*.

2. *Ceu byssina vela*] De voce *Byssina* vide Not. in *Psal.* lxxviii.
 36. *Byssina verba.*

3. *Triumphales rotas*] *Rotas* pro *currus* dicitur per *Synecdochen*.

Terga premens Zephyris] *Zephyris*

4. Stant circùm aligeri Proceres, Flammæque ministræ;
Et certant alacres, quò jubet ille, sequi.
5. Tondere nixa suo, medio stat in aere tellus
Pendula, nullius præcipitanda manu.
6. Illi priùs pelago, ceu velo, tecta latebat;
Altius et summis montibus æquor erat.
7. At simul intonuit tua vox, Pater Alme! marisque
Cedere jussit aquam, jussa recessit aqua.
8. Surgere coeperunt montes, et sidere valles,
Collibus incinctæ nubiferisque jugis.
9. Tu mare sepfisti claustris; ne, foedere rupto,
Terra repentinis obrueretur aquis.
10. Vallibus in mediis, et rupes inter acutas,
Flumina tu stabili currere lege jubes.
11. His pecudes timidique simul saturantur onagri,
Quæque colunt sylvas et loca sola feræ.
12. Hæc circùm glomerantur aves, nidosque loquaces
Intexunt ramis arboreisque comis.
13. Æthereo tu rore beas juga consita dumis;
Totaque cœlesti sub pede ridet humus.

ANNOTATIONES.

phœris hîc ponitur pro Zephyro-
rum per Antiptofin.

Eurisque jugalibus] De Euro
vento orientali vide Not. in Ps.
xlvi. 7. Eure.

Etas] De hac voce consule
Not. in Psal. xix. 5. Eoo.

4. Certant alacres] Alacres
ponitur hîc adverbialiter per En-
allagen pro alacriter, ut Psal.
il. 12. Securus.

6. Æquor] De hujus vocis
Etymologiâ vide Not. in Psal.
xviii. 22. In æquoris undas.

7. Pater Alme] De hoc epi-
theto almus vide Not. in Psal.
xii. 1. Alma.

11. Saturantur onagri] Ona-
ger a Græco ὄναξ, asinus syl-
vestris: componitur ex ὄν, asinus,
et ἀγρί, sylvestris.
Occurrit apud Virgilium:

— Timidos onagros agitare
cursu, Georg. iii. 409.

12. Glomerantur aves] Ita
Virgilius:

Quam multæ glomerantur a-
ves — Æn. vi. 311.

Vide Not. in Psal. xviii. 11.
Nubes glomerans.

Nidosque loquaces] Ad exem-
plum Virgilio:

Pabula parva legens nidisque
loquacibus escas,

Æn. xii. 475.
Vide Not. in Psal. lxxxiv. 3.

Cunas.

Comis] Comæ hîc ponitur pro
folia, ut Psal. i. 3. Brachia—

comas.

13. Ridet humus] De usu
metaphorico verbi ridet vide
Not. in Psal. lxv. 10. Ridet hu-
mus,

14. Hæc

14. Hæc pecori gramen de vesticulis arvis,
Hæc homini vescum sponte ministrat olus.
15. Farre novas vires, et vultum pingis olivo;
Et recreas dulci tristitia corda mero.
16. Sylvarumque potens Libani sacra culmina cedris
Conferis; hîc volucrum pendula tecta locas.
17. Aptâ fretis abies se tollit in æthera; pullos
Pascit et hîc colubris nuntia Veris avis.
18. Incolit imbellis latebrosa cuniculus antra;
Errat et in fummis hirta capella jugis.
19. Tu lunæ rapidis metiris tempora bigis;
Sol jubar Hesperiiis, te Duce, mergit aquis.
20. Tu tenebris condisque diem, noctemque reducis;
Noctivagasque feras, quò lubet, ire jubes.

ANNOTATIONES.

15. *Tristitia corda*] Est pluralis numerus pro singulari per *Heterosin*.

16. *Sylvarumque potens*] Est elegantissima et pulcherrima loquendi forma. Hoc in loco, ut ubique, a Marone edoctus est noster,

— *Te maximus orbis*

Auctorem frugum, tempestatumque potentem

Accipiat, — *Geor. i. 26, etc.*

Est etiam Horatium imitatus:

*Phœbe, sylvarumque potens
Diana, Carm. Sec. i.*

Et *Carm. iii. Od. xxv. 14.*

— *O Naidum potens.*

Libani] De *Libano* vide Not. in *Psal. xxix. 5. Libani vertex.*

17. *Aptâ fretis*] *Fretum* hîc ponitur per *Metonymiam* pro *navibus* quæ sulcant *freta*. Ut etiam apud Virgilium, *Æn. i. 228.* — *Mare velivolum* pro *navibus velivolis*.

Pullos pascit colubris] *Ciconi-*

am intelligit, Anglice *the Snake*; quæ avis serpentibus pullos nutrit. Teste *Juvenale*:

— *Serpente Ciconia pullos*

*Nurit, et inventâ per devia
rura lacertâ, Sat. xiv. 74.*

Nuncia veris avis] De prudentia *Ciconiæ* in itu et reditu ad statim temporis articulum, agitur *Jerem. viii. 7.*

19. *Lunæ rapidis bigis*] *Luna* apud Poetas semper depingitur *bigis* investita; *Sol* verò quadrigis. Currum *Lunæ* trahebant duo equi, alter albi, alter nigri coloris; forsân quia *Luna* apparet interdum pariter ac noctu.

Sol jubar hesperiiis mergit aquis] De *Hesperiiis* pro occidentalibus vide Not. in *Psal. xix. 6. Litus in Hesperium.*

20. *Condisque diem, noctemque reducis*] Copula quæ hîc geminatur et redundat per *Polyssyndeton*, ut *Psal. vii. 17. Justumque Deum, etc.*

21. Tum ruit in prædam soboles animosa leonis ;
Et te mugitu supplice poscit opem.
22. Ast ubi sol oriens vitreis caput extulit undis,
Turba ferox latebras quærit, et antra subit.
23. Gens hominum interea, stratis excita, labori
Instat ; et in noctem continuatur opus.
24. O Deus ! ampla tuæ quàm sunt miracula Dextræ !
O quàm solerti singula mente regis !
25. Divite tu gazâ terras et messibus imples ;
Nec minùs est vasti fertilis unda maris.
Squammiger hanc peragrat populus, prolesq; pa-
rentem
Stipat, et ingentes turba minuta duces.
26. Hîc, inter circumque rates, maris incola pistrinx
Ludit, et informi mole superstat aquis.
27. Quidquid humus vel pontus alit, te suspicit ; uno
Te tempestivas poscit et ore dapes.
28. Cuncta legunt epulas, tu quas, Pater Alme ! ministras:
Cuncta saginantur, te referante manum.
29. Omnia turbantur, tu cùm jubar oculis Oris ;
Et fiunt, animam te revocante, cinis.
30. Mox ubi vitales inspiras luminis auras,
Sæcla renascuntur, jussaque vernat humus.
31. Ætheris ergò Parens omni cantabitur ævo ;
Gaudebitque operis nobilitate sui.

ANNOTATIONES.

22. *Vitreis undis*] De hoc epitheto *vitreis* vid. Not. in Psal. lxxv. 6. *Vitreis aquis*.

25. *Divite gazâ*] De voce *gazâ* vid. Not. in Psal. xlix. 8.

26. *Maris incola pistrinx*] *Pistrinx* hîc dicitur per *Metatbesin* pro *pristis*, quæ sumitur vulgo pro *Balæna*, quamvis à Plinio distinguatur: maximæ molis, et tamen volocissime fluctus secans, unde nomen habet: *πρίστis* enim est sector.

29. *Oris*] Dicitur hîc per *Syn-*

ecdochen pro *vultus*.

30. *Luminis auras*] De hac dictione vide Not. in Psal. c.

3. *Debes luminis auras*.

Sæcla] Per *Syncopen* pro *secula*, de qua voce vide Not. in Psal. xlv. 6. *Mobile sæclo*.

31. *Operis Nobilitate*] *Nobilitas* pro fama et nominis celebritate. Ut apud Ciceronem: *In eo ipso in quo prædicationem nobilitatemque despiciunt, prædicari de se ac nominari volunt*, Pro Archia 26.

32. Illius

32. Illius adspectu tellus tremit infima, fumant
Ardua cœlesti culmina tacta manu.
33. Æthere dum vesci datur, et vitalibus auris,
Hic mihi materies carminis Unus erit.
34. Grata sit huic opto vox hæc: sic gaudia carpam,
Dum recolam Domini munera tanta mei.
35. O pereant scelerum focii, de stirpe recisi!
O premat infandos scœda ruina lares!
Interea tu læta Dei, mens! concipe laudes;
Quisquis et hunc orbem, quem regit Ille, colis.

ANNOTATIONES.

33. *Æthere vesci*] De hac XVIII. 45. *Sepositosque lares.*
diétione vid. Not. in Psal. xvi. *Læta concipe*] *Læta* hîc ad-
3. *Vescitur aura.* verbaliter sumitur per *Enalla-*
35. *Infandos lares*] De hac *gen* pro *lætè*, ut Psal. II. 12.
voce *Lares*, vid. Not. in Psal. *Securus.*

CV.

- F**UNDITE vota Deo, meritas et solvite grates:
Gentibus ætherei pandite facta Patris.
2. Tollite grandifono Domini miracula plectro;
Sint argumentum carminis illa novi.
3. Vir pius hoc unum jactet Venerabile Nomen;
Gestiat et Domini quem pius urit amor.
4. Hunc colat, hunc poscat victricis pignora dextræ:
Optet et illius jugiter ore frui.
5. Quæ Deus exhibuit, subeant miracula mentes,
Quæque piis olim jura reliquit avis.
6. Alloquor Isacidas, lectum genus; alloquor Abræ
Progeniem: famulus Numinis ille fuit.

ANNOTATIONES.

- Hic Psalmus est *Laudativus*, pro *cithara*.
ex duabus partibus constans; 4. *Hunc colat, hunc poscat*] *Exordio*, ad versum septimum; Notetur hîc *Anaphora*, de qua
et *Narratione*, ad finem usque. vide Not. in Psal. II. 6. *Sceptra*
2. *Plectro*] De hac voce vide *ferenda dedi*, — *Sceptra.*
Not. in Psal. xlix. 4. *Plectro.* *Ore*] Per *Synecdochen* ponitur
Ponitur hîc per *Metonymiam* hîc pro *vultu*.

7. Rerum Opifex nobis Deus est; Hic præsidet orbi,
Justitiæ terris et monumenta dedit.
8. Fœderis ille sui memor est; et verba, fidesque
Pristina tot sæclis inviolata manent.
9. Hic Abrahæ, natoque pio, magnoque nepoti,
Non semel obstrinxit tempus in omne fidem.
10. Hæc eadem toti juravit fœdera genti
Abramidûm, nullo dissolvenda die.
11. Quos, ait, hîc habitat Canaæ gens impia, fines
Adspice; divisos hos tibi sorte dabo.
12. Nec numero, memini, nec belli robore pollens,
Hospes in hâc olim gens sacra vixit humo.
13. Nec morâ, nec requies; populis, heu! præda pro-
cessit; in exilium nec semel acta fuit. [fanis
14. Vim tamen et noxam Deus omnem depulit: ipsos
Fulmineis reges terruit ille minis.
15. Quem mihi sacravi, populum ne tangite, dixit;
Ne viola vates, turba profana! meos.

ANNOTATIONES.

9. *Natoque pio, magnoque*] Hic copula que geminatur per Figuram *Poly syndeton*, de qua v. de Not. in Psal. vii. 17. *Iustumque Deum, Dominumque potentem.*

10. *Abramidûm*] Per Syncope dicitur pro *Abramidarum*. *Nullo dissolvenda die*] Est hîc divisio unius syllabæ in duas per Figuram quæ *Diæresis* dicitur: nam *dissolvenda* dixit pro *dissolvenda*, ad exemplum Tibulli:

— *Parcæ fatalia nentes
Stamina non ulli dissolvenda
Dei,* 1 Eleg. vii. 2.

11. *Canaæ gens*] Terra Israelitica, vulgo terra Dei, seu terra sancta, prius dicta terra *Canaæ*, sive Canaan, a Canaan

filio Cham, cujus posterî eam regionem incoluerunt: his vero expulsis cessit Isacidis. A meridie habuit montes Idumæos, ab oriente lacum Asphaltitem, fluvium Jordanem, & mare Galilæum; a septentrione montem Libanum, sive Phœnicum fines; et ab occidente mare Mediterraneum.

13. *Nec morâ, nec requies*] Ita Virgilius de Entello Dareta præcipitem agente:

*Nec morâ, nec requies: quam
multa grandine nimbi
Culminibus crepitant, sic densis
ictibus Heros
Creber utraque manu pulsât,
versatque Dareta,*

Æn. v. 458.

16. Intulit

16. Intulit Hic olim miseris jejunia terris ;
Aruit et lævo fidere tacta seges.
17. Tum gregis electi meminit ; famulumque Jose.
Qui jam venierat, misit in arva Phari. [phum,
18. Ille diu latuit tenebrofi carceris antro
Clausus, et arctarunt ferrea vincla pedes :
19. Ast ubi missa polo discussit somnia, vatis
Et patuit pietas, mille probata modis ;
20. Vincula rex dempsit, libertatemque priorem
Reddidit ; hunc populi jussit et esse ducem.
21. Principis ornatus titulo, præfectus et aulæ,
Memphi ! tuas idem rexit et auxit opes.
22. Fas erat huic regni proceres compescere vinclis ;
Inque senatorum jura docere choro.
23. Mox pater Isacides Pharias descendit in oras,
Inque peregrinâ substitit hospes humo.
24. Illius et sobolem rerum Pater auxit, opesque ;
Et novus indigenis advena major erat.
25. Tum Pelusiacus, mutatâ mente, tyrannus
Æstuat, et populum tollere fraude parat.
26. Ergò Deus Mosen, lecto cum fratre, ministrum
Mittit in invisi barbara regna soli.
27. Numinis attonitus vidit miracula Nilus,
Sensit et ultrici spicula missa manu.

28. Illius

ANNOTATIONES.

16. *Lævo fidere*] Vide Not. in Psal. xvi. 4. *Nomina læva.* in Psal. lxxiv. 13. *Pharios du-*
17. *Arva Phari*] De *Pharo* ces.
consule Not. in Psal. lxxiv. 13. *Pharios duces.*
18. *Arctarunt—vincla*] Pro *sanguine.*
arctaverunt et vincla, utrum-
que per *Syncopen.*
19. *Polo*] Vide Not. in Psal. xviii. 12. *Micare polus.*
20. *Memphi*] Consule Not. in Psal. lxxviii. 31. *Memphis.*
21. *Vinclis*] Per *Syncopen* ponitur pro *vinclis.*
Cboro] Vide Notam in Psal. xviii. 10. *Cbori.*
23. *Pharias oras*] Vide Not. in Psal. vii. 2. *Impune tyranni.*
24. *Barbara regna*] Per *He-*
terusin ponitur hîc pluralis nu-
merus pro singulari.
25. *Nilus*] Hîc ponitur pro
Ægypto. De *Nilo* flumine jam
dictum ad Psal. lxxviii. 12.
Barbare Nile.

Ultrici

28. Illius Heroes alacres dum iussa faceffunt,
Triftibus eft tenebris undique fepta Pharos.
29. Indigenûm tepido manârunt fanguine rivi;
Squammigerofque putris fufcultit unda greges.
30. Fudit humus turpes, frugum pro munere, ranas;
Et torus his regis teftus et aula fuit.
31. Regia peftiferæ fœdârunt pocula mufcæ;
Et nufquam vacuus cimice lectus erat.
32. Antè dabat cœlum pluvias; tum grandinis imber
Defuper, et crepitans fulmine flamma ruit.
33. Ficus, & everfis periit cum vitibus Uva;
Et nemora excuffis procubuère comis.
34. Agmine mox denfo vafârunt arva locuftæ,
Bruchus et herbofos eft populatus âgros.
36. Nec mora, primitias sobolis, floremque juventæ
Abftulit atroci mors inopina manu.
37. Aucta Phari fpoliis, fines gens facra nefandos
Liquit; et imbelli corpore nemo fuit.
38. Vidit ut hanc abutum moliri terra Canopi,
Geftiit, excuffo, quo fuit icta, metu.
39. Nube Deus populum Solis defendit ab æftu;
Flammaque per tenebras prævia rexit iter.

40. Mox

ANNOTATIONES.

Ultrici manu] Per *Hypallagen* dicitur pro manu Dei ultoris: fimilia habes apud Virgilium ali-
ofque Poetas exempla:

(1) — *Animumque explēffe juvabit*

Ultricis flammæ, et cineres fatiāffe meorum,

Æn. ii. 587.

(2) *Hæc cape, et ultricem pbaretrâ deprome fagittam,*

Æn. xi. 590.

28. *Pbaros*] Pro *Ægypto*. Vide Not. in *Pfal. lxxiv. 13.*
Pbarios duces.

29. *Indigenûm — manârunt*] Per *Syncopen* pro indigenarum et manaverunt.

Squammigerofque] Per *Epen-*

thesin dicitur pro *squamigerofque*.
Unda] Pro *aqua*, ut apud Virgilium:

— *Et tacitâ refluens ita fubftitit undâ, Æn. viii. 87.*

31. *Fædârunt*] Per *Syncopen* dicitur pro *fædaverunt*.

33. *Excuffis comis*] *Coma* pro *foliis*, ut *Pfal. i. 3. Brachia, comas.*

34. *Vafârunt*] Per *Syncopen* dicitur pro *vafâverunt*.

Bruchus] Vide Not. in *Pfal. lxxviii. 46. Bruchus.*

37. *Pbari*] Vide Not. in *Pfal. lxxiv. 13. Pbarios duces.*

38. *Canopi*] Confule Notam in *Pfal. lxxviii. 49 Canopi.*

40. Mox Pater æthereus volucres in castra cupitas
Misit, et ignotas cœligenasque dapes.
41. Limpida de filicum manârunt flumina venis;
Et dulces Arabum tesqua rigâstis aquæ!
42. Nempe Deus pacti meminit, fideique, ministro
Quæ data Thariadæ nec violata fuit.
43. Sic bonus Ifacidæ, Cœlesti Vindice lætos,
Finibus eduxit, maxime Nile! tuis.
44. Expulit et gentes, et, quæ coluère tot annis
Indigenæ, populo contulit arva suo.
45. Legis in obsequium sic flexit pectora: laudes
Illius altisonis ferte sub astra modis.

ANNOTATIONES.

Gessit] Per *Syncopen* dicitur tur pro *rigavistis*,
pro *gessit*.

41. *Manârunt*] Ponitur per
Syncopen pro *manaverunt*.

Arabum] Vide Not. in Psal.
lxxii. 10. *Ufusus Arabs*.

Tesqua] De hac voce jam
dictum ad Psal. xxix. 8. *Tesqua-*
que.

Rigâstis] Per *Syncopen* poni-

Aquæ] Per *Apostropben* hîc
affatur *aquas*, more poetico.

43. *Vindice*] Vide Not. in
Psal. xxv. 20. *Te vindice*.

Maxime Nile] Est *Apostrophe*
ad *Nilum*, de quo vide Not. in
Psal. lxxviii. 12. *Barbare Nile*.

45. *Sub astra*] Consule Not.
in Psal. iii. 3. *Ferre sub astra*.

CVI.

EIA agedum! laudate Deum, facilemque bonumque:
Illius, excluso limite, durat amor.

2. Facta quis illius numero comprehendere? laudes
Quæ queat et titulos æquiparare chelys?

ANNOTATIONES.

Hic Psalmus est *Laudativus*,
constans ex quatuor partibus;
prima est *Exordium*, versu pri-
mo; secunda *Propositio*, a ver-
su secundo ad septimum; tertia,
Narratio, a versu septimo ad
quadragesimum septimum; quar-
ta, *Conclusio*, duobus ultimis

versibus.

2. *Comprehendere*] Per *Syncopen*
dicitur pro *comprehendere*.

Titulos] Vide Not. in Psal.
xviii. 49. *Tuos Titulos*.

Chelys] De hac voce supra ad
Psal. xliii. 4. *Te referet chelys*.

3. O felix nimium populus, cui candida mens est,
Labe vacans pectus, justitiæque tenax!
4. Respice me placido, superum Rex inclyte! vultu;
Lenis et optatæ sterne salutis iter.
5. Da bona, selectæ da gaudia carpere gentis;
Inter et hæredes posse nitere tuos.
6. Æmula progenies proavum deliquimus; insons
Nec scelerum mens est, nec sine labe manus.
7. Hos latuit Phariis cœli quæ Rector in oris
Præstitit, et toties, Hoc duce, parta salus.
Nec semel hunc patres irritavere rebelles,
Hic, ubi purpurei panditur unda maris.
8. Sed memor hic pacti populum servavit, et orbi
Roboris immensi pignora certa dedit.
9. Æquor ut increpuit, campi maris alveus instar
Aruit, et tutum per vada fecit iter.
10. Hæc ope traducens populum, vim depulit hostis;
Cui furor accendit, tristis et ira, jecur.

11. Gentis

ANNOTATIONES.

3. *Felix nimium*] Vide Not. in Psal. ii. 12. *Felicem nimium*.
Candida mens] De voce *candidus* vide Not. in Psal. iv. 1. *Candida*.

4. *Superum*] Per Syncopen dicitur pro *superorum*.

Lenis sterne] *Lenis* hic ponitur adverbialiter per *Enallagen* pro *leniter*: ut Psal. ii. 12. *Securus*.

5. *Da bona—da gaudia*] Notetur *Anaphora*, de qua consule Not. in Psal. ii. 6. *Sceptra ferenda dedi, sceptra*.

6. *Proavum*] Per Syncopen ponitur pro *proavorum*.

7. *Hos latuit*] *Latet* est inter verba quæ vocant impersonalia, quomodo etiam apud Virgilium:

Nec latuere doli fratrem Junonis et iræ, Æn. i. 134. Refertur *latuit* ad totam sententiam, ad ea quæ præstitit et

parta salus.

Phariis] Vide Not. in Psal. lxxiv. 13. *Pharios duces*.

9. *Æquor*] De hujus vocis Etymo et propriâ significatione vide Not. in Psal. xviii. 22. *In æquoris undas*, etc.

Per vada] De propriâ significatione vocis *vada*, vide Not. in Psal. xxvi. 9. *Vadis*. Hic verò ponitur pro *undis* vel *aquis*, ut Psal. lxxiv. 17. *Septa vadis*.

10. *Cui*] Per *Antiprosin* dicitur pro *cujus*, ut Psal. i. 3.

Furor accendit—jecur] *Jecur* est viscus id, quod dextra parte ventriculo affidet, sanguinemque conficit. Proprie est sedes libidinis, non furoris; nam in felle ira, in jecore amor ac libido, in splene risus, in corde sapientia proprie resident. Sed non inusitatum Poetis iracundiam etiam in jecore statuere.

11. Gentis at invisæ reflui maris unda phalanges
Obruit, et cladi nemo superstes erat.
12. Tum Domino fidens populus, cœlestibus hymnis
Inviçti cecinit clara tropæa Ducis.
13. Mox tamen hæc partæ gens est oblita salutis;
Abnuît et Domini jussa sacrata sequi.
14. Illius, arentes Arabum dum calcat arenas,
Mota libidinibus Numinis ira fuit.
15. Annuit optatis, missâ dape, Rector Olympi;
Sed fuit huic macies perniciofa comes.
16. Obstutit hæc Mofi fratrique rebellibus ausis;
Sparsit et in sacros impia probra duces.
17. Dathanem tum forpsit humus reclusa: perîsti
Tu quoque cum sociis, dux Abirame! tuis.
18. Flamma vorax reliquos involvit, et impete vasto
Cum dominis ipsos est populata lares.
19. Crevit et impietas: sculpto gens impia tauro
Supplicat, hirsutos ante voluta pedes.
20. Judice pro superùm, cœli pro Numine, culta est
Fronde saginati turpis imago bovis.
21. Mentibus exciderat favor, et miracula tanti
Vindicis, et Phariis unda refusa vadis.

ANNOTATIONES.

Ut (1) apud Horatium:

—— *Væ meum*

Fervens difficili bile tumet jecur,
I Carm. xiii. 4.

2) Juvenalem:

*Quid referam quanta siccum
jecur ardeat irâ,*

Sat. i. 45.

11. *Pbalanges*] Vide Not. in
Psal. iii. 1. *Pbalanges*.

12. *Tropæa*] Consule Not.
in Psal. xx. 5. *Lata Tropæa*.

14. *Arabum*] De hac gente
supra dictum ad Psal. lxxii. 10.
Ufus Arabs.

15. *Olympi*] Vide Not. in
Psal. xlix. 15. *Rector Olympi*.

17. *Dathanem — Abirame*] De hoc eventu vide Num. xvi. 31. etc.

Dux Abirame] Est *Apostrophe* ad hunc.

18. *Lares*] Vide Not. in Psal. xviii. 45. *Sepositosque lares*.

19. *Tauro supplicat*] Vide de hoc cultu idololatræ, Exod. xxxii. 4.

21. *Pbariis — vadis*] De voce *Pbarius* pro *Ægyptius*, vide Not. in Psal. lxxiv. 13. *Pbarios duces*; et de *vadis* pro *aquis*, consule Psal. lxxiv. 17. *Septa vadis*.

23. Ergò soli cœlique Parens, extrema minatus,
Corripit ultrici tela tremenda manu.
Hunc nisi flexisset fusâ prece legifer Heros,
Stravisset scelerum mors violenta duces.
24. Pergit adhuc, et ridet opes gens impia terræ
Quam petit, et Domino derogat usque fidem.
25. Illius imperium detrectans castra tumultu
Distrahit, et querulâ sidera voce ferit.
26. Talibus accensus, tandem se Conditor orbis
Ulturum jurat perpete morte nefas.
27. Destinât exitio populum, gentesque per omnes
Spargere cum totâ posteritate parat.
28. Gens tamen hæc amens Beli dare munera templis,
Inferiasque nigris Manibus ausa fuit.
29. Sic rursus calidâ rerum Pater æstuat irâ;
Obruit et plagis perfida castra novis.
30. Ultor adest Phineas, armatus vindice ferro:
Hâc ope cœlestis substitit ira Patris.
31. Vindicis hunc Justî titulis insigniet orbis;
Tollet et in cœlum nescia fama mori.
32. Et Meribam propter meritas Deus induit iras;
Sumptaque de populi principe pœna fuit.
33. Turba

ANNOTATIONES.

23. *Ultrici manu*] Vide Not. in Psal. cv. 27.

Tela] De hujus vocis Etymo vide Not. in Psal. iii. 6. *Tela*.

Hunc nisi flexisset] De hoc eventu vide *Exod.* xxxii. 10.

24. *Ridet opes*] Alludit ad historiam quæ refertur *Num.* xiv. 1.

28. *Beli templis*] Vide *Num.* xv. 3. *Belus*, sive *Jupiter Belus*, erat magnus Deus Assyriorum et Phœnicum; cui superbum templum Babylone fuit constructum. Hic *Belus* Nini pater fuisse traditur, qui primus ei cultum instituit. Ninus verò ille est quem sacræ literæ nominant *Tiglatb Pilesar*, cujus pater, dictus *Pul*, idem erat ac

Belus.

Inferiasque] *Inferiæ* erant sacra mortuorum quæ *inferis* solvebantur. Constabant liquoribus et victimis. Liquores erant aqua, lac, vinum, et sanguis. Virgilius hos describit:

Inferimus tepido spumantia cymbia lacte,

Sanguinis et sacri pateras: —
Æn. iii. 66.

Nigris Manibus] Vide Not. in Psal. lxxxviii. 4. *Manibus adscribor gelidis*. Hic sumuntur *Manes* pro *Diis inferorum*.

30. *Ultor adest Phineas*] Vide *Num.* xxv. 7.

31. *Titulis*] Vide Not. in Psal. xviii. 49. *Tuos titulos*.

32. *Meribam propter*] Vide *Num.*

33. Turba ducem secum rapuit, dubiumque coegit
Vana Deo coram, nec fatis apta, loqui.
34. Sed neque cura fuit gentes delere nefandas,
Quas Deus è sacrâ pellere iussit humo.
35. His junxit gens sancta lares, populique profani
Mox didicit mores ingeniumque sequi.
36. Numine posthabito, peregrinis munera Divis
Obtulit, indignis ludificata modis.
37. Nec fat id est; furiis agitur sine fine modoque:
Maestat et infernis pignora chara Deis.
38. Cæde suæ sobolis Cananæas imbuat aras;
Infantique sacram sanguine tinxit humum.
39. Sic, sibi quos sculpsit, supplex dedit oscula truncis;
Inventis et se polluit ipsa suis.
40. Ergò suum contra populum Deus arsit in iras;
Nec fuit Isacidis gens odiosa magis.
41. Nec mora, sanguineis hunc inservire tyrannis
Cogit, et hostili subdere colla jugo.
42. Oppressæ fractæque malis, et cladibus haustæ,
Isacidum quot erant ingemuere tribus.
43. Sæpe

ANNOTATIONES.

Num. xi. 13. De Meriba jam dictum ad Psal. lxxxix. 7.

34. *Sed neque cura fuit*] Respicit ad *Deut. vii. 2.*

35. *His junxit lares*] Vide Not. in Psal. xviii. 45. *Sepositosque Lares.*

37. *Maestat*] Vide de hoc verbo Not. in Psal. xlv. 4. *Maeste novis titulis.*

Pignora] Pignus dicitur, aut munus, aut aliquod simile, quod amoris et benevolentiae indicium, argumentum idoneum, vel etiam signum certum esse volumus. Pro liberis *pignora* accipiuntur: quoniam liberi videntur tanquam pignora inter virum et uxorem esse, tum vinculi, ne aliqui divortium fiat; tum charitatis.

38. *Cananæas aras*] Vid. Not. in Psal. cv. 11. *Canæa gens.*

Infantique sanguine] Vid. Not. in Psal. iii. 7. *Innocua cæde.*

39. *Supplex dedit*] *Supplex* hîc ponitur adverbialiter per *Enallagen* pro *suppliciter*, ut Psal. ii. 12. *Securus.*

40. *In iras*] *Iras* hîc ponitur per *Heterosin* pro *iram*.

41. *Nec mora*] Vide Notam in Psal. xxx. 2.

Tyrannis] Consule Not. in Psal. vii. 2. *Impune tyranni.*

Jugo] Vide Not. in Psal. xlvii. 3. *Juga.*

42. *Cladibus haustæ*] De hac significatione verbi *haustæ* vide Not. in Psal. xlv. 19. *Hauserunt miseros.*

Inge-

43. Sæpe Deus populum defendit, sæpe rebelles
Traxit in exitium, qui fuit Autor opis.
44. Aure tamen facili gemitus excepit, amoris
Scilicet et prisce fœderis usque memor.
45. Ipse suas iras, et pectora molliit hostis;
Gens sacra cùm durâ compede vincta foret.
47. Assere nos, Vindex! sparsosque recollige, rerum
Conditor! Isacidæ quò tua facta canant.
48. Sic te Præsidium lecti gregis efferet Orbis
Ultimus, et laudes postera sæcla tuas.

ANNOTATIONES.

Ingemuere tribus] Romulus populus Romanorum in tres partes distribuerat, quæ propterea tribus dictæ; hæ postea multiplicatæ pristinum nomen retinere, teste Virgilio:

Claudia nunc a quo diffunditur et tribus et gens,
Æn. vii. 708.

Isacidæ in duodecim tribus fuisse divisas, omnibus fere notum.

Isacidum] Per *Syncopen* dici-

tur pro *Isacidarum*.

45. *Ipse suas iras*] Spectat ad Deut. xxx. 3. *Iræ* hic dicitur per *Heterosin* pro *iram*.

Molliit] Per *Syncopen* ponitur pro *mollivit*.

47. *Vindex*] Vide Not. in Psal. xxv. 20. *Te vindice*.

48. *Sæcla*] Per *Syncopen* ponitur pro *secula*. Vide Not. in Psal. xlv. 6. *Mobite sæclo*.

CVII.

REDDE Deo grates, bonitas cui passibus æquis
It comes, et nullo limite septus amor.

2. Hunc canat huic vitam se qui debere fatetur;
Quisquis et, hōc olim vindice, sensit opem.
3. Hunc populi celebrent, Eois quotquot ab undis,
Et quot ab Hesperiiis ille reduxit aquis;
Et quos à gelido collegit cardine mundi,
Et quos nimbiferi traxit ab axe Noti.

4. Er-

ANNOTATIONES.

Hic Psalmus est *Laudativus*, tribus partibus constans; *Propositione*, versu primo; *Narratione*, a versu secundo ad quadragesimum secundum; et *Conclusionem*, duobus ultimis versibus.

3. *Eois*] Vide Not. in Psalmo. xix. 5. *Tbalamo Eoo*.

Hesperiiis] Consule Not. in Psal. xix. 6. *Littus in Hesperium*.

Cardine mundi] Vide Not. in Psal. xl. 3. *Gemino sub cardine*.

Nimbi-

4. Errabant queruli per inhospita tesqua; nec urbes,
Nec domus his, profugi quâ tegerentur, erat.
5. Omnibus ora fames, ægras sitis arida fauces
Clauserat; et priscus liquerat ossa vigor.
6. Rebus in adversis fuderunt vota Tonanti;
Nec mora, de mediis eruit ille malis.
7. Præviùs optatas palantes duxit in urbes,
Et bonus afflictis tecta colenda dedit.
8. O, precor, illius celebret miracula tellus,
Et largam miseris munificamque manum!
9. Ille suos epulis olim saturavit opimis;
Invalidis vires præbuit ille novas.
10. Adspice captivos lethi caligine mersos,
Cura quibus torquet pectora, vincla pedes.
11. Hi priùs ætherei monitus risère Parentis,
Jussaque Supremi consiliumque Ducis.
12. Ergò Deus fontes curis oppressit amaris:
Nec tamen, auxilio qui foret, ullus erat.
13. Rebus in adversis fuderunt vota Tonanti;
Nec mora, de mediis eruit ille malis.
14. Extulit è lethi tenebris, et carceris umbrâ;
Duraque cœlesti vincula rupit ope.
15. O, precor, illius celebret miracula tellus,
Et largam miseris munificamque manum!
16. Illius imperio vectes et ahenea claustra,
Et ferro rigidæ diffiliere fœres.
17. Dum ruit in præceps, et legum spernit habenas,
Quas meruit pœnas stulta caterva luit.

ANNOTATIONES.

Nimbiferi Noti] De *Noto* consule Not. in Psal. i. 4. *Notus*. Dicitur *nimbifer* et *nimbosus*, quia *nimbos* et *humores* colligit, unde nomen habet.

Axe] Hic ponitur pro regione sub *axe* posita, de quo vide Not. in Psal. xix. 4. *Axe*.

4. *Tesqua*] De hac voce consule Not. in Psal. xxix. 8. *Tesquaque*.

5. *Omnibus ora*] *Omnibus* hic

ponitur per *Antiptosin* pro *omnium*, ut Psal. i. 3. *Cui tempestivis*.

10. *Lethi*] De hujus vocis Etymò vide Not. in Psal. vi. 3. *Lethum pulsurus*.

Quibus torquet] *Quibus* hic dicitur per *Heterosin* pro *quorum*, ut Psal. i. 3. *Cui tempestivis*.

Vincula] Per *Syncopen* ponitur pro *vincula*.

17. *Ruit in præceps*] Vide Not. in Psal. y. 10. *Præceps*.

18. *Re-*

18. Respuit illa dapes, et nauseat, arida febris
Dum coquit, et pulsatur mors inopina fores.
19. Rebus in adversis fundit pia vota Tonanti;
Nec mora, de mediis eruit ille malis.
20. Voce suâ mœstum recreat, membrisque vigorem
Inspirat, tetricam pellit et inde luem.
21. O, precor, illius celebret miracula tellus,
Et largam miseris munificamque manum!
22. Quas decet, huic libet curvato poplite grates;
Et canat ætherei clara tropæa Patris.
23. Adspice velivolis populum qui puppibus æquor
Sulcat, et ignotâ merce fatigat aquas.
24. Huic Deus omnipotens mediis affulget in undis:
Scilicet hîc vires exferit ille suas.
25. Imperat ille Notis, et nunc mare tollit in altum,
Nunc premit: huic pectus liquitur omne metu.
27. Curritur huc illuc, et ceu male sobrius, alnum
Qui regit, ah! titubat; spes neque restat opis.
28. Rebus in adversis fundit pia vota Tonanti;
Nec mora, de mediis eruit ille malis.

ANNOTATIONES.

18. *Pulsatur mors—fores*] Consule Not. in Psal. lxxxviii. 3.

22. *Libet*] De hoc verbo vide Not. in Psal. li. 16. *Quam tibi libarem.*

Tropæa] Consule Not. in Ps. xx. 5. *Lata tropæa.*

23. *Velivolis puppibus*] Id est, quæ velis, quasi alis volant. Ita Virgilius:

*Despiciens mare velivolum,
terrasque jacentes,*

Æn. i. 228.

—Et velorum pandimus alas,
Æn. iii. 520.

Et contra, volucres nare per ærem dicuntur: Ut de Dædalo,

—Gelidas enavit ad arctos:
Æn. vi. 16.

ibidemque 19.

Sacravit

Remigium alarum.

Æquor sulcat] Est Metaphora ab aratro: quo modo ipse Virgilius:

*—Et longâ sulcat maria alta
carinâ,* *Æn. x. 197.*

Fatigat aquas] Vide Not. in Psal. lv. 2. *Astra fatigo.*

25. *Notis*] *Notus* hîc ponitur pro vento in genere, ut Psal. i. 4. *Notus.*

Huic pectus] Per *Antiptasin* dicitur huic pro bujus.

27. *Alnum*] De *alno* pro navigio, vide Not. in Psal. xxx. 6. *Alnum concutiet.*

29. Sternit aquas, frænatque Notos; portumque peti-
tum
Illius auspiciis læta carina subit.
31. O, precor, illius celebret miracula tellus;
Et largam miseris munificamque manum!
32. Coetibus in sacris vox illum prædicet omnis;
Numinis et referant fortia facta fenes.
33. Illius arescunt fontes et flumina nutu;
Et loca ficca priùs luxuriantur aquis.
34. Dumque reos plectit dominos, pro ditibus arvis
Exhibet hirsutis horrida tesqua rubis.
35. Dulcibus et scatebris steriles sæcundat arenas,
Siccaque flumineos ducit in arva lacus.
36. Hic epulas inopi, peregrinis sufficit urbes;
Vertit et in nitidos horrida tesqua lares.
37. Hic lætas segetes, gravidas hic surgere vites
Imperat, et domino ferre tributa suo.
38. Prole beat multâ populum, gregibusque petulcis;
Vixque suas numeret vespere pastor oves.
39. Mox carpit, tumidumque gradu deturbat ab alto,
Lancinat et Vindex pectora mille modis.
40. Qui modò fulgebant, sædati pulvere reges
Carpere coguntur per loca senta fugam.
41. Sed Pater Omnipotens humiles attollit in altum,
Auger et afflicta prole virente domos.
42. Hæc olim spectabit ovans, qui diligit Æquum;
Ora sed Impietas tacta pudore premet.

ANNOTATIONES.

29. *Auspiciis*] Consule Not. in Psal. xxxvii. 6. *Illius auspiciis*.

Carina] Propriè infima pars navis, sive trabs ea qua navis fundatur: Anglice *the Keel*. Sed pro tota navi frequenter apud Poetas habetur: Ita Virgilius:

*Nunc tantum sinus et statio
malesida carinis, Æn. ii. 23.*

36. *Lares*] Vide Not. in

Psal. xviii. 45. *Sepositosque lares.*

38. *Vespere*] Vide Not. in Psal. xxii. 28. *Vesper.*

40. *Loca senta*] Consule Not. in Psal. xvi. 11. *Loca senta.*

42. *Ovans*] Vide Not. in Psal. xxxv. 25. *Faciet ovans.*

Ora] Dicitur pro *os* per *Heterosin* pluralis numeri pro singulari.

Impietas] Hic personaliter exhibetur, ut Psal. i. 1.

43. Qui

43. Qui sapit, et memori mea condit pectore dicta,
Discet ab his, quanto flagret amore Deus.

CVIII.

PROMPTA mihi mens est, et te, Deus! adspicit unum;
Te mea vox Dominum, te celebrabit ebur.

2. Excute segnitiam, numeris cane, lingua! decoris:
Psallite vocali Nablia juncta lyræ!
3. Mane novo super astra, Deus! te carmine tollam;
Et tua per populos fortia facta feram.
4. Magne Parens! æquat tua te clementia cœlo;
Transvolat et nubes intemerata fides.
5. Quâ, Deus! effulges, effere super æthera lucem;
Terraque fit radiis tota corusca tuis.
6. Tu tibi dilectum superis de sedibus audi;
Dumque vibrant hostes spicula, tende manum.
7. Vox hilarat me sacra Dei! quo vate, Sucothi
Metiar, et Sichemæ partiar urbis agros.
8. Cum Gileadæis subdam mihi rura Manassæ;
Juda dabit leges, gens Ephraïma viros.
9. Juncta Moabæis populis juga dives Idume
Induet, imperiis obsequiosa meis:
Quæque Palæstinæ pingues gens incolit oras,
Victa gravi bello nostra tropæa canet.

10. Quo

ANNOTATIONES.

Hic Psalmus est *Votivus*, constans primo, *Exordio*, ad versum octavum; secundo, *Confirmatione*, inde ad versum decimum primum; postremo, *Conclusione*, inde ad finem usque.

1. *Ebur*] Vide Not. in Psal. xxxiii. 2. *Ebur*.

2. *Nablia*] De *nablio* consule ibid. *Nablia*.

Lyræ] De *Lyra* supra dicitur in Psal. lvii. 8. *Lyræ*.

7. *Sucothi*] Vide de hac urbe Not. in Psal. ix. 6. *Sucothi*.

Sichemæ] Est urbs non procul a Samaria, de qua consule eundem, Psal. ix. 6. *Sichemæ*.

8. *Cum Gileadæis*] De hoc populo jam dictum ad Psal. ix. 7. ut etiam de *Manassa*, *Juda*, et *Ephraïma*.

9. *Juncta Moabæis*] Consule eundem Psal. ix. 8.

Juga] De hac voce vide Not. in Psal. xlvii. 3. *Juga*.

Dives Idume] Vide Not. in Psal. ix. 8. *Dives Idume*.

Palæstinæ] Consule Notam in

10. Quo duce munitæ succedam mœnibus urbis?
Gentis Idumææ quo duce regna petam?
11. Qui prius exosas acies educere bello
Jure recusasti, tu, Deus! arma reges.
12. Fer bonus auxilium, nos dum ferus obsidet hostis:
Te, Deus! excluso, nemo ministret opem.
13. Numinis auspiciis pugnabitur; hostica pubes
Concidet, et pedibus colla premenda dabit.

ANNOTATIONES.

in Psal. xlviii. 11.

Nostra tropæa] De voce *tropæa* vide Not. in Psal. xx. 5.
Lata tropæa.

10. *Gentis Idumææ*] Vide Not. in Psal. lx. 8. *Dives Idumææ.*

Regna] Est *Heterosis* pluralis numeri pro singulari.

11. *Recusasti*] Per *Syncopen* dicitur pro *recusavisti*.

13. *Auspiciis*] Vide Notam in Psal. xxxvii. 6. *Illius Auspiciis.*

CIX.

- Q**UI mihi regali cingis diademate frontem,
Dum premor adversis, ne, Pater Alme! file.
2. Hostis atrox famam mihi rodit dente maligno;
Armat et occultis ora nefanda dolis.
3. Frænaque dans odiis insultat; et, impete facto,
In caput infontis spicula mille vibrat.
4. Pensat amicitiam plusquam capitalibus iris;
Ast ego te supplex, dum premor, usque voco.

ANNOTATIONES.

Hic Psalmus est *Votivus*, cuius partes sunt quatuor; prima est *Exordium* usque ad versum sextum; secunda, *Imprecatio*, inde usque ad vigesimum primum; tertia *Precatio*, id versum vigesimum sextum; postremo, *Conclusio*, inde ad finem usque.

1. *Diademate*] Vide Notam in Psal. xxi. 3. *Diademate.*

2. *Ora*] Est *Heterosis* numeri

pluralis pro singulari.

3. *Frænaque dans*] De hac *Metaphora* consule Not. in Psal. ii. 5. *Frænaque dans.*

Insultat] De hujus verbi propriâ et metaphoricâ significatione consule Not. in Psal. xiii. 4. *Insultat.*

4. *Supplex voco*] *Supplex* hîc ponitur adverbialiter per *Enallagen* pro *suppliciter*, ut Psal.

ii. 12. *Securus.*

5. *Utilis*

5. Utilis obsequii gravis est injuria merces;
Tristis et est odii causa fidelis amor.
6. Hunc, precor, autori scelerum, Pater! objice præ-
dam;
Cingatur geniis impia dextra feris.
7. Judicis ante pedes huic calculus exeat ater;
Dumque rogat veniam, se probet ipse reum.
8. Occidat ante diem fato præreptus; et alter
Occupet illustrem, quem tenet ille, locum.
9. Exulet orba viro conjunx, sobolesque parente;
Et quærant inopes per loca senta dapem.
11. Infitor usuris loculos emungat; et hostis
Bellipotens reliquas depopuletur opes.
12. Nemo patrem miserans vel prolem sublevet orbam;
Sed cadat hæc nullo commemoranda die.
13. Tu delicta patrum, Deus! altâ mente reconde;
Impia nec matris crimina merge freto.
15. Jugiter hæc specta, scelerataque nomina dele;
Nemo parens illi, nemo vocetur avus.

ANNOTATIONES.

7. *Calculus ater*] In capitulis sententiis ferendis antiqui calculos diversi coloris habebant: albis quidem absolutio continebatur, nigris lethale supplicium. Quod ita exprimit Ovidius:

Mos erat antiquus, niveis atrisque lapillis,

His damnare reos, illis absolute culpâ, Met. xv. 41.

Qui mos ductus videtur a Thracibus, qui notare solebant dies prosperos et lætos calculo albo in urnam coniecto, infelices verò atro, ut scirent, anno exacto, quot et quos dies lætos et tristes habuissent.

8. *Ante diem*] Vide Not. in Psal. lv. 23. *Ante diem peribit.*

9. *Conjunct*] Vide Not. in

Psal. lxxviii. 64. *Funera qua fieret conjugis.*

Per loca senta] Consule Not. in Psal. xvi. 11. *Loca senta.*

11. *Loculos emungat*] De *Loculis* vide Not. in Psal. xvii. 14. *Succedit loculis.*

Emungere loculos est auferre vel despoliare. Ut apud Terentium:

— *Emunxi argento senas,*

Phorm. iv. iv. 1.

Metaphora sumpta ab iis quibus nares emunguntur.

13. *Altâ mente*] Id est *altè in mente*. Ut apud Virgilium:

— *Manet altâ mente repòsum*

Judicium Paridis, Æn. i. 30.

Freto] Vid. Not. in Psal.

xxx. 6. *Freto.*

16. Scilicet hic, inopum misereri nescius, olim
Gestiit innocuâ tingere cæde manus.
Ille pios olim letho devovit et umbris;
Sit potior voti pars, precor, ipse sui.
17. Attulit hic hominum nulli dixitve salutem;
Huic quoque nec dicat, nec ferat ullus ave.
18. Hunc tegat opprobrium ceu vestis, et instar olivæ
Offa, jecur penetret fluxilis instar aquæ.
19. Hôc humeros velet toti spectabilis orbi:
Suppleat hoc zonæ tempus in omne vicem.
20. Sic Deus effrænis penset convitia linguæ:
Hostibus, O utinam, pœna sit ista meis!
21. Assere me, Vindex! sic te canet ultimus orbis:
Tu Pater es vitæ, solus et Autor opis.
22. Me mala pauperies, et fors nimis aspera vexat;
Cernis et ærumnis pectora mille premi,
23. Sol ubi declinat, nemorum sic deficit umbra;
Sic fugit iratis acta locusta Notis.
24. Longa fames genuum juncturas luxat, et artus;
Et tenuem macies asperat atra cutem.
25. Fabula sic fio; caput et plebs infima quassans,
Me quoties spectat, dente minante petit.
26. Tu fer opem misero, Deus! et de sede supremâ
Signa patrocini da manifesta tui.
27. Impius hinc discat quàm sit tibi dextera fortis;
Omnis et Autorem te fateatur opis.

ANNOTATIONES.

16. *Gestiit*] Per *Syncopen* dicitur pro *gestivit*.

Innocuâ cæde] Consule Not. in Psal. iii. 7. *Innocuâ cæde*.

Letho] De hujus vocis Ety-
mo vide Not. in Psal. vi. 3. *Le-
thum pulsurus*.

Umbis] Vide Not. in Psal.
xxx. 3. *Pallentibus umbris*.

21. *Vindex*] Consule Not. in
Psal. xxv. 20. *Te vindice*.

22. *Paſſora*] Est *Heterosis*
numeri pluralis pro singulari.

23. *Iratis Notis*] *Iratus* pœ-
tice etiam rebus inanimatis tri-
buitur, ubi violenter et impetu-
osè commoventur. Ita Horatius:

— *Nec borret iratum mare,*
Ep. ii. 6.

Notis] Ponitur hîc pro *ven-
tis*, ut Psal. i. 4. *Notus*.

28. Me petat ille probris, sed tu bonus adspice; meque
Dum recreas, illi tinge pudore genas.
29. Hunc pudor involvat, ceu læna bis ebria cocco,
Et quæ Sidonio murice palla rubet.
30. Tunc ego te Dominum sublimi carmine tollam :
Audiet et numeros læta corona meos.
31. Nempe tuis tu dexter ades, tenuesque tueris,
Hostilis stricto dum Furor ense petit.

ANNOTATIONES.

28. *Bonus adspice*] *Bonus* hîc sumitur adverbialiter per *Enallagen*, ut Psal. ii. 12. *Securus*.
Illi tinge] Est *Antiptosis*, dativi casus pro secundo, ut Psal. i. 3. *Cui tempestivis*.
29. *Bis ebria cocco*] *Coccum* est granum tinctorium, quo fit color ille lanarum præcipuus, quem Anglice vocamus *Scarlet*.
Sidonio Murice] *Murex* est piscis marinus, ex quo liquor profluit, *ostrum* vocatus, quo lænæ purpureo colore tingebantur. *Sidonius* dicitur, quia urbs *Sidon* erat celebris piscatu *mureis*.
Palla] Vide Not. in Psal. xlv. 13. *Pallaque*.
30. *Numeros*] De hac significatione vocis *numeri* consule Not. in Psal. v. 11. *Numeris*.
31. *Tenues*] Vide Not. in Psal. x. 2. *Tenuem*.

CX.

ILLE Opifex rerum, Dominusque decemplicis aulae
Sic Domino superâ dixit in arce meo :
A dextris tu, Nate, mihi confide coruscus :
Dum subdam pedibus colla inimica tuis.
2. Sceptra Sionæâ mittet de rupe : rebelles
His olim domitos sub tua jura trahes.
3. Sponte triumphanter populis, Dominumque sequetur
Gens sacra, quæ niveâ sindone tota nitet.

Ro-

ANNOTATIONES.

- Hic Psalmus est *Didacticus*, duabus partibus constans ; *Propositione*, usque ad versum quintum ; et *Vaticinio*, inde ad finem.
1. *Colla inimica*] Per *Hypallagen* dicitur pro *Colla inimicorum*, ut Psal. iii. 7. *Cæde innocuâ*, quem locum consule.
2. *Sceptra*] Est *Heterosis* numeri pluralis pro singulari.
3. *Gemmas*] *Gemma* est omnis lapillus pretiosus, sive per lucidus, sive non. Et hîc transfertur
X 2

Roscida quot gemmas in pratis parturit Eos,
Tot lecti juvenes ad tua signa ruent.

4. Nempe Deus, cui certa manet sententia mentis,
Juravit, solvens talibus ora modis :
Regia dum stabit superûm, tu, Nate! Sacerdos,
Regis ad exemplum Melchisedecis, eris.
5. Ille, tibi dextrum stipans latus, induet iras ;
Et regum subito transiget ense jecur.
6. Strage virûm campos cumulabit vindice ferro ;
Illius et populi proteret ira duces.
7. Hauriet in terris acidi nigra pocula fellis ;
His quoque libatis, carpet in astra viam.

ANNOTATIONES.

fertur ad guttas roscidas quæ referunt gemmarum speciem.

Eos] Vide Not. in Psal. xix.

5. *Tbalamo Eoo.*

4. *Ora*] Est *Heterosis* numeri pluralis pro singulari.

Superûm] Per *Syncopen* dicitur pro *superorum*.

5. *Induct iras*] *Iras* pro *iram*, est *Heterosis* numeri pluralis pro

singulari, ut Psal. x. 13. *Iras.*

Subito ense] *Ensis* *subitus* dicitur qui repente adigitur, per Figuram quam vocant *Hypalagen*; de qua vide Not. in Psal. iii. 7. *Innocuâ cæde.*

6. *Virûm*] Per *Syncopen* sumitur pro *virorum*.

7. *Carpet viam*] Vide Not. in Psal. i. 1. *Carpit iter.*

CXI.

JUDICIS ætherei laudes attollite: totâ,
Cœtibus in sacris, hunc ego mente canam.

2. Armatur valido cœlestis robore Dextra :
Nec latet hoc Domini quos pius urit amor.
3. Hanc honor, auratis hanc stipat adorea pennis ;
Omnibus & sœclis inviolata fides.
4. Tradidit hæc feris memoranda nepotibus olim :
Ille sequestrati spesque salusque chori.

ANNOTATIONES.

Hic Psalmus est *Laudativus*, constans *Exordio*, primis tribus versibus; *Narratione*, a versu quarto ad decimum; postremo, *Conclusione*, versu ultimo.

3. *Adorea*] Vide Not. in

Psal. xcvi. 6.

Sœclis] Pro *seculis* per *Syncopen*. Vide Not. in Psal. xlv. 6. *Mobile sœclo.*

4. *Chori*] Consule Not. in Psal. xviii. 10. *Chori.*

5. Ille

5. Ille pios epulis recreat cœlestibus, isti
Fœderis æternum pollicitique memor.
6. Ille suas populo vires patefecit ab alto ;
Gentis et exosæ prædia sorte dedit.
7. Estque pium dextrâ quidquid molitur et æquum ;
Et stabili terras lege polumque regit.
8. Iussa dedit, quæ nulla potest delere vetustas ;
Hâc ope se justum veridicumque probat.
9. Ille suum asseruit populum, scœdusque perenne
Sanxit, et æternum comparat inde decus.
10. Hunc purâ si mente colis, prudentia summa est ;
Et sapias, Hunc quisquis supplice mente times.
Illius elogium durabit, Sidera cœlum
Dum vehet, et Solis lucidus axis erit.

ANNOTATIONES.

5. *Isti fœderis*] De hac locutione vide Not. in Psal. lxxxlii.
 5. *Ferunt fœdera.*
 7. *Polumque*] *Polus* hîc ponitur ut Psal. i. 1. *Seu micat axe per Synecdochen pro cœlo, ut*

Psal. xviii. 12. *Micare polus.*

10. *Solis axis*] *Axis* hîc ponitur pro *curru* per Synecdochen, ut Psal. i. 1. *Seu micat axe*

CXII.

PANGE Dei laudes : O terque quaterque beatum,
Qui timet hunc, et, quod lex jubet, instat iter!
2. Sceptra geret soboles Solis contermina metis,
Pandet et in placido candida vela salo.

ANNOTATIONES.

Hic Psalmus est *Laudativus*, constans *Hortatione*, versu primo; et *Narratione*, inde ad finem usque.

1. *Pange laudes*] De hac dictione vide Not. in Psal. ix. 11. *Pangite.*

O terque quaterque beatum] Id est *feliciſſimum* : forma loquendi poetis familiaris. Exemplo sit *Virgilius* :

— *O terque quaterque beati,*
Quis ante ora patrum—Con-
tigit oppetere, Æn. i. 98.

2. *Sceptra*] Pro *sceptrum* per *Heterosin* numeri pluralis pro singulari.

Metis] Vide Not. in Psalm. xlv. 15. *Nec modus est, vel meta malis.*

Pandet vela candida] Id est, prosperâ utetur fortunâ : *Metaphora* sumpta a navigantibus, quibus, conquiescente procellâ, grata solet esse tranquillitas.

3. Quæ colet, Eois splendebunt atria gemmis;
Justitiam pariter postera sæcla canent.
4. E tenebris lux orta pios regit; Arbiter orbis
Scilicet electi flagrat amore gregis.
5. Vir pius afflictum miserans, ope sublevat ultro;
Dumque juvat, servant mensque manusque
modum.
6. Non illum vis ulla loco, vel techna movebit
Hostica; nec famam deteret ulla dies.
7. Nec vulgi rumore vago terrebitur; unam
Sed Domini supplex poscit et ambit opem.
8. Spem fovet afflictus, ridetque pericula, certus
Vindicis ultrices non procul esse manus.
9. Quas habet incertas nimum, semperque fugaces,
Erogat in tenues officiosus opes.
Illius hinc pietas omni cantabitur ævo;
Claraque victurus tempora cinget honos.
10. Impius hæc spectans fremet, et tabescet, et Euris
Sentiet iratis vota nefanda rapi.

A N N O T A T I O N E S.

3. *Eois*] Vide Not. in Psal. xix. 5. *Tbalamo Eoo*.

5. *Mensque manusque*] Hic copula *que* geminatur per Figuram quam vocant *Polysyndeton*, de qua vide Not. in Psal. vii. 17. *Iustumque Deum, Dominumque potentem*.

6. *Techna*] Vid. Not. in Psal. v. 10. *Technis*.

7. *Unam opem*] Vide Not. in Psal. lxxi. 14. *Te unum*.

Supplex poscit] *Supplex* hic

ponitur adverbialiter per *Enallagen* pro *suppliciter*, ut Psal. ii. 12. *Securus*.

9. *Officiosus*] Eodem modo ponitur pro *officiose*.

Tempora] De hujus vocis Etymo vid. Not. in Psal. xxx. 1. *Tempora*.

10. *Euris iratis*] Vide Not. in Psal. cix. 3. *Iratis Notis*.

Euris rapi] Vide de hoc pro-verbio Not. in Psal. xviii. 22. *In æquoris undas tulere Noti*.

CXIII.

E I A age, sacra cohors! Domini quæ iussa facessis,
Hunc celebra toto pectore, voce, lyrâ.

2. Illius elogium venturum transfer in ævum;
Audiat et titulos orbis utrumque latus.
4. Quo sedet hic, solium terras supereminet, astra
Gloria transcendit, cœlicolûmque domos.
5. Isacidûm Domino, superos qui temperat axes,
Par nihil immensus, quâ patet, orbis habet.
6. Despicit Hic cœli, cœlo sublimior, arces,
Regnaque cœruleis quot mare cingit aquis.
7. Hujus et imperio vili de pulvere pauper
Surgit, et è medio turba misella luto.
8. Dat Deus his ipsos inter confidere reges,
Inter et Abramidûm sceptrâ tenere duces.
9. Stirpe beat steriles et lætâ prole penates:
Illius, ergò, pii! dicite, Vivat Honos.

ANNOTATIONES.

Hic Psalmus est *Laudativus*, tribus partibus constans; quarum prima est *Hortatio ad Dei laudes*, versu primo; secunda, *Laudatio ipsa*, inde ad versum quartum; postremo, *Laudationis argumenta*, ad finem Psalmi.

1. *Eia age*] Vide Not. in Psal. ii. 10. et in Psal. xxxi. 2.

Cohors] De hac voce consule Not. in Psal. xxxiii. 1. *Sancta cohors*.

Pectore, voce, lyrâ] Hic copula reticetur per Figuram quæ dicitur *Asyndeton*; de qua vide Not. in Psal. vii. 9. *iustos erige, perde malos*.

Lyra] Vide Not. in Psal. lvii. 8. *Lyræ*.

2. *Titulos*] De hac voce consule Not. in Psal. xviii. 49. *Tuos titulos*.

4. *Cœlicolûmque*] Per *Syncopen* dicitur pro *cœlicolarum*, ut etiam versu sequenti *Isacidûm* pro *Isacidarum*.

8. *Abramidûm*] Per *Syncopen* dicitur pro *Abramidarum*.

9. *Penates*] *Penates*, apud Romanos, erant Dii domestici, qui cum interiore domo colebantur, ita dicti sunt a nomine *penus*; quæ sunt res necessariae, in intimâ domûs parte servatæ. *Penates* sæpius etiam pro ædibus usurpatur. Et (1) apud Virgilium:

Hic petit excidiis urbem, miserisque Penates,

Georg. ii. 505.

(2) *Paterc. ii. 95. 1. Quem inter Caesaris Penates enixa est.* (3) *Liv. xxviii. 18. Sub uno tecto esse atque in eodem Penate.*

CXIV. CUM

CXIV.

- C**UM Domus Ifacidum Nili septemplex undas
 Linqueret, et turres, barbara Memphi! tuas;
 2. Rerum Opifex sacro sibi junxit foedere Judam;
 Ille comes, dubiae dux erat ille viae.
 3. Vidit et obstupuit mare, diffugientibus undis;
 Et sacra Jordanis versa cucurrit aqua.
 4. Subfiliere simul montes cum collibus imis:
 Non secus ac nivei dux sobolesque gregis.
 5. Cur, mare! fugisti? quis te, sacra fluminis unda?
 In caput antiquum vertere jussit iter?
 6. Cur, montes, collesque! simul saluisti, ut hirti
 Dux gregis, hirsutae matris et agna comes?
 7. Scilicet, Ifacidum conspecto Numine, tellus
 Intremuit, sacro fugit et unda metu.
 8. Cantibus è ficcis latices fluxere salubres;
 Largaque devolvit flumina fissa filex.

ANNOTATIONES.

Hic Psalmus est *Didacticus*, continens *Narrationem*, primis quatuor versibus; et *Doctrinam*, totidem versibus.

1. *Nili septemplex*] De Nilo vide Not. in Psal. lxxviii. 12. *Nile*.

Nilus septemplex dictus a septem ostiis, per quae in mare fertur.

Memphi] De hac voce vide Not. in Psal. lxxviii. 31. *Mem-*

phis.

3. *Jordanis*] De hoc fluvio vide Not. in Psal. xlii. 6. *Jordanis*.

5. *Sacra fluminis unda*] Id est aqua Jordanis, sacra dicta a terra sancta, quam perlabitur.

7. *Ifacidum*] Per *Syncopen* dicitur pro *Ifacidarum*.

8. *Latices*] Vide Not. in Psal. xxxvi. 9. *Vitales latices*.

CXV.

- A** LME Parens! ne nos titulis illustribus orna;
 Debita sunt armis nostra tropæa tuis.
 Vindicias vitamque tuo debemus amori,
 Et fidei, quam lux solvere nulla potest.
2. Cur roget infano turgens gens impia fastu,
 Nunc Deus, Isacidæ quem venerantur, ubi est?
3. Noster in astringerâ solium Deus obtinet aulâ,
 Et populos nutu flectit ubique suo.
4. Cætera turba Deûm nil est nisi fusilis auri
 Massa, vel argenti pondus, et artis opus.
5. Ora quidem, sed muta, gerit; sunt lumina cæca:
 Nare nec olfactat, nec trahit aure sonos.
7. Nec palpare manu datur, aut incedere plantis,
 Mutua nec ficto gutture verba loqui.

ANNOTATIONES.

Hic Psalmus est generis *mixti*, continens primo *Petitionem*, usque ad versum nonum; deinde *Prophetiam*, a versu nono ad decimum septimum: postremo *Conclusionem*, versu ultimo.

1. *Titulis*] Vide Not. in Psal. xviii. 49. *Tuos titulos.*

Tropæa] De hac voce consule Not. in Psal. xx. 5. *Lata tropæa.*

Lux] Ponitur hic per *Metonymiam* pro *dies*, ut supra Psal. lxxv. 21. *Optata luce.*

4. *Deûm*] Ponitur per *Synecopem* pro *Deorum.*

7. *Nec palpare manu datur*] Hæc phrasis imprimis observatione digna, quippe cujus elegantia optimis poetis maxime arrideat; *dare, rem agere.* Primitus refertur ad Homerum: *Dii vobis dent*, Chryses inquit Græcis, *evolvere urbem Priami, domumque incolumes reverti*, Il. i. 18, 19.

Virgilius usque adeo hanc elegantiam perspexit, ut eam plurimis in locis adhibuerit: *insigne habes exemplum Æneidos primo versu 526, et 527. ubi bis reperitur ad exemplum Homeri jam laudati:*

*O regina, novam cui condere
 Jupiter urbem,
 Justitiaque dedit gentes frænare superbas.*

Autor noster, curiosus artium sui magistri observator, eadem venustate hos Psalmos quinquagies, ni fallor, ornavit. Sed inter omnes hic locus præcipuè enitet, ubi in eodem disticho, quod vix alibi reperiens, tergeminum hujus dictionis habes exemplum: *palpare datur, datur incedere plantis*, et *datur verba loqui*; et in versu decimo secundo, *dabit frui vita prosperiore.*

8. Ipse suo par est operi, qui Numina cœlo
Fingit, et argentum sculptile poscit opem.
9. At vos, Isacidæ! Rectori fidite rerum:
Hic clypeus, vitam qui tueatur, erit.
10. Seque Deo credat, patrem qui jactat Aronem:
Hic clypeus, vitam qui tueatur, erit.
11. Tu fac idem, cœli quisquis venerare Parentem:
Hic clypeus, vitam qui tueatur, erit.
12. Ille memor nostri, patrio nos fovit amore;
Mox dabit et vitâ prosperiore frui:
Hoc duce, progenies florebit læta Jacobi,
Quisquis et à sancto ducit Arone genus.
13. Eriget ille sui cultores Numinis, ætas
Seu viret his, canâ seu nive tecta coma est.
14. Ille simul patres, et qui nascentur ab illis,
Dotibus augebit deliciisque suis.
15. Vota secundabit Dominus, palatia cœli
Qui sibi, mortali pro grege finxit humum,
17. Illius obscuri nequeunt præconia Manes
Pandere, perpetuò mors quibus ora premit.
18. At nobis, cœli liquidâ dum vescimur aurâ,
Ille, polus cum fert sidera, carmen erit.

ANNOTATIONES.

13. *Cana nive*] *Nix* hîc
ponitur Metaphoricè pro *canis*
capillis, ut apud Horatium:

—*Te quia rugæ*

Turpant et capitis nives,

4 *Carm.* xiii. 12.

14. *Et qui nascentur ab il-*
lis] Ad Imitationem Virgillii:

Et nati natorum, et qui nas-
centur ab illis, Æn. iii. 98.

15. *Vota secundabit*] De
etymo hujus verbi *secundo*
vide Not. in Psalm. xx. 4.

Vota secundet.

17. *Manes*] Vid. Not. in
Psal. lxxxviii. 4. *Manibus ad-*
scr. h. gelidis.

Quibus premit] Per *Antip-*
rosin dicitur pro *quorum*, ut
Psal. i. 3. *Cui tempestivis.*

18. *Vescimur aurâ*] Consu-
le Not. in Psal. xvi. 3. *Vesci-*
tur aurâ.

Polus] Per *Synecdochen* hîc
ponitur pro *cælo*, ut Psal. xviii.
12. *Micare polus.*

CXVI.

- U**ROR amore Dei, me qui prospexit ab alto;
Et facili gemitus non semel aure bibit :
2. Aure bibit facili gemitus; huic ergo supinas,
Dum fruar æthereâ luce, levabo manus.
 3. Me dolor obsedit lethi; mihi terror abyssi
Ante oculos, mœror pectoris hospes erat.
 4. Sidera tum spectans, fer opem, Pater optime! dixi,
Cui latus hinc Bonitas claudit, et inde Fides.
 6. Subleuat ille humiles; et me propè fluctibus haustum
Sustulit, innumeris eripuitque malis.
 7. Eia age, pone metum, mens jam tranquilla! quod
optas,
Quodque juvat, largâ sufficit ille manu.
 8. Eripit exitio vitam, lachrymantia fccat
Lumina, lapsantes firmat et ille pedes.
 9. Illius auspiciis incedam tramite recto,
Hic ubi selecto cum grege luce fruar.
 10. Vindice sum nixus Domino, qui rebus in arctis,
Me recreans, docuit libera verba loqui.

ANNOTATIONES.

Hic Psalmus est *Didacticus*, continens *Exordium*, versu primo et secundo; *Narrationem*, usque ad versum decimum secundum: *Propositionem*, ad versum decimum sextum; postremo, *Conclusionem*, quatuor ultimis versibus.

1. *Aure bibit*] Vide Not. in Psal. xviii. 6.

Aure bibit—ære bibit] Est elegans *Anaphora*, de quâ Figurâ vide Not. in Psal. ii. 6. *Sceptra ferenda dedi, Sceptra.*

3. *Lethi*] De hujus vocis etymo vide Not. in Psal. vi. 3. *Leibum pulsus.*

Abyssi] De hac voce supra

dictum ad Psal. xviii. 15. *Se pandit abyssus.*

4. *Cui latus*] *Cui pro cujus* per *Antiptosin*, ut Psal. i. 3. *Cui tempestivis.*

6. *Fluctibus*] De hac metaphorica significatione vocis *fluctus*, vide Not. in Psal. ix. 13. *Adspice fluctus.*

7. *Eia age*] Vide Not. in Psal. ii. 10. *Eia agendum.*

9. *Auspiciis*] De hac voce vide Not. in Psal. xxxvii. 6. *Illius auspiciis.*

10. *Vindice*] De hac significatione vocis *vindex* vide Not. in Psal. xxv. 20. *Te vindice.*

11. Vim fugiens dixi, video jam vota virorum
Pondere destitui, verba carere fide.
12. His ego pro donis, Regi qui præsidet orbi
Dicere quas grates, quasve referre parem?
13. Huic dape festivâ latus libabo meroque;
Et pia pro partâ vota salute feram.
14. Vota palam Domino persolvam, sanguine gentis
Qui sibi dilectæ tingere tela vetat.
16. Verna, Deus! famulæque tuæ sum sanguine cretus;
Vindice solvisti tu mihi vincla manu.
17. Mille tibi referam tanto pro munere grates,
Teque Patrem jugi sollicitabo prece.
18. Vota redux solvam, populi spectante coronâ;
Testis et his rupes sacra Sionis erit.

ANNOTATIONES.

12. *Parem*] Est hic præfens subjunctivi loco saturi, quo loquendi genere optimi scriptores utuntur. *Si quis Deus*, inquit Cicero, *mibi largiatur, ut ex hac ætate repuerescam, et in cunis vagiam; valde recussem.* De Senect. c. xxiii.

Non Vanæ redeat sanguis imagini,

Horat. I Carm. xxiv. 13.

13. *Latus libabo*] *Latus* ponitur hic adverbialiter, per *Enallagen*, pro *latè*, ut Psal. ii.

12. *Securus*.

Libabo] De hoc verbo consule Not. in Psal. li. 16. *Quam tibi libarem.*

14. *Tela*] Vide Not. in Psal. iii. 6. *Tela.*

16. *Verna*] De hac voce vide Not. in Psal. lxxxvi. 18. *Vernam.*

Vincla] Per *Syncopen* dicitur pro *vincula*.

18. *Redux*] Vide Not. in Psal. xiv. 7. *Reduci.*

Sionis] Consule Not. in Psal. ii. 6. *Sioni.*

CXVII.

PANDITE facta Dei, populi! domus utraque solis
Quos videt, et geminus despicit orbis apex.

ANNOTATIONES.

Hic Psalmus est *Laudativus*, provocans omnes gentes ad Deum celebrandum ob benignitatem et fidem.

1. *Geminus orbis apex*] Vide Not. in Psal. xcvi. 3. *Geminus orbis apex.*

PSALMUS CXVIII. 241

2. Quâ fovet Ille pios, brevibus clementia metâs,
Temporis et claudi limite nescit amor.
Ergo Dei laudes cœli tollantur in arces,
Æternûmque volet fama per ora virûm.

ANNOTATIONES.

2. *Metis*] Vide Not. in Psal.
xliv. 15. *Nec modus est vel meta*
malis.
Volet per ora virûm] Ita Vir-
gilius:

— *Victorque* virûm volitare
per ora, *Georg.* iii. 9.
Virûm] Hic dicitur, per *Syn-*
copen, pro *virorum*.

CXVIII.

- Q**UAS decet, Auctori rerum depromite grates:
Illius est nullo limite clausus amor.
2. Jam domus Ifacidûm dicat simul ore rotundo:
Illius est nullo limite clausus amor.
3. Dicat Aron vates, et sacri sanguinis autor:
Illius est nullo limite clausus amor.
4. Dic, Dominum quicumque colis cœlique folique:
Illius est nullo limite clausus amor.
5. Hunc ego, cùm premerer, flexi prece: vincula
solvens
Ille dedit cœlo liberiore frui.
6. Rerum Opifex mihi dexter adest: jam nulla pericla,
Nullius incutient tela vel ira metum.
7. Ille meas partes juvat auxiliaribus armis;
Victaque me coram gens inimica ruet.

ANNOTATIONES.

Hic Psalmus est *Laudativus*,
continens *Exordium*, quatuor
primis versibus; *Argumenta* ad
Dei laudes, inde ad decimum
nonum; *Narrationem*, inde ad
versum vigesimum octavum;
postremo *Conclusionem*, duobus
ultimis versibus.

2. *Ifacidûm*] Per *Synecopen* di-
citur pro *Ifacidarum*.

Ore rotundo] Vide Not. in
Psal. lxi. 3. *Rotundo ore.*

5. *Dedit frui*] Vide Not. in
Psal. cxv. 7. *Nec palpare manu*
datur.

6. *Pericla*] Per *Synecopen* di-
citur pro *pericula*.

Tela] Vide Not. in Psal. lxi.
6. *Tela.*

8. Tutius est Domino, populi quàm fidere dextris;
 Poscere vel regum, cùm premit hostis, opem.
10. Me simul hostiles circum fremuere phalanges;
 Has mea sed, Domino vindice, dextra metet.
11. Me petiere simul nimium crudelibus armis;
 Has mea sed, Domino vindice, dextra metet.
12. Me numerosa cohors circumdedit, atria circum
 Cereæ mellificæ sic glomerantur apes.
 Ignis ut arentes populat violentia sepes;
 Hanc mea sic, Domino vindice, dextra metet.
13. Me dare præcipitem, gens invidiosa! parabas;
 Sed tamen illius sustinuere manus.
14. Ille mihi rupes simul est, portusque salutis;
 Unica materies carminis ille mei est.
15. Numinis elogiis resonant pia testæ; potentem
 Illius et celebrant belligeramque manum.
16. Laudibus attollunt dextram, quæ, robore pollens,
 Hostica se cogit subdere colla iugo.
17. Mortis ego tetricæ contemnens spicula vivam
 Sospes, et Invisi Numinis acta canam.
18. Me Deus afflixit, fateor, nec simplice damno;
 Sed jugulo gladios depulit ille meo.
19. Jam mihi, jam, mystæ! sacratas pandite valvas;
 Huc ego vota Deo, non sine thure, feram.

ANNOTATIONES.

10. *Phalanges*] Consule Not. in Psal. iii. 1. *Phalanges*.
Vindice] Vide Not. in Psal. xxv. 20. *Te vindice*.
 11. *Petiere*] Per Syncopen dicitur pro *petiuerunt*.
Nimium crudelibus] De hac significatione vocis *nimium* vide Not. in Psal. ii. 12. *Felicem nimium*.
 12. *Cohors*] Vide Not. in Psal. xxxiii. 1. *Sancta cohors*.
Glomerantur apes] Consule Not. in Psal. civ. 12. *Glomerantur aves*.
 13. *Sed tamen*] Ad imitationem Virgilii:
 Sed tamen, iste Deus qui sit,
 da, Tityre, nobis,
 Eccl. i. 19.
 15. *Pia testæ*] Per Metonymiam dicitur pro *testa* piorum.
 16. *Jugo*] Vide Not. in Psal. xvii. 3. *Juga*.
 19. *Mystæ*] *Mysta* a voce Græca *μυσος*, sacra discens, mysteriorum peritus, initiatus sacris alicujus numinis.
Valvas] Vide Not. in Psal. xxiv. 7. *Valvas*—*feres*.
Thure] Consule Not. in Psal. xxvi. 6. *Thura dabo*.

20. Sacra cohors! templi repera pia limina: justos
Hic decet auratis figere dona tholis.
21. Te, Pater Alme! canam: facilem tu questibus au-
rem
Indulgens, vitæ, quâ fruor, Autor ades.
22. Hic lapis, artificum stolidus quem spreverat error,
Marmora combinans nobile fulcit opus.
23. Hoc Deus arcanum terris patefecit; et omnes
Hic et quod stupeant, et venerentur, habent.
24. Lux fuit hæc felix Divini conscia partus:
Omnibus et secum gaudia mille tulit.
25. Nunc, Deus! adfer opem cœli de culmine; nostris
Nunc, precor, ô! cœptis consiliisque fave.
26. O ter felicem, qui, missus ab æthere summo,
Fert secum Domini iussa sacrata sui!
Nos, quibus incumbit dilecti cura peculî,
Huic simul optamus tempora læta choro.
27. Desuper affulsit lux aurea: vinctus ad aras
Stet caper, et nitido de grege lecta bidens.
28. Tu Deus es, mea te vox laudibus evehet unum:
Tu Dominus, festâ te celebrabo lyrâ.

29. Quas

ANNOTATIONES.

20. *Cohors*] Vide Not. in Psal. xxxiii. 1. *Sancta cohors*.

Tholis] De hac voce vide Not. in Psal. xix. 2. *Tholis*.

21. *Alme*] Vide de hoc epitheto Not. in Psal. xii. 1. *Alma*.

Indulgens] De hoc verbo consule Not. in Psal. iii. 8. *Indulges*.

24. *Lux*] Per *Metonymiam* ponitur pro *dies*, ut Psal. xxxv.

21. *Optata luce*.

26. *O ter felicem*] Vide Not. in Psal. ii. 12. *Felicem nimum*.

Peculî] Consule Not. in Psal. lxxiv. 2. *Cura peculî*.

Tempora læta] De hoc epitheto *læta* vide Not. in Psal. iii. 8. *Tempora læta*.

Choro] Consule Not. in Psal.

xviii. 10. *Chori*.

27. *Aurea lux*] De hoc epitheto *aurea* consule Not. in Psal. lxxv. 11. *Aureus annus*.

Læta bidens] Volunt nonnulli *oves* dictas *bidentes* quasi *biennes*, duorum annorum. Alii quod inferiores et superiores habeant *dentes*, unde et *ambidentes* etiam vocabantur, quasi utrinque dentatæ. Alii quod inter *dentes octo*, *binos* haberent cæteris eminentiores. Tales autem *oves* exigebantur ad sacrificia etiam apud gentes, teste Virgilio:

— *Maestant lætas de mœre bidentes*, *Æn.* iv. 57.

28. *Lyrâ*] Vide Not. in Psal. lvii. 8. *Lyræ*.

Y 2

Hic

29. Quas decet, Autori rerum depromite grates:
Illius est nullo limite clausus amor.

CXIX.

A L E P H א.

O Te beatum, purus et integer
Legum sacrarum qui teris orbitam!

Qui mente totâ sempiterni
Jussa sequi satagis Parentis!

3. Qui, liber omni flagitio, viam
Insistis illam, quam pede fervido
Calcare jussit qui supremo
Imperio moderatur orbem!

5. Præcepta legis fac, Deus! impleam;
Vitæ benignus dirige semitam:
Non erubescam, te secutus,
Æthereæ Dominator aulae!

7. His eruditus, pectore candido
Te prædicabo, legibus obsequens;
Ne te sequentem derelinque,
Rerum Opifex! ope destitutum.

2. B E T H ב.

9. Quâ regant mores juvenes, habenam
Lex dabit. Te, Rex superûm! rogavi

A N N O T A T I O N E S.

Hic Psalmus est generis *mixti*, continens promiscua documenta et preces, quæ ordine alphabetico a Davide conscriptæ sunt; prima carminum series continet argumentum totius Psalmi; nimirum *Propositionem generalem* de felicitate obsequentium Deo, tribus versibus; deinde *Accommodationem singularem* ad personam supplicis, quinque cæteris.

1. *O te beatum*] Vide Not. in

Psal. ii. 12. *Felicem nimium.*

Teris orbitam] Id est ad normam legis divinæ vitam componis; Metaphora sumpta a viatoribus, cujusmodi multa alia passim in hoc libro occurrunt exempla.

Satagis] De hoc verbo vid Not. in Psal. xvii. 4. *Satago.*

7. *Candido*] Vide Not. in Psal. iv. 1. *Candida.*

9. *Superûm*] Per *Syncopen* dicitur pro *superorum*.

Mente

Mente sincerâ: mihi, ne vacillem,
Dirige gressus.

11. Pectus, offensam metuens, recondit
Quæ jubes, omni memorande sæclo!
Tu fac incedam, modererque passus
Tramite recto.

13. Voce sublimi, populos per omnes,
Jura, ceu præco, tua publicavi:
Has ego fulvis Ophyrae caminis
Præfero gazas.

15. Quam doces, legem meditabor; una
Hæc meam fulcit Cynosura puppem:
Hæc mihi pectus recreat, nec ullo
Excidet ævo.

3. GIMEL.]

17. Ut vivam, monitis promptus et obsequar,
Sis ô, sis famulo propitius tuo!
Pandens lumina, legis
Fac oracula conspicer.

19. Hunc inter populum sum novus incola;
Legis fidereum ne jubar occule.
Hanc dum deperit unam,
Sensim mens mihi liquitur.

21. Tu plectis tumidos vindice dextrâ,
Sacris dum monitis nequiter obstrepunt:
Me, qui jussa capeffo,
Probris ocyûs eripe.

ANNOTATIONES.

11. Sæclo] Per Syncopen dicitur pro seculo: vide Not. in Psal. xlv. 6. Sæclo.

13. Ophyra] Vide Not. in Psal. xlv. 9. Gens Ophyrae.

Gazas] Consule Not. in Psal. xlix. 8. Gazis.

15. Cynosura] a Græco Κυνόςουρα, i. e. Canis Cauda, quæ et ursa minor dicitur; hoc signum nautæ Phœnices intuebantur, secundum illud Ovidii,

—Cynosura petatur

Sidonis, Helicen Graia Carina notet, Fast. iii. 108.

17. Sis, ô! sis] Est elegans Deesis et Anaphora.

Oracula] Consule Not. in Psal. xlix. 4. Oracula.

19. Legis fidereum jubar] Id est, Radios tuæ legis, quæ meæ cæca vestigia dirigat, ut stella affulgens ambulanti in tenebris.

23. Ah! me de folio, dum tibi pareo,
Allatrant procures; ast ego gestio
Sectari tua jussa,
Vitæ perpetuos duces.

4. DALETH 7.

25. Curarum nebulis mens jacet obruta;
Promissio residem lumine recrea.
26. Te coram explicui pectoris abdita;
Tu me respiciens desuper erudi.
27. Tu me quæ fugiam, quæ sequar edoce;
Ut miracula tui roboris eloquar.
28. Mens languet tetricis cincta molestiis;
Tu fer lenis opem, polliciti memor.
29. Fac ut mente procul sit dolus impius:
Lex vitæ, precor ô, sit mihi regula!
30. Hanc legi dubiis in tenebris ducem:
Per fluctus Helicen hanc sequar unicam.
31. Hæsi, nil dubitans, illius orbitæ;
Tu fac, ora mihi ne pudor inquinet.
32. Hanc unam intrepidè pes teret impiger;
Tu deterge modò nubila pectoris.

5. HE

ANNOTATIONES.

23. *Allatrant*] *Allatrare* est adversus aliquem *latrare*: et ad canes propriè pertinet; dicimus enim *allatraverunt* eum canes: et *allatratus* est a canibus: Per *Metaphoram* vero significat *per invidiam criminari*. Qui vivo quoque eo, *allatrare* ejus *magnitudinem solitus erat*, Liv. xxxviii.

54.

26. *Pectoris abdita*] Quo modo supra dixit *opaca viarum*, Psal. x. 8. quem locum vide.

27. *Miracula*] Per *Syncopen* dicitur pro *miracula*.

28. *Fer lenis*] *Lenis* hîc ponitur adverbialiter per *Enallagen*, pro *leniter*, ut Psal. ii. 12.

Securus.

30. *Helicen*] Duplex est signum cœlestis *ursa* dicta, major et minor; major vocatur etiam *Helice*, ab ἥλιξ *circumvolutio*, quia circa polum septentrionalem volvitur majore circuitu, quàm minor, quæ *Cynosura* vocatur supra versu decimo quinto. Majorem *ursam* vel *Helicen* nautæ Græci intuebantur, ut Phœnicees minorem.

Essa duas Arctos, quarum, etc. Ovid. Fast. iii. 108. Vid. y. 15.

31. *Ora inquinet*] *Ora* ponitur hîc per *Heterosin* pro *os*, quod per *Synecdochen* pro *vultu*.

32. *Impiger*] Ponitur hîc adverbi-

5. H E 7.

33. Jussa me doce sacra :
Hæc, luce cœli dum fruar, faceßam.
34. Pectus erudi, tua
Ut pro virili secter instituta.
35. Quæ jubes fac exsequar :
Hoc optat, hoc et mens anhelat unum.
36. Fac amem quod imperas ;
Nec cæca mentem fascinet libido.
37. Vana fac abominer,
Et recreentur spiritus remissi.
38. Pacta sint precor rata,
Favorque fido debitus ministro.
39. Probra pelle plurimùm
Timenda, Judex et Parens benigne!
40. Jussa mens sitit tua ;
Largire vires, Auctor æquitatis!

6. V A U 7.

41. Fœderis et favoris
Tu memor, serva famulum præsidio paterno.
42. Nitor ego regorque
Legis æternæ placitis; his reprimam obloquentes.

ANNOTATIONES.

verbaliter pro *impigre*, per *Enallagen*, ut Psal. ii. 12. *Securus*.

34. *Pro virili*] Subauditur *parte*.

35. *Hoc anhelat*] *Anbelare* propriè est quum ex cursu, aut alio quovis labore vehementi, crebris quasi singultibus spiratur. Per Translationem significat omni conatu ad rem adspirare.

36. *Fascinet*] *Fascinare* propriè *incantare*, a *fascinum*, vel *fascinus*, quoddam incantationis genus quo homines ita ligantur,

ut liberi non sint, nec mentis compotes, sæpeque ad extremam maciem deveniant: vel a *fando*, vel a *fasciis*, quibus ligabant quos *fascinabant*. Voce utitur Virgilius:

*Nescio quis teneros oculus mibi
fascinat agnos,*

Ecl. iii. 103.

37. *Abominer*] Vide Not. in Psal. xxxi. 6. *Abominor*.

40. *Sitit*] De hac Metaphoricâ significatione verbi *sitio* consule Not. in Psal. iv. 6. *Sitit*.

43. Hæc

43. Hæc, quia pectus ægrum
Fulciunt, rerum Genitor! ne mihi durus aufer.
44. Sic tua iussa promptus
Exsequar, solem celeres dum rapiunt quadrigæ.
45. Hæc quia mente totâ
Semper amplector, gladios despiciam minaces:
46. Nec pudor ora pinget,
Cum tuas leges proceres purpureos docebo.
47. Has ego dum revolve,
Gaudium pectus subit, imas penetrans medullas.
48. Numinis imperata,
Sensibus condens penitis, intrepidus faceffam.

7. Z A I N †.

49. Sis pacti veteris memor;
Pacti, quod famuli spem renovat tui.
50. Hoc me, cum premor, erigit;
Et mentem recreat rebus in asperis.
51. Non me legis ab orbitâ
Divertit petulans lingua potentium.
52. Hanc olim meditans puer,
Concepi tacito gaudia pectore.
53. Me totum stupor occupat,
Hanc Fastus quoties proterit insolens.
54. Hanc unam super omnia,
Dum vixi, meritis laudibus extuli.

A N N O T A T I O N E S.

43. *Durus aufer*] *Durus* hîc ponitur adverbialiter per *Enallagen* pro *durè*. Ut in versu sequenti *promptus* pro *promptè*.

44. *Solem rapiunt Quadrigæ*] *Quadrigæ*, quatuor equi simul juncti, dicti, vel quod sub eodem jugo sunt, quasi *quadrijugæ*; vel quod impellantur et agantur simul, quasi *quadrigæ*. Ut Lunam bigis, sic Solem quadrigis in vectus poeticè depingebatur, forsan ob quatuor anni tempestates.

46. *Ora pinget*] *Ora* hîc per *Synecdochen* pro *vultus*, ut Psal. vii. 5.

48. *Intrepidus faceffam*] *Intrepidus*, hîc, per *Enallagen*, adverbialiter ponitur pro *intrepidè*, ut Psal. ii. 12. *Securus*.

49. *Pacti—pacti*] Est *Anaphora*, de quâ figurâ vide Not. in Psal. ii. 6. *Sceptra ferenda dedi, sceptra*.

53. *Fastus*] Hîc sumitur personaliter pro *fastuoso*, ut Psal. i. 1. *Impietas*.

55. Te, sol cum jubar occulit,
Adspecto in tenebris, et tibi pareo.
56. Quàm, rerum Genitor, mei
Merces ampla fuit fructus et obsequi!

8. H E T H ׀.

57. Tu, Pater Omnipotens! fors es mea; Legis æviternæ
Parebo, dixi, semper institutis.
58. Te, Deus! oravi prece supplice, lenis ut faveres:
Promissâ servans subleva precantem.
59. Mente catâ rexi vestigia, legis et pependi
Bilance justâ cogitationes.
60. Me tenuit mora nulla; sed impiger imperata feci,
Quæ, Rector orbis! fulminans dedisti.
61. Compede me vinxit gens impia; sedulò sed inter
Tormenta mehs est obsecuta legi.
62. Concubiâ te nocte canam, memor æquitatis unus
Quâ tu refulges, et benignitatis.
63. Si quis in hoc populo est te qui colit, inter hunc
sodales,
Inter reponam candidos amicos.
64. Irradiat terras bonitas tua; tu resolve luce
Legum tuarum pectoris tenebras.

9. T E T H ׀.

65. Tu rerum Genitor! polliciti perpetuò memor,
Juvisti famulum propitio subsidio tuum.

ANNOTATIONES.

56. *Obsequi*] Per *Syncopen* dicitur pro *obsequii*.

57. *Æviternæ*] Quod hodie æternum antiqui æviternum dixerunt, teste Varrone de *L. L. lib. v. cap. 2.*

58. *Lenis faveres*] Lenis hîc ponitur adverbialiter, per *Enallagen*, pro *leniter*, ut *Psal. ii. 12. Securus*: Ut etiam versu sexagesimo *impiger* pro *impigra*.

62. *Concubiâ nocte*] *Noctem* profundam vel mediam significat, quum tempus agendi est nullum, et omnes fere tunc cubitum iverunt. Alii intemperatam noctem vocant: alii a *filere*, *silentium*.

63. *Candidos*] De Etymo et propriâ significatione hujus vocis, vide *Not. in Psal. iv. 1. Candida*.

66. Tu mentis tenebras luce tuâ discute; nam tuis
 Constanter placitis et monitis credo fidelibus.
 67. Erravi prius, et vita fuit septa molestiis;
 At nunc æthereis, nil dubitans, vocibus obsequor.
 68. Nil est te melius, te famulis nemo benignior;
 Leges ergò tuas et monitus me bonus edoce.
 69. Me quamvis laceret dente truci gens nimis arrogans,
 Te quocunque jubes ponè sequar, legibus audiens.
 70. Est illi populo mens hebes abdomine pinguior;
 Sed lex mille mihi deliciis pectus inebriat.
 71. Me pungi stimulis desuper ô quàm fuit utile!
 Hinc Patris didici coelicolûm jussâ faceßere.
 72. Argentum sitiat vulgus iners, et miseras opes;
 Legis luce tuæ fidereâ plûs ego recreor.

10. J O D.

73. Dextera me finxit tua: leges, nube remotâ,
 Da mihi nôsse tuas.
 74. Cùm cernet gens sancta tuis me fidere jussis,
 Ingeminabit Iô.
 75. Ah! miser agnoscò, quibus hic, quibus inde laceßor,
 Me mala jure pati.
 76. Me tua soletur bonitas, et fœdera nullo
 Dissolüenda diè.
 77. Me tua restituat vitæ clementia; namque
 Lex tua grata mihi est.

A N N O T A T I O N E S.

68. *Te melius, te famulâ*] Notetur *Anaphora*, de qua vide Not. in Psal. ii. 6. *Sceptra*, etc. *Bonus*] Hic per *Enallagen* sumitur adverbialiter, ut Psal. ii. 12. *Securus*.

71. *Coelicolûm*] Per *Synecopen* dicitur pro *Coelicolarum*.

72. *Miseras opes*] Id est, quæ divitem nedum faciunt beatum, imò per sepe sordidum et miserum reddunt. Quo modo dixit

Hor. *Serm. lib. ii. viii. 18. Diuitias miseras*; Et *Carm. iii. xxix. 58.*

Non est meum — ad miseras preces decurrere.

73. *Da mihi*] Vide Not. in Psal. cxv. 7. *Nec palpare datur.*

74. *Iô*] Vid. Not. in Psal. xiii. 4.

76. *Dissolüenda*] Per *Diæresin* pro *dissolvenda*, ut Psal. cv. 10.

78. Qui premit infontem fastu sit dedecus orbis;
Nam tua jussa sequor.
79. Quisquis et observans legem tibi supplicat, opto
Flagret amore mei.
80. Cor tibi morigerum tu dona, ne mihi turpis
Inquinet ora pudor.

11. CAPH D.

81. Mens spe salutis languet, et vires labant,
Dum legis in isto semitæ.
82. Visus hebescent, dum queror pactam tuis
Abeſſe promiſſis fidem.
83. Aresco curis, uter ut fumo solet;
Sed voce delector tuâ.
84. Lux ecqua tantis adferet finem malis,
Pœnasque dignas hostibus?
85. Gens plena fastu fodit inſonti ſcrobem,
Dum fræna legum reſpuit.
86. Lex æqua certè eſt: Innocens quamvis premor,
Tu me potenter libera.
87. Me cùm ſuperbus mille plagis obruit,
Legum ſtatutis parui.
88. Tu redde vitam, ſpiritus et priſtinos;
Et quæ jubes mox exſequar.

12. LAMED S.

89. Cœli ſiderei vox tua vinculis
Suspendit fabricam pluſquam adamantinis:
90. Idem perpetuo ſtare loco jubes
Terram, fallere neſcius.
91. Juffis et placitis obſequium tuis
Præbent, et ſtabilis machina permanet.

Buſto

80. Ora] Per *Synecdochē* miam ponitur pro dies, ut *Pſal.*
dicitur pro vultus, ut *Pſal.* vii. xxxv. 21. *Optata luce.*

83. Uter] *Utres* intelligit ex- in *Pſal.* xviii. 2. *Adamantina*
pelle, cujuſmodi in uſu erant *rupes.*

84. Lux] Hic per *Metony* 91. Buſto] De hac voce ſu-
pra dictum ad *Pſal.* xxviii. 1.
Buſta

252 - P S A L M U S CXIX.

92. Busto jam tegerer, me nisi languidum
Fulsissent tua foedera.
93. Leges usque memor mens recolet, quibus
Et vivo et valeo viribus integer.
94. Illarum cupidè dum tero semitam,
Cassum viribus asserere.
95. Eheu! mille dolis opprimor undique,
Leges continuè dum veneror tuas.
96. Pennà dum celeri cætera transvolant,
Hæ semper stabiles manent.

13. M E M O.

97. Quàm legum studio levor sacrarum,
Quas noctes meditor vigil diesque!
98. Has dum ruminor, eruditionis
Palnam præripio hostibus malignis:
99. Inter et caput effero magistros,
Has dum cogito pertinax sequorque.
100. Dum legum placitis regor tuarum,
Ipsos exsupero senes peritos.
101. Ut te ponè sequar ducem viarum,
Pes declinat iter tenebrionum.

102. Tu

ANNOTATIONES.

Busto.

93. *Et vivo et valeo*] *Copula et hîc geminatur per Poly- syndeton, ut Psal. vii. 17. Jus- tumque Deum, etc.*

96. *Transvolant*] *Transvo- lare* propriè pertinet ad aves, et significat *ultra volare*; sed sumitur etiam, ut hîc, pro *ce- leriter ire*. Ut, *Eques*—trans- volat inde suis victoriæ nuntius, Liv. iii. 63.

98. *Ruminor*] *Ruminor* vel *Rumino* propriè est *removere ac rursus consumere*; vel *ad rumen revocare*, quod pecudum est; unde per translationem, in me- moriam revocare. *Non modo absens quicquam de te sapius co-*

gitabit, sed etiam ruminabitur humanitatem, inquit Varro apud Nonium.

Palnam præripio] *De palma* victoris præmio, jam dictum ad Psal. lxxii. 3. Hic ponitur pro ipsa *victoria*, ut apud Terenti- um: *Huic equidem consilio pal- nam do*; quasi dixisset, *Vicit hoc consilium*. Heaut. iv. iii. 3.

99. *Cogito pertinax*] *Perti- nax* hîc ponitur abverbialiter per *Enallagen*, pro *pertinaciter*, ut Psal. ii. 12. *Securus*.

101. *Tenebrionum*] *Tenebrio- nes* sunt mendaces et dolosi qui, mendaciis et astutiis suis nebu- lam quandam et tenebras objici- unt. Alii *tenebriones* interpre- tantur

102. Tu praecepta mihi, Parens! dedisti:
His passus moderor, procul ruinâ.
103. O quàm sermo tibi fuit venustus!
Quàm mellis superat meri liquorem!
104. Hic mentem tenebris levat, viaeque
Hoc fretus fugio catus sinistras.
14. N U N C.
105. Instar lucernæ, legis aureum jubar
Me regit, et tenebras potenter omnes dissipat.
106. Sanctè spondi nutibus, Pater! tuis
Me fore morigerum, datamque præstabo fidem,
107. Quot cingor, eheu, quot premor molestiis!
Me mihi redde, tui favoris et pacti memor.
108. Quas ore libo spirituque victimas
Accipe, sed facilis; doceque rectam semitam.
109. Me mille quamvis obruant pericula,
Te tamen usque sequor, tuo dicatus Numini.
110. Dum me dolosis implicare cassibus
Gens scelerata parat, tuis statutis hæreo.
111. Nunc sunt, et olim mentis hæc erunt meæ
Gaudia, deliciæ, lucerna, spes, hæreditas.
112. Præcepta legis mente candidâ sequar,
Dum mihi mens superest, et ossa velantur cute.

A N N O T A T I O N E S.

tantur Lucifugos; quasi in tenebris delitescentes.

104. *Sinistras vias*] *Noxias, infelices, adversas*; quia quæ sinistrâ manu fiant, minus rectè fieri videmus.

108. *Libo*] De hoc verbo vide Not. in Psal. li. 16. *Quam tibi libarem.*

Accipe, sed facilis] *Facilis* hîc adverbialiter ponitur per *Enallagen* pro *facile*, ut Psal. ii.

12. *Securus.*

Victimas] Consule Not. in Psal. iv. 5. *Victima sit peccatus sine fuco.*

111. *Gaudia, deliciæ, etc.*] Hîc copula reticetur per Figuram quam vocant *Apyndeton*, ut Psal. vii. 9. *Iustos erige, perde malos.*

112. *Candida*] Vide Not. in Psal. iv. 1. *Candida.*

15. SAMECH D.

113. Odi ego quæ pectus sibi fingit futile, legis
Nempe tuæ dulcedine captus.
114. Tu rupes clypeusque mihi es; cinctusque periclis
Fido tuis, Pater Optime! dictis.
115. Sit procul impietas omnis, scelerumque ministri:
Semper ego tua jussa capeßam.
116. Me, Pater! ut vivam, verbi firmamine fulci;
Nec spes sit comitata pudore.
117. Da vitam viresque mihi; sic passibus æquis
Te sequar, et quò jusseris ibo.
118. Hos pede calcâsti, quos devius abripit error:
Hos sua fraus dimittit inanes.
119. Pulveris in môrem, sceleratos spargis in auras;
Ergò sequi tua diligo jussa.
120. Tela tuæ quoties et fulmina conspikor iræ,
Stat coma, cor stupet, horreo totus.

16. AIN Y.

121. Me juvit æquum semper et bonum sequi;
De me fac, oro, ne triumphet impius:
122. Tu sed benignus me tuere servulum:
Fac arrogantium ne molester spiculis.
123. Ah! dum salutem præstolor diu nimis,
Fidemque pactam, victa torpent lumina,
124. Favoris alâ me paterni protege;
Et pande vitæ purioris semitam.
125. Devotus uni Numini cùm serviam,
Pulsis tenebris, scire da quod imperas.

ANNOTATIONES.

114. *Periclis*] Per *Syncopen* videtur ad elegantem illam timoris descriptionem apud Virgilium:

118. *Calcâsti*] Per *Syncopen* dicitur pro *Calcavisti*.

120. *Tela*] De hujus vocis Etymo vide Not. in Psal. iii. 6. *Tela*.

Stat coma, etc.] Copula retinetur per *Affyndeton*. Alludere

videtur ad elegantem illam timoris descriptionem apud Virgilium:

*Obsupui, steteruntque coma,
et vox faucibus hæsit,*
Æn. i. 774.

122. *Benignus tuere*] *Benignus* hic ponitur adverbialiter per *Enallagen* pro *benignè*.

126. Nunc

126. Nunc ultioni tempus instat debitum:
Hos perde sacris qui statutis obstrepunt.
127. Legum tuarum suavitatem præferam
Auro, quod ignis jam probavit septimus.
128. Amuffis hæ sunt æquitatis aurea:
Has sector, et tortas abominor vias.

17. P E D.

129. Quàm tua mortalem superant oracula captum?
Hæc eruditus perpete prosequar obsequio.
130. Prima tuæ legis pellunt elementa tenebras,
Et cæcitatem pectoris, instituuntque rudes.
131. Attraxi tua verba, velut cùm gutture toto
Invitat auras ætheris æger agens animam.
132. Quâ tibi dilectos nimium dignaris amicos,
Rerum Creator Maxime! da mihi luce frui.
133. Legis ad arbitrium titubantem dirige gressum;
Nec pectus in prædam sine cedere flagitiis.
134. Eripe me furiis hostilibus, eripe telis:
Da, Rector orbis Maxime! te duce recta sequi.
135. Me radiis perfunde tuis, pectusque serena;
Et da faceßam, tu mihi quod, Pater! imperitas.
136. Dum reliqui tua jussa sequi monitusque recusant,
Ah! lachrymarum protinus obruor oceano.

ANNOTATIONES.

128. *Abominor*] Vide Not. in Psalm. xxxi. 6. *Abominor*.

132. *Nimium*] De hac significatione hujus adverbii vide Notam in Psalm. ii. 12. *Nimium*.

Da frui] Consule de hac locutione Not. in Psalm. cxv. 7. *Nec palpare manu datur*.

134. *Eripe me furiis, eripe telis*] Notetur hic elegans *Anaphora*, de quâ figura jam dictum ad Psalm. ii. 6. *Sceptra ferenda dedi, sceptra*.

Telis] Vide Not. in Psalm. iii. 6. *Tela*.

135. *Serena*] Est vox felicif-

fima, quæ primitus significat nubes et nebulas pellere, cælumque sudum et clarum reddere; ut apud Virgilium:

Vultu, quò cælum tempestatessque serenat, Æn. i. 259.

Inde Metaphorice transfertur ad animum, et vultum animi indicem: Exemplo fit idem Virgilius:

Consilium vultu tegit, ac spem fronte serenat, Æn. iv. 477.

Da faceßam] Consule Not. in Psalm. cxv. 7. *Nec palpare manu datur*.

18. TSADDI י.

137. Res hominum, Rector superum! tu legibus æquis
Et lance dispensas pari.
138. Est rectum quodcunque jubes; nil sanctius illo,
Tuo vel æquius foro.
139. Tabesco, dum jura ferus tua proterit hostis,
Et pectus omne liquitur.
140. Candidus est sermo tuus, hunc exosculor unum,
Et corde toto diligo.
141. Est mihi fors tenuis, gens et me sibilat exlex;
Verbis sed obsequor tuis.
142. Æternum durant tu quæ præscribis, et una
Sunt veritatis regula.
143. His ego delector, me quamvis mille malorum
Molesta cingunt agmina.
144. Nulla dies illis metam præfigit: ut ergo
Vivam, doce quod imperas.

19. KOPH פ.

145. Te, Deus! oravi supplex: da questibus aurem;
Ut imperata promptus exsequar tua.
146. Æthera lassavi gemitu; succurre precanti:
Tibique, Rector orbis! obsequar lubens.
147. Dum gemo, dum clamo, quos Eos explicat ignes
Querela tristis antevertit aureos.
148. Anticipo vigiles ipsos, tua nocte dieque
Statuta mente dum revolvo sedulâ.

ANNOTATIONES.

137. *Superum*] Per Syncopen dicitur pro *superorum*.

140. *Candidus*] Vide de hoc epitheto Not. in Psalm. iv. 1. *Candida*.

Exosculor unum] Unus hîc pro præcipuus, ut Psalm. lxxi. 14. *Te unum* efferet.

144. *Metam*] Vide Not. in Psalm. xlv. 15. *Nec modus est vel meta malis*,

145. *Oravi supplex*] *Supplex* hîc ponitur per *Enallagen* pro *suppliciter*, ut Psalm. ii. 12. *Securus*. Ut etiam *promptus* pro *promptè*; et in sequenti versu *lubens* pro *libenter*.

146. *Æthera lassavi*] Vide Not. in Psalm. lv. 2. *Astra fatigo*.

147. *Eos*] Consule Not. in Psalm. xix. 5. *Thalamo Eco*,

149. Me

PSALMUS CXIX. 257

149. Me bonus exaudi, vires et redde, favoris
Et æquitatis usque pristinæ memor.
150. Me premit à tergo scelerum qui laxat habenas,
Fugitque legis despicitque semitam.
151. Tu tamen es præstò : leges discrimine nullo
Tuas coronat æviterna veritas.
152. Includi brevibus renuunt tua fœdera metis ;
Vicesque temporum subire lex nequit.

20. RESCH 7.

153. Sís memor servi pereuntis, altâ
Qui mēte legem condidi.
154. Me, tenax pacti, famulum tuere,
Et luce pectus recrea.
155. Nulla spes illi superest salutis,
Qui fræna legum respuit.
156. Tu mihi vires repara, paterno
Amore qui me protegis.
157. Me licèt cingant tumidæ procellæ,
Tuis statutis dirigor.
158. Hostium spectans animos rebelles,
Mœrore percellor gravi.
159. Me refocilla radio favoris,
Testis perennis obsequi.
160. Terminos nescit tua lex prioris,
Sed nec futuri temporis.

21. SCHIN 2.

161. Infons potentum spiculis
Legisque custos obruor.

ANNOTATIONES.

150. *Me premit*] De hac significatione verbi *premo* vide Not. in Psal. iii. 2. *Premet.*
- *Qui laxat habenas*] De hac *Metaphora* vide Not. in Psal. ii. 5. *Frænæque dans.*

151. *Æviterna*] Vide Not. in versum quinquagesimum sep.

timum.

152. *Metis*] Consule Not. in Psal. xlv. 15. *Nec modus est vel meta malis.*

153. *Altâ mente*] Pro *altâ in animo*, ut supra Psal. cix. 14.

159. *Obsequi*] Per *Synopen* dicitur pro *obsequi*.

162. Ut præda dives militem,
Sic una lex me recreat.
163. Hanc mente totâ diligo;
Sed fraudis odi retia.
164. Hanc me canentem sedulò
Lux una cernet septies.
165. Hanc quisquis unum deperit,
Quiete gaudet perpete.
166. Me spes salutis erigit,
Dum jussâ sector Numinis.
167. Dum legibus vaco sacris,
Delector his et recreor.
168. His obsequuntum me vides,
Motasque vitæ semitas.

22. TAU ת.

169. Exaudi gemitus, tuis
Et me legibus instrue.
170. Auscultans famulum, Deus!
Serva, polliciti memor.
171. Leges me bonus edoce,
Laudes et referam tuas.
172. Te vox tollet ad æthera,
Leges qui stabilis pias.
173. Illas cùm sequar, asserere
Servum vindice dexterâ.
174. His lætor: fer opem diu
Quæsitam prece supplice.
175. Ut te laudibus eveham,
Vitam vox tua fospitet.

ANNOTATIONES.

162. *Una lex*] *Una* hîc ad-
verbialiter ponitur pro *unicâ*, præ-
cipuè. Vide Not. in Psal. ciii.

163. *Diligit unos*.

164. *Lux*] Ponitur per Me-
tonymiam pro *dies*, ut Psalm.

xxxv. 21. *Optatâ luce*.

165. *Unam*] Ut supra, ver.

162.

168. *Semitas vitæ*] Est Me-
taphora a viatoribus, ut Psal. i.
1. *Carpit iter*.

171. *Bonus edoce*] *Bonus* hîc
sumitur adverbialiter, per En-
allogen, ut Psal. ii. 12. *Securus*.

173. *Vindice*] Vide Not. in
Psal. xlv. 20. *Te vindice*.

176. Me

176. Me quære ut pecudem vagam,
Leges et recolam tuas.

CXX.

TE, Deus! oravi mediis in fluctibus; aures
Et sensi faciles in mea vota tuas.

2. Me, quibus infestor, fallacibus eripe linguis;
Fraudis et artifices me procul esse jube.
3. Quam dolus armat atrox, nimis et penetrabile virus,
Quid tibi non optem, perfida lingua! mali?
4. Ignea juniperi minùs urit pruna; nec ensis
Par huic, aut jaculi cuspis acumen habet.
5. Cur, Nomadas inter, deserta mapalia sector?
Inter inhumanos cur ego vivo Getas?
7. Me juvat alma quies; gens hæc fera bella minatur,
Et quoties pacem poscimus, arma crepat.

ANNOTATIONES.

Hic Psalmus est generis *voti-
vi*, continens *Narrationem*, ver-
su primo; et *Orationem*, sequen-
tibus.

1. *Mediis in fluctibus*] De
Metaphoricâ significatione vocis
fluctus, vide Not. in Psal. ix.
13. *Adspice fluctus*.

3. *Penetrabile*] *Penetrabilis*
sumitur hîc in activâ significa-
tione, ut Psal. lvii. 4. *Telum pe-
netrabile*.

4. *Juniperi*] *Juniperus* ar-
buscula quæ in arenosis frequens
nascitur, et accensa ingentes concipit
ardores, nec cito extinguen-
dos.

5. *Nomadas*] *Nomades* popu-
li vagi in Scythia Europæ, nunc
Tartari dicuntur, quorum om-

nis vita in pascendis gregibus ha-
beatur; gens adeo fera et in-
cultâ ut semicrudis carnibus ves-
ceretur.

*Nulla domus, plausfris babi-
tant; migrare per arva
Mos, atque errantes circum-
vestire penates,*

Sil. Ital. lib. iii. 290.

Dicti Nomades a verbo Græco
πάσχω, pascō.

Getas] *Geta* populi Thraciæ
natura et moribus feroces.

7. *Alma*] De hoc epitheto
vide Not. in Psal. xii. 1. *Alma*.

Arma crepat] Ad imitationem
Horatii:

*Quis pest vina gravem militi-
am aut pauperiem crepat,*
1 *Carm. xviii. 5.*

CXXI.

AD sacra devotos attollam culmina vultus,
In quibus antiquæ spes mihi restat opis.

2. Me juvat Hic, cœli volucres qui texuit orbes,
Et terram vitreis undique cinxit aquis.

3. Sic ego me solor: gressus moderabitur ille!
Ne tibi pes usquam cespitet, ille dabit.

Usque vigil, seu sol rutilat, seu conditur undis,
Ille tuas custos excubat ante fores.

4. Adde fidem dictis; Solymam qui servat, aperta,
Dum stertunt alii, lumina semper habet.

5. Te regit, et præstò est, et lætâ nubilat umbrâ,
Invia si quando per loca carpis iter.

6. Solis, ubi lux est, radios arcebit et æstum:
Nocte tuum pellet, roscida luna! gelu.

7. Te Deus æternum cœlesti proteget alâ,
Sive domi malis vivere, sive foris.

ANNOTATIONES.

Hic Psalmus est *Didacticus*, continens *Propositionem*, versu primo; *Orationem*, versu secundo et tertio; *Confirmationem*, inde ad finem.

1. *Vultus*] Per *Heterosin* dixit in plurali numero pro singulari.

2. *Vitreis aquis*] De hoc epitheto vide Not. in Psal. lxxv. 6.

3. *Cespitet*] *Cespitare* dicimur, quum pede aliquid percutientes, quasi ruere cogimur. Dictum *cespitare*, quasi *cespitem* offendere, vel in *cespitem* ferri.

Dabit ne cespitet] Vide Not. in Psal. cxv. 7. *Nec palpare manu datur*,

Seu sol rutilat, seu conditur undis] Est elegans *Periphrasis* pro omnibus horis.

4. *Solymam*] Vide Not. in Psal. ix. 11. *Solymam*.

5. *Præstò est*] Pro *præsens est*, ut apud optimos autores. *Præstò sunt hirundines æstivo tempore*, Cicero. *Ipsum præstò video*, Ter. Andr. ii. v. 4.

Lætâ—umbra] Id est *umbra lætificante*, ut Psal. iii. 3. *Tempora læta*.

Carpis iter] De hac dictione vide Not. in Psal. i. 1. *Carpit iter*.

CXXII.

GAUDIA tum cepi, vox cum mihi perculit aures,
Ad pia quæ jussit limina ferre gradum.

2. Ibimus in sacri reduces penetralia templi;
Nobilis urbs hilari nunc adeunda pede est.
3. Urbibus hanc confer reliquis; concinnius illâ,
Nil et splendidius maximus orbis habet.
4. Huc domus Isacidum properat, stata tempora servans;
Et supplex Domini sternitur ante pedes.
5. Davidis hic solium spectas, quod præsidet orbi,
Legibus et sanctis fasque nefasque regit.
6. Numinis auspiciis urbs hæc ut floreat, opta:
Qui favet huic, illi prospera vita fluat.
7. Urbs sacra! fidereis te Pax circumvolet alis;
Quasque tenes arces incolat alma Quies.
8. Civibus opto meis, carisque tribulibus alta
Otia, perpetuis concomitata bonis.
9. Cum tua prætulerit reliquis Moderator Olympi
Atria, præ reliquis hæc tibi fausta precor.

ANNOTATIONES.

Hic Psalmus est *Gratulatio* ubi David proponit suam lætitiā et illius causas, usque ad versum sextum; deinde *Fausa precatur Ecclesiā*, ad finem Psalmi.

2. *Reduces*] Vide Not. in Psal. xiv. 7. *Reduci*.

Penetralia] De hac voce consule Not. in Psal. xx. 6. *Penetralibus*.

3. *Maximus orbis*] Vide Not. in Psal. xviii. 31. *Maximus orbis*.

4. *Isacidum*] Per *Syncopen* dicitur pro *Isacidarum*.

Supplex] Per *Enallagen* dicitur pro *Suppliciter*, ut Psal. ii.

12. *Securus*.

Sternitur ante pedes] De hoc ritu consule Not. in Psal. v. 7. *Illustres sternar et ante pedes*.

5. *Fasque nefasque*] Copulaque, hic geminatur per *Polyssyndeton*, de quā Figurā vide Not. in Psal. vii. 17. *Iustumque Deum Dominumque potentem*.

6. *Auspiciis*] Vide Not. in Psal. xxxvii. 6. *Illius auspiciis*.

8. *Tribulibus*] Da hac voce jam dictum ad Psal. xxi. 6. *Tribules*.

9. *Olympi*] Vide Not. in Psal. xlix. 15. *Rektor Olympi*.

CXXIII.

- A**LME Parens! in te defigo lumina, cœli
 Qui procul à nobis distita tecta colis.
 2. Sedulus ut famulus gestus observat heriles,
 Et nutus dominæ fida ministra suæ:
 Sic, Deus! intentis oculis te spectro, salutem.
 Dum populo cœli lenis ab arce feras.
 3. Adfer opem miseris, tot qui fastidia passi,
 Fabula jam vulgi ludibriumque sumus.
 4. Otia dum ducit, fannis nos excipit hostis;
 Calcat et audaci turba proterva pede.

ANNOTATIONES.

Hic Psalmus est *Votivus*, continens *Propositionem*, duobus versibus; et reliquis, *Petitionem*.

1. *Alme*] Consule Not. in Psal. xii. 1. *Alma*.

2. *Lenis feras*] *Lenis* ponitur

hic adverbialiter, per *Enallagen* pro *leniter*, ut Psal. ii. 12. *Securus*.

4. *Sannis* De hac voce *sanna*, vide Not. in Psal. i. 1. *Possica sanna*.

CXXIV.

- G**ENS sacra jam dicat, Nobis nisi Numinis olim
 Auxiliatricem dextra tulisset opem;
 2. Hosticus insurgens furor implacabilis arces
 Hausisset Solymas, Isacidumque domos.
 4. Unda vorax refluxo sorpsisset gurgite vivos;
 Et sacra gens tumidis tota perisset aquis.
 6. Ergo Deum celebra, corvos qui ludit hiantes;
 Et Solymas prædam non finit esse lupis.

7. Fu-

ANNOTATIONES.

Hic Psalmus est *Didacticus*, continens primo *Narrationem*, ad versum sextum; deinde *Dei benedictionem*, versu sexto et septimo; postremo, *Conclusionem*, versu ultimo.

2. *Solym as*] *Solymus* est adjectivum *Solyma*, ut apud Juvenalem:

— *Interpres legum Solymarum*, Sat. vi. 543.

4. *Perisset*] Per *Syncopen* dicitur pro *perivisset*.

6. *Corvos ludit hiantes*] Proverbum dictum de iis qui dum inhiant prædæ, ipsi præda fiunt. Ita Horatius:

Scriba — corvum deludet hiantem,

2 *Serm.* v. 56.

Lupis] Homines sic dicti, qui sunt rapacis instar luporum naturæ.

PSALMUS CXXV. 263

7. Fugimus insidias; volucres sic, compede ruptâ,
Aucupis evadunt, quas metuere, manus.
8. Nitimur Ifacidæ Domino, sublimis Olympi
Qui, simul et terræ, quam premis, Autor erat.

ANNOTATIONES.

naturæ. *O præclarum custodem* | 8. *Olympi*] De hac voce
ovium lupum! Custosne urbis, | consule Not. in Psal. xlix. 15.
an direptor et vexator esset | *Rektor Olympi.*
Antonius? Cic. Phil. iii. 27.

CXXV.

- G**ENS pia subsistet, rupes velut alta Sionis,
 Quæ ridet rapidi flabra proterva Noti.
2. Ut Solymam montes, sacrum sic undique cœtum
 Æternùm Domini munit et ambit amor.
 3. Ne pius exemplo peccet, sine fine modoque
 Non finet hunc cœli Rector ab hoste premi.
 4. Alme Parens! lenem cultor te sentiat æqui,
 Et quisquis vacuum crimine pectus habet.
 5. Siquis at à recto deflectit tramite, pœnas
 Fac luat has, scelerum quas meruere duces.
 Pax tamen huc niveis labatur ab æthere pennis,
 Et Solymæ sanctâ figat in urbe larem.

ANNOTATIONES.

Hic Psalmus est generis *mix-* | 4. *Alme*] Vide de hac voce
ti, partim *Didacticus*, tribus | Not. in Psal. xii. 1. *Alma.*
primis versibus; partim *Votivus* | 5. *Pax*] Hic personaliter ex-
 duobus ultimis. | hibetur *Pax* more Poetico.
 i. *Sionis*] Vide Not. in Psal. | *Solymæ*] Consule Not. in Ps.
 ii. 6. *Sioni.* | ix. 11. *Solymam.*
Noti] Consule Not. in Psal. | *Larem*] De hac voce jam dic-
 i. 4. *Notus.* | tum ad Psal. xviii. 45. *Se-*
 2. *Solymam*] Vide Not. in | *positosque lares.*
 Psal. ix. 11.

CXXVI. ISA-

CXXVI.

- I**SACIDUM captiva cohors, Babylone relicta,
 Cùm peteret patrii dulcia testa soli;
 Mens stetit in dubio, veluti qui manè revolvit
 Somnia, quæ certam non meruere fidem.
2. Libera mox hilares in risum solvimus ora;
 Sustulit et cantus lingua soluta novos.
 Tristibus hæc spectans oculis gens accola, Quanto
 Isacidum Vindex robore pollet, ait?
3. Viribus invictis nos juvit, et obruit hostes;
 Quaque gradum tulimus, nil nisi plausus erat.
4. Collige reliquias lectæ, Pater Optime! gentis,
 Fluminis ut cumulat nubilus Auster aquas.
5. Qui gemit illacrymans, dum mandat semina fulcis,
 Ridebit, quoties est refecanda seges.
6. Horrea dum cernit vacuari ditia, lugens
 Exit; ovans idem, cùm metit arva, redit.

ANNOTATIONES.

Hic Psalmus duabus partibus
 constat; *Narratione*, tribus pri-
 mis versibus; et *Precatione*, tri-
 bus reliquis.

1. *Isacidum*] Per *Syncopen*
 dicitur pro *Isacidarum*.

Babylone] Consule Notam in

Psal. lxxxvii. 4. *Babylonis*.

2. *Vindex*] Vide Not. in Ps.
 xxv. 20. *Te vindice*.

4. *Reliquias*] Dicitur per *Ep-*
enthesein pro reliquiis.

6. *Ovans*] Vide Not. in Ps.
 xxxv. 25. *Factet ovans*.

CXXVII.

- N**I Deus adspiret, nequicquam substruis ædes;
 Nequicquam partes excubitoris agis.
2. Incassum, monitrix operum, te suscitatur Eos;
 Incassum, serâ nocte cubile premis.

ANNOTATIONES.

Hic Psalmus est *Didacticus*,
 continens duo documenta: u-
 num, de publicâ et privatâ ad-
 ministratione, duobus primis
 versibus; alterum de numerosâ
 stirpe, tribus reliquis.

1. *Adspiret*] Vide de meta-
 phorico sensu hujus verbi Not. in
 Psal. i. 3. *Adspirans*.

2. *Eos*] Consule Not. in Ps.
 xix. 3. *Tibalam Eoo*.

Nec

PSALMUS CXXVIII. 265

Nec dape te satiat labor ærumnosus; at ista
Satque superque piis sufficit ipsa quies.

3. Nascitur his soboles, domino quæ scribitur hæres;
Hanc ea mercedem gens pietatis habet.
4. Pignora, quæ gignunt primævo in flore juventæ,
Sunt veluti forti spicula missa manu.
5. O felix pharetram jaculis qui talibus implet!
Scilicet his nullus polluet ora pudor.
Et tibi si coram contingant iudice lites,
Lætus ab his cernes hostibus ora premi.

ANNOTATIONES.

- | | |
|--|---|
| 4. Pignora] Consule Notam
in Psal. cvi. 37. | Exercentur equis,
Æn. vii. 162. |
| Primævo flore juventæ] Ita
Virgilius:
Ante urbem pueri, et primævo
flore juventæ, | 5. Pharetram] Vide Not. in
Psal. xxv. 19. Pharetratas. |

CXXVIII.

- O** Te felicem, Dominum quicumque vereris,
Et satagis leges, quas dedit ille, sequi!
2. Quem colis, optatas epulas tibi fundet agellus;
Lenibus et Zephyris vela secunda dabis.
 3. Instar erit vitis conjunx fœcunda tenellæ,
Quæ domini cingit fronde virente larem.
Læta coronabunt genialem pignora mensam,
Ut truncum nitidis vestit oliva comis.

ANNOTATIONES.

- | | |
|--|---|
| Hic Psalmus est <i>Didacticus</i> ,
quo Dei benedictio erga pios præ-
dicatur, primo generatim, tri-
bus primis versibus; deinde spe-
ciatim, tribus reliquis. | Secunda] Vide ibid. <i>Secundet</i> . |
| 1. O te felicem] Vide Not. in
Psal. ii. 12. Felicem nimium. | 3. Larem] Vide Not. in Psal.
xviii. 45. <i>Sepositosque larès.</i> |
| Satagis] De hoc verbo vide
Not. in Psal. xvii. 4. <i>Satago.</i> | Genialem mensam] Id est men-
sam lætam vel voluptariam; a
genio, qui sumitur pro voluptate. |
| 2. Zephyris] Consule Not. in
Psal. xx. 4. <i>Mollibus Zephyris.</i> | Pignora] Consule Not. in
Psal. cvi. 37. |
| | Comis] Pro foliis, ut Psal. i.
3. <i>Bracchia, comas.</i> |

266 PSALMUS CXXIX.

4. Sic tibi læta fluent, et candida tempora vitæ,
Mente Deum quisquis non dubitante times.
5. Has tibi delicias Dominus de rupe Sionis
Mittet, et è cornu divite fundet opes.
Dumque trahes lucem, Solymam florescere, cives
Omnibus et cernes luxuriare bonis.
6. Austibus immodicis spectabis surgere prolem,
Et genus Isacidûm perpete pace frui.

ANNOTATIONES.

- | | |
|--|--|
| <p>5. <i>Sionis</i>] Vide Not. in Pſal.
ii. 6. <i>Sioni</i>.
<i>Cornu divite</i>] De hac dictione
consule Not. in Pſal. lxx. 12.
<i>Pleno copia cornu</i>.</p> | <p><i>Solymam</i>] Consule Not. in
Pſal. ix. 11. <i>Solymam</i>.
6. <i>Isacidûm</i>] Per <i>Syncope</i> di-
citur pro <i>Isacidarum</i>.</p> |
|--|--|

CXXIX.

- G**ENS fera mille malis primis me preffit ab annis,
Jam Solymæ populus dicere jure potest.
2. Gens fera mille malis primis me preffit ab annis;
Non tamen hostiles prævaluere manus.
 3. Terga mihi fodit non uno vulnere: duro
Rusticus haud aliter vomere sulcat humum.
 4. At Pater Omnipotens, qui servantissimus æqui est,
Hostica dirupit vincula, largus opis.
 5. Sacra Sion! odiis te qui premit impius hostis,
Terga det infami sanguinolenta fugæ.
 6. Sit velut herba recens, quæ, tecti in culmine summo
Sponte suâ surgens, vix benè nata perit.

ANNOTATIONES.

Hic Psalmus est *Didacticus*,
quo ecclesia primo enarrat suas
calamitates, tribus primis ver-
sibus; deinde suam libertatem
prædicat versu quarto; postremo
improbiorum omnium ruinam
prædicat, inde ad finem Psalmi.

1. *Solymæ*] Vide Not. in
Pſal. ix. 11. *Solymam*.

4. *Servantissimus æqui est*]
Ad imitationem Virgilii:

— *Cadit et Ripheus justissimus
unus*

*Qui fuit in Teucris, et servan-
tissimus æqui, Æn. ii. 427.*

6. *Herba recens*] Id est, herba
recens frumenti, de quo hic a-
gitur. Frumenta in herba esse
dicuntur, cum germen cœpe-
runt mittere. *Cæs. i. Bell. Civil.*
48. *Neque frumenta in herbis
erant, neque multum a maturi-*
cote

7. Falce metit nemo; maturis implet aristis
Nemo manum; nulli degravat illa sinum.
8. Nemo viatorum, Felici fidere, messis
Uber! ait, dextro Numine cresce, seges!

ANNOTATIONES.

toto aberant.

7. *Aristis*] *Arista* propriè est apex, quæ ut acus tenuis, longa eminet e gluma. Ponitur pro *spica*. Virg.

—*Ne gravidis procumbat culmus aristis,* Georg. i. 3.

8. *Dextro*] De hoc Epitheto vide Not. in Psal. xvi. 4. *Nemina læva.*

CXXX.

INGEMUI, vocemque trahens de pectoris imo,
Te, Deus! oravit mens stupefacta malis.

2. Supplicis exaudi gemitus; auremque querelis
Inclinans, famuli fac rata vota tui.
3. Si, quoties peccant mortales, mente recondas,
Pars quota, quæ mittes, fulmina ferre queat?
4. Sed tua te niveis cingit clementia pennis,
Ut pius hinc subeat pectora sancta timor.
5. Fluctibus in mediis Dominum spes omnis in unum
Incubuit, pactis certa subesse fidem.
6. Hoc spectat mens læta jubar; nocturnus Eoa
Parciùs excubitor luce refectus ovat.

7. Eri-

ANNOTATIONES.

Hic Psalmus est etiam *Didacticus*, quo Propheta primo suam historiam narrat, sex primis versibus; deinde ex suo exemplo fidem in Domino commendat.

1. *Pectoris imo*] *Imus* est adjectivum, idem quod *infimus*, profundus: unde non semel apud Virgilium occurrit, *imo de pectore*. Ut *Æn.* i. 375.

Superans, imoque *trahens a pectore vocem*.

Vide *Æn.* ii. 288. xi. 377. Hic verò ut substantivum usurpatur, *fundo*, sive ejusmodi vocabulo

subintellecto. Exemplo Horatii:

—*Longos imitaris ab imo
Ad summum totus moduli bipedalis,* 2 Sat. iii. 308.

5. *Fluctibus*] De hujus vocis Metaphorica significatione, vide Not. in Psal. ix. 13. *Adspice fluctus.*

6. *Læta spectat*] *Læta* sumitur hîc adverbialiter per *Enallagen* pro *lætè*, ut Psal. ii. 12. *Securus.*

Eoa] Consule Not. in Psal. xix. 5. *Thalamo Eoa.*

268 PSALMUS CXXXI. CXXXII.

7. Erigat Abramidas Domino spes nixa fideli,
Cui comes est bonitas, et cumulata salus.
8. Hic gregis electi vitali flumine noxas
Abluet, et quidquid pectora fœcis habent.

ANNOTATIONES.

Ovar] De hoc verbo vide Not. | in Psal. xxxv. 25. *Faciet ovar.*

CXXXI.

- N**ON ego, Magne Parens! cristas attollo comantes;
Nec tumet inflatum pectus amore sui;
Fronte nec elatâ spectro sublimia; captum
Quidquid et exsuperat, mens procul esse jubet.
2. Rebus in adversis, infantis, lacte recenter
Provida quem mater depulit, instar eram :
 3. Sic ego conticui : sic discat semper Abrami
Posteritas uni credere vota Deo.

ANNOTATIONES.

Hic Psalmus est etiam *Didacticus*, quo Psalter primum animi sui simplicitatem exponit, duobus primis versibus; deinde alios ad se imitandum exhortatur, versu tertio.

1. *Cristas comantes*] Ita Virgilius de donis loquens quibus

Helenus Æneam onerat :

Et conum insignis galeæ, cristasque comantes,

Æn. iii. 468.

Hic verò sumitur metaphorico sensu, ut in Psal. ix. 19. *Tollat cristas.*

CXXXII.

- R**ESPICE Jessiaden, Pater et Regnator Olympi
Quasque tulit memori mente revolve cruces.
2. Ille, Deum jurans Solymam qui protegit, ora
Solvit, et hæc voti summa caputque fuit :

ANNOTATIONES.

Hic Psalmus est *Votivus*, duabus partibus constans: altera est *Oratio*, usque ad versum undecimum: altera exponit rationes quibus oratio n̄itur, inde ad finem Psalmi.

1. *Olympi* Vide Not. in Psal. xlix. 15. *Reſtor Olympi.*

Cruces] Consule Not. in Psal. xl. 12. *Crucesque.*

2. *Solymam*] Vide Not. in Psal. ix. 11.

3. Non

3. Non mihi regali prius aut succedere testō
Fas erit, aut molli credere membra toro ;
4. Nec prius obrepet somnus, quā limina signem,
Quæ colat Ifacidū tempus in omne Deus.
6. Rumor erat Bethlæ deberi Numinis ædem ;
Debita sed Solymæ laus fuit illa jugis.
7. Huc carpamus iter : Patris hîc sternamur ad aras,
Scamnaque fidereo quæ premit ille pede.
8. Surge, Parens rerum ! stabiles hîc fige penates ;
Sitque tibi constans fœderis arca comes.
9. Huc properent purâ velati findone mystæ ;
Plenaque lætitiæ gens sacra cantet Io.
10. Quod tibi sacraſti, tu Jessæ respice germen ;
Nec tetricus Christi respue vota tui.
11. Jessiadæ, memini, jurâsti, vertere mentem
Nescius, obstrictam vel temerare fidem :
Davide prognatus, dixisti, sceptrâ tenebit ;
Conscendet folium mox patris ille sui.

ANNOTATIONES.

3. *Fas*] Eodem sensu sumitur quo supra in Psalm. ii. 10. *Fas est*. Quem locum vide.

6. *Rumor erat*, etc.] Hic locus in Hebrææ origine est valde obscurus, et in ejus sensu investigando multum se torquent Interpretes. Sensus in quo sumitur ab autore nostro est admodum perspicuus et summorum interpretum autoritate suffultus : Per *Epbratam* intelligit Bethlam. Davidis urbem, et recte, ut patet ex *Mic.* v. 2. Et per *samps sylvæ* Hierosolymam esse intelligendam acutissimi Doctores Rabbinici cum eo consentiunt.

Bethlæ] *Bethla* urbs Judææ, Davidis et servatoris Jesu Christi nativitate celebris. Sita erat trium circiter millium passuum intervallo ab Hierosolyma.

7. *Carpamus iter*] Vide Not.

in Psalm. i. 1. *Carpit iter*.

Sternamur ad aras] Consule de hoc ritu Not. in Psalm. v. 7. *Illustres sternar et ante pedes*.

8. *Penates*] Vid. Not. in Psalm. cxiii. 9.

9. *Mystæ*] De hac voce jam dictum ad Psalm. cxviii. 19.

Io] Vide Psalm. xiii. 4.

10. *Sacraſti*] Per *Syncope* dicitur pro *sacraſisti*, ut etiam versu sequenti, *jurâsti* pro *juraſisti*.

Tetricus respue] *Tetricus* ponitur hîc adverbialiter, per *Enallagen*, pro *tetrice*, ut Psalm. ii. 12. *Securus*.

Christi] De hujus vocis *Ety-*mo vid. Not. in Psalm. lxxvii.

9. *Christum*.

Sceptrâ] Pro *sceptrum* per *Heterosin* pluralis numeri pro singulari.

270 PSALMUS CXXXIII.

12. Et mea si feri servârint iussa nepotes,
Hæc illis pariter sceptrâ regenda dabo.
13. Ipse mihi sanctæ delegi tecta Sionis;
Illa placent; stabiles hîc ego figo lares.
14. Hæc domus est, et certa quies, ædesque perennis,
Deliciumque animæ dimidiumque meæ.
15. Hîc bona de pleno fundetur copia cornu;
Nec deerit tenui messis opima gregi.
16. Casta sacerdotes pietas decorabit, et hymnis
Æthera mulcebit sancta caterva novis.
17. Davidis excrescet soboles, et robore pollens
Hîc nitidum roseo fundet ab ore jubar.
18. Illius æternum florebunt sceptrâ; notabit
Sed pudor hostiles inficietque genas.

ANNOTATIONES.

12. *Servârint*] Per *Syncope*n
dicitur pro *servaverint*.

13. *Lares*] Consule Not. in
Psal. xviii. 45. *Sepositosque*
lares.

14. *Animæ dimidiumque meæ*]
Exemplo prævit Horatius:

Et servet animæ dimidium
meæ, 1 *Carm.* iii. 7.

15. *Pleno copia cornu*] Con-
sule Not. in Psal. lxxv. 12. *Pleno*
copia cornu.

16. *Æthera mulcebit*] Vide
Not. in Psal. v. 11. *Mulceat*
astra.

17. *Roseo*] Vid. Not. in Psal.
i. 2.

Seu nox est, roseo seu micat axe
dies.

Ore] Per *Synecdochen* ponitur
pro *vultu*, ut Psal. vii. 5. *Ora*.

18. *Sceptrâ*] Pro *sceptrum*,
est *Heterosis* pluralis numeri pro
singulari, ut sæpius alibi.

CXXXIII.

O QUIBUS illecebris pax et concordia fratrum
Me trahit, et, pia qui pectora jungit, amor!

2. Qui caput et barbâ, limbum qui vestis Aroni
Perluit, haud alio fragrat odore liquor.
3. Sic gestit plauditque Sion, et nubifer Hermon,
Floreâ cœlesti cùm juga rore tepent.

His

ANNOTATIONES.

Hic Psalmus est *Didacticus*,
quo Propheta pacem et concor-
diam laudibus effert.

Aroni] Est *Antiptosis* dativi
casus pro genitivo, ut Psal. i.

3. *Cui tempestivus*.

3. *Sion*] Vide Not. in Psal.
ii. 6. *Sioni*.

Hermon] Inter altissimos mon-
tes Judææ, unde *Nubifer* dictus,
quia

PSALMUS CXXXIV. CXXXV. 271

His, quibus arridet pax aurea, Conditor orbis
Prospicit; et vitâ dat fine fine frui.

ANNOTATIONES.

quia nubibus tegitur. Vide Not. *sidera.*
in Psal. xxxix. 12. *Hermen.* | *Dat frui*] consule Not. in
Aurea] De hoc epitheto vide Psal. cxv. 7. *Nec palpare manu*
Not. in Psal. xlii. 4. *Aurea* | *datur.*

CXXXIV.

EIA agedum, templi custos nocturne, minister.
Quisquis et es, superum fer super astra Patrem.
2. Tolle supinatas supplex ad sidera palmas;
Cantibus et templum personet omne sacris.
3. Hic tibi succurret celsa de rupe Sionis,
Qui domina terras finxit et astra manu.

ANNOTATIONES.

Hic Psalmus est *Eucharisticus*, continens primo hortationem ad Deum laudandum, duobus primis versibus; deinde *promissionem*, versu ultimo.
1. *Eia agedum*] Vide Not. in Psal. ii. 10.
Superum] Per *Synecopen* dicitur pro *Superorum*.
2. *Supplex*] Ponitur adverbialiter per *Enallagen* pro *suppliciter*, ut Psal. ii. 10. *Securus*.

CXXXV.

EIA agedum, sacri Dominum laudate ministri!
Dicite coelesti carmina læta Patri.
2. Vos templi vigiles! laudes celebrate Tonantis;
Quo melius, quo nil pulchrius orbis habet.
Aurea solenni resonent sacra cantu;
Elogiis Domini convenit ille locus.

ANNOTATIONES.

Hic Psalmus est *laudativus*, continens primo *Exordium*, tribus primis versibus; deinde *Laudis argumenta*, a versu tertio ad decimum quintum; postea *Exornationem* a comparatione, a versu decimo quinto ad decimum nonum; postremo, *Conclusionem*, inde ad finem usque.

4. Legit

272 PSALMUS CXXXV.

4. Legit hic Ifacidas multis de millibus unos;
Gens ea thesauri divitis instar erat.
5. Non ignota loquor : præstanti robore dextræ
Eminet, et reliquis imperat Ille Deis.
6. Illius ad nutum tellus versatur et æther,
Et mare, sub pedibus quidquid et abdit humus.
7. Sedibus ex imis tolluntur in ardua nubes;
Imbribus et subitis prævia flamma ruit.
Ille, suos referans thesauros, evocat auras;
Et quatit hibernis culmina summa Notis.
8. Illius est dextrâ tellus orbata Canopi
Flore juventutis, primitiisque gregis.
9. Numinis attonitus sensit miracula Nilus,
Haustus et irata dux populisque freto.
10. Mille simul, ferro domiti, periére tyranni;
Duraque pro sceptris vincla tulére duces.
11. Gentis Amorrhææ princeps, dominusque Basania
Concidit, et proceres, gens Cananæa! tui.
12. Regibus extinctis, felicia prædia rerum
Conditor Ifacidis imperiumque dedit.

ANNOTATIONES.

- | | |
|---|--|
| <p>4. [Unos] Consule Not. in Psal. ciii. 13. <i>Diligit unos.</i></p> <p>6. <i>Et æther, et mare</i> — et quidquid] Notetur Figura quam <i>Polyssyndeton</i> vocant, de qua vide Not. in Psal. vii. 17. <i>Iustumque Deum</i>, etc.</p> <p>8. <i>Canopi</i>] Consule Not. in Ps. lxxviii. 49. <i>Canopi.</i></p> <p>9. <i>Nilus</i>] De hoc flumine supra dictum ad Psal. lxxviii.</p> <p>12. <i>Barbare Nile.</i></p> <p><i>Freto</i>] Consule Not. in Psal. xxx. 6. <i>Freto.</i></p> <p>10. <i>Periére</i>] Per <i>Syncopen</i> dicitur pro <i>perivera</i>.</p> <p><i>Tyranni</i>] Vide Not. in Psal.</p> | <p>vii. 2. <i>Impune tyranni.</i></p> <p><i>Vincla</i>] Per <i>Syncopen</i> ponitur pro <i>vincula</i>.</p> <p>11. <i>Amorrhææ princeps</i>] <i>Sibon</i> scilicet Rex <i>Amorrhæorum</i>, de quo vide Numb. xx. 23. Gens <i>Amorrhæorum</i> partem terræ <i>Cananææ</i> ultra flumen <i>Jordanem</i> colebat.</p> <p><i>Dominus Basanis</i>] <i>Ogus</i> rex <i>Basanis</i> ab <i>Israelitis</i>, <i>Mose</i> duxte, devictus, Num. xxi. 35. De <i>Basane</i>, vide Not. in Psal. xxii. 12. <i>Dape Basanis.</i></p> <p><i>Gens Cananæa</i>] De hac gente supra dictum ad Psal. cv. 11. <i>Cananæ gens.</i></p> |
|---|--|

P S A L M U S C X X X V I. 273

13. Ergo, Deus, sacri spes et tutela peculî!
Nulla tuas laudes est tacitura dies.
14. Est populi tibi cura tui; tibi flexilis ira est,
Et tua tela tuus sæpe retundit amor.
15. Impius argentum pro Dîs veneratur et aurum,
Et colit artificis Numina ficta manu.
16. Luce carent oculi; nec verba, nec halitus ori
Suppetit: est pelagi surdior auris aquâ.
18. Talia qui cudit vel adorat Numina demens,
Numinibus par est sculptilibusque suis.
19. Isacidæ Dominum celebrent, et quisquis Aronem,
Et Levi quisquis prædicat inter avos.
21. Hunc canat et Solymæ Regem quicumque veretur;
Grandibus Hunc titulis ornet et alma Sion.

A N N O T A T I O N E S.

- | | |
|---|--|
| <p>13. <i>Peculî</i>] Per <i>Apocopen</i> ei.
dicitur pro <i>peculii</i>, de qua voce
vide Not. in Psal. lxxiv. 2.
<i>Cura peculî</i>.</p> <p>14. <i>Tela</i>] Vide Not. in Psal.
iii. 6. <i>Tela</i>.</p> <p>16. <i>Pelagi surdior aquâ</i>] De
hoc proverbio vide Not. in Psal.
xxii. 3. <i>Pelagi tu surdior undâ</i></p> | <p>21. <i>Solymæ</i>] Vide Not. in
Psal. ix. 11. <i>Solymam</i>.
<i>Titulis</i>] Vide Not. in Psal.
xviii. 49. <i>Tuos Titulos</i>.
<i>Alma</i>] De hoc epitheto con-
sule Not. in Psal. xii. 1. <i>Alma</i>.
<i>Sion</i>] Vide Not. in Psal. ii.
6. <i>Sioni</i>.</p> |
|---|--|

C X X X V I.

- Q** U A S decet, Autori rerum depromite grates;
Illius est nullo limite clausus amor.
2. Solvite jam grates Regi Dominoque Deorum:
Illius est nullo limite clausus amor.
3. Ferte Deo grates, cui paret purpura regum:
Illius est nullo limite clausus amor.

A N N O T A T I O N E S.

- Hic Psalmus est *Laudativus*, decimum sextum; et *Conclusio-*
continens primo propositionem *nem*, inde ad finem Psalmi.
- hortatoriam ad laudes Dei,
3. *Purpura regum*] Pro *pur-*
primo ab ipsius beneficâ naturâ *purati reges*, ut Psal. l. 1. per
et summâ majestate, tribus ver- *Figuram quæ dicitur Hendiady-*
bis primis; secundo a suis mi- *oin*, de qua vide Not. in Psal. ii.
randis operibus, inde ad versum 9. *Sceptro ferroque*.

4. *Dextera*

274 PSALMUS CXXXVI.

4. *Dextera* cui fortis, cui sunt miracula soli:
Illius est nullo limite clausus amor.
5. *Ardua* qui solers suspendit mœnia mundi:
Illius est nullo limite clausus amor.
6. *Fluctibus* è mediis qui iussit surgere terras:
Illius est nullo limite clausus amor.
7. *Aurea* qui rutilis accendit fidera flammis:
Illius est nullo limite clausus amor.
8. *Tempora* qui lucis moderatur tramite Solis:
Illius est nullo limite clausus amor.
9. *Astrorum* *Lunæque* rotis qui temperat umbras:
Illius est nullo limite clausus amor.
10. *Robora* qui *Phariæ* stravit floremque juventæ:
Illius est nullo limite clausus amor.
11. *Qui* bonus *Isacidas* *Nili* revocavit ab undis:
Illius est nullo limite clausus amor.
12. *Qui* sibi devotos defendit vindice dextrâ:
Illius est nullo limite clausus amor.
13. *Qui* mare dissecuit medium, spectante *Canopo*;
Illius est nullo limite clausus amor.
14. *Quo* duce, sacra cohors evasit sospes ab undis:
Illius est nullo limite clausus amor.
15. *Gurgite* qui *Pharium* merfit cum milite Regem:
Illius est nullo limite clausus amor.
16. *Pervia* qui populo fecit prius invia tesqua:
Illius est nullo limite clausus amor.
17. *Cujus* et illustres obtrivit dextera reges:
Illius est nullo limite clausus amor.

ANNOTATIONES.

- | | |
|---|--|
| <p>7. <i>Aurea</i>] Hic significat
<i>præclarus, pulcher, vel splend-</i>
<i>idus, ut Psal. vii. 7. Aureus.</i></p> <p>9. <i>Astrorum lunæque rotis</i>] <i>Rotis</i> hic ponitur pro <i>orbitis</i>,
per <i>Synecdochen</i>.</p> <p>10. <i>Phariæ</i>] Vide Not. in
<i>Psal. lxxiv. 13. Pharios duces.</i></p> <p>11. <i>Nili</i>] De hoc flumine
consule Not. in <i>Psal. lxxviii.</i></p> <p>12. <i>Barbare Nile.</i></p> <p>12. <i>Vindice</i>] De hoc epitheto</p> | <p>vide Not. in <i>Psal. xxv. 20. Te</i>
<i>windice.</i></p> <p>13. <i>Canopo</i>] Vide Not. in
<i>Psal. lxxviii. 49. Canopi.</i></p> <p>14. <i>Cobors</i>] Consule Not. in
<i>Psal. xxxiii. 1. Sancta cobors.</i></p> <p>15. <i>Pharium</i>] Vide Not. in
<i>Psal. lxxiv. 13. Pharios duces.</i></p> <p>16. <i>Tesqua</i>] De hac voce
supra dictum ad <i>Psal. lxxix. 3.</i>
<i>Tesquaque.</i></p> |
|---|--|

PSALMUS CXXXVII. 275

19. Gentis Amorrhææ dominum qui stravit, et Ogum :
Illius est nullo limite clausus amor.
21. Qui populo dedit arva suo, quibus exuit hostes :
Illius est nullo limite clausus amor.
23. Vindice qui ferro rebus nos juvit in arctis :
Illius est nullo limite clausus amor.
24. Qui jugulo toties hostiles depulit enses :
Illius est nullo limite clausus amor.
25. Qui dape mortales saturat de sedibus altis :
Illius est nullo limite clausus amor.
26. Solvite cœlicolûm Regi, pia pectora ! grates :
Illius est nullo limite clausus amor.

ANNOTATIONES.

- | | |
|---|---|
| 19. Gentis Amorrhææ] De hac gente vide Not. in Psal. cxxxv. 2. Amorrhææ princeps. | De Psal. vii. 1. <i>Jugulo.</i> |
| 24. <i>Jugulo</i>] Vide Not. in | 26. <i>Cœlicolûm</i>] Per Syncope dicitur pro cœlicolarum. |

CXXXVII.

URBE procul Solymæ, fusi Babylonis ad undas
Flevimus ; et lachrymæ fluminis instar erant :
Sacra Sion, toties animo totiesque recursans,
Materiem lachrymis præbuit usque novis.
2. Desuetas saliceta lyras, et muta ferebant
Nablia, servili non temeranda manu.

ANNOTATIONES.

Hic Psalmus est generis mixti, cujus partes sunt tres ; prima *Narratio*, tribus versibus ; secunda *Confirmatio*, tribus sequentibus ; postrema, *Imprecatio*, inde ad finem.

1. *Solymæ*] Vide Not. in Psal. ix. 11. *Solymam*.

Babylonis] De hac urbe consule Not. in Psal. lxxvii. 4. *Babylonis*.

Animo recursans] Ita Virgi-

lius :

*Urit atrox funo, et sub noctem
cura recurat, Æn. i. 666.*

2. *Saliceta*] *Salicetum* pro quo dicitur *salictum*, est locus salicibus confusus, ut *arbutum* arboribus.

Lyras] Consule Not. in Psal. lvii. 8. *Lyræ*.

Nablia] Vide Not. in Psal. xxxiii. 2. *Nablia*.

3. Qui

276 PSALMUS CXXXVII.

3. Qui patriâ exegit, patriam qui subruit, hostis
Pendula captivos sumere plectra jubet :
Imperat et lætos mediis in fletibus hymnos ;
Quosque Sion cecinit, nunc taciturna, modos.
4. Ergone pacta Deo peregrinæ barbita genti
Fas erit et sacras prostituissè lyras ?
5. Ante meo, Solyme! quàm tu de pectore cedas,
Nesciat Hebræam tangere dextra chelyn.
6. Te nisi tollat ovans unam super omnia, lingua
Faucibus hærescat fidere tacta meis.
7. Ne tibi noxa recens, scelerum Deus ultor ! Idumes
Excidat, et Solymis perniciofa dies.
Vertite, clamabant, fundo jam vertite templum,
Tectaque montanis mox habitanda feris.
8. Te quoque pœna manet, Babylon ! quibus astra
laceffis
Culmina mœx fient, quod premis, æqua solo.
Felicem, qui clade pari data damna rependet,
Et feret ultrices in tua tecta faces !
9. Felicem, quisquis scopulis illidet acutis
Dulcia materno pignora rapta sinu !

ANNOTATIONES.

- | | |
|---|---|
| 3. <i>Plectra</i>] Per <i>Synecdochen</i> ponitur pro <i>citbaris</i> , ut Psal. xlix. 4. <i>Plectro</i> . | dixit Virgilius: una ante alias: O felix una ante alias Priamæa virgo ! |
| 4. <i>Barbita</i>] Vide Not. in Psal. lxxi. 22. <i>Barbitos</i> . | Æn. iii. 321. |
| 5. <i>Chelyn</i>] Consule quæ supra dicta ad Psal. xliii. 4. <i>Te referet Chelys</i> . | 7. <i>Idumes</i>] Vide Not. in Ps. lx. 1. <i>Dives Idume</i> . |
| 6. <i>Ovans</i>] De hac voce consule Not. in Psal. xxxv. 25. <i>Tactet ovans</i> . | 8. <i>Babylon</i>] Vide supra Not. in Ps. lxxxvii. 4. <i>Babylonis</i> . |
| <i>Unam super omnia</i>] Quo modo | <i>Felicem</i>] Vide Not. in Psal. ii. 12. <i>Felicem nimum</i> . |
| | 9. <i>Pignora</i>] Consule Not. in Psal. cvi. 37. <i>Pignora</i> . |

CXXXVIII.

PECTORE te toto celebrabo, Maxime rerum!
Aligeros inter sceptrigerosque choros.

2. Ad sacra fiderei prosternar limina templi;

Devotus Solymis et dabo thura focis.

Hic Nomen, Numenque tuum super æthera tollam;

Nec favor est priscus, nec reticenda fides.

Tu, tua qui sanctè servasti foedera, metis

Orbis in extremi nobile nomen habes.

3. Supplicis audisti gemitus, in vota vocatus;

Et memini vires te reparâsse meas.

4. Ore tuo moniti reges, procuresque, frequentes

Undique concurrent, et tua facta canent.

5. Facta canent Regis, qui majestate coruscâ

Exsuperat rerum machina quidquid habet.

6. Tu, licet emineas, humiles tamen ore benigno

Respicias; elatos et procul esse jubes.

7. Me licet infestent fluctus et lerna malorum,

Vita salusque tuâ restituentur ope.

ANNOTATIONES.

Hic Psalmus est generis mixti, partim laudativus, partim votivus, duabus partibus constans; laudatione, usque ad versum septimum; et petitione, duobus ultimis.

1. *Aligeros inter, etc.*] Est Periphrasis pro Angelis et Regibus.

Choros] Vide Not. in Psal. xviii. 10. *Chori*.

2. *Siderei templi*] Vel *fidereibus ornati*, vel *alti et sublimis ad sidera*: Quo modo Martialis:

Hic ubi fidereus propius videt astra Clossus, lib. i. 11.

Solymis] Vide Not. in Psal. ix. 11. *Solymam*.

Tbura] Consule Not. in Ps.

xxvi. 6. *Tbura dabo*.

Servâssi] Per Syncopen dicitur pro *servavissi*.

Metis] Vide de hac voce Not. in Psal. xlv. 15. *Nec. modus est vel meta malis*.

3. *Audisti*] Per Syncopen dictum pro *audivissi*.

In vota vocatus] Consule Not. in Psal. lxiii. 1. *In vota vocabo*.

Reparâsse] Per Syncopen adhibetur pro *reparavisse*.

4. *Ore*] Ponitur hic per Synecdochén pro vultu.

7. *Fluctus*] Vide Not. in Psal. ix. 13. *Adspice fluctus*.

Lerna malorum] De hac dictione jam dictum ad Psal. xviii. 4.

278 PSALMUS CXXXIX.

- Tu, Deus! invictis prosternes viribus hostes;
 Dextra sed incolumem me tua tollet humo.
 8. Perge, Precor, nec te pigeat tua facta tueri:
 Namque tuus, dempto fine, perennat amor.

CXXXIX.

- T**U, Deus! exactâ lustras indagine mores;
 Tu rigidus vitæ censor es ipse meæ.
 2. Seu sedeo, seu surgo, mihi tu semper adhæres;
 Et pectus nil, te quod latet, intus habet.
 3. Tu, quâcunque feror, sequeris vestigia; præstò
 Tu, Deus es, quoties membra quiete levo.
 4. Auribus arrectis tu quæ loquor, Arbiter orbis!
 Accipis; et præsens singula verba notas.
 5. Undique dum cingis, fibras dum pectoris omnes
 Excutis, obsidio me nimis arcta premit.
 6. Dum reputo quàm sint tibi lyncea lumina, miror;
 Omnis et ingenii vis et acumen hebet.
 7. Quò fugiens, oculos fallam quibus omnia cernis?
 Quæ latebræ, profugi quæ caput antra tegent?
 8. Si miser astra petam, Solium tibi cingitur illis;
 Tartara si subeam, tu, Deus! illa tenes.

ANNOTATIONES.

Hic Psalmus est *votivus*, ex
 tribus partibus constans; prima,
Advocatio ad Deum, usque ad
 decimum quartum; secunda,
Explicatio animi sui ad versum
vigesimum tertium; tertia, *Pe-*
ticio, duobus ultimis.

1. *Lustras*] Vide Not. in
 Psal. xiv. 2. *Lustravitque genus*
mortale.

Indagine] *Indago* significat
 vel canes ferarum Indagatores,
 vel retium ac plagarum series
 feris captandis, vel denique ipsa
 ferarum inquisitio, unde, ut
 plurimum, jungitur cum verbis
cingendi, *includendi*: Ut apud
 Virgilium:

—*Saltusque indagine cingunt*,
Æn. iv. 121.

4. *Accipis*] Id est, *audis*, ut
 Psal. lxvi. 16. *Accipe*.

6. *Lyncea lumina*] Vide Not.
 in Psal. vii. 9. *Lynceus*.

8. *Tartara*] *Tartarus*, et in
 plurali numero, *Tartara*, à τῆ
 ραχδωρῶν, id est, *turbare*. Est
 locus Inferorum profundus:

—*Tum Tartarus ipse*
Bis patet in præceps tantum,
tenditque sub umbras;
Quantus ad æthereum cæli
suspectus Olympum,
Æn. vi. 577.

9. Me licet exoriens Aurora volucris alis
Vestet ad Hesperii littora nigra freti;
10. Te tamen Hesperii cernam, novus hospes, in oris;
Et metuam dextra fulmina certa tuæ.
11. Me licet involvam tenebris, et noctis amictu;
Non tamen, heu! tenebris, non ego nocte tegar.
12. Te præsente, nigrae vanescunt nubila noctis;
Et sunt, te coram, lux tenebræque pares.
13. Quod cute texisti tenui genetricis in alvo,
Nil tua quod fugiat lumina pectus habet.
14. Te, Pater alme! canam, mirandæ conscius artis,
Qua tua me struxit composuitque manus.
15. Ossa mihi solers finxisti clausa latebris;
Nec pars ulla mei tum tibi testa fuit.
16. Molle rudimentum vidisti, et stamina prima
Corporis, et miris ossa ligata modis:
Membraque victuris tibi sunt inscripta tabellis,
Ante mihi facies quàm foret ulla viri.
17. Quàm tibi mens solers! tua quis secreta bilance
Pendere, vel numero claudere facta, queat?
18. Hæc ego si metis complecti coner, arenas
Promptius expediam quot lavet unda maris:
Hæc expectatus mecum dum manè revolve,
Mens stupet, et nimium cura laboris habet.

ANNOTATIONES.

9. *Hesperii*] Vid. Not. in Psal. xix. 6. *Littus in Hesperium.*

Freti] Consule Not. in Psal. xxx. 6. *Freta.*

10. *Certa*] De hoc Epitheto vid. Not. in Ps. lxxviii. 21. *Certo ferro.*

14. *Alme*] De hoc Epitheto vid. Not. in Psal. xii. 1. *Alma.*

15. *Solers finxisti*] *Solers* hic adverbialiter ponitur, per *Enallagen*, pro *solerter*, ut Psal. ii. 12. *Securus.*

16. *Stamina*] *Stamen* propriè quicquid in colo ad nendum

ponitur: et transfertur ad fabricam humani corporis, per allusionem ad tres fatales *Parcas*, quæ hominum vitam instar filii deducere ac nere fingeantur:

— *Morieris, stamine nondum Abrupto,*

Juven. Sat. xiv. 249.

— *Nentes fatalia stamina Parca,* 1 Tib. vii. 2.

Vide etiam Notam in Psal. xci. 16.

18. *Metis*] Vid. Not. in Psal. xlv. 15. *Nec modus est vel meta malis.*

19. Tu, Deus! extingues sceleratos fulmine dextra:
Sic procul a nobis tincta cruore manus.
20. Hostis atrox in te genuinum stringit; et iras
Nil profecturo provocat ore tuas.
21. Hunc ego non odi, te qui, Pater! odit? et illum
Non ego detestor, qui tibi bella parat?
22. Hunc ego, ne dubites, odi de pectoris imo;
Et mihi te quisquis non amat hostis erit.
23. Tu, qui cuncta vides, famuli, Deus! excute pectus;
Siquid et in tacito fortè recludo sinu:
24. Si scelus hîc latitat; noxam si machinor ullam;
Me quoque, sacrilego cum grege, dede neci.

ANNOTATIONES.

20. *Genuinum stringit*] *Gen-
uini* dicuntur dentes posteriores,
qui, quoniam plerumque non
conspiciantur, inde *mordere ge-
nuino*, *stringere genuinum*, *genu-
inum frangere*, etc. significant
clanculum obrectare et conviti-
ari. Ut apud Persium:

—Et genuinum fregit in illis,
Sat. i. 115.

Iras] Per *Heterosin* dici-
tur pro *iram*, ut Psal. x. 13.
Iras.

21. *Detestor*] Consule de
hoc verbo Not. in Psal. lxxxviii.
8. *Detestantur.*

22. *De pectoris imo*] Vide
Not. in Psal. cxxx. 1.

23. *Excute*] Consule Notam
in Psal. xxvi. 2. *Excute pectus*,
Pectus] Alii legunt *mentem*,
Recludo] Alii legunt *recon-
do*.

24. *Grege*] De hac voce vide
Not. in Psal. i. 1. *Grege*.

CXL.

- A**SSERE me, rerum Genitor! violenta retunde
Tela, quibus, nullo vim prohibente, petor.
2. Impia progenies in me ruit agmine denso;
Audet et indignum volvere mente nefas.
3. Omnibus armatur lethali lingua veneno,
Quale gerit Libycis vipera tecta rubis.

4. Hostis

ANNOTATIONES.

Hic Psalmus est *Votivus*, iii. 6.

duabus partibus constans, *Peti-
tione*, undecim primis versibus;
et *Conclutione*, duobus ultimis.

1. *Tela*] Vide Not. in Psal.

Retunde] Consule de hoc
verbo Not. in Psal. xxxvii. 40.
Retundet.

3. *Omnibus*] Est *Antiprosis*
pro

4. Hostis ab infensi famulum me protege dextris,
Illius et clypeo spicula pelle tuo.
5. Ille tumens fastu gressus mihi fraude paratis
Retibus implicuit, dispositisque plagis.
6. Tunc ego, Tu Deus es mihi, rerum Maxime! dixi:
Tu Dominus, votis annue, quæso, meis.
7. Tu Deus es Dominusque mihi, columnenque salutis;
Tu clypeus, quoties ingruit hostis, eras.
8. Absit ut huic faveas, aut impia vota secundes:
Materiem fastûs hac ope tolle novi.
9. Factio dira suo pereat cum principe; virus
Et precor infestum, quod vomit, ipsa bibat.
10. Hauriat hanc superâ dejectum fulmen ab aulâ,
Quidquid et indomiti Tartarus ignis habet.
11. Exsulet hic terris, cui sunt lita labra veneno,
Et cui cæde madet sanguinolenta manus.
12. Credo equidem, nec vana fides, Pater orbis egenos
Proteget, et siquos fors minùs æqua premit.
13. Mens pia mille tibi solvet, Pater optime! grates;
Gaudebitque tuo cominus ore frui.

ANNOTATIONES.

pro omnium, ut Psal. i. 3. Cui
tempestivus.

Libycis] A *Libya*, quæ Latini propriè ea pars Africæ quæ circa Ægyptum est; non raro tamen latius patet, poetis præfertim, Græcorum more, quibus *Λιβύη* est quarta illa pars generalis in orbis terrarum divisione Africa dicta.

Vipera] Genus est serpentis, pariens ex ovis sobolem numerosam: unde et appellata videtur, quasi *vivipera*, quod *magna vi pariat*, vel juxta alios, quod *vi pereat*, sobole in partu alvum matris perrumpente. Viperae mas verò, in coitu, caput inserit in os, quod illa abrodit

voluptatis dulcedine.

7. *Dominusque columnenque*] Hic copula quæ geminatur per Figuram quam *Poly syndeton* vocant. Ut Psal. vii. 17. *Ingruitque, &c.*

Ingruit] Vide Not. in Psal. xvii. 9. *Ingruit.*

8. *Secundes*] Consule de hoc verbo Not. in Psal. xx. 4. *Vota secundes:*

10. *Hauriat*] De hac significatione verbi *haurio* vide Not. in Psal. xlv. 19. *Hausérunt miseros.*

Tartarus] Vide supra Not. in Psal. cxxxix. 8. *Tartara.*

13. *Ore*] Ponitur hic per *Synecdochen* pro *vultu*.

CXLI.

- T**E, Deus! imploro, fer opem festinus; et aurem
Tende mihi, dum te supplice voce rogo.
2. Sint pro thure preces; sublatae ad fidera palmæ
Sint tibi ceu primo vespere cæsa bidens.
3. Os mihi, ne peccem, servet custodia; linguæ,
Ne violẽm leges, injice fræna meæ.
4. Da ne prava mihi vitient consortia pectus;
Da gregis impuri posse cavere dapes.
5. Mille modis potiùs me cædat et increpet æqui
Cultor, et hic cui mens candida labe vacat:
Hoc mihi dulce putem, ceu sint lita tempora nardo,
Tristitia quod medicâ vulnera sanat ope:
Non tamen his renuam, quos odi, fausta precari;
Cùmque luent pœnas, tangar amore pio.
6. Cùm ruet in præceps judex, et censor iniquus,
Verba mihi discent plena fuisse favis:

ANNOTATIONES.

Hic Psalmus est etiam *Votivus*, continens *Exordium*, duobus primis versibus; *Petitionem*, inde ad versum decimum; et *Imprecationem*, versu ultimo.

1. *Festinus*] Est adjectivum per *Enallagen* adverbialiter sumptum, qualia multa sunt passim in hoc libro exempla. Vide Not. in Psal. ii. 12. *Securus*.

2. *Thure*] Consule Not. in Psal. xxvi. 6. *Thura dabo*.

Bidens] Vide supra dicta de hac voce ad Psal. cxviii. 27. *Leſta bidens*.

4. *Da ne vitient, — Da possit*] Consule Not. in Psal. cxv. 7. *Nec palpare manu datur*.

5. *Candida*] Vide Not. in Psal. iv. 1. *Candida*.

Tempora] Consule Not. in

Psal. xxx. 1

Nardo] *Nardus* et *Nardum* frutex est odoratus, Indicus et Syriacus. Græcis *νάδος* et *νάδος* *σάχου*, id est, *nardi spica*. Quod Anglice dicitur *Spike-nard*. Hujus enim fruticis cacumen in aristas sparsum ad unguenta præsertim fuit olim pretiosissimum. Ponitur hic *nardus* pro *unguento nardino*, ut etiam apud Tibullum:

Illius puro distillant tempora nardo, 2 *Lib. ii. 7.*

6. *Plena favis*] *Favus*, proprie est apum domus et cellulæ; a *fovendo* dictus, quod in his sobolem *foveant*. *Verba plena favis*, significat *blanda et mel-lita verba*.

7. Per scelus, hi nobis sparserunt ossa per agros,
Et tumuli juxta cespes inanis erat:
Sic cadit æratis percussa bipennibus ornus,
Et circum latè fragmina fissa jacent.
8. Te tamen adspecto, te nitor, Maxime rerum!
Ne, precor, ah! timidæ desere vela ratis.
9. Erue me laqueis, quibus implicor eripe nodis;
Et, quibus hærescit pes mihi, solve plagas.
10. Sospite me, tectis se cassibus induat hostis;
Et pereat technis, ô precor, ipse suis.

ANNOTATIONES.

7. *Tumuli*] Vide Not. in Ps.
vi. 5. *Sensus abest tumulis.*
Cespes] Proprie est terra in
modum lateris cæsa cum herba.
Hic sepulchrum significat, ut
etiam apud Virgilium:

*Hæstorum ad tumulum; viri-
di quem cespitem inanem*
— *Sacraverat, Æn. iii. 304.*
10. *Technis*] Vide Not. in
Psalm. v. 10. *Technis.*

CXLII.

- V**OTA Deo, superum suspectans atria, fudi;
Et petii supplex Omnipotentis opem.
2. Tristibus, hoc coram, lachrymis, et mille querelis,
Sum mala testatus quæ fero, quæque tuli.
 3. Cum gemerem nimio curarum pondere pressus,
Alme Parens! testis tu pietatis eras:
Impius interea me cassibus induit hostis,
Et pedicæ dubios implicuere pedes.

ANNOTATIONES.

Hic Psalmus est *Didacticus*,
cujus partes sunt duæ; *Exordi-
um*, versu primo et secundo; et
Petitio, reliquis versibus.

1. *Superum*] Per *Syncopen* di-
citur pro *Superorum*.

Petii] Per *Syncopen* pro *petivi*.
Supplex] Ponitur hic adver-
bialiter per *Enallagen* pro *suppli-
citer*, ut Psalm. ii. 12. *Securus*.

3. *Alme*] Vide de hoc Epi-

theto Not. in Psalm. xii. 1.
Alma.

Dubios pedes] *Pes dubius* vo-
catur qui quasi lapsurus est, et
instabili vel lubrico loco situs.
Ita Ovidius, de Fortuna:

*Hæc Dea non stabili quam sit
levis orbe fatetur,
Quem summum dubio sub
pede semper habet,*
Pont. Epist. L. iv. iii. 31.

4. *Dum.*

4. Dum miser huc illuc oculos circumfero, nemo,
Auxilium misero qui mihi ferret, erat.
5. In Dominum tandem coniecto lumine, dixi,
Tu mihi, dum vivo, spes es, et autor opis.
6. Me bonus exaudi; pedibus dum calcor, et hostis
Robore dum superer, tu mihi tende manum.
7. Eripe captivum cæci de carceris antro;
Sic ego te liber, quo decet, ore canam.
Hâc ope procedam, sanctâ comitante catervâ;
Divitiisque tuis, lautitiisque fruam.

ANNOTATIONES.

6. *Bonus exaudi*] *Bonus* po- | *Enallagen*, ut Psal. ii. 12. Sa-
nitur hîc adverbialiter per | *curus*.

CXLIH.

AURIBUS arrectis famuli, Deus! accipe questus,
Fœderis et fidei, justitiæque memor.

2. Ne trutinâ me pende tuâ; ne durus amussi
Quæstor vitæ subijce factâ meæ.
Adspice mortali prognatos semine; toto
De grege, te coram, crimine nemo vacat.
3. Me stravit pressitque ferox, me carcere merisit
Hostis, et in tenebris vitâ trahenda fuit:
Delitui, ceu luce carens et voce silentium
Turba solet, quam nox semper opaca tegit.

ANNOTATIONES.

Hic Psalmus est *Votivus*, continens *Exordium*, duobus primis versibus; *Exposulatio-nem*, ad versum sextum; et *Pe-titionem*, inde ad finem.

2. *Quæstor*] Is dicitur qui inquirendum curat de crimine, de eoque iudicium exercendum. Unde Virgilius Minoem Judi-cem apud Inferos, *quæstorem* appellat.

*Nec verò hæc sine sorte data:
Sno iudice sedes:*

*Quæstor Minoë urnam movet;
ille silentium*

*Conciliumque vocat, vitasque
et crimina discit,*

Æn. vi. 432.

3. *Pressitque ferox*] *Ferox* hîc ponitur adverbialiter per *Enal-lagen* pro *ferociter*, ut Psal. ii. 12. *Securus*,

4. Ob-

4. Obstupuit mens fracta malis, ceu fidere lævo
Tacta, nec in toto pectore robur erat.
5. Sed memor, annales recolens, tua facta revolve:
Hæc referunt animo noxque diesque meo.
6. Cum premor adversis, supplex tibi brachia tendo;
Et desiderio maceror usque tui:
Sic ager apricus nimio languescit ab æstu;
Sic pluviam, succo deficiente, sitit.
7. Ocyus exaudi, dum pondere victa fatiscit
Mens mihi, ne, dextram te retrahente, ruam.
Ne vultus jubar abde tui, quo cuncta serenas;
Quo sine me lethi squallor et horror habet.
8. Lumine me placido, Pater! adspice, Phosphorus
umbras
Cum fugat; auxilio spes mea nixa tuo est:
Luce præi, signaque viam; te suspicit unum
Æquoris undosi mens propèmersa vadis.
9. Eripe me, vindex! furiis hostilibus; umbo
Tu mihi, tu vitæ portus et aura meæ es.
10. Da famulo tua jussa sequi, Dominusque, Deusque!
In tua, rerum Opifex! atria pande viam.

11. Jus-

ANNOTATIONES.

4. *Lævo*] Vide Not. in Psal. xvi. 4. *Nomina læva.*

5. *Annales*] Consule Not. in Psal. lxxvii. 11. *Annalibus.*

Noxque diesque] Copula que hîc geminatur per Figuram quam *Polyssyndeton* vocant, de qua vide Not. in Psal. vii. 17. *Iustumque Deum Dominumque potentem.*

6. *Supplex tendo*] *Supplex* ponitur hîc adverbialiter per *Enallagen* pro *suppliciter*, ut Psal. ii. 12. *Securus.*

Apricus] Vide de hoc epitheto Psal. lxxx. 10. *Apricis.*

7. *Vultus—quo cuncta serenas*] i. e. cuncta reddis placida, tranquilla, atque serena. Ita Virgilius:

Olli subridens hominum sator atque Deorum,

Vultu quo cælum tempestatesque serenat, Æn. i. 259.

Lethi] Vide Not. in Psal.

vi. 3. *Lethum pulsurus.*

8. *Phosphorus*] Græce φῶσφορος, Latinè *Lucifer*, Veneris stella dicitur, ut Cic. de Nat. Deor. ii. 54.

Vadis] De hujus vocis propria significatione vide Not. in Psal. xxvi. 9. Hîc vero sumitur sensu Metaphorico.

9. *Vindex*] Vide Not. in Psal. xxii. 4. *Te vindice.*

Umbo] De hac voce consule Not. in Psal. iii. 3.

10. *Da sequi*] Vide Notam in Psal. cxv. 7. *Nec palpare manu datur.*

286 PSALMUS CXLIV.

11. Justitiæ laudisque tuæ memor, eripe servum
Fluctibus; et vires, ne premar, adde novas.
12. Utque tuus clarescat honos, disperde catervam,
Quâ premor; et famuli jura tuere tui.

ANNOTATIONES.

datur.

Dominusque] Vel per *Ellip-
sin*, qui es Dominus; vel potest
etiam accipi vocandi casu, quo
modo dixit Virgilius *fluvius* in
vocativo casu, ut agnoscit Ser-
vius, more antiquo, quo omnes
quinti casus similes erant rectis.]

Corniger Hesperidum fluvius
regnator aquarum,

Æn. viii. 77.

11. *Fluctibus*] De hujus vocis
Metaphorica significatione vide
Not. in Psalm. ix. 13. *Adspice
fluctus.*

CXLIV.

GLORIA sit cœli Domino; mea temperat arma,
Et bellatrices erudit ille manus.

2. Firma mihi rupes, et murus aheneus Ille est;
Et clypeus vitæ præsidiumque meæ.

Hic vitam sceptrumque dedit; spes omnis in illô
Est mihi, qui populos sub mea jura trahit.

3. Magne Parens! quantillus homo est, quem respicis?
Adæ

Pignora quid, te quo demereantur, habent?

4. Vanius his nihil est; his ætas futilis, umbræ
More vagæ, levibus transvolat acta rotis.

5. Ætheris inclinans axes jam labere cœlo;
Tange manu montes, et juga nube tege.

6. Funde meos cœli flammis ultricibus hostes:
Obrue missilibus castra profana tuis.

ANNOTATIONES.

Hic Psalmus est generis mix-
ti, *Vetivus* et *Didacticus*, tri-
bus partibus constans; *Exordio*,
usque ad versum quintum; *Pe-
titione*, ad decimum quintum;
et *Conclusione*, versu ultimo.

2. *Murus aheneus*] Vide Not.

in Psalm. ix. 9.

3. *Pignora*] De hac voce con-
sule supra Not. in Psalm. cvi. 37.

4. *Transvolat*] De hoc verbo
supra dictum ad Psalm. cxix. 95.
Transvolat.

7. Desuper exserta dextram; fluctusque coerce,
Quos ciet, ah! studiis gens inimica piis.
8. Eripe me linguis mendacibus; eripe dextris
Fallere non veritis, quam pepigere, fidem.
9. Tum, Pater Alme! novo te tollam carmine; denis
Te referam nervis, altisonâque lyrâ.
10. Jure patrocinii tu regum sceptrâ tueris;
Jessiaden clypei tu tegis ære tui.
11. Eripe me linguis mendacibus; eripe dextris
Fallere non veritis, quam pepigere, fidem.
12. Vernet et assurgat soboles, precor, æmula cedro,
Quæ viret in Libani luxuriosa jugis.
Qualis et in lævi spectatur marmore, talis
Pectora virginibus pingat et ora nitor.
13. Ampla penus, foetura gregis numerosa, segesque
Fertilis, et fortes sint ad aratra boves.
Sint procul hostiles acies et bella; nec unquam
Funestis resonent compita mœsta tubis.
15. O ter felicem, cui sic traducitur ætas!
Cui Deus est, hominum coelicolûmque Parens!

ANNOTATIONES.

7. *Fluctusque coerce*] DeMeta-
phorico sensu vocis *fluctus*, vide
Not. in Psal. ix. 13. *Adspice*
fluctus.
8. *Eripe linguis, eripe dex-*
tris] Est elegans *Anaphora*,
de quâ Figurâ consule Not. in
Psal. ii. 6. *Sceptrâ ferenda dedi,*
sceptrâ.
9. *Alme*] Vide Notam in
Psal. xii. 1. *Alma*.
Lyrâ] Consule Notam in
Psal. lviii. 8. *Lyræ*.
10. *Jure Patrocinii*] Apud
Romanos plebs inter Patres erat
distributa, ut eorum opibus tuta
esset. Quo igitur modo Patres,
vel Patroni clientes suos hoc
patrocinii jure tuebantur, ita
Deus Reges, qui ipsius divino
patrocinio se crediderunt.
Clypei ære] Id est, *Æneo*.
clypeo, per Figuram quam vo-
cant *Hendiadyoin*. Qualia apud
Virgilium multa occurrunt ex-
empla.
— *Radiisque ardentem lucis et*
auro
— *nubem*, i.e. *Radius aureæ*
lucis, *Æn. vii. 142.*
Vide *Æn. i. 570, 719, 732.*
Vide etiam supra Not. in Psal.
ii. 9. *Sceptro ferroque*.
12. *Libani*] De hoc monte
vide Not. in Psal. xxix. 5. *Li-*
bani vertex.
Ora] Per *Synecdochen* poni-
tur pro *vultus*.
13. *Penus*] Consule Not. in
Psal. iv. 7. *Penus*.
15. *O ter felicem*] Vide Not.
in Psal. ii. 12. *Felicem nimium*.
Coelicolûmque] Per *Synecopen*
dicitur pro *Coelicolarumque*.

CXLV.

TE Regem, Pater Alme! canam; tua facta per orbem

Diffundam plectro non metuente mori.

2. Nulla dies non te recolet, Rex inclyte! metis
Includent titulos secula nulla tuos.
3. Est immensa tibi, nec sat laudata potestas;
Et tua sat nescit gloria mente capi.
4. Instruet ætatem priscis annalibus ætas,
Mille tuâ memorans parta tropæa manu.
5. Inclyta cœlestis referam miracula dextræ,
Et majestatis præco perennis ero.
6. Robur ego, dicent alii monumenta furoris,
Et recolent iræ fulmina sæva tuæ.
7. Omnibus et populis narrabunt voce canorâ,
Quanta, Parens! bonitas sit tua, quanta fides.
8. O tibi quàm comis mens est, et segnis ad iras!
Rebus in afflictis quàm tibi prompta manus!
9. Omnibus illustrem tua se clementia terris
Monstrat, et in toto quem regis orbe nitet.
10. Te, Deus! artificem canit ingens machina mundi,
Et populus tibi qui, cum prece, thura litat.

11. Im-

A N N O T A T I O N E S.

Hic Psalmus est *Laudativus*,
cujus partes sunt quatuor: prima,
laudis professio singularis,
ad versum quartum; secunda,
Provocatio omnium creaturarum
ad Dei laudes promulgandas,
inde ad versum decimum tertium;
tertia, *Laudis argumenta*,
a versu decimo tertio ad vigesimum
primum; postrema, *Conclusio*,
versu ultimo.

1. *Plectro*] Consule Not. in
Psal. xlix. 4. *Plectro*.

Non metuente mori] Id est
immortali, cui nihil a morte timendum.

2. *Metis*] Vide Not. in Psal.

xliv. 15. *Nec modus est vel meta malis.*

4. *Annalibus*] Vide de hac
voce Not. in Psal. lxxvii. 11.
Annalibus.

Tropæa] Vide supra dicta de
hac voce ad Psal. xx. 5. *Lata tropæa*.

8. *Iras*] *Iras* ponitur hîc pro
iram per *Heterosyn* pluralis numeri
scilicet pro singulari more
Virgiliano:

*Namque dabunt veniam votis,
irasque remittent,*

Georg. iv. 536.

10. *Thura*] *Thus* est incensum

quo Diis vel Deo sacrificabatur.

Quidam

11. Imperii sceptrique decus vox efferet omnis ;
Laudibus et vires tollet in astra tuas.
12. Sic regni sacra fama tui, sic gloria dextræ
Crescet, et implebit solis utramque domum.
13. Quos geris æterni sunt, et sine limite fasces
Imperii : nil hîc tempora juris habent.
14. Sustinet infirmos cœlestis dextera ; terræ
Hæc eadem affixos dextera tollit humo.
15. Te mare, te tellus, totus te suspicit orbis ;
Pabula tu præbes tempore cuique suo.
16. Expandis tu sponte manum, quæ sustinet omnes :
Omnibus optatas porrigit illa dapes.

ANNOTATIONES.

Quidam derivant ἀνὸ τοῦ θυώ, adorem facio, vel potius a θυώ, sacrifico; quòd qui sacrificabant, thure utebantur: alii verò credunt esse dictum a tunfis glebis, quia de arbore distillat, et a terra subjecta combibitur, in eaque congelatur, indeque tunfis glebis colligitur. *Tbura*, inquit Plinius, præter Arabiam nullis, ac ne Arabiæ quidem universæ, Lib. xii. c. xiv. 1.

Litare] Inter litare et sacrificare hoc interest; sacrificare est veniam petere; litare verò est propitiare et veniam impetrare. Exemplo sit Virgilius:

Tu modo posce Deos veniam, sacrisque litatis,

Æn. iv. 50.

Sanguine quærendi reditus, animæque litandum

Argolicâ, — Æn. ii. 118.

Litare est quasi *lutare*, id est luere et solvere.

12. *Dextræ*] Per Syncopen dicitur pro *dexteræ*, quo modo sæpe Virgilius:

Ipse Pater mediâ nimborum in nocte coruscâ

Fulmina molitur dextrâ,

Georg. i. 328.

Solis utramque domum] Per *Periphrasin* dicitur pro *ortum et occasum*.

13. *Fasces*] *Fasces* insignia dicebantur consulum Romanorum. Erant autem fasciculi colligati ex virgis seu bacillis de betula arbore, inter quas obligata securis ita erat, ut ferrum in summo *fasce* emeretur. Inde usurpatur vox pro imperii insignibus apud Virgilium:

— *Primos attollere fasces,*

Regibus omen erat, —

Æn. vii. 173.

Et pro ipso imperio, apud Horatium:

— *An superbos*

Tarquini fasces — memorem,

1 Carm. xii. 35.

15. *Te mare, te tellus, te suspicit*] *Anaphora* in voce *te* miram habet vim, suavitatem, et elegantiam; estque felix imitatio Virgilii:

Te dulcis conjux, te solo in litore secum,

C c

Te

290 PSALMUS CXLVI.

17. Arbiter æthereus recti sectator et æqui est;
Et, supra quidquid prodit ab arce, pium.
18. Hunc animo si promptus adis, nec fallere tentas,
Ibit in amplexus protinus ille tuos.
19. Audiet et questus facilis, votisque suorum
Annuet; et vitæ præmia certa dabit.
20. Gens pia perstabit, cœlesti Numine tuta:
Impia cœlesti corruet icta manu.
21. Voce Deum referam, cujus nomenque decusque
Natio nulla finet, sæcla nec ulla mori.

ANNOTATIONES.

- Te *veniente die*, te *decedente* xlv. Eodem modo versu sequenti dixit, *audiet facilis pro*
canebat, Georg. iv. 465. *facile*.
18. *Promptus adis*] *Promptus* ponitur hîc adverbialiter per *Enallagen*, pro *promptè*, qualia multa apud Virgilium aliosque autores occurrunt exempla. Ut
- (1) *Nec minus Æneas se matutinus agebat*, pro *mane*, Æn. viii. 465.
- (2) — *Rarus venit in cœnacula miles*, pro *raro*, Juv. Sat. x. 18.
- (3) *Illi baud timidi resistunt*, pro *timidè*, Sal. Bel. Cat. cap.
21. *Nomenque decusque*] Hic copula *que* geminatur et redundat, per *Figuram* quam vocant *Polysyndeton*, cûs præcipuus usus est ut res sigillatim notet et in mente altius infigat. Hujus Figuræ passim occurrunt Exempla apud Virgilium:
Unâ Eurûsque Notusque ruunt,
creberque procellis
Africus, — Æn. i. 89.

CXLVI.

- T**U Patris ætherei laudes, mens! concipe; vitâ
Dum fruâr, hæc studii summa futura mei est.
3. Quisquis es, ah! regum sceptris ne crede salutem,
Aut homini: nil rex, nil homo præstet opis.
4. His ubi corpus humum repetit, mens avolat; omnes
Excudit et curas, nec memor inde tui est.

5. O

ANNOTATIONES.

- Hic Psalmus est *Laudativus*, quam vocant *Hendiadyon*; vel continens *Propositionem laudis divinæ*, quatuor primis versibus; deinde *argumenta laudis*, inde ad finem usque.
3. *Regum sceptris*] Vel pro *sceptriferis regibus*, per *Figuram*].
- sceptris* pro imperio et potentia: Ut apud Virgilium:
Si vero capere Italiam, sceptrisque potiri,
Contigeris victori,
Æn. ix. 267.
Præstet]

PSALMUS CXLVII. 291

5. O felix nimium, Domino qui fidit amico,
Quisquis et Isacidum pro duce Numen habet !
6. Astra, fretum, terras, et quidquid cernitur usquam,
Hic dedit ; et stabilem servat ubique fidem.
7. Protegit afflictos ; inopes dape sublevat ; arctâ
Compede constrictos liberat ille pedes.
8. Lumina dat cæcis ; humiles attollit in altum ;
Diliget et populum quem juvat æquâ sequi.
9. Cum viduis, illi puer orbus, et advena curæ est ;
Sed scelerum socios fœda ruina manet.
10. Sceptra geret Solymæ Dominus, dum lucidus astra
Sol reget : Ergo Deo laus fit et omnis honos.

ANNOTATIONES.

Præstet] Est hic præsens sub-
junctivi loco futuri, quo loquen-
di genere optimi scriptores utun-
tur. *Siquis Deus*, inquit Cice-
ro, *mibi largiatur, ut ex hac*
etate repuerascam, et in cunis
vagam, valde recusem, De
Senect. c. xxiii.

Non vanæ redeat sanguis i-
magini,

Hor. i Car. xxiv. 13.

5. *Felix nimium*] *Nimium*
est adverbium, quod non semper
in malam partem sumitur, sed
nonnunquam idem valet quod
magnopere, vel *supra modum*,
quale exemplum habes apud
Virgilium :

— *O fortunatos nimium*—

Agrícolas, — Georg. ii. 458.

6. *Fretum*] Per *Synecdochen*
pro mari in genere ; *fretum* e-
nim propriè est angustum mare
inter duas terras : ut *fretum Si-*
culum, *Gaditanum*, etc. a *fer-*
vendo dictum, quod in eo mare
compressum effervescat, ac vel-
uti ebulliat.

Dedit] Pro *fecit*, ut apud
Virgilium :

— *Qua summa labantes*

Juncturas tabulata dabant,
Æn. ii. 463. Et Terentium :

— *Solertem dabo, i. e. red-*
dam, faciam,

Eun. iii. ii. 25.

10. *Solymæ*] *Solyma*, æ,
vel *Solymæ, arum*, idem quod
Hierosolyma, urbs nobilis Ju-
dææ metropolis.

CXLVII.

LAUDIBUS in cælum cœlestem tollite Regem :
Hoc juvat, hæc nimium cura decoris habet.

ANNOTATIONES.

Hic Psalmus est etiam *Lau-*
dativus, constans primo, *Ex-*
ordio, versu primo ; secundo,

Laudis argumentis, a versu se-
cundo ad decimum nonum ; ter-
tio, *Conclusione*, duobus ultimis,

C c 2

2. Ille

292 P S A L M U S CXLVII.

2. Ille suæ Solymæ reparavit mœnia : Vindex
Exfulibus patrios reddidit Ille lares.
3. Luce suâ mœstæ depellit nubila mentis ;
Et fera cœlesti vulnera lenit ope.
4. Supputat astrorum numerum, currusque volucres ;
Nomenclaturis et vocat illa suis.
5. Illius omnipotens vis est, et dextera solers :
Non hæc comprehendî mente, nec illa potest.
6. Erigit ille humiles ; tumidos deturbat ab alto :
Hunc canat argutæ vox tua iuncta lyræ.
8. Hunc cane, qui cœlum nebulis involvit opacis,
Ustaque sæcundis imbribus arva rigat :
Gramine qui montes operit ; pecorique ministrat
Pabula, quæsitæ et tibi, corve ! dapes.
10. Nec capit hunc bellator equus, nec militis ensis ;
Candida sed pietas, et sine labe fides.
12. Illius, urbs Solymæ ! celebra præconia ; laudes
Illius in cœlum tolle, Sionis apex !

ANNOTATIONES.

2. *Vindex*] *Vindex* sæpius significat ultor, hîc verò sumitur pro defensor, eodem sensu quo apud Ciceronem ; *Nunquamne intelliges—utrum illi—bomicidæ sunt, an vindices libertatis*, Phil. ii. 12.

Lares] *Lares* erant Dii domestici quos in secreta parte ædium gentes colebant. Quidam existimant *Lares* fuisse ipsas animas parentum, qui, quod olim in ipsa domo sepulturæ mandarentur, curare semper familiam putabantur suam ; et propterea religiose colebantur. Sed sumitur hîc pro ædibus, ut apud Virgilium :

Sape etiam effossis (si vera est fama) latebris,

Sub terra fodere larem, —

Georg. iv. 43.

8. *Quæsitæ, corve ! dapes*] *Aristoteles, Hist. Anim. lib. ix.*

cap. 31. Corvos suos pullos, inquit, cum volare jam possunt, primum nido ejiciunt, deinde regione tota exterminant. Quam impietatem in pullos attingunt sacræ literæ, Job xxxviii. 41. Quis præparat corvo escam, quando pulli ejus clamant ad Deum, vagantes, eo quod non babeant cibos ?

10. *Bellator equus*] Ita Virgilius :

Hinc bellator equus campo sese arduus infert,

Georg. ii. 145.

12. *Sionis apex*] *Apex* proprie dicitur virga in summo flaminis pileo lanata ; h. e. in cujus extremitate modica lana est. Inde de cujuscunque rei vertice vel summitate dicitur ut de vertice vel polo mundi, Psal. xcvi. 3. *Geminus orbis apex*, et hîc de montis cacumine.

13. Ille

13. Ille tibi valido munivit robore portas:
Civibus ille tuis favet, et auxit opes.
14. Illius auspiciis, pax incolit aurea terras;
Messibus et lætis luxuriantur agri.
15. Ille jubet; jussis tellus obtemperat ultrò,
Principis imperiis obsequiosa sui.
16. Nunc nive velantur, ceu molli vellere, colles;
Pascua nunc, cinerum more, pruina tegit.
17. Densantur liquidæ crustis glacialibus undæ;
Præque gelu nimio vix toleratur hiems.
18. Mox, ubi rerum Opifex adspirat lenibus auris,
Bruma fugit, glacies liquitur, unda fluit.
19. Dat Deus Ifacidis leges et jura; Sionis
Et populum placitis erudit ille suis.

ANNOTATIONES.

13. Tibi munivit] Est *An-
tiptosis* dativi casûs pro genitivo,
more poetico; ita Virgilius de
Tityo loquens,

— Per tota novem cui jugera
corpus

Porrigitur, —

Æn. vi. 359.

14. Auspiciis] *Auspicia* pro-
prie erant signa vel omina quæ
capiebant Romani ab *avium as-
pectu*. Et quia apud eos omnia
sere *auspicato* gerebantur, inde
pro consilio, ductu, sive rei dis-
positione hæc vox ponitur, ut
apud Virgilium:

Me si fata meis paterentur
ducere vitam

Auspiciis — Æn. iv. 340.

17. Densantur liquidæ crustis
glacialibus undæ] Eandem de-
scriptionem parvo discrimine de-
dit Virgilius,

Concresecunt subitæ currente in
flumine crustæ,

Georg. iii. 359.

18. Adspirat] *Adspirare* su-
mitur hic in sensu proprio pro
afflare. Ut apud Virgilium:

Adspirant auræ in noctem,

Æn. vii. 8.

Bruma] *Bruma* proprie dici-
tur Dies solstitii hiemalis, qui
est ante idus Decembris: hic
verò ponitur pro ipsâ hieme, ut
etiam apud Virgilium:

Frigida sub terrâ tumidum
quem bruma tegebat,

Æn. ii. 472.

Bruma fugit, etc.] Notetur
hic Figura quam vocant *Afynde-
ton*, quæ præcipuè locum habet
ubi festinat oratio. Ut in illo
celebri loco Virgillii:

Ferte citi ferrum, date tela,
scandite muros, Æn. ix. 37.

294 PSALMUS CXLVIII.

20. Non ita propitium reliquis se præbuit oris,
Sole quibus fas est fideribusque frui:
His nec jura dedit, nec sacri foederis arrham
Obtulit: Ergo Deo laus fit, et omnis honos.

ANNOTATIONES.

20. *Arrham*] *Arrba* idem patur etiam pro eo quod est *pignus* in genere. *Hunc* arrhabonem cum *ἀρραβών*. Proprie significat id quod pretii numerandi *amoris a me accipe*, Plaut. in Mil. iv. i. 11.

CXLVIII.

- E** I A! Deum celebra: Domini, de sede supernâ
Facta refer, cœli qui juga summa tenes.
2. Eia! Deum celebra, rutilans sine corpore cœtus!
Siderei propius qui Patris ora vides:
Eia! Deum celebra, rapidis exercitus alis
Concite! dum superi jussa facessis Heri.
3. Eia! Deum celebra, sol! solis et æmula luna!
Et cœli levibus sidera vecta rotis!
4. Hunc pariter celebret supremi machina cœli,
Quotquot et ex alto præcipitantur aquæ.

ANNOTATIONES.

Hic Psalmus est *laudativus*, continens *Hortationem* ad omnes *res creatas*, ut *celebrant Deum*; primum, ad *cœlestes*, usque ad *versum septimum*; deinde, *terrestres*, inde ad *versum decimum tertium*; ac postremo causas explicat, duobus ultimis versibus.

1. *Eja! Deum celebra, etc.*] Ad sublimem hunc Psalmum Miltonus præcipuè respexisse videtur, in celebri illo hymno matutino Adami et Evæ, *Parad. Amis.* lib. v. 153. Ipsum scire Psalmi observavit ordinem:

primo Apostrophen faciens ad Angelos et superioris ordinis Intelligentias; deinde ad Solem, Lunamque et Sidera; et postremo ad res terrestres; omisissis iis solummodo qui tunc non extitere, hominibus scilicet, ut nunc inter se distinguuntur per sexum, ætatem, et ordinem.

2. *Ora*] Primò est pluralis numerus pro singulari, per *Heterosin*, ora scilicet pro *os*; deinde, per *Synecdochem* *os* ponitur pro *vultu*; ut apud Virgilium: *Ipsa*—ora modis attollens *palpida miris*, *Æn.* i. 358.

5. Hunc celebrate simul : verbo vos ille potenti
Condidit, et stabili nunc quoque lege regit.
7. Ætheris et Dominum laudet tellure sub imâ
Trux draco, vasta maris quidquid et unda tegit.
8. Et, cava quæ coeli subtexunt moenia, flammæ ;
Et quæ frugiferos grando flagellat agros :
Et nix, cum nebulis ; et tempestate sonorâ,
Illius ad nutum, qui quatis, Eure ! rates.
9. Et tetricæ rupes ; et ovantes palmite colles ;
Et cedrus ; et pomis arbor onusta novis.
10. Cumque feris pecudes ; et quæ fecat æthera pennia
Natio, vel prono pectore verrit humum.
11. Gemmiferoque comam cincti diademate Reges !
Vosque, quibus fas est dicere jura, patres !
12. Strenuus et juvenum chorus, innuptæque puellæ ;
Et puer imbellis, decrepitusque senex.
13. Cuncta Deum celebrent ; qui, præstans omnibus unus,
Altior est terris, fidereisque rotis.
14. Hic sibi devotum populum, gentemque Sionis
Evehit : ergò Deo laus sit, et omnis honos.

ANNOTATIONES.

7. *Trux draco*] *Draco* est genus animalis venenosi, dicti ἀρό τῷ δράκοντι, *videre*. Clarissimam enim habere dicitur oculorum aciem: quâ ex causâ incubantes eos thesauris finxerunt antiqui.

8. *Subtexunt moenia*] Quo modo verbum hoc usurpavit Virgilius:

— *Et cælum subtexere fumo,* Æn. iii. 582.

9. *Ovantes*] *Ovatio* propriè erat minor triumphus, pedestris ; ad summum ex equo, non e curru. Nomen est, vel ab acclamatione militum, geminatâ sæpius literâ *O*, juxta Festum: vel ab *ove*, quæ in minore triumpho immolabatur. Hinc ad

lætitiâ omnem significandam vox hæc traducta ; etiam ad corvos, de quibus ita Virgilius :

— *Hinc ille avium concentus in agris,*

Et lætæ pecudes, et ovantes gutture corvi, Geo. i. 423.

13. *Rotis*] Ponitur hîc per Metonymiam pro globis cælestibus.

14. *Sionis*] *Sion* propriè erat Hierosolymæ pars altera, nam nobilis illa urbs divisa fuit in *superiorem* et *inferiorem*, quibus nomina erant *Sion* et *Acra*, a duobus montibus super quibus urbs sita erat.

CXLIX.

DICITE Rectori superûm nova carmina ; sacros
Audiet et populi tota corona modos.

2. Rex suus oblectet Solymam ; suus Autor Abrami
Progeniem : citharis, gens sacra ! junge choros.
4. Ille suo populo favet, oblectatur et illo ;
Mitibus et vindex cinget honore comas.
5. Gens pia solenni testetur gaudia pompâ ;
Gestiat et quoties nocte cubile premit.
6. Ore sui laudes celebret Dominique Deique ;
Sed simul ancipiti fulminet ense manus.
7. Demetet hôc scelerum socios, gentesque rebelles,
Et quos impuros, quos sciet esse reos.
8. Ponè trahat Reges, manibus post terga revinctis ;
Servili procerum stringat et ære pedes.
9. Laus gregis est sacri præscriptas poscere pœnas :
Hoc decet ; ergo Deo laus sit, et omnis honos.

ANNOTATIONES.

Hic Psalmus est *Laudativus*, duabus partibus constans ; priore hortatur ecclesiam ad Deum laudandum, propter pacem ab eo acceptam, usque ad versum quintum ; posteriore, propter gloriam et honores in eam collatos, inde ad finem.

1. *Superûm*] Per *Syncopen* dicitur pro *superorum*.

2. *Citharis*] *Cithara* vulgo *Harpa* dicitur, instrumentum musicum cum decem chordis, ad similitudinem fidium minorum.

Choros] *Chorus* proprie est Coëvorum cantus atque saltatio ; estque vox origine Græca

Χορός.

6. *Dominique Deique*] Copula que hîc geminatur et redundat, per Figuram quam vocant *Polyssyndeton* : qualia multa apud Virgilium occurrunt exempla, ut,

Una Eurûsque Notûsque ruunt, creberque procellis,

Africus, — *Æn.* i. 89.

8. *Servili ære*] i. e. *Servili catena*. *Æs* hîc ponitur pro *catena ænea*, quo modo dixit Virgilius *ære cavo*, pro *tuba ærea cava*.

— *Dat signum speculâ Misenus ab altâ*

Ære cavo — *Æn.* iii. 240.

CL.

FER super astra Deum, Solymæ qui protegit aras ;
Aurea pollenti qui regit astra manu.

2. Fer super astra Deum, qui pollet robore dextræ,
Et majestatis pandit ubique jubar.
3. Fer super astra Deum lituis, buxoque sonoro ;
Et socia blandæ nablia festa lyræ.
4. Fer super astra Deum ; pulsa-cava tympana palmis :
Sit citharæ et fidibus tibia blanda comes.

ANNOTATIONES.

Hic Psalmus est *Laudativus*, veluti conclusio totius libri ; continens primo *Hortamen ad Dei laudes celebrandas*, versu primo ; sequitur *Laudis argumentum*, versu secundo ; deinde, *Varie laudationis formæ*, reliquis versibus.

1. *Solymæ*] Vid. Ps. cxlvi. 10.

Aurea] Id est *pulchra*, *splendida*, *præclara*, quo modo Virgilius solem aureum appellat,

Per duodena regit mundi sol aureus astra, Geo. i. 232.

3. *Lituis*] *Lituus* hoc modo a tuba et cornu distinguitur : tuba est recta ; cornu plane incurvum ; *lituus* verò inter utrumque medius. Ab ejus Figura baculus auguralis *lituus* quoque dictus est.

Buxoque sonoro] *Buxo* per *Metonymiam* ponitur pro tibia e *buxo* composita, ut etiam apud Virgilium :

*Tympana vos buxusque vocat
Berecynthia matris*

Idææ — Æn. ix. 619.

Nablia] *Nablium* est instrumentum musicum quod alias *Psalterium* dicitur ; ex Hebraico *Nebbel* ; duodecim chordis constans, quæ totidem tonos edebant.

Lyræ] *Lyra* instrumentum musicum ἀπὸ τῆς λύγης, *canere*. Vulgo constabat viginti quatuor chordis, et per digitos variis vocibus, tinnulisque ictibus in diversis modis concitabatur : constat autem multiplices fuisse distinctasque *Lyrarum* species.

4. *Tympana*] *Tympanum* est pellis sive corium ligno extensum : pulsabatur apud antiquos manibus ac digitis ; venit a Græco verbo τύπλω, *verberare*.

Citharæ] Vide supra Psal. cxlix. 2. *Citharis*.

Fidibus] *Fides* erat genus *Citharæ* quæ et *chordæ*. *Fides* dicta quod tantum inter se *chordæ* ejus quantum inter homines *fides* concordent.

5. Fer super astra Deum : jungantur cymbala plectris;
Dulcibus et resonent terra polusque modis.

6. Fer super astra Deum, quisquis vitalibus auris
Vesceris ! ergò Deo laus fit, et omnis honos.

ANNOTATIONES.

5. *Cymbala*] *Cymbalum* erat instrumentum musicum æreum, concavum, et bacillis æreis percussum tinnitum edebat.

Plectris] *Plectrum* proprie instrumentum quo Citharædi fides, vel citharam *plectebant*, i. e. *percutiebant*. Hic autem ponitur per *Synecdochen* pro ipsâ citharâ, ut etiam apud Horatium:

Et te sonantem plenius aureo,

Alcæe, plectro dura navis,

2 Carm. Od. xiii. 27.

Polusque] *Polus* est quasi cæli cardo, quo cælum vertitur, vel verti fingitur: a *πῶλος*, *verto*:

Polus verò interdum ponitur, ut hic, pro cælo ipso: ut,

Humentemque Aurora polo dimoverat umbram,

Virg. *Æn.* iii. 589.

6. *Vitalibus auris vesceris*] Ad imitationem Virgilii:

— Si vescitur aurâ

Ætheres, — *Æn.* i. 550.

Vesci aurâ autem significat, uti vel frui aere, ex interpretatione Nonii ad illud Lucretii:

Quove modo genus humanum variante loquelâ

Cæperit inter se vesci per nomina rerum, Lib. v. 72.

FINIS PSALMORUM.

Cantica



Cantica Evangelica, etc.

I.

SALUTATIO ANGELICA.



ALVE, Coelicolûm, Virgo! carissima Regi,
Et cœli cumulata bonis: Tu, Numine plena,
Jam frueris præsentē Deo: Tanto hospite
felix,

Virginibus reliquis, et matre beatior omnes.

2. Ne trepida; placido te vidit lumine rerum
Conditor. Ecce! tuo conceptam semine prolem
Virgo feres utero; Natumque Puerpera faustis
Nixibus in dias emittes luminis auras;
Qui tibi, nec vano titulo, dicetur IESUS.

ANNOTATIONES.

1. *Coelicolûm*] Per Syncopen
dicitur pro *Coelico-larum*.

2. *Puerpera*] *Puerpera*, ex
puer et pario, est femina pariens,
vel quæ peperit puerum, vel pu-
ellam.

Faustis Nixibus] *Nixus* vel
Nisus propriè est conatus in ali-
quid incumbētis toto corpore.
Unde Poetæ hoc nomine utun-
tur pro *partu*, sive parturienti-
um conatibus:

—Nec corpora segnes

In venerem solvunt, aut factus
nixibus edunt,

Virg. Georg. iv. 199.

In dias luminis auras] i. e. in
lucem ætheream, sacram, vel di-
vinitus enatam; quo modo lux
pulcherrimè describitur a Mil-
tono nostro, in suo *Paradiso a-*
missio:

Hail, holy Light, offspring of
Heav'n first-born,

Or, of th' eternal, coeternal
beam; lib. iii. 1.

De

300 SALUTATIO ANGELICA.

3. Viribus immensis, et Majestate coruscâ;
Instruet hunc mundi Genitor; prolemque supremi
Numinis agnoscent Superûm domus, æquora, tellus.
4. Davidis huic solum patris, et regalia Judæ
Sceptra dabit Dominus; quæ nec dolus auferet ullus,
Nec furor hostilis, nec, quod terit omnia, tempus.
5. Virginis in gremium labetur ab æthere summo
Spiritus; et, sacrâ dum lambet viscera flammâ,
Te Patris umbrabit virtus, cui subjacet æther;
Et duraturâ faciet de Virgine matrem.
6. Ergo tuo sacrum surgens de semine germen
Audiet ætherei proles germana Parentis.
7. Ecce! tui Consors generis, nunc obsita canis,
Nec fœcunda prius, prægnaans sibi sentit Eliza

In-

ANNOTATIONES.

De hac locutione *Luminis aura* vide Not. in Psal. c. 3.

Iesus] *Iesus* est nomen Hebraicum Redemptoris ac Servatoris nostri Christi: qui Hebraice *Jehosua* dicitur, ab Hebræo verbo quod significat *servavit, sospitavit*. Cujus nominis ratio est apud Matthæum, i. 21. *Hic enim* (inquit) *salvum faciet populum suum a peccatis*.

3. *Superûm*] Per *Syncopen* dicitur pro *superorum*.

4. *Quod terit omnia tempus*] Id est, Tempus quod omnibus rebus fert damnum interitumque. *Nihil est*, inquit Cicero, *operâ aut manu factum quod non aliquando conficiat et consumat vetustas*. Unde Horatius:

Damnosa quid non imminuit dies? 3 Carm. vi. 45.

5. *Labetur — spiritus*] *Labi* est leniter et sensim decidere, et propriè dicitur de leni illo volantium motu, quem *remigium alarum* dixit Virgilius. Quo sensu tribuitur Mercurio:

Vade age, nate, voca Zephyros, et labere pennis,

Æn. iv. 222.

Lambet viscera flammâ] *Lambere* est lingere, vel linguâ aliquid suaviter tangere, ut solent canes bibentes. Poetice usurpatur, ut hîc, pro *tangere*, vel, *mollî attactu delibare*: Ut in illo Virgîlii loco ad quem noster respexisse videtur:

Ecce levis summo de vertice visus Iuli

Fundere lumen apex, traheque innoxia molli

Lambere flamma comas——

6. *Audiet proles*] De hac locutione vid. Not. in Psal. lxxii. 17.

7. *Obsita canis*] *Obsero*, unde *obsitus*, propriè significat *circumseminare*, vel potius idem quod *simplex sero*: sed poetice dicitur pro *circumdare, induere*: Ut apud Virgilium:

—— *Corniger Io*

—— *Jam setis obsita, jam bos,*

Æn. vii. 790.

Bis

CANTICUM ELIZABETHÆ. 301

Intumuisse sinus : Ex illo, plena nitoris.
 Bis ter Luna fuit, bis ter jubar abstulit orbi :
 8. Scilicet auctori rerum suprema potestas,
 Et manus omnipotens est, et sine limite vires.

ANNOTATIONES.

Bis ter Luna, etc.] Est Periphrasis pro bis ter five sex mensibus.

II.

CANTICUM ELIZABETHÆ.

VIRGINEI Regina chori! collata puellis,
 Quæ reliquis, quas Sol oriens, quas adspicit undas
 Cùm subit Hesperias, felicior omnibus una es :
 Scilicet Hic, utero quem fers, quoscunque beatos
 Vel cœlum vel terra vocat, supereminet omnes.
 2. Unde mihi tam rarus honos ? Me visere mater
 Cur Domini, totus mecum cui supplicat orbis,
 Sustinet, exiguos non dedignata penates ?
 3. Ecce ! salutantis simul ac mihi perculit aures
 Enthea vox, nondum conspecto lumine, fœtus,

ANNOTATIONES.

1. Chori] De voce Chorus vide Not. in Psal. xviii. 10. Chori.

Undas cùm subit Hesperias] Est Periphrasis pro sole occidente. ad imitationem Virgilii :

Quid tantum Oceano properent se tingere soles

Hiberni — Georg. ii. 481. Solem in mari singulis noctibus cubitum ire sinxerunt Poetæ.

Hesperias] Vide Not. in Ps. xix. 6. *Littus in Hesperium.*

Felicior omnibus una es] Hujusmodi usus vocis unus est Virgilio familiaris. Ut :

Carthago —

Quam Juno fertur terris magis omnibus unam

Posthabitâ coluisse Samo.

Æn. i. 19.

— Ripheus justissimus unus
 Qui fuit in Teucris —

Æn. ii. 426.

Scis, ut te cunctis unam,
 quæcunque Latine

Magnanimi Jovis ingratum
 ascendere cubile,

Prætulerim — Æn. xii. 143.

2. Non dedignata penates]
 De Penatibus consule Not. in Psal. cxiii. 9. Penates.

3. Enthea vox] Entheos, vox Græca ενθεος, i. e. Numine divino plenus, spiritu Dei instinctus.

302 CANTICUM B. VIRGINIS.

Quo mihi nunc uterus turget, mirabile dictu!
Subsiliit, tacito testatus gaudia plausu.

4. O felix nimium, sacris quæ vocibus ultro
Credidit! Eventus Domini promissa sequetur.

ANNOTATIONES.

Mirabile dictu] Est exclamatio quæ usurpari solet ubi intervenit aliquid admiratione dignum. Virg.

Æneas —

Infert se septus nebulâ, mirabile dictu!

Per medios, miscetque viris: neque cernitur ulli,

Æn. i. 443.

4. *O felix nimium*] Vide Not. in Psal. ii. 12. *Felicem nimium.*

Quæ credidit] Notetur in hoc versu elegans *Transitio* a secunda persona ad tertiam. Ejusmodi exemplum habes Psal. viii. 4. quem locum vide.

III.

CANTICUM B. VIRGINIS.

HUNC ego, cui Domino paret domus ardua cœli,
Et cœlo quodcunque subest, de pectoris imo
Grandibus attollo titulis; et Spiritus intus
Exultat, nascente Deo, quo pendet ab uno
Nostra salus; humilem placido qui lumine servam,
Millibus è multis, superâ despexit ab aulâ.

2. En! me cuncta dehinc felicem terque quaterque
Sœcla canent; siquidem, cui pollens robore dextra est,
Et sacra Majestas, Genitor, me desuper umbrans,
Perfecit quæ terra simul miratur et æther.

3. Hunc

ANNOTATIONES.

1. *Cui Domino*] Hic prior casus antecedentis, nempe *Domini*, reticetur, ad exemplum optimorum scriptorum. Ita Cicero, *Quam quisque norit artem, in hac se exerceat*, Tusc. i. 18. Virgilius:

— Urbem quam statuo vestra est,

Æn. i. 577.

Terentius: *Populo ut placerent,*

quas fecisset fabulas, *And. Proi.*

3.

De Pectoris imo] Vide Not. in Psal. cxxx. 1.

Titulis] Consule Not. in Ps. xviii. 49. *Tuos titulos.*

2. *Terque quaterque*] Est amplificatio ad exemplum Virgili:

— O terque quaterque beati,
Quint.

CANTICUM B. VIRGINIS. 303

3. Hunc Amor, auratis perpes clementia pennis,
Hunc sequitur, gremioque fovet pietatis alumnos.
4. Inclyta fulmineæ nemo miracula dextræ
Non stupet: Elato spirantes grandia fastu
Ille manu forti latè disperfit, et auris
Vota rapi jussit, volucris ludibria cœlo.
5. Ille paludatos, et ovantes murice reges
Viribus invictis folio detrufit avito,
Fascibus exutos: humiles è pulvere vili
Sustulit, et solidis velavit tempora gemmis.
6. Ille, bonis saturans inopis jejunia plebis,
Divitis elufit spes; et dimifit inanes

ANNOTATIONES.

Quis ante ora patrum —
Contigit oppetere! *Æn.* i. 98.
Canent] Vide de hoc verbo
Not. in *Pfal.* lxxviii. 2. *Canam.*

3. *Amor — Clementia]* *Amor*
et *Clementia* hîc personaliter in-
ducuntur per Figuram quam vo-
cant *Prosopopœiam*; id est *Per-*
sonæ fictionem, de qua sæpius
dictum in *Psalms*.

Auratis pennis] De hoc *Epi-*
theto aureus; et *auratus* vide
Not. in *Pfal.* vii. 7. *Aureus.*

Pietatis alumnos] Quasi dixe-
ris ad pietatem nutritos, vel fi-
lios pietatis, qui cum pietate ha-
bitant; non ut peregrini, sed
indigenæ. Quo modo dixit Ci-
cero: *Ego pacis alumnus, Phil.*
vii. 8.

4. *Auris vota rapi jussit]* Id
est, vota rejecit sive sprexit.
Est proverbialis forma loquendi,
de qua vid. Not. in *Pfal.* xviii.
22. *In æquoris undas tulere*
Noti.

5. *Paludatos]* Vide Not. in
Pfal. lxii. 9. *Paludati.*

Ovantes] De hac voce consu-
le Not. in *Pfal.* xxxv. 25. *Jac-*

tes ovans.

Murice] Vid. Not. in *Pfal.*,
xlv. 13. *Sidoniis cadis.*

Solio avito] Imitatus est *Vir-*
gilium:

— *Ille intra testa vocari*
Imperat, et solio medius con-
sedit avito, Æn. vii. 169.
Avitus propriè significat quod ab
avo nobis contigit: Sæpius verò
sumitur pro antiquo, vel pro eo
quod est a majoribus derivatum.
Ita *Horatius*:

— *Antebac nefas depro-*
mere Cæcubum

Cellis avitis, i Car. xxxvii. 5.
Et idem *Virgilius*:

— *Haud expers Valerus*
virtutis avitæ,
Æn. x. 732.

i. e. non degenera virtute ma-
jorum.

Fascibus] i. e. *Imperio*, vel
imperiis insignibus, ut *Pfal.* xlv.
10. *Fasces.*

Tempora] Vide Not. in *Pfal.*
xxx. 1.

6. *Eois]* Consule Not. in *Pf.*
xix. 5. *Tbalamo Eeo.*

304 CANTICUM ZACHARIÆ.

Hos quibus Eois undabant atria gazis.

7. Isacidem famulum præstanti robore dextræ
Extulit; et fulcit, pacti testatus amoris
Se memorem, liquido dum cingitur æthere tellus:
8. Hæc proavis, Abrahæque patri, sobolique, supremo
Qui regit imperio terras, promissa reliquit.

ANNOTATIONES.

Gazis] Vid. Not. in Psal. xlix. 8. *Gazis redimi. Eos gazæ* dicuntur, quia gemmæ, margaritæ, et res magni pretii ab India et orientalibus terræ finibus veniebant.

7. *Liquido æthere*] Id est, puro aere vel cælo; Ut apud Virgilium:

———— *Apeo*

Stridore ingenti liquidum trans æthera vestia,

Æn. viii. 65.

8. *Proavis*] Pro majoribus; Ut apud eundem Virgilium:

Cui genus a proavis ingens, clarumque paterna

Nomen erat virtutis ———

Æn. xii. 225.

IV.

CANTICUM ZACHARIÆ.

LAUDIBUS Isacidum celebra Dominumque, Deumque:

Ille suum populum, delapsus ab ætheris aulâ,
Visit; et infesti medio de gurgite lethi,
Traxit ovans, pretio pro libertate soluto.

2. Davidis ille domum famuli miseratus in altum
Extulit: et populis hinc iussit surgere vitæ

Per-

ANNOTATIONES.

1. *Isacidum*] Per *Syncopen* dicitur pro *Isacidarum*.

Delapsus ab ætheris aulâ] Ita Virgilius:

Tum Regina Deum, cælo delapsa, Æn. vii. 620.

De hac voce vide supra Not. in Sal. Ang. y. 5. *Labetur Spiritus.*

Medio de gurgite lethi] Est *Metaphora* sumpta a navivoris fluviorum vorticibus: nam gurgitis primaria significatio est

congeries aquarum profunda, supra quam aquæ in gyrum vertuntur.

Lethi] De Etymologiâ hujus vocis vide Not. in Psal. vi. 3. *Lethum pulsurus.*

Ovans] Consule Not. in Psal. xxxv. 25. *Faciet ovans.*

2. *In altum*] Supple *locum* sive ejusmodi vocem. Ita Cicero, *Ver. v. 98. Sic est hic ordo quasi propositus, atque editus* in

CANTICUM ZACHARIÆ. 305

- Perpetis auctorem, validæ qui robore dextræ
 Erigit afflictos, tumidos et dejicit hostes.
3. Hæc vatum numerosa cohors, præsaga futuri
 Scilicet, à primâ prædixit origine mundi.
 4. Affore tempus, ait, Quo nos hostilibus armis
 Eriperet qui cuncta potest; Quo patribus arrham
 Traderet, et patrii monumentum insigne favoris:
 Quoque palàm faceret, memorem se vivere sancti
 Fœderis, et fidei, jurato numine, patri
 Quam dedit Abrahamo: Venturi præscius ævi
 Se Pater æthereus facturum dixit, ut olim,
 Hostibus edomitis, cultor pietatis et æqui
 Quisque foret, superùmque Patri, Dominoque litaret
 Intrepidus, liquidâ lucis dum vescitur aurâ.
 5. Tu quoque, Parve Puer! Vates dicere supremi
 Numinis; auctori vitæ tu præviis ibis,
 Et sternes, quod carpet, iter; populumque docebis,
 Desuper afflatus, nullam sperare salutem,
 Crimina ni tollat superi clementia Regis.
 6. Illa salutiferum demittet ab æthere fidus;
 Unde diem lucemque trahet quicumque tenebris

ANNOTATIONES.

in altum; ut ab omnibus ventis
 invidiæ circumflari posse videatur.
 De ordine Senatorio loquitur.

3. *Cohors*] Vide Not. in Ps.
 xxxiii. 3, *Sancta cohors*.

4. *Arrham*] De hac voce supra dictum ad Psal. cxlvii. 20.
Fœderis Arrham.

Palam faceret] Pro eo quod est manifestum reddere vel patefacere. Ita Corn. Nep. in vita Hann. c. xi. ab init. *Hannibal*, ut palam faceret suis —

Superùm] Per Syncopen dicitur pro *superorum*.

Litaret] Vide de hoc verbo Not. in Psal. xvi. 4. *Litet*.

Vescitur aura] Consule Not. in Psal. xvi. 3. *Vescitur aura*.

5. *Carpet iter*] Vide Not. in Psal. i. 1. *Carpit iter*.

6. *Demittet ab æthere*] Ad Imitationem Virgilii:

Harum unam celerem demittit ab æthere summo,

Æn. xii. 853.

Diem lucemque] Pro eo quod est *lucem diei*, per Figuram quam vocant *Hendiadyon*: Quælia multa apud Virgilium occurrunt exempla:

— *Molemque et montes insuper altos*

Imposuit — Æn. i. 65. pro *molem montium*. Vide Æn. i. 732. ii. 470.

Letbi] De hujus vocis Etymovide Not. in Psal. vi. 3. *Letbum pulsurus*.

Mergitur,

306 CANTICUM SIMEONIS.

Mergitur, et vitam lethi traducit in umbrâ.
Hoc jubar erranti gressus reget; otia terris
Ut ferat, Hoc niveis sequitur Pax aurea pennis.

ANNOTATIONES.

Erranti gressus] *Erranti dici-* | *Aurea]* Consule Not. in Psal.
tur per Aniptosin pro errantis. | vii. 7. *Aureus.*

V.

CANTICUM SIMEONIS.

NUNC famulum, Pater alme! tuum dimittis, et
altâ

Pace beas capulo vicinum, fœderis isti
Pollicitique memor. Jam cernunt lumina vitæ
Præsidium columenque meæ; fontemque salutis,
Quem mecum populis spectandum mille dedisti.
2. Visâ mihi lux est, roseo quæ solis ab ortu,
Solis ad occasum rutilat: caligine pulsâ,
His oculis conspecta mihi est nova gloria Lestæ
Gentis, et immotæ decus immortale Sionis.

ANNOTATIONES.

1. <i>Alme]</i> Vide de hoc epitheto Not. in Psal. xii. 6. <i>Alma.</i>	emplum habes apud Terentium:
<i>Capulo]</i> Consule Not. in Ps. lxxi. 9. <i>Capulo vicina senectus.</i>	<i>Hiscæ oculis egomet vidi,</i>
<i>Fœderis isti]</i> De hac locutione vide Not. in Psal. lxxxiii. 5. <i>Ferunt fœdera.</i>	<i>Adel. iii. ii. 31.</i>
2. <i>Roseo]</i> Vide Not. in Psal. i. 2. <i>Roseo seu micat axe dies.</i>	Et Virgilium:
<i>His oculis conspecta mihi]</i> Est <i>Pleonasmus nominis, quale ex-</i>	<i>—Sic ore locuta est,</i>
	<i>Æn. i. 618.</i>
	<i>Immotæ decus immortale Sionis]</i> Compara illud Virgilii,
	<i>Dum domus Æneæ capitolii im-</i>
	<i>mobile saxum</i>
	<i>Accolet — Æn. ix. 447.</i>

VI.

HYMNUS AMBROSII.

TE, Deus! astra super vehimus, Dominumq; fatemur.
2. Te, Solis quæcunque jubar sub fornice cœli
Adspicit, æternum veneratur terra Parentem.

3. Grex

3. Grex sacer, auratis qui pervolat æthera pennis,
Imperio nutuque tuo; supremaque mundi
Templa, tuâ cælata manu; cœlique Potestas
Omnis; et igne micans Acies, et lucidus Ordo,
Agminis aligeri Princeps, Tibi, Maxime rerum!
Jugiter acclamant: ter Sanctum, voce canorâ,
Ingeminant; unumque Deum, Dominumque salu-
tant,
Qui regis imperio terras, belloque triumphas.
4. Se tua Majestas latè diffundit, et orbem
Occupat immensum, radiisque micantibus implet.
5. Te, Chorus illustis Procerum, quos omnibus oris;
Omnibus et populis, bifidis nova fœdera linguis
Pandere jussisti; divinis inclyta Vatum
Agmina Te celebrant titulis; exercitus ingens
Te canit Heroum, pro Te qui sanguine fuso
Clara triumphalis meruerunt præmia palmæ.
6. Sancta Cohors, totum latè diffusa per orbem,
Te Patrem agnoscit, Majestatemque supremam,
Tempore quæ nullo, nullisque coercita metis,
Telluris cœlique plagas supereminet omnes.
7. Illa simul Christum, Te natum Patre, fatetur;
Qui, soboles cùm vera Dei sit et unica Proles,
Nec Genitore minor, toti venerabilis orbi est.

ANNOTATIONES.

3. *Agminis aligeri*] Vide Not. in Psal. xxxiv. 7.

Ingeminant] Hoc verbum eadem significatione sumitur a Virgilio:

—*Mæstusque Creusam*

Nequicquam ingeminans, iterumque iterumque vocavi,
Æn. ii. 769.

4. *Occupat orbem*] *Occupare* inter alia significat *complere*: quo modo accipitur apud Ciceronem de Clar. Orat. 89. *Volo hoc oratori contingat, ut quum auditum sit eum esse dicturum, locus sub-*

selliis occupetur, compleatur tribunal, etc.

5. *Cchorus*] Vide Not. in Ps. xviii. 10. *Cchori*.

Triumphalis palmæ] Consule Not. in Psal. lxxii. 3. *Palmæ*.

6. *Cobors*] Vide Not. in Ps. xxxiii. 1. *Sancta cobors*.

Metis] De hac voce consule Not. in Psal. xlv. 15. *Nec modus est vel meta malis*.

7. *Christum*] De hac voce consule Not. in Psal. lxxxiv.

9. *Christum*.

8. Hunc quoque, quem pariter spirant Natusque, Pa-
terque,
Esse Deum credit, sacris præcordia flammis
Qui ciet, et dubiis affert solatia rebus.
9. Christe! manu qui sceptrâ tenes, et luce coruscâ
Cingeris, æterno Proles æquæva Parenti!
10. Tu, Deus! ora viri, pro libertate tuorum,
Sumpturus, famulæ subiisti viscera matris;
Non dedignatus luteâ Te claudere testâ:
11. Lurida Tu Lethi fregisti spicula; cœli
Tu quoque fecisti patulas Credentibus arces:
12. Tu Patris ad dextram, magni Genitoris amictus
Luce, sedes; Judex hinc et venturus in orbem
Crederis, aligeris cœli stipatus alumnis.
13. Ergò tuis fer opem famulis, è carcere sanguis
Quos tuus exemit, puro pretiosior auro.
14. Æternâ da luce frui, cœlique beatis
Civibus adscribi, vitæ qui puriter actæ
Præmia ceperunt: Populum Tibi fœdere junctum
Assere, Cœlicolûm Rex! et felicibus auris
Floreat æternûm Gens quæ tibi dicitur Hæres:
Hanc tua securam duc per vestigia; dumque
Tecta manent Superûm, titulis et honoribus auge.

ANNOTATIONES.

8. *Natusque paterque*] Hic copula quæ geminatur et redundat per Figuram quæ dicitur *Poly-syndeton*.

10. *Ora*] Per *Synecdochen* ponitur pro *vultus*, ut Psal. vii.

7. *Ora*.

Subiisti] Per *Synecopen* dicitur pro *subiivisti*.

11. *Lurida lethi spicula*] Hoc epitheton *Lurida* optime convenit morti: *luridus* enim est supra modum pallidus, qualis est color membrorum, quæ vel loris cæsa sunt, vel gelu mortua.

Lethi] Vide Not. in Psal. vi.

3. *Lethum pulsurus*.

14. *Cœlicolûm*] Per *Synecopen* dicitur pro *Cœlicolarum*.

Felicibus auris] Id est vitam ducat prosperam et beatam. Ut apud Horatium:

Non arimur tumidis velis aquilone secundo,

Non tamen adversis ætatem ducimus austris, 2 Ep. ii. 201.

Vide etiam Notam in Psal. i.

3. *Felicibus auris*.

Superûm] Per *Synecopen* dicitur pro *superorum*.

Titulis] Consule Not. in Psal. xviii. 49. *Tuos titulos*.

15. *Nostra*

SYMBOLUM APOSTOLICUM. 309

15. Nostra Cohors jugi Te tollit carmine; sacris
Neve modis numerum, nec tempora ponimus hymnis.
16. Dexter ades, Custosque gregis! da ducere lætis,
Quâ fruimur, sine labe diem: miserere Tuorum.
17. Spem gregis electi bonitas tua passibus æquis
Stipet: humum linquens, spes Te mea respicit unum.
18. Dum rota Solis erit, dum Luna perambulat orbem,
Non ego, Te Domino, non Te confundar amico.

ANNOTATIONES.

15. *Cohors*] Vide Not. in
Psal. xxxiii. 1. *Sancta cohors.*

Neve modis, etc.] Huic si-
milem habes locum apud Virgi-
lium:

*His ego nec metas rerum, nec
tempora pono, Æn. i. 282.*

16. *Dexter*] De hac voce vi-
de Not. in Psal. xvi. 4. *Nomina
læva.*

Da ducere] Vide Not. in Pf-
cxv. 7. *Nec palpare manu da-
tur.*

18. *Rota solis*] Rota hîc po-
nitur per *Synecdochen* pro curru,
ut apud Virgilium:

*Atque illis jam sæpe rotæ du-
cantur inanes*

Per terram, Georg. iii. 170

VII.

SYMBOLUM APOSTOLICUM.

FIDO Deo Patri, rerum cui summa potestas;
Qui terram è nihilo finxit, et astra poli.

2. Fido Dei Nato, populum qui servat; olivæ
Tempora cui sacro rore peruncta nitent;

Unica

ANNOTATIONES.

Fieri nequit quin intelligens
Lector observaverit, auctorem
nostrum ubique in hoc opere quàm
proximè adhærere suo archety-
po: hîc verò loci, ubi compendium
Christianæ fidei exhibendum
fuit, sollicitam adhibuisse videtur
diligentiam, ne quid in argu-
mento tam pleno periculi vel
hinc adderet vel inde omitteret.

1. *Astra poli*] *Polus* est quâsi
cæli cardo, quo cælum vertitur:
α πάλω, verto: *polus* verò in-

terdum, ut hîc, pro cælo ipso
ponitur per *Synecdochen*: ut,

*Humentemque Aurora polo di-
moverat umbram, Æn. iii. 589.*

2. *Fido Dei Nato*] Alii le-
gunt *Deo*.

Olivæ — peruncta] Mos
erat antiquitus non minus res
quam personas oleo imbuere;
unde legimus Jacobum oleo per-
fudisse saxum, super quo dormi-
verat, memorabili illa nocte,
qua Deum per somnum viderat,
Gen.

310 SYMBOLUM APOSTOLICUM.

Unica qui Patris est Proles ; Quem poplite flexo,
Pectore devoto Quem veneramur Herum ;

3. Quem, gravis arcanâ divini flaminis aurâ,
Enixa est socii nescia Virgo tori ;

4. Judice sub Latio Qui passus in arbore vitam
Exiit ; et, tractus de cruce, mersus humo est :

5. Tartara mox subiit ; lux tertia reddidit orbi ;
Morte triumphatâ, carpsit in astra viam :

Affidet Hic dextræ magni Patris : inde redibit,
Judicet ut vivos, quosque recondit humus.

6. Fido Deo, cum Prole Pater quem spirat : Ubique
Esse pios credo, quos regit una Fides ;

Et fore delictis Veniam, Redivivaque credo
Corpora, Perpetuis perfruitura Bonis.

ANNOTATIONES.

Gen. xxviii. 18. Sed præcipuè invaluit consuetudo reges oleo consecrandi ; unde Samuel, ex ipsius Dei mandato, Davidem inunxit oleo, in symbolum inaugurationis, 1 *Sam. xvi. 13.* Qui mos ad alias gentes serpsit, et in hunc usque diem perdurat.

Olivæ — [*sacro rore*] Est *Periphrasis*, pro oleo : *sacro rore* dixit quia *oleum* in Sacerdotibus, Prophetis, et Regibus consecrandis adhibebatur.

4. *Judice sub Latio*] *Latius* vel *Latinus* a *Latio*, *Latii* verò nomen antiquissimum fuit *Italiæ*, ab latente ibi Saturno ; ut vult *Virgilius* :

*Is genus indocile, et dispersum
montibus altis*

*Composuit, legesque dedit,
Latiumque vocari*

*Maluit : his quoniam latuisset
tutus in opis,*

Æn. viii. 321.

Latio Judice per *Periphrasin* pro *Pontio Pilato* hic adhibetur.

5. *Tartara*] *Tartarus* et in plurali numero *Tartara*, ἀρὸ τῆς τάρταρος, id est, turbare. Est locus inferorum profundus, de quo sic *Virgilius* :

— *Tum Tartarus ipse*

*Bis patet in præceps tantum,
tenditque sub umbras,*

*Quantus ad æthereum cæli
suspectus Olympum,*

Æn. vi. 577.

Subiit] Per *Syncopen* dicitur pro *subiit*.

Carpsit in astra viam] Vide *Not. in versiculum primum, Astra poli.*

Quosque recondit humus] Est elegans *Periphrasis* pro *mortuis*.

6. *Cum prole Pater quem spirat*] Est etiam *Periphrasis* pro *Spiritu Sancto*.

VIII.

ORATIO DOMINICA.

MAGNE Pater! cœli qui cingis et incolis arces;
Te Sanctum geminus prædicet orbis apex.

2. Sceptra manu gestans, solium conscende; tuisque Pareat imperiis æmula terra poli.
3. Da bona, quæ recreent hodie; dextrâque benignâ, Alme Parens! omni suffice luce dapes.
4. Da veniam nobis, aliis quos parcere cernis;
Nec tenta nimium, sed mala pelle Bonus.

ANNOTATIONES.

Hic observare licet auctorem nostrum copiosorem esse, ac paraphrasticâ, præter solitum, ut licentiâ, quippe necessarium duxit plenius ac explicite proponere nostræ juventuti, quæ a teneris annis oscitanter ac perfunctoriè repetenda hauserant.

1. *Cœli qui cingis et incolis arces*] Præclara hæc sententia Lectoris animo suggerit ideam circuli et centri; circuli quidem, cujus circumferentia mundum universum intra se complectitur; centri verò, quod ubique existit. Ecquid apud Homerum vel Virgilium pari sublimitate supremi Numinis naturam exhibet?

Geminus orbis apex] *Apex* propriè virga lanata in summo flaminis pileo. Inde de cujuscunque rei vertice vel summitate dicitur: ut de vertice vel cacumine montis, Psal. lxxviii. 15. et lxxii. 16. Et hîc de vertice vel polo mundi.

2. *Poli*] Vide supra Symbol. Apost. 1. *Astra poli*

3. *Alme*] Hoc Epithetum optime convenit rerum Parenti benigno, quo referante manum cuncta saturantur bonis; nam *almus* derivatur ab *alo*: inde tribuitur (1) *Agro*:

— *Parturit almus ager,*

Geor. ii. 330.

(2) *Cereri et terræ, cæterisque unde cibus homini et pecori suppetit*:

— *Vos ô clarissima mundi Lumina, labentem cælo quæ ducitis annum,*

Liber et alma Ceres, —

Georg. i. 7.

Vide *Æn.* vii. 644.

4. *Bonus*] Est adjectivum per *Enallagen* adverbialiter sumptum: cujuscumque multa passim occurrunt exempla apud omnes ferè autores. Ita Virgilius:

Nec minus Æneas se matutinus agebat, *Æn.* viii. 465.

Ubi *matutinus* dixit pro *mane*. Item, Juvenalis:

— *Rarus venit in carnacula miles,* Sat. x. 18. pro *raro*.

5. Te penes Imperium est, nullisque Potentia metis,
Temporis et nullo limite clausus honos.

ANNOTATIONES.

5. *Metis*] *Meta* propriè est extremitas, terminus, sive in agris, sive in circo; vulgo e lapidibus oblongis, in acumen ac pyramidem erectis: dicta *meta* a *metiendo*, vel quia esset posita in dimenso spatio; vel quia eam

metiantur quadrigæ circumcurrentes. Inde, per *Translationem*, pro termino quocunque ac fine, ut apud Virgilium:

His ego nec metas rerum, nec tempora pono, Æn. i. 282.

IX.

DECALOGUS.

ME solum Venerare Deum; nec Sculpe quod oras:
Impia nec Vox sit: Luce quiesce Sacra:
Majores reverenter habe; nec sanguine dextram
Infice; nec Sancti pollue jura Tori.
Pura Manus furti: sit falsi nescia Lingua:
Nullius optetur Verna, Marita, Pecus.

ANNOTATIONES.

Etiã autor noster per univ-
ersum hoc opus sit perspicuâ bre-
vitate admodum insignis, hic
tamen seipsum quasi superasse
videtur. Nec satis mirandum
quâ arte, quove ingenii acumine,
summam Decalogi in tribus his-
ce distichis complecti potuit.

Luce quiesce sacra] *Lux* po-
nitur hic per *Metonymiam*, pro
dies, ut sæpius occurrit apud op-
timos autores; exemplo sit Vir-
gilius:

*Si mihi non hæc lux toto jam
longior anno est,*

Ecl. vii. 43.

Dextram] More poetico dici-

tur, per *Syncopen*, pro *dexteram*,
quo modo Virgilius dixit *dextra*
pro *dextera*.

*Ipse Pater, mediâ nimborum in
nocte, corusca*

Fulmina molitur dextrâ,

Georg. i. 329.

Sancti—*Tori*] *Torus* connu-
bialis *sanctus* dicitur, quia ma-
trimonium a Deo institutum
fuit.

Verna] *Verna* propriè est ser-
vûs domi nostræ natus ex ancil-
lâ nostrâ aut servo. *Vernas* an-
tiqui appellabant, qui *vere* fue-
rant nati.



F I N I S.

